

**TOTIUS PHILOSOPHIAE
PRINCIPIA, PER
QUAESTIONES DE ENTE
COMMUNI, EX
PRAELECTIONIBUS P...**

Johannes Morawski



Ex Bibliotheca
majori Coll. Rom.
Societ. Jesu


14-16. c. 5

48:6.41.

48
6.
43.

48
B
37

45
E



TOTIVS PHILOSOPHIÆ
PRINCIPIA,
 PER QVÆSTIONES
 DE ENTE IN COMMVNI,
 Ex Prælectionibus

P. JOANNIS MORAWSKI
 SOCIETATIS IESV
 explicata.


Bibl. Levet.

Vol. Rom.

Catal. Inscript.



Ex Libris Authoris



POSNANIÆ,

Typis Heredum ALBERTI REGVLI, A. D. 1666.

Imprimebat Albertus Młoduiewicz.

Superiorum permissu.



PERILLVSTRI AC MAGNIFICO DOMINO,

D. L V C Æ

DE GORAY

GORAYSKI,

SVBDAPIFERO POSNANIENSI,

DOMINO ac Mæcenati Amplissimo,

IOANNES MORAWSKI Felicitatem.

BONIS Anibus, bonis Sideribus, quia utroq; à Te
felix auspicio, prodit in lucem Philosophica mea lu-
cubratio, PERILLVSTRIS & MAGNIFICE DO-
MINE. Solem secunda aspicias, illustri vel Sideris Tui, vel
Alitis argumento. Feret Publici meridiem Philosophica
contemplatio, quam Tuæ palpebra non despexit Aquila: ex-
tra tenebras etiam vivere non dubitabit, lucem à Tuo Si-
dere mutuata. Ea verò est Alitis Tui dignitas, ut quem-
admodum ei Polona gloria, sic etiam Philosophica sapientia
sternat nidum: immo potius ad hunc ceu ad tutissimum
recurrat propugnaculum. Nec enim per communis vul-

nera gloriæ, truncam Capite, Tuam hanc, meam nunc etiam Aquilam, oppugnet, nisi qui ad coronarium hoc cacutit Astrum. Tot hic Tui sanguinis, immo totius etiam Reipub: Polonæ Capita, dum magnorum ad amulationem Capium, de potiori decertant: toti retrò posteritati, eximium ambitus honorarij theatrum aperuere. Et sanè nisi sidera ad tanta sedis benè oculata inuidiam, vicariam occupassent Capitis maiestatem: aut nulla pretia coronandæ Tuæ Aquila terra reperisset, aut nisi de Te, Tuisq̃, quibus fatale est, nihil calo minus, totum manus terris, in Patriæ commoda, eâ deducere providentiâ, quam nullum quantumvis vastum Caput, suâ in bonum commune circumductâ completatur periodo. Quid hic Illustrissimum Patrum Tuum Senatoriâ ex Curuli? quid Perillustrem Germanum è curiali Regni deducam Capitolio? Nihil extra Te, vel è proxima vicinia, splendidius pro Te commodare necesse habeo: cum Tuam Tu gloriam, seu foris bellicis expeditionibus, seu domi Legationibus ad legum Regumq̃ Capita gloriosè suscepis, feceris illustrissimam. Sciet ergo Polonus orbis, etiam Aquilas vel capite imminutas, diadematis, nec aurei illius vel laurei, (vtriusq̃ enim pretium terrarum conditio extenuat) sed vel celestis locum habere capacem. Quamquam Tu hæc Aquila, locum in orbe magnitudini suæ parrem non inuenisset, nisi suo minor capite, augustam maiestatem in orbis angustias immisisset. Immo vel sic tanta est, ut in adnotam proximè ceruicem calum descendere cogeris,

gerit, vel idē coronandam, quā Atlantico robori parem.
Ambiant ergo frustra Lunæ Concauum Idea Platonis: mea
Philosophica Principia, ea saltem nomine Astris vicina,
censebuntur, quod non adtenuēs Lunas, sed supra Cleanthe-
as omnes illustriorem Tui ad sideris lucernam sint lucu-
brata. Itaq; noniam fulminum fercula, sed Laurum,
hæc Aquila, Sapientia feret. Huius verò Sideris, ceu me-
horis Cynusuræ securus prouidentia, nullius Euripi timebit
naufragia meus Aristoteles: quin potius, quod deinceps
extra Opacam viuet porticum, benefico ac liberali eius-
dem Sideris influxui debebit.

Lectori Beneuolo.

QUÆ in meo Cursu Philosophico secutus sum Principia, eadem Tibi doctorum grauiumq; hortatu viutorum, propono. Lector Beneuole: fateor quia pressius, sed Principia sunt id est sensuina veritatum, mole parua, & fontes qui suis gaudent angustijs. Liceat sapientiæ Heroibus ingens Philosophiæ pelagus magnis nauigare classibus; nos propè ipsos hæremus fontes, &

Exigua vehimur phasello.

Quaquam & hic spatium discurrendi ingenijs panditur æquor, quod tota clauditur Entis in communi circumferentia. Verum quia hoc Chaos quoddam est, umbrâ suâ confusum, amplitudine ad non entium vsq; chimerarumq; confinia protensum, facem hic aliquam volui Philosophiæ candidatis præferre. Itaq; Principij ego Philosophici nullius principium, nullius sententiæ author esse volo. Illa tantum illustrare ac stabilire conabor, quæ in multis nostræ Societatis Vniuersitatibus, hæc ætate iam satis frequenter recepta sunt, grauiumq; Doctorum, ac perumq; D. Thomæ autoritate firmata. Porro non tam in alienis sententijs impugnandis, quam in meis declarandis laborabo. *Sufficiat mihi probare mea.* Noui etiam vnumquemq; in suo sensu abundare. Quodsi alicubi ab illustribus Authoribus (quos semper vt tales veneror) discedere cogor, alios non minus probatos secutus; illud me, vt spero, proteget D. Augustini effatum: *Solus scripturarum liber qui canonici appellantur* (addo his ego communè S. S. P. P. sensum) *eum timorem honoremq; deferendum, vt quod in illis continetur, idè verum putetur, quia eorum Authores senserunt.* Illud etiam hic potissimum ago, vt quid sit in re aliquid, non quibus conceptibus nostris, aut vocibus exprimendum sit, disputem. Cæterum quò minus Tibi fastidij afferam Amice Lector, breuis esse laboro, quantum licuit, citra claritatis, quam vnice, tantâ etiam styli simplicitate quaero, præiudicium. Nec fatigare Tuam in legendo volo memoriam; vnde cuiuslibet ferè paragraphi compendium in margine habes, quò citius innotescat, quibus de rebus, & quo ordine, in qualibet agatur Quæstione. Deus Opt: Max: vtriq; nostrum, Finis vltimi, virtutem Principiorum omnium dignitatemq; complectentis, quam omnes appetimus, felicem donec possessionem,

FACVL-

Hicron:

Aug. Ep.
10.

FACULTAS R. P. PROVINCIALIS.
P E T R V S P A P I E S K I
Prouinciæ Polonæ Soc: IESV Prouincialis.

Cum Tractatum, qui inscribitur Totius Philosophiæ Principia per Quaestiones de Ente in communi explicata, à P. Ieanne Morawski nostræ Societatis Sacerdote compositum, aliquot eiusdem Societatis Theologi recognouerint, & in lucem edi posse probauerint; potestate nobis factâ ab A. R. P. M. IOANNE PAVLO OLIVA præfate Societatis Generali Præposito, facultatem concedimus, ut typis mandetur, si q̃s ad quos pertinet ita videbitur. Cuius rei gratiâ has literas manu nostrâ firmatas, sigilloq̃ munitas dedimus. Posnania 17 Aprilis 1666.

PETRVS PAPIESKI.

F A C U L T A S

Perillustris & Reuerendissimi Vicarij in Spiritualibus Generalis Episcopatus Posnaniensis.

Imprimatur supra memoratus Liber, cui Titulus Totius Philosophiæ Principia &c. Posnania 6 Maij 1666.

ALBERTVS DOBRZELEWSKI

V. I. D. Archid. Vicarius in Spiritualibus &
Officialis Posnaniensis Generalis.

APPROBATIO P.P. REVISORVM.

Tractatus inscribens, Principia totius Philosophiæ &c. Authore P. Ieanne Morawski, nobis dignus luce videtur. In Collegio Romano 2. Decembris. 1665.

REVISORES LIBRORVM GENERALES
SOC: IESV.

Index Questionum & rerum notabiliorum.

Disp. I. de Ente reali & rationis. Qu. 1. Quid sit Ens reale? Vbi de regula definiendi Terminos per se notos & universalissimos.

Qu. 2. Quid sit Ens rationis? à qua potentia, & per quem actum fiat, aut cognoscatur? Vbi an omne cognoscibile sit ens reale?

Qu. 3. Quid sit Possibilitas non existentium, etiam peccati? quid purè Possibile? quid Impossibile? quid Futurum? Vbi de distinctione essentie ab existentia in creatis, de Verificatio item propositionum aeterna veritatis, & an omne simpliciter necessarium ex suo conceptu sit purum bonum?

Disp. II. de Non ente. Qu. 1. An dentur nemine cogitante Negationes?

Qu. 2. An Negationes in communi, distinguantur ab omni ente reali positivo?

Qu. 3. Cum quo ente positivo identificentur à parte rei Negationes aeternae?

Qu. 4. Quid sint in re Negationes temporales, & Privationes intrinsecae subiectis, & nominatim Negatio rectitudinis in peccato? Vbi de Causa Peccati.

Disp. III. de Attributis Entis. Qu. 1. de Vno. Vbi de Distinctione simpliciter reali, Formali ex natura rei, Virtuali intrinseca & extrinseca. Item de Distinctione reali in tertio, de Distinctione rationis, de Praecisionibus.

Qu. 2. de Vnitae Vniuersali. Quid sit? An Vniuersale solum fiat ab intellectu humano & per qualem Praecisionem? & per qualem actum intellectus?

Qu. 3. de Differentia specifica. Quid sit? An possit consistere in praedicato negativo? an componi ex duplici genere disparato, praesertim ex Relatiuo & Absoluto? & de inaequalitate Specierum in perfectione.

Qu. 4. de Distinctione reali modali. Quid sit? & Vbi detur? Vbi de Vnione, Actione, Passione, Vocatione, Duratione, Subsistentia, & Terminis Continui.

Qu. 5. de Vero & Bono traduntur plura Principia, & comparantur inter se Verū & Bonum.

Disp. IV. de Causis. Qu. 1. de Connexione Cause cum effectu possibili.

Qu. 2. de Constitutione intrinseca, Quid sit? Vbi de Relatione praedicamentali identificantia cum fundamento & termino. Item de Recto & Obliquo in qualibet denominatione.

Qu. 3. de Causis in particulari, earumque Causalitatibus, quid sint in re?

Qu. 4. de duplici Actione totali. Vbi de suiipsius Reproductione, de mutua causalitate, de duplici fine totali in actu secundo.

Disp. V. Diuisione entis. Qu. 1. Quid sit ens Substantiale & Accidentale? & de quibusdam quae ex his definitionibus inferuntur.

Qu. 2. Quid sit Ens Immateriale & Materiale. Vbi an omne Immateriale sit intellectuum?

QVÆSTIONES

De Ente in communi.

ORDO QVÆSTIONVM.

SICVT dicit D. Thomas qu. de verit. art. 1: *Ente est id in quod omnes conceptiones intellectus resolvuntur.* Hinc est quòd omnes propositiones veræ, quæ fiunt de Ente in communi, sunt prima Principia, in quæ omnes aliæ veritates resolvuntur. Vt ergo Principia totius Philosophiæ explicentur, considerandum est scientificè Ens in communi. Quia verò ut docetur 1. met. tex. 48. *Omnis disciplina est per demonstrationem, aut per definitionem,* in qua includitur divisio utpote parum differens à definitione; ideò in consideratione scientifica Entis, oportet ut triplici isto modo sciendi. Rursus quia ad definitionem rei, spectat etiam cognitio oppositorum; ad divisionem verò spectat cognitio differentiarum immediatè diuidentium rationem communem; & tandem quia ad demonstrationem spectat cognitio causarum & proprietatum, quatenus demonstratio à priori, est per causam, demonstratio autem à posteriori, est plerumq; per proprietatem; ideò explicandum est primò quid sit Ens reale, quid Ens rationis, quid Possibile, quid Impossibile. 2do. agendum est de opposito Enti, scilicet de non ente, seu de negationibus, tam æternis quàm temporalibus. 3no. de proprietatibus seu attributis Entis, & potissimum de Vnitate tum singulari, tum vniuersali, necnon de generibus Distinctionis oppositæ vnitati, ac de Differentia specifica. 4to. de Causis entium tum extrinsecis, tum intrinsecis, in communi. Tandem facienda est divisio Entis ut sic, & explicandæ differentiæ ipsius immediatè diuisiuæ, quæ potissimum spectant ad considerationem philosophicam, nempe Peritas & Inalietas, Spiritualitas & Materialitas. Hæc porro omnia ita tractabimus, ut ubiq; ex occasione aperiamus fontes, è quibus veritates per totam Philosophiam deriuantur.

2. DISPUTATIO J.

De notionibus Entis realis & rationis.

EXPLICABITVR 1. quid sit Ens reale. 2. quid sit Ens rationis. Quia verò Ens reale vel est purè possibile, vel futurum, vel existens, iam vero Ens rationis est impossibile; ideo explicabitur 3. quid sint Essentiae rerum creaturarum ab æterno, seu quid sit Ens purè possibile, & consequenter quid sit Impossibile, quid Futurum, quid Existens.

QVÆSTIO I.

Utrum Ens reale conuenienter explicetur per hoc, quod sit obiectum motivum potentiae intentionalis?

Videretur quod non 1. quia absolutum, cum sit prius relativo, non benè explicatur relatiuè: sed Ens reale ut sic est quid absolutum, utpote commune etiam Deo, qui est ens maximè absolutum: Ergo Ens reale ut sic malè explicatur relatè ad potentiam intentionalem.

2. Nihil potest explicari relatè ad id, in quo formaliter includitur: cum quodlibet distinguatur à suo connotatò. Atqui Ens includitur formaliter in potentia intentionali & in actu ipsius; siquidem transcendit formaliter differentias suorum inferiorum, ut infra dicitur. Ergo ens non potest explicari relatè ad potentiam intentionalem, actumq; ipsius.

3. Ipse rursus potentia intentionalis ut sic, & actus ipsius, explicari debent per ordinem ad Ens reale tanquam ad suum obiectum, à quo specificantur. Ergo sine circulo vitioso nequit explicari Ens reale per ordinem ad potentiam intentionalem actum.

4. Quia color ut sic, explicatur per ordinem ad actum ut sic potentiae visuæ, dicendo, color est obiectum visus; ideo talis color, v. g. album, debet explicari per ordinem ad talem actum potentiae visuæ, dicendo, album est segregativum visus. Ergo similiter, si Ens reale ut sic, explicatur per ordinem ad actum ut sic potentiae intentionalis, etiam tale ens, v. g. Leo, deberet explicari per ordinem ad talem actum potentiae intentionalis, dicendo, Leo est id quod tali modo attingitur à potentia intentionali. Sequela autem est inconueniens: Ergo & id ex quo deducitur.

§ I. Respon-

S I. Responderetur. Sicut dantur quædam propositiones primæ, per se notæ, & vniuersalissimæ, ac proinde indemonstrabiles per alias priores ac notiores, ne intellectus procedat interminabiliter in discursu: ita dantur termini primi, per se noti, & vniuersalissimi, ac proinde indefinibiles à priori per alios terminos clariores, ne intellectus procedat interminabiliter in definitionibus. Talis terminus est *Ens reale*, quod iuxta D. Thomam quæ de verit. art. 1. est *id quod primò concipit intellectus tanquam notissimum, & in quod omnes conceptiones resolvuntur.* seu vt loquitur idem 1. p. q. 5. a. 1. *est id quod primò cadit in conceptione intellectus.* Ratio huius in nostris principiis est clara; quia vt infra patebit, solum Ens reale est obiectum intellectus. Si verò dicatur etiam concipi à nobis Non ens, vt distinctum ab omni ente reali; adhuc tunc concipitur indirectè ens reale, cui opponitur non ens, siquidem tunc, Non ens concipitur relatè ad Ens oppositū quod excludit & negat. Rursus quamuis intellectus concepiat Hircoceruum secundum duas naturas invicem sui destructiuas, vnamquamq; tamen earum concipit tanquam sui ipsius non destructiuam, sed potius vt habentem aliqua prædicata sui constitutiva, quod est esse formaliter Ens. Ergo in omni conceptu intellectus attingitur Ens. Immo illud ipsum Non esse abusivum, ipsumq; Esse implicatorium, si concipit intellectus, concipit adinstar Entis realis, & per species ipsius: siquidem Non ens & Chimera, sicut nullum habent esse, ita nec species, quæ tamen requiruntur ad cognitionem Non entis & Chimæræ, vtpote non valentium seipsis mouere intellectum ad cognitionem sui. Est ergo Ens reale vt sic, primum, notissimum ac vniuersalissimum prædicatum, vtpote in omni conceptu occurrens intellectui cognoscendum; atq; eò aliquid est notius & vniuersalius, quò sæpius occurrit intellectui cognoscendum vt patet inductione.

Ens est terminus notissim⁹

S II. Porro regula est vniuersalis, vt prædicata prima & per se nota, describantur à nobis solum à posteriori in ordine ad actum experimentalem alicuius potentie intentionalis; & si sint vniuersalissima, in ordine ad actum potentie vniuersalissimæ. Patet hoc inductione: nam sic, Album, quia est quid per se notum, non tamen vniuersalissimum, explicatur per ordinem ad actum experimentalem potentie visus non vniuersalissimæ, dicendo: *Album est disgregativum visus.* & similiter sonus, per ordinem ad actum potentie audiuiæ. At Verum & Bonum, quia sunt termini per se noti vniuersalissimi, communiter ex Philosopho explicantur per ordinem ad experimentales actus potentiarum vniuersalissimarum, nempe intellectuiæ

Termini per se noti quomodo explicantur di?

& volituz dicendo : *Verum est cognoscibile : Bonum est appetibile*, vt infra dicetur d: 3. q. 5. Ratio verò vltior huius est; quia cum actus experimentalis, seipso, idedq; maximè nobis innotescat; non potest à nobis meliùs explicari terminus per se notus, quàm ostendendo proportionem in ratione objecti, & consonantiam talis termini cum tali actu potentiz intentionalis, præsertim cum huiusmodi termini, vtpote sufficienter per se noti, explicatio, non intendatur ad manifestandam rem ignotam.

Quomodo
expli-
candum
ens reale?

§ III. Hinc jam habetur, Ens reale debere à nobis explicari solum à posteriori per ordinem ad actum experimentalem potentiz intentionalis vniuersalisimæ. Qua de causa non videtur esse satis exacta illa vulgaris definitio entis : *Ens est id quod opponitur non enti & enti ficto seu chimæ*; nec illa altera : *Ens est id quod est aptum existere*. Et præterea contra priorem definitionem facit, quòd in illa exprimitur in obliquo ipsum ens sub conceptu entis; verat autem Logica definitum sub conceptu definiti ingredi definitionem, puta definire hominem per hoc, quod sit id quod est oppositum non homini & homini ficto.

Contra secundam verò definitionem illud etiam facit, quòd *Existere*, cum sit realiter identificatum cum ente, vel est identificatū vt quid inferius, vel vt quid superius, vel vt conuertibile respectu entis quatenus communis ad purè possibile & existens. Cum ergo definitur Ens per hoc quod sit aptum existere, vel definitur ratio superior per hoc quod sit apta esse sua species, ac si quis dicat : *Animal est id quod est aptum esse homo*; vel è conuersò definitur ratio inferior per hoc quod sit apta esse suum genus; vel demùm definitur vnum ex prædicatis conuertibilibus per hoc, quod sit aptum esse suum conuertibile, ac si quis dicat : *Homo est id quod est aptum esse visibile*; & tamen omnes huiusmodi definitiones non sunt exactæ. Indiget ergo maiori luce vtraq; definitio entis prædicta.

Melius & conformiter ad regulam nuper datam, quidam Recentior ita explicat ens reale : *Est obiectum primum motivum apprehensionis intellectualis*. Alij vero quos suppresso nomine impugnat Cardinalis Sfortia Pallaucin⁹ lib. 1. Assert. Theol. c. 17. dicunt, ens reale esse id. *quod est prudenter practice amabile*. Verùm neutra etiam harum definitio satisfacit: quia ens reale quà tale, est prius & indifferens vt concipiatur à nobis relatè ad hanc vel illam determinatè potentiam intentionalem, & quatenus concipitur ad intellectum, dicitur Verum; quatenus ad voluntatem, dicitur Bonum.

§ IV. Dicendum potius cum P. Anton. Perez Tr. 1. de Deo c. 2. num: 17.

num: 17. Ens reale vt sic conuenienter sic describi à posteriori: Est *objectum motiui potentie intentionalis*. Ratio: quia ex vna parte hæc descriptio traditur iuxta regulam supra datam: ex altera parte, omni, soli, & necessario conuenit enti reali. Omni, quia nullum est ens reale, quod per se vel per speciem sui nequeat mouere ad cognitionem sui saltem intellectum, qui est potentia in cognoscendo illimitata. Soli: quia mouere potentiam intentionalem pertinet ad genus causalitatis, quæ soli enti reali conuenire potest; vnde chumeræ & non entia (si dantur distincta ab omni ente reali) ad summum possunt esse obiectum potentie intentionalis purè terminatiuum. Quapropter sicut inter obiecta, quæ sensu percipiuntur, illa omnia & sola vocantur entia, quæ ad cognitionem sui mouent sensum aliquem; quæ verò non mouent, vt silentium, tenebræ &c, non vocantur entia realia: ita etiam inter obiecta quæ attinguntur per aliquam potentiam intentionalem, illa omnia & sola dici debent entia realia, quæ mouent aliquam potentiam intentionalem; sicut enim se habet sensibile ad sensum, ita attingibile à potentia intentionali ad potentiam intentionalem.

§ V. Ex his vero inferitur Ens differre formaliter adæquatè ex parte actus nostri cognoscentis à suis Attributis, Vno, Vero, Bono, quorum vipote suarum proprietatum est radix ratione nostrâ: licet è conuerso ipsa Attributa ab ente differant solùm formaliter inadæquatè: quod sufficit & requiritur ad radicem primam & Vniuersalissimam, ac proinde analogam & transcendentem formaliter suas proprietates.

Ratio huius illationis est; quia conceptus noster de Ente, refert suum obiectum ad potentiam intentionalem ut sic, ut dictum est; conceptus autem de Vno, refert idem obiectum, in ordine ad potentiam non diuidentem illud in plura, seu incipientem numerare; conceptus de Vero, refert idem obiectum in ordine ad intellectum conformem obiecto; ac demum conceptus de Bono, in ordine ad voluntatem appetentem; vt constat ex traditis à Philosopho definitionibus Vnius, Veri, Boni. Porro primus conceptus est magis confusus, minusq; determinatus, ac proinde est prior, quàm tres reliqui, nec hi tres includuntur clarè & expressè in primo conceptu, sed potiùs primus includitur expressè in tribus reliquis; quamuis hi superaddant maiorem claritatem & expressiorem supra primum conceptum: eo modo, quo ipsa potentia intentionalis vt sic (quæ est connotatum conceptus primi de ente) est quid magis confusum minusq; determinatum ac prius, quàm potentia diuisiua, intellectiua,

Comparatio attributorum entis inter se & cum ente

& volitiua (quæ sunt connotata trium reliquorum conceptuum de Vno, Vero, Bono) nec hæ tres potentie includuntur expresse in potentia intentionali ut sic, sed potius potentia intentionalis includitur expresse in illis tribus potentijs, quamvis superaddentibus aliquid ratione nostrâ, supra potentiam intentionalem ut sic. Sicut ergo potentia intentionalis ut sic, differt formaliter adæquatè à potentia diuina, intellectiua, & volitiua, tanquam non includens ipsas formaliter: tres vero istæ potentie differunt solum formaliter inadæquatè à potentia intentionali ut sic, vt pote ipsam formaliter includentes, & aliquid plus: ita dicendum de ipso conceptu Entis comparato cum conceptu Vnius, Veri, Boni. Nempe conceptus nostri de eodem obiecto quoad suam differentiam, prioritatem, posterioritatem & vniuersalitatem, sequuntur conditionem suorum connotatorum, in ordine ad quæ exprimunt suum obiectum directum, de quo infra. Atq; hinc etiam est, quod quia prior est potentia incipiens numerare, seu non diuidens, quàm intellectus conformiter cognoscens, & hic rursus prior est quàm voluntas appetens, ideò prior etiam est conceptus Vnius, quàm Veri & hic rursus prior est quàm conceptus Boni: Ex his ergo manet explicata notio Entis realis, eiusdemq; comparatio cum suis attributis necnon attributorum inter se, quæ tamen comparatio magis explicabitur Disp. 3. q. 5.

Quando
absolutum
explicatur
relatiuè

Ad 1. Duplici de causa Absolutum explicatur à nobis, ex imperfecto modo nostro concipiendi, relatiuè, & prius per posterius. Primò, quia propter suam maximam & à sensibus remotam, aut etiam propter minimam cognoscibilitatem, cognoscitur à nobis imperfectè; & sic Deus, qui est maximè cognoscibilis, & maximè remotus à sensu, explicatur à nobis per ordinem ad creaturas; & materia prima, quæ est propè nihil, minimumq; habet vt entitatis, ita & cognoscibilitatis, explicatur à Philosopho per ordinem ad formas. Cuius ratio est; quia sicut in visibilibus obiectum in se magnum, sed à visu remotum, vel non remotum, sed in se exiguum, discernitur à nobis ex adiunctione plurium entium (qua de causa à longè sylua videtur, non autem arbor; & à vicino puluisculus non videtur nisi coniunctus alijs puluisculis); ita accidit in intelligibilibus, vt obiectum propter excessum vel defectum cognoscibilitatis, non nisi ex adiunctione aliorum entium (quod fit per conceptum relatiuum) à nobis discernatur. 2do etiam idem accidit ex eo, quia absolutum est per se notum; tunc enim explicatur à nobis per ordinem ad actum experimentalem nobis notissimum, vt dictum est.

Quia

Quia ergo Ens reale ut sic, est quid per se notum, estq; maximè scibile, & à sensu maximè remotum, cum sit maximè vniuersale (vniuersalia enim sunt remota à sensibus & maximè scibilia.) ideo explicatur à nobis relatiuè à posteriori.

Ad 2. Quamuis Ens includatur formaliter in actu potentiae intentionalis; tamen actus dicitur formaliter ens à conceptu magis distincto, & determinato, quàm sit conceptus Entis ut sic: nam actus potentiae intentionalis non solum concipitur ut obiectum motuum potentiae intentionalis (qui est proprius conceptus Entis ut sic) sed etiam simul concipitur, ut quid effectum & receptum in potentia intentionali. Sufficit autem ut Ens, cum sit terminus primus & vniuersalissimus, explicetur in ordine ad aliquid, quod supra conceptum proprium Entis, dicat conceptum clariorem. Sicut enim actio Causae primae & vniuersalissimae, seu dependentia à causa prima includitur in omnibus actionibus causarum secundarum; quae actiones ultra dependentiam à causa prima, dicunt solum dependentiam à causa secunda: ita conceptus termini primi & vniuersalissimi includitur in omnibus suorum inferiorum conceptibus, qui ultra conceptum Entis dicunt solum maiorem expressionem relatè ad aliquod connotatum suum contentum sub Ente. Et sicut actio Causae primae potest explicari relatè ad causae secundae actionem in qua includitur: ita & conceptus Entis relatè ad suum inferius, in cuius conceptu includitur.

Transcenduntia Entis

Ad 3. Possunt absq; circulo vitioso explicari duo termini, per se ipsos mutuo, quando sunt per se ipsos immediatè noti: quia tunc vnus terminus explicatur per alium, aliunde, scilicet per se ipsum immediatè notum, nec tales explanationes ordinantur ad manifestationem rei ignotae, sed ad cognoscendam vnus cum alio proportionem in ratione potentiae & obiecti. Sic autem accidit in casu nostro. Immo etiam in terminis relatiuis non per se non idem accidit, ut vnus per alium, aliunde tamen notum, explicetur; & ita Pater definitur per filium, & hic per patrem; Materia per formam, forma per materiam.

Ad 4. Tam color ut sic, quàm album, sunt termini immediatè per se noti, & ideo vterq; hic terminus, tam genericus, quàm specificus, definiuntur relatè ad actum nostrum experimentalem: at Ens ut sic licet sit terminus per se notus, non tamen similiter omnia inferiora eius v. g. Homo, Leo, (substantiae enim innotescunt nobis per sua accidentia) & ideo hæc
non

non definiuntur relatè ad actus nostros experimentales, sicut definitur ipsum
Ens vt sic.

Q V Æ S T I O II.

*Virum ab intellectu possit cognosci obiectum distinctum
ab omni ente reali.*

Videtur quod sic vt plures opinantur, quos citat & sequitur Com-
ponus disp. 3. Logica sect. 2. 1. quia non potest explicari
quodnam Ens reale concipiatur dum concipiuntur hi termini:
Hircocerus, Identitas hirci cum ceruo, Alter Deus, Verbum esse creaturam,
Spiritus S. non procedens à Filio, Negatio Dei, Simultas contradictoriorum,
Impossibile, aliq; similes, de quibus cum sæpè disputetur; oportet eos ex
vtraq; parte à disputantibus præcognosci. Nec potest dici Identitatem
hirci cum ceruo esse realem: nam identitas inter hircum & ceruum, & non
vnit sua extrema, vt omnes fatentur; & vnit, quia est identitas hirci cum
ceruo, concepta à nobis vt quid connexum cum ipsis: adeoq; est implica-
toria, & distincta ab omni ente reali ac supranumeraria.

2. Quando dicit Arrianus: *Verbum est creatura*, non solum concipit
Verbum & creaturam, sed etiam aliquod obiectum significatum per *Tò Est*,
quod obiectum est vtiq; identitas chimerica. Concipit ergo aliquid implicatorium
ex parte obiecti. Probatur antecedens: tum quia alioquin præfata
propositio Arriana, non differret obiecto ab hac contradictoria Catholicis;
Verbum non est creatura, nisi dicatur, in affirmatiua, per *Tò Est*, significari iden-
tatem fictam obiectiuam, in negatiua verò, per *Tò Non est*, significari dis-
tinctionem obiectiuam veram; & tamen Philosophus Cap. de Opposit.
docet, propositiones contradictorias differre obiecto, estq; commune axioma,
Actus specificari ab obiectis: Tum quia in omni propositione af-
firmatiua, debet concipi motiuum & determinatiuum ad affirmandum; hoc
autem non est aliud, nisi ipsa identitas significata per copulam, siue vera,
siue ficta.

3. Ex his contradictorijs propositionibus: *Identitas inter Deum &
creaturam potest concipi*: *Identitas inter Deum & creaturam non potest concipi*;
siquidem prior affirmatiua dicitur esse falsa; iam secunda negatiua erit vera,
intra

iuxta canones Logicos. Oportet ergo ut in utraq; propositione non veniat ex parte subiecti Identitas realis: alioquin è contra, prior-affirmatiua erit vera, (verum enim est, quòd Identitas realis possit concipi,) posterior autem negatiua erit falsa, (falsum enim est quod Identitas realis non possit concipi). Potest ergo Identitas chimerica concipi.

Idem argumentum in alio exemplo sic formatur: Ex his propositionibus: *Deus creatus est possibilis: Deus creatus non est possibilis*: ut affirmatiua sit falsa, utq; negatiua sit vera, oportet ut in utraq; pro subiecto veniat DEVS chimericus: alioquin vera erit affirmatiua, & falsa negatiua, quia verum est quòd DEVS realis sit possibilis, & falsum quòd non sit possibilis. Potest igitur concipi DEVS chimericus.

4. Qui negat aliquid, debet cognoscere id quod negat. Ergo pariter negans cognosci ex parte obiecti impossibile seu ens rationis, debet illud eo ipso cognoscere ex parte obiecti, & sic falsificat suam propositionem. Et hoc argumentum à quibusdam R. R. reputatur esse Achilles pro chimeris.

5. Cuiuscunq; termini potest concipi contradictorium, tanquam distinctum ab ipso. Ergo etiam contradictorium entis realis ut sic, debet concipi tanquam distinctum ab ipso. Ergo ulterius aliquid distinctum ab ente reali ut sic, seu quod idem est, aliquid distinctum ab omni ente reali, potest concipi, nempe contradictorium entis realis ut sic. Et quia hoc contradictorium entis realis ut sic, est non ens reale destruens omnia entia realia; etiam ipsum ens necessarium, nempe DEVM, quod est impossibile, ut patet; sequitur quòd aliquod impossibile possit concipi ut distinctum ab omni ente reali.

6. Potest homo ex errore velle esse Angelus, vel desiderare similitudinem amoris cum odio: sed tunc vellet identitatem sui cum Angelo, vel similitudinem amoris cum odio, quod implicat: Ergo præcognosceret id quod implicat; quia *nihil vultum, quum præcognitum*.

7. Si ens rationis nihil aliud esset quàm ens reale vel entia realia indebito modo cognita; sequeretur chimeram, v. g. Alterum DEVM, dari à parte rei: illud enim datur à parte rei, cuius omnes partes dantur à parte rei; cum totum nihil sit præter suas partes: atqui admissa suppositione, *Alter Deus* diceret tanquam partes sui constitutivas, *Alteritatem realem creatam, Diuinitatem veram*, & cognitionem falsam coniungentem hæc extremas quæ omnia dantur à parte rei: Ergo daretur *Alter Deus* à parte rei.

8. Rursus sequeretur malam esse illam receptam communiter definitionem,

nitionem Entis rationis, quòd sit, *Id quod habet esse tantum obiectiue in intellectu.* Cuius sequelæ ratio est: quia tam Hircus, quàm Cervus, non tantum dantur obiectiue in nostro intellectu, sed dantur etiam à parte rei, vel in se vel in potentia actiua suæ causæ; iam verò cognitio falsa, quam solum Hircocervus diceret supra Hircum & Cervum, non datur in intellectu obiectiue, sed subiectiue & effectiue.

§ I. Responderetur. Dicendum cum frequenter recepta his temporibus R. R. nostrorum sententia, Omne cognoscibile esse possibile, nec dari vllum obiectum intellectûs distinctum ab omni ente reali. Ita P. Arrubal T. 1. ad qu. 4. d. 34. c. 4. P. Erize t. p. d. 8. c. 1. Eminentissimus Sfortia lib. 5. de Incarn. c. 1. P. Anton. Perez. (qui in post humo de Deo opere, ob singulare acumen ingenij, meritò Theologi Mirabilis nomen obtinuit) de scient. Dei disp. 5. c. 3. ac meus doctissimus in Theologia Professor P. Martinus de Esparza qu. 16. de Deo. Citantur etiam pro hac sententia à Petro de Comitibus. lib. 3. de Ent. rat. disp. 2. art. 1. inter alios plures, Stephanus Spinula, Philippus Miller, Daniel Hainau, Oddo de Comitibus, Daniel Barrolus, Hieronymus Saignanus, Franciscus Gentilis, quorum aliqui non ita pridem in Romano Collegio erant Professores; subscribunt verò iisdem inter alios qui nunc ibi legunt P. Nicolaus Pallavicinus & P. Dominicus de Marinis ambo magni ingenij Professores: quibus addo insuper P. Gieraldinum par. 1. qq. Philosophicarum nuper Viennæ in Austria impressarum qu. 23. Et quod caput rei est, idem videtur sensisse D. Thom. nam t. p. q. 25. ar. 1. explicans dictum illud Archangeli ad B. Virginem: *Non erit impossibile apud Deum omne verbum*; ita dicit S. Doctor: *Id quod contradictionem implicat, Verbum esse non potest, quia nullus intellectus potest illud concipere.* Et t. con. Gen. c. 84. *Quæ sunt impossibilia non cadunt in intellectu.* Et qu. de poten. a. 3. ad 1. *Id quod est affirmationem & negationem esse simul veram, non potest mente concipi, & per consequens, nec aliquid eorum, in quibus hoc includitur, id est nec obiectum implicatorium, in quo utiq; includitur affirmati- nem & negationem simul esse veram.*

§ II. Ratio prima assertionis est: quia sicut obiectum adæquatum potentia visui, quod illam circumscribit, comprehenditq; omnes eius actus, & ultra quod non extenditur vllus actus potentia visui, etiam insincerus, est color seu id quod participat rationem coloris; ita vt color sit obiectum formale motivum, id verò quod est coloratum sit obiectum materiale & terminativum

Omne co-
gnoscibile
esse possi-
bile qui
doceant.

minativum; idemq; est dicendum de Sono respectu potentie auditivæ, idem de Bono respectu volitivæ, ac de alijs potentiarum obiectis: ita obiectum adæquatum intellectus, omnes actus ipsius etiam falsos circumscribens, est Verum, seu id quod participat rationem veri; ita ut obiectum formale motivum, sit veritas, id verò quod participat rationem veri, sit obiectum materiale & terminativum. Nempe cum obiectum formale sit ratio ob quam ab aliqua potentia attingitur obiectum materiale; debet aliquo modo includi obiectum formale in materiali.

Hoc posito principio, subsumo minorem: Atqui obiectum, quod per Aduersarios est distinctum ab omni ente reali, nec est verum, nec paticipat quidquam de veritate: constat enim ex terminis repugnantibus & mutuò se falsificantibus, ac destruendis intentionaliter, scilicet ex esse & non esse, ex qua mutua destructione intentionaliter, uterq; terminus remanet intentionaliter destructus, sicut ex mutua physica duorum destructione, utrumq; remanet physicè destructum. Ergo id quod est distinctum ab omni ente possibili non potest esse obiectum formale aut etiam materiale intellectus; ideoq; nullo modo cognosci potest, cum omne aliquo modo cognoscibile, adæquatè diuidatur in obiectum formale aut materiale intellectus.

Nec valet dicere; obiectum materiale intellectus posse esse verum fictum, non secus ac bonum apparens voluntatis. Contra enim est, quia veritas tua ficta, est nulla veritas, siquidem veritas hæc consistit in ipso verificari duo contradictoria; at verificari duo contradictoria, est neutrum verificari, cum veritas vnius contradictorii destruat per alterum, puta esse hircum per esse cervum seu per non esse hircum; & esse cervum per esse hircum seu per non esse cervum.

Hinc impugnatur etiam responsio P. Sylvestri Mauri qu. 42. l. dicentis, impossibile habere prædicta veritatem non absolutè, sed ex suppositione si existeret. Impugnatur inquam, nam esse hircum & non esse hircum, etiam ex suppositione suæ existentie non amitterent suum virus sibi essentielle mutuò se interimendi & falsificandi, ac proinde etiam in tali suppositione neutrum extremum determinatè sumptum remaneret verum: immo nec ipsum complexum ex utraq; parte, remaneret verum, quia omnibus partibus destructis necesse est Totum, quod nihil est præter suas partes, pariter destrui.

Fateor quidem Verum fictum cognosci posse, sicut quandoq; amatur Bonum apparens; sed hoc ipso argumento probò, Verum fictum, esse ens reale falsò cognitum, ut verum; sicut etiam Bonum apparens, est ens reale falsò cognitum ut bonum.

Obiectum adæquatum intellectus est verum.

At Obiectum chimericum nullam dicit veritatem.

§ III. Secunda ratio pro eadem assertionem sit. Illud obiectum implicatorum Aduersariorum cum non sit ante omnem cognitionem; (hoc ipso enim esset reale;) vel resultat quasi effectiue ex cognitione fingente; vel constituitur per ipsam cognitionem fingentem tanquam per formam extrinsecam.

Non primum. quia esse-obiectum seu esse cognitum, est denominatio extrinseca à cognitione, absq; vlllo ente diminuto resultante ex cognitione, vt communiter nostri docent contra Scotistas. Profecto si cognitio confusa, aut conditionata, aut disiunctiua, nihil efficit vel quasi efficit ex parte sui obiecti, sed solum seipsam addendo, obiectum extrinsecè denominat confusum, aut conditionatum, aut disiunctivum; cur etiam eodem modo cognitio fingens suum obiectum non denominabit fictum? vnde enim est, ista maior actiuitas vel quasi actiuius cognitionis fingentis respectu sui obiecti, quàm confusæ vel conditionatæ respectu sui?

Si verò dicatur obiectum per cognitionem fingentem extrinsecè denominari fictum, contra est; quia obiectum implicatorum, non solum dicitur fictum præcisè, sed etiam dicitur tale fictum, v.g. dicitur *Identitas Dei cum creatura*, *Alteritas DEI ficta*; atqui per cognitionem fingentem, obiectum non constituitur tale, puta Identitas vel Alteritas, licet cognoscatur vt tale; siquidem cognitio obiectum non facit tale, sed solum termino tali superaddit seipsam præcisè, & sic terminum aliunde talem, facit extrinsecè cognitum. Ergo illud obiectum fictum, præter cognitionem fingentem à qua dicitur fictum, importat aliquid contradicendum ab omni esse intentionali, à quo denominetur tale, puta Identitas vel Alteritas, adeoq; importat aliquid reale, cum omne oppositum intentionali, sit reale. Et certè si obiectum cognitionis fingentis, nec habet actu esse, nec habere potest, præter illud quod recipit formaliter à cognitione fingente; iam denominatio ficti, solum dicit formam extrinsecam, & nullum dicit subiectum denominationis, quod habeat actu vel potentia aliquid esse, præter id quod recipit à forma extrinseca; & sic forma extrinseca nihil denominabit nisi seipsam, sibiq; ipsi erit extrinseca.

Sequitur deinde illud etiam inconueniens, quod nullà supposita diuersitate actuali vel possibili in subiectis, eadem forma extrinseca, id est, eadem cognitio fingens, vnum subiectum denominabit, *Identitatem DEI cum creatura*; alterum verò, *Negationem DEI*; tertium, *Hircocervum*, & sic de reliquis chimeris quod quis non videt esse absurdum?

§ IV. Tertia ratio. Dum concipitur Identitas hirci cum ceruo, vel

Obiectum
fictum,
non resul-
tat ex co-
gnitione
fingente

Est aliquid
distinctum
ab esse in-
tentionali
& ideo re-
ale

vel concipitur ut quid superadditum obiectivè hirci & cervo realibus, vel ut non sic superadditum? si hoc secundum dicis? Ergo obiectivè solum concipitur dualitas realis hirci & cervi realium, quod mihi satis est. Si verò affirmas primum? Ergo tunc nulla inter hircum & cervum concipitur identitas. Nam de ratione Identitatis ut sic est, ut non concipiatur tanquam aliquid obiectivè superadditum extremis, quorum dicitur esse identitas. Neq; verò id solum est de ratione Identitatis realis & non chimericæ. Sicut enim se habet Identitas realis ad extrema secum realiter identificata: ita se habet in cognoscendi Identitas chimérica ad extrema realiter inter se distincta, quibus proinde chimericè attribuitur. Sicut ergo Identitas realis extremorum non concipitur ut quid obiectivè superadditum respectu suorum extremorum identificatorum inter se; ita nec Identitas chimérica respectu suorum inter se distinctorum. Et ratio est, quia Identitas chimérica concipitur ad instar identitatis realis, & per huius species, cum hoc solo discrimine, quia ibi concipitur ubi ei locus esse nequit, nempe inter extrema realiter distincta. Hoc argumentum in nostra sententia solvitur, dicendo, Identitatem inter hircum & cervum eatenus concipi tanquam quid non superadditum ipsis obiectivè, quatenus aliqua vera realis aliquorum extremorum inter se realiter identificatorum identitas, verè iisdem obiectivè non superaddita, falsò applicatur intentionaliter hirci & cervo, seu extremis realiter distinctis, affirmaturq; falsò non esse illis obiectivè superaddita; quæ proinde Identitas respectu suorum extremorum inter se identificatorum, est in se, & intrinsecè, & secundum veritatem identitas; respectu autem hirci & cervi dicitur identitas extrinsecè, & secundum falsam intellectus applicationem; quod ipsum clariùs patebit ex dicendis infra.

§ V. Tandem, ut alias rationes omittam brevitatis causa, sic argumentor. Propositiones contradictoriæ v. g. hæ: *Homo est Leo: Homo non est Leo*, sunt de eodem adæquatè obiecto terminativæ; aliàs non idem, vel non de eodem, vna negaret, quod altera affirmat; quod est contra leges Dialecticæ. Atque secunda vera propositio, est de obiecto terminativo reali, nempe de homine & leone realibus: Ergo & prima fingens. Ergo propositio fingens non attingit quidquam impossibile ex parte obiecti terminativi, consequenter propositio fingens à non fingente non differt obiecto terminativo, sed ex modo tendendi, quatenus vna procedit modo compositivo, denotato per particulam *Est*; altera verò circa idem adæquatè obiectum termi-

Identitas
hirci &
cervi con-
cipitur ut
quid non
superaddi-
tum ipsis
& sic ut
quid reale.

Propositio
fingens &
non fingens
sunt circa
idem ob-
iectum ter-
minativū

nativum procedit modo diuisivo, denotato per particulam *Non est*: eo modo, quo propositio copulativa & disiunctiva, v. g. hæc *Petrus & Paulus currit*: *Petrus vel Paulus currit*, non differunt obiecto, sed modo tendendi, significato per *Tò Et* & per *Tò vel*.

Et hinc est quòd per Philosophum, verbum *Est* dicitur *nota propositionis*, id est affirmationis, communiterq; vocatur *Copula* id est unio intentionalis extremorum.

Quapropter non subsistit illa responsio: propositionum contradictoriarum esse idem obiectum ex parte subiecti & prædicati, non autem ex parte copulæ: non subsistit inquam, quia ut modo dicebam, copula *Est* non significat obiectum, sed unionem intentionalem, seu actum intellectus componentem extrema. Et ratio huius est, quia cum omnis propositio nihil aliud faciat, nisi componat aut diuidat intentionally seipsa obiectum significatum ex parte subiecti, cum vel ab obiecto ex parte prædicati significato; præter hæc duo obiecta, nequit in propositione tertium obiectum significari distinctum ab ipsa propositione. Confirmatur hoc amplius: quia si hæc propositio, *Homo non est Leo*, attingit obiectiuam negationem identitatis, per *Tò Non est*, significatam; quæro vel illam affirmat, vel negat? Si primum? Ergo prædicta propositio erit affirmatiua, consequenter non erit contradictoria huic *Homo est Leo*. Si secundum? Ergo dicta propositio est falsa; negabit enim negationem identitatis inter hominem & Leonem, quæ negatio identitatis seu distinctio reuera datur, ac proinde hæc contradictoria ipsius, *Homo est Leo*, erit vera, quod est falsum.

Copula in
propositi-
one quid
significat?

Quid sit
Ens ratio-
nis?

§ VI. Ob hæc ergo dicendum est, Ens rationis seu Ens fictum, chimericum, ac impossibile, nihil aliud esse quam Ens reale vel entia realia, quatenus substantia cognitioni necessariò falsæ & inuenticibili componenti scilicet diuisa, vel diuidenti identificata: ita ut Ens rationis sit denominatio extrinseca, quæ pro materiali & in recto dicat Ens reale vel entia realia; pro formali verò & in obliquo cognitionem necessariò falsam, tanquam formam extrinsecam, à qua id, quod secundum se, intrinsecè, ac obiectiuè est reale & possibile; ut substantia illi cognitioni denominetur extrinsecè non reale, ens rationis, & impossibile; quia scilicet tali modo quali enuntiatur per illam cognitionem falsam, nec datur à parte rei, nec dari potest vllius virtute Agentis, sed solum datur in intellectu. Itaq; monstrum illud formidabile *Hircocervus*, nihil aliud est, quam hircus & cervus reales, quatenus substantia alicui iudicio affirmanti hircum de ceruo. *Alter Dem*, est aliqua vagè altentia realis repta

reposita inter creaturas, quatenus per falsam affirmationem applicata vero Deo. *Identitas hirci cum ceruo* est aliqua vagè identitas duarum aliquarum formalitatum realium, quæ secundum se & realiter illis conuenit; quatenus tamen per cognitionem falsam applicatur hircio & ceruo, dicitur extrinsecè esse identitas hirci & cerui, ac ficta. *Spiritus S. non procedens à Filio*, est verus Spiritus sanctus, quatenus per falsum iudicium Græcorum diuiditur intentionaliter à vera tertia Persona Trinitatis procedente etiam à Filio Dei. Et sic discurrendum de omnibus alijs monstris.

Atq; hoc videtur docere Philosophus dum ait 5. met. tex. 17. *Impossibile est id quod est necessariò falsum, & cuius contrarium necessariò verum est* Et 1. de Cælo tex. 111. *Impossibile*, inquit, *simpliciter dicitur, quia non est dicere, quod falsum erit.* Nempe *falsum* seu *non verum dicere*, cum non sit in rebus, vt docet idem Philosophus, & ex eo D. Thomas, nihil aliud est nisi denominatio extrinseca cadens à cognitione falsa in obiectum reale.

Falsum est
denomina
tio extrin
seca à co
gnitione
falsa

Quod ipsum ultra iam dicta confirmatur & declaratur paritate obiecti confusi. Sicut enim hoc obiectum confusum, *Animal vt sc.* nihil aliud est, nisi entia vera & realia, quæ extrinsecè dicuntur esse quid confusum à cognitione confusa, cui substant: ita pariter & hoc obiectum fictum seu falsum, *Hircocervus*, nihil aliud est, nisi entia realia, quæ extrinsecè denominantur esse quid fictum & falsum, à cognitione fingente & falsa, cui substant.

§ VII. Hinc vterius inferitur, non ideò aliquam propositionem esse falsam, quia eius obiectum non datur à parte rei, nec ideò veram, quia eius obiectum datur à parte rei; omnium enim propositionum obiectum secundum se datur à parte rei actu vel possibiliter: sed potiùs ideò aliqua propositio est falsa, quia eius obiectum non datur à parte rei tali modo, quali enuntiatur per ipsam, seu quia tendit modo indebito in suum obiectum, estq; illi difformis; secùs autem vera.

Quæ pro
positio est
falsa?

§ VIII. Inferitur rursus, Ens rationis fieri per actum indebito modo tendentem in obiecta realia, qui actus regulariter loquendo, est directus; cognosci verò semper per actum reflexum tendentem in obiecta realia secundointentionaliter sumpta, seu vt denominata ab aliqua cognitione essentialiter falsa.

Per quem
actum fiat
& cognos
catur Ens
rationis?

Hinc Deys non facit Ens rationis, quia non habet modum indebitum tendendi in obiectum; cognoscit tamen Ens rationis, quia cognoscit entia realia vt substantia fictionibus creatis actualibus & possibilibus.

Ceterùm Deys cognoscens Ens rationis, liberatur in nostra sententia

An De^{us} fa-

ciat vel
cognoscat
Ens ratio-
nis?

sententia ab omni fictione etiam apprehensiva, quæ est aliquis defectus modi cognoscendi perfectioris, id est nequidem apprehensivè fingentis. Nempe DEVS, iuxta nos, solum cognoscit reflexè nostras de obiectis realibus fisiones, dissentiendo ipsis: at in sententia opposita, DEVS cognoscendo comprehensivè nostras fisiones, deberet etiam cognoscere obiectum ipsarum, quatenus ab ipsis representatum; quod cum per Oppositos sit obiectum distinctum ab omni ente reali, apprehensum per modum entis realis; deberet etiam DEVS apprehendere illud simili modo; quod est fingere apprehensivè.

§ IX. Infertur tandem, Ens rationis, quod per Philosophum (ut dixi) est necessariò falsum, simpliciter loquendo: fieri per secundam operationem intellectus, quia absolutè loquendo falsitas consistit in enuntiatione, secus dicente esse obiectum, quàm sit à parte rei; unde solum occasionaliter & dispositivè fit ens rationis per primam apprehensionem. Multò verò minus fit per sensum, quia hic licet secus aliquando percipiat obiectum, quàm sit defacto, non tamen quàm possit esse de potentia absoluta, & sic non concipit obiectum per actum essentialiter falsum: quod verum est etiam de Imaginatione, quæ solum coniungit inter se quasdam figuras externas rerum distinctarum, etiam penicillo exprimibiles, nec pertingit ad essentias rerum.

An verò Ens rationis fiat per voluntatem, quæstio est de nomine. Communiter negatur, quia voluntas cum feratur in præcognitum, supponit Ens rationis factum ab intellectu, si quando fertur in impossibile. Atq; ex his patet quid sit Ens rationis, à qua potentia, & per qualem actum fiat, ac etiam per qualem cognoscatur.

Ad I. ergo. Constat ex dictis omnes terminos chimericos de quibus sæpè disputamus, esse secundo-intentionales, & per eos semper significari aliqua Entia realia, ut substantia alicui iudicio essentialiter falso, quæ proinde entia realia, ut tali iudicio substantia, ab altero disputantium per actum reflexum affirmantur, ab altero negantur dari à parte rei, tali modo, quali exprimuntur per illud iudicium. Quia vero *Ly impossibile* est quid commune ad omnes terminos chimericos, idèò significat omne illud obiectum reale quod substant cognitioni essentialiter falsæ, non potens à parte rei existere tali modo, quali per ipsam enuntiatur. Quid autem reale in particulari importent termini chimerici in particulari sumpti, dictum etiam est § 6; & nomen dictum ibi est, per identitatem hirci cum cervo significari aliquam

Fit solum
ab intellectu
per secundam
operationem.

quam realem indeterminatè & confusè identitatem duarum aliquarum formalitatum secum identificatarum, quatenus falsò applicatam intentionaliter hirco & ceruo. Talis porro Identitas secundum se, obiectiuè, & intrinsecè spectata, non vnit hircum cum ceruo; vnit verò solùm extrinsecè, & ratione indebitæ mentalis applicationis, ratione cuius etiam dicitur Identitas hirci cum ceruo. Quòd autem non vniat intrinsecè & secundum se hircum cum ceruo, vniat verò extrinsecè, & vt applicata ipsis intentionaliter, nihil obest quominus sit realis, vt patet: nulla enim in hoc est implicantia in obiecto.

Sed instabis adhuc: Qui dicendo v. g. *Non datur alter DEVS*, negat alteritatem realem creatam & Diuinitatem existere tali modo, quali repræsentatur per iudicium falsum compositiuum horum terminorum; debet adhuc cognoscere illum modum existendi, quem negat: hic autem modus existendi est Chimericus. Ergo adhuc cognoscit aliquid Chimericum. Respondeo similiter, quòd talis cognoscit confusè aliquem modum existendi realem conformem alicui affirmationi veræ, illumq; negat de Alteritate creata reali & Diuinitate vera, vtpote opposito modo existentibus; qui proinde modus existendi est Chimericus non secundum se & obiectiuè, sed quatenus per affirmationem falsam applicatur Alteritati creatæ & Diuinitati reali.

Ad 2. Dictum iam est & infra dicetur Disp. 2. q. 2. ad 2. propositiones contradictorias, non differre obiecto terminatiuo, sed modo tendendi. Differunt etiam ratione formali sub qua obiectiua, quæ vnus propositionis est affirmabilitas; alterius, negabilitas. Nec plùs vult illud axioma, *Actus specificantur ab obiectis*, vt patet in actu voluntatis comparato cum actu intellectus, sæpè tendentibus in idem obiectum, & in eandem rationem formalem Quæ. Philosophus etiam solùm vult oppositorum actuum esse opposita obiecta verificatiua, non autem terminatiua, vt dicetur loco citato. Concedi verò nullatenus debet, determinatiuum & motiuum ad assensum, in propositionibus affirmatiuis, esse identitatem extremorum apprehensam; cum post illam apprehensam sæpè sequatur dissensus. Certè identitas ficta, quæ nec est, nec esse potest, non potest exercere vim motiuam, cum hæc sit vis causatiua actûs, soli enti reali conueniens: *Quod autem non est, nullum est causa*, vt ait S. Thomas 3. cont. Gent. c. 10. Potius ergo motiuum ad assensum, vel sunt ipsi termini propositionis apprehensi, si assensus sit immediatus,

Actus oppositi quo differunt?

Quod sit motiuum ad assensum?

tus, & per se notus; vel est aliquod medium, ex quo inferitur propositio, si assensus est mediatuſ & deductuſ.

Ad 3. Dicendum ex propositionibus illis contradictorijs, vtriuſq; ſubiectum eſſe, aliquam indeterminatè ſeu confuſè identitatem realem, non quidem ſecundum ſe, ſed: vt falſò applicatam intentionaliter Deo vero & creaturæ reali, atq; de huiuſmodi identitate falſò affirmari, verè autem negari, quod ſit cognoscibilis, ſcilicet tanquam Terminuſ primæ intentionis, eum potiùſ ſolum cognoscatur reflexè, vt Terminuſ ſecundæ intentionis; ſiquidem nihil aliud eſt, quàm ens reale indebito modo cognitum. Similiter de alijs illis propositionibus dicendum, eas reflexè procedere de Deo & creatura realibus, vt communè intentionaliter per aliquod iudiciuſ eſſentialiter falſum, ideoq; ex illis ſolam affirmatiuam propoſitionem eſſe falſam & falſum enim eſt, quòd Deus & creatura reales ſint poſſibiles tali modo, quali modo cognoscuntur per iudiciuſ directuſ compoſituum iſtorum terminorum, ſupra quod iudiciuſ refleſcit ſe hæc propoſitio, *DEVS creatus eſt poſſibilis*.

Incogno-
ſcibile
quomodo
cognoſci-
tur?

Ad 4. Eodem planè telò conſigitur Achilles ille R.R. habetq; contra ſe plures instantias. Quæro enim, dum quis hoc dicit, *Incognoſcibile omnibus modis, tam directè quàm reflexè, tam exercitò quàm ſignatè &c. &c. non po- teſt cognoſci*, cognoſcitne illud quod negat? Item qui dicit: *Binariuſ diſtinctuſ ab omni ente reali, ab omni ente rationis, & nihilo, non poteſt cognoſci*, quæro cognoſcitne quod negat cognoſci? Quidquid dixeris, tuum Achilleuſ ſter- nis, ſterno & ego hac vnica diſtinctione. Qui aliquid negat, illud cognoſcit vel directè vel reflexè, concedo quod dicitur: cognoſcit ſemper directè, nego quod dicitur. Itaq; dum quis negat poſſe ex parte obiecti cognoſci Entis rationis, refleſcit ſe ſupra propoſitionem Aduerſariorum ſeparantem inten- tionaliter ab obiecto cognoscibili poſſibilitatem & realitatem, negatq; reflexè, cognoscibile & poſſibile tali modo ſe habere, quali modo repræſentantur per propoſitionem Aduerſariorum, quæ diuidit intentionaliter iſtos termi- nòs, in ſe indiuiſos, cum omne cognoscibile ſit poſſibile & reale, vt probatum eſt. Porro talis reflexa cognitio Entis rationis, ſolum attingit obiectum rea- le, & ſufficienter negat: Entis rationis poſſe cognoſci ex parte obiecti, quia contradicit ſententiæ Aduerſariorum, vt pater.

Ad 5. Quoniam termini contradictorij debent procedere de eo- dem obiecto, iuxta illud D. Thomæ 1. p. q. 17. a. 1. *Oppoſita ſunt circa idem idcò terminuſ alteri contradictoriò oppoſituſ non poteſt cognoſci vt diſtin-*

ctus.

Etus ab ipso ex parte obiecti terminatiui (quidquid sit de verificatiui, de quo infra disp. 2. q. 2. ad 2.) sed tantum ex parte actus; quatenus scilicet in terminis contradictorijs apprehenditur idem obiectum terminatiuum, relatè ad iudicia opposita, nempe ad affirmatiuum & negatiuum, tanquam ad sua connotata. Quapropter terminus contradictoriè oppositus Enti reali vt sic, qui est *Non ens reale vt sic*, seu Non esse omnium entium realium, non debet cognosci vt quid distinctum ex parte obiecti terminatiui (multò minùs ex parte verificatiui, quod nullum habet) ab Ente reali vt sic, sed solum tanquam aliquid distinctum ex parte actus, quem connotat; quatenus scilicet *Non ens reale vt sic*, est omne ens reale, vt connotat iudicium negatiuum, quod tendat in omne Ens reale per modum fugæ; oppositum autem iudicium connotat Ens reale vt sic; tamen si vtriusq; conceptus oppositi idem sit obiectum. Nempe hi termini, etiam in prima apprehensione, concipiuntur relatè ad opposita iudicia tanquam ad sua connotata.

Quid sit
Non ens
vt sic?

Quia verò idem Non esse omnium entium realium etiam Dei, contradictoriè oppositum Enti reali vt sic, est chimera, idè neq; hæc chimera debet cognosci vt quid distinctum ab omni Ente reali.

Ex hac autem occasione notandum est, quòd chimera contradictoriè opposita Enti reali vt sic, non sit Esse & Non esse; quia remoto vno contradictorio ponitur aliud: remotis autem omnibus entibus realibus, quæ dicit Ens reale vt sic, non poneretur esse & non esse, sed tantum poneretur non esse omnium entium: Ergo hoc præcisè Non esse, est chimera contradictoriè opposita Enti reali vt sic.

Quæ sit
Chimera
contradi-
ctoriè op-
posita Enti
vt sic.

Ad 6. Sicut cum quis videns aurichalcum, amat illud vt aurum, amat reuera aurichalcum, quod videt, & de quo interim falsò prædicat, quòd sit aurum: ita cum quis per errorem appetit esse Angelus, appetit naturam Anglicam realem, de qua falsò iudicat quòd possit esse natura propria hominis. Idem dic de similibus exemplis.

Ad 7. Ens rationis materialiter & obiectiue sumptum, secundum se datur actu vel potentiâ extra intellectum à parte rei, non autem formaliter sumptum, seu vt denominatum à cognitione essentialiter falsa, dari potest tali scilicet modo quali enuntiatur per illam cognitionem; & idè sic sumptum denominatur extrinsecè non reale, quatenus reale opponitur ficto & falso, licet possit dici reale, quatenus reale abstrahit ab esse intentionali qualicunq; etiam inquerificabili. Hoc autem dicere etiam de Altero Deo, non est cur sibi quisquam religioni ducat.

Cz

quod

Non probamus tamen hic illud

quod asserit Petrus de Comitibus, quamcunq; propositionem, etiam hanc, *Deus est iniustus*, esse veram obiectivè. Nam illa tantum est propositio obiectivè vera, cuius obiectum non solum datur secundum se à parte rei, sed etiam datur tali modo, quali modo repræsentatur per propositionem, cum veritas propositionis sit conformitas cum suo obiecto: hoc autem non convenit ulli propositioni, quæ est in materia impossibili.

Definitio
Entis rationis,
onis,

Ad 8. Definitio communis Entis rationis, non ita est accipienda, quasi Ens rationis sit illud obiectum, quod secundum se non possit dari extra intellectum, ut probatum est hætenus: sed ita, ut Ens rationis sit illud obiectum, quod tali modo, quali exprimitur in intellectu fingente, nequeat dari extra intellectum, sed tantum detur in intellectu fingente. Sed hæc satis: restat, ut explicato Ente reali & Ente rationis, videamus quid sit Ens possibile, quid Impossibile, quid Actuale.

Q V Æ S T I O III.

Utrum Ens purè Possibile sit aliquid in se intrinsecè à parte rei distinctum à Deo?

Punctum I.

Rationes dubitandi pro parte affirmatiua, & status Questionis.

Videtur Ens purè possibile esse aliquid in se intrinsecè à parte rei distinctum à Deo, 1. quia idem est nunc Petrus existens, qui fuit ante mille annos purè possibilis: sed nunc est aliquid in se intrinsecè distinctum à Deo: Ergo & olim, cum fuit purè possibilis.

2. Ens purè possibile v. g. Antichristus est terminus Omnipotentia Dei, quem illa potest physicè producere: sed omnipotentia Dei non potest physicè producere nihil, nec seipsam, cum sit incausata: Ergo Ens purè possibile est aliquid reale positivum, distinctum à parte rei ab omnipotentia Dei, quæ est ipse Deus; & quidem non est mera denominatio extrinseca ab omnipotentia Dei, sicut etiam terminus potentia visuæ, & audituæ, seu visibile & audibile, non est mera denominatio extrinseca à sua potentia.

3. Opposita prædicata verificantur à parte rei de potentia Dei productiva

ductiua Antichristi, deq; ipso Antichristo purè possibili: nam hic est producibilis & ens ab alio, illa improducibilis & ens à se: Ergo Antichristus purè possibilis est aliquid in se intrinsecè distinctum à potentia Diuina productiua Antichristi.

4. Si ens purè possibile, seu quod idem est, si essentia rei creatæ non existentis constitueretur in illo esse possibili & æterno per omnipotentiā Dei tanquam per formam extrinsecam; sequeretur primò omnes propositiones æternæ veritatis, v. g. has *Homo est possibilis*, *Leo est rugibilis*, habere, pro obiecto saltem inadæquato ipsam omnipotentiam Dei. Sequela autem est falsa: tum quia sæpè formando tales propositiones nihil cogitamus de Deo: tum quia sæpè huiusmodi propositiones discrepant tam prædicato, quàm subiecto, id est toto obiecto, vt cum dico, *Homo est rationalis*, *Leo est rugibilis*. Deinde sequeretur Ens possibile vt sic non posse diuidi in Deum & creaturam purè possibilem, quia in secundo membro, includeretur primum; & sic periret omnis diuisio categoriarum.

5. Nulla forma etiam extrinseca potest tribuere vllam denominationem subiecto, nisi illud supponat in se intrinsecè distinctum à seipsa, vt patet in denominatione extrinseca dextri, visi. Et ratio est, quia quod non præsupponitur esse aliquid in se intrinsecè, non potest recipere esse tale, vel tale, ab vllò etiam extrinseco. Igitur omnipotentia Dei, vt essentijs rerum creaturarum, ab æterno tribuat extrinsecè denominationem Possibilis debet præsupponere illas esse in seipsis intrinsecè.

6. Quod per seipsum intrinsecè non repugnat, est in se intrinsecè possibile: Sed Antichristus per seipsum intrinsecè non repugnat: tum quia in suis prædicatis essentialibus (quæ sunt ipse Antichristus) nullam includit contradictionem: tum quia alioquin vera esset ista propositio priori contradictoria, *Antichristus per seipsum intrinsecè repugnat*. Ergo Antichristus est in se intrinsecè possibilis, & sic in se intrinsecè distinctus à Deo. Confirmatur: quia Antichristus essentialiter, ideoq; intrinsecè est animal, viuens, corpus &c. Ergo debet dari aliquid Antichristo intrinsecum, adeoq; distinctum in se intrinsecè à Deo, vi cuius verificentur ista prædicata essentialia de Antichristo; quod non est aliud nisi ipsa possibilitas passiuæ seu connectio & identitas prædicatorum essentialium Antichristi. Et ratio est, quia hanc propositionem: *Antichristus est animal*, verificat id quod identificat prædicatum cum subiecto; nihil autem extrinsecum potest idenuicare præ-

dica-

dicatum cum subiecto, cum nihil sit magis intrinsecum identificatis, quam ipsa identitas, quæ sola identificat prædicatum cum subiecto.

7. Impossibile non est denominatio extrinseca à potentia DEI non potente producere aliquid. Ergo nec possibile, à potentia potente producere aliquid. Consequentiam probat paritas rationis. Antecedens verò probatur: Tum quia alioquin daretur in Deo Impotentia producendi aliquid, quam tamen negat D. Thom: Deo tribui posse, cum virtus eius actiua sit infinita & plenitudo totius posse, cuius aliquem defectum significat Impotentia: Tum quia etiam si omnipotentia DEI non existeret, adhuc chimæra esset impossibilis; nec enim per hoc præcisè redderetur possibilis, quia tunc causa adæquata omnium possibilitum deficeret.

8. Vna forma indiuisibilis non potest pluribus subiectis dare diuersas denominationes, quin præsupponat in ipsis aliquam diuersitatem intrinsecam, vt inter alia patet in Actione diuersimodè denominante causam & passum, suppositâ in eis diuersitate intrinsecâ. Cum ergo omnipotentia DEI sit quasi forma indiuisibilis, non potest vnum obiectum denominare extrinsecè Possibile, alterum, Impossibile; vnum, animal rationale, alterum, animal rugibile, quin in ipsis obiectis præsupponat diuersitatem intrinsecam, consistentem in tali vel tali consonantia vel dissonantia prædicatorum essentialium inter se; quæ proinde consonantia vel dissonantia, non erit mera denominatio extrinseca ab omnipotentia DEI.

9. Vera est ista causalis: *Idèò DEVS potest producere muscam, quia hæc non implicat, seu quia est possibilis*, non autem è conuerso. Item vera est hæc altera: *Idèò DEVS non potest producere Hircocerum, quia hic implicat*; non autem è conuerso. Et ratio est: quia alioquin nulla dabitur ratio à priori, cur DEVS possit facere muscam, & non possit Hircocerum. Prius igitur est muscam esse possibilem, & hircocerum impossibilem, quam DEVM posse illam, hunc non posse, producere.

Vltimò. Saltem Possibilitas peccati non est Omnipotentia DEI; aliàs DEVS amans necessariò Possibilitatem peccati (sicut necessariò amat omnipotentiam suam) eo ipso necessariò amaret peccatum possibile; quod repugnat summæ eius bonitati. Ergò saltem non omne Ens purè possibile est pura denominatio extrinseca ab Omnipotentia DEI.

§ I. Responderur. Vt explicetur status quæstionis, certum imprimis est, aliquam Possibilitatem epam eorum quæ sunt contingentia in existendo, esse aliquid non modo æternum, sed etiam simpliciter & absolutè necessarium

um ac indefectibile. Pater hoc, quia si omnis possibilitas Angeli absolute potuit non esse; etiam Angelus absolute potuit non esse possibilis: cum nihil sit possibile, deficiente omni sua possibilitate. Si autem Angelus absolute potuit non esse possibilis: ergo potuit absolute Angelus non esse id quod est aptum existere, seu potuit non esse ens reale: hoc autem non minus est impossibile, quam si quis diceret, quod, homo potuerit non esse rationalis: cum non minus sit essentialia Angelo esse ens reale, quam homini esse rationalem.

Aliqua
possibili-
tas contin-
gentium
est æterna
& necessa-
ria.

§ II. Certum rursus mihi est aliquam Possibilitatem rei existentis non distingui realiter ab eius existentia: quia unumquodq; existens, in seipso intrinsece non repugnat, seu non inuoluit contradictoria prædicata, adeoque est quid intrinsece in se possibile. Verum hæc Possibilitas, in ijs quæ contingenter existunt, est contingens, non secus ac existentia ipsorum; nec de hac præsens quæstio procedit: sed potius procedit de illa Possibilitate rerum non existentium æterna ac simpliciter necessaria, & quæritur quidnam sit? ut hac cognita, innotescat quid sit Ens purè possibile, quod denominatur à tali possibilitate. In qua difficultate multæ sunt Auctorum sententiæ.

Aliqua
contin-
gens.

§ III. Prima est Henrici Gandavi: quem è nostris sequitur Albertus: in præd. subst. disp. 1. qu. 1. & Tellez disp. 50. met. sect. 1. existimantium, ens merè possibile, v. g. Alterum solem, præter Omnipotentiam Dei productuum ipsius, importare aliquod esse absolutum positivum, actuale nentine cogitante à Deo distinctum, sed ita diminutum, ut ipsius, v. g. Alter sol, solum dicatur esse ab æterno actu actualitate essentia, non actualitate existentia. Secunda sententia Heruzi, Capreoli, Fons: apud citatum Tellez, hoc tantum differt à prima, quod istud esse possibile æternum, dicat esse ens purè negativum seu abusuum, vocetq; illud carentiam repugnantia, seu non implicantiam ad existendum. 3tio Scotus cum suis, opinatur ex cognitione Divina de creaturis possibilibus resultare quoddam esse obiectivum, diminutum, æternum, in quo constituit formaliter possibilitatem creaturarum.

4to communiter R.R. docent Possibilitatem creaturæ non existentis, distingui quidem à Deo nemine cogitante: non tamen esse aliquid actuale absolutum, sed purè potentiale & conditionatum, seu disiunctivum, quod sit verificativum huius propositionis v. g. *Si & quando homo existet, erit animal rationale*; vel huius: *Aut homo non existet, aut existet animal rationale*: adduntq; huiusmodi ens esse in se intrinsece æternum ac necessarium, æternitate & necessitate à parte rei distinctum à Deo.

Sententiæ
de possibili-
tate crea-
turæ æ-
ternæ.

Ultima
tandem

dicatum cum subiecto, cum nihil sit magis intrinsecum identificatis, quam ipsa identitas, quæ sola identificat prædicatum cum subiecto.

7. Impossibile non est denominatio extrinseca à potentia DEI non potente producere aliquid. Ergo nec possibile, à potentia potente producere aliquid. Consequentiam probat paritas rationis. Antecedens verò probatur: Tum quia alioquin daretur in Deo Impotentia producendi aliquid, quam tamen negat D. Thom: Deo tribui posse, cum virtus eius actiua sit infinita & plenitudo totius posse, cuius aliquem defectum significat Impotentia: Tum quia etiam si omnipotentia DEI non existeret, adhuc chimæra esset impossibilis; nec enim per hoc præcisè redderetur possibilis, quia tunc causa adæquata omnium possibilium deficeret.

8. Vna forma indiuisibilis non potest pluribus subiectis dare diuersas denominationes, quin præsupponat in ipsis aliquam diuersitatem intrinsecam, vt inter alia patet in Actione diuersimodè denominante causam & passum, suppositâ in eis diuersitate intrinsecâ. Cum ergo omnipotentia DEI sit quasi forma indiuisibilis, non potest vnum obiectum denominare extrinsecè Possibile, alterum, Impossibile; vnum, animal rationale, alterum, animal rugibile, quin in ipsis obiectis præsupponat diuersitatem intrinsecam, consistentem in tali vel tali consonantia vel dissonantia prædicatorum essentialium inter se; quæ proinde consonantia vel dissonantia, non erit mera denominatio extrinseca ab omnipotentia DEI.

9. Vera est ista causalis: *Idèò DEVS potest producere muscam, quia hæc non implicat, seu quia est possibilis*, non autem è conuerso. Item vera est hæc altera: *Idèò DEVS non potest producere Hircoceruum, quia hic implicat*; non autem è conuerso. Et ratio est: quia alioquin nulla dabitur ratio à priori, cur Deus possit facere muscam, & non possit Hircoceruum. Prius igitur est muscam esse possibilem, & hircoceruum impossibilem, quam DEVM posse illam, hunc non posse, producere.

Vltimò. Saltem Possibilitas peccati non est Omnipotentia DEI; aliàs Deus amans necessariò Possibilitatem peccati (sicut necessariò amat omnipotentiam suam) eo ipso necessariò amaret peccatum possibile; quod repugnat summæ eius bonitati. Ergò saltem non omne Ens purè possibile est pura denominatio extrinseca ab Omnipotentia DEI.

§ I. Responderetur. Vt explicetur status quæstionis, certum imprimis est, aliquam Possibilitatem etiam eorum quæ sunt contingentia in existendo, esse aliquid non modo æternum, sed etiam simpliciter & absolutè necessari-
um

um ac indefectibile. Pater hoc, quia si omnis possibilitas Angeli absolute potuit non esse; etiam Angelus absolute potuit non esse possibilis: cum nihil sit possibile, deficiente omni sua possibilitate. Si autem Angelus absolute potuit non esse possibilis: ergo potuit absolute Angelus non esse id quod est aptum existere, seu potuit non esse ens reale: hoc autem non minus est impossibile, quam si quis diceret, quod, homo potuerit non esse rationalis: cum non minus sit essentialis Angelo esse ens reale, quam homini esse rationalem.

Aliqua
possibili-
tas contin-
gentium
est æterna
& necessa-
ria.

§ II. Certum rursus mihi est aliquam Possibilitatem rei existentis non distingui realiter ab eius existentia: quia vnumquodq; existens, in seipso intrinsecè non repugnat, seu non inuoluit contradictoria prædicata, adeoque est quid intrinsecè in se possibile. Verùm hæc Possibilitas, in ijs quæ contingenter existunt, est contingens, non secus ac existentia ipsorum; nec de hac præsens quæstio procedit: sed potius procedit de illa Possibilitate rerum non existentium æterna ac simpliciter necessaria, & quæritur quidnam sit & ut hac cognitâ, innotescat quid sit Ens purè possibile, quod denominatur à tali possibilitate. In qua difficultate multæ sunt Auctorum sententiæ.

Aliqua
contin-
gens.

§ III. Prima est Henrici Gandau: quem è nostris sequitur Albertus: in præd. subst. disp. 1. qu. 1. & Tellez disp. 50. met. sect. 1. existimantium, ens: merè possibile, v. g. Alterum solem, præter Omnipotentiam Dei productiuam ipsius, importare aliquod esse absolutum positium, actuale nemine cogitante à Deo distinctum, sed ita diminutum, ut ipsius, v. g. Alter sol, solum dicatur esse ab æterno actu actualitate essentiae, non actualitate existentiae. Secunda sententia Hetuzi, Capreoli, Fons: apud citatum Tellez, hoc tantum differt à prima, quod istud esse possibile æternum, dicat esse ens purè negatiuum seu abusiuum, vocetq; illud carentiam repugnantiae, seu non implicantiam ad existendum.

3^{io} Scotus cum suis, opinatur ex cognitione Diuina de creaturis, possibilibus resultare quoddam esse obiectiuum, diminutum, æternum, in quo constituit formaliter possibilitatem creaturarum.

4^{to} communiter R.R. docent Possibilitatem creaturæ non existentis, distingui quidem à Deo nemine cogitante; non tamen esse aliquid actuale absolutum, sed purè potentiale & conditionatum, seu disiunctiuum, quod sit verificatiuum huius propositionis v. g. *Si & quando homo existet, erit animal rationale; vel huius: Aut homo non existet, aut existet animal rationale*: adduntq;, huiusmodi ens esse in se intrinsecè æternum ac necessarium, æternitate & necessitate à parte rei distinctâ à Deo.

Sententiæ
de possibili-
tate crea-
turæ æ-
terna.

Vltima
tandem

dicatum cum subiecto, cum nihil sit magis intrinsecum identificatis, quam ipsa identitas, quæ sola identificat prædicatum cum subiecto.

7. Impossibile non est denominatio extrinseca à potentia DEI non potente producere aliquid. Ergo nec possibile, à potentia potente producere aliquid. Consequentiam probat paritas rationis. Antecedens verò probatur: Tum quia alioquin daretur in Deo Impotentia producendi aliquid, quam tamen negat D. Thom: Deo tribui posse, cum virtus eius actiua sit infinita & plenitudo totius posse, cuius aliquem defectum significat Impotentia: Tum quia etiam si omnipotentia DEI non existeret, adhuc chimæra esset impossibilis; nec enim per hoc præcisè redderetur possibilis, quia tunc causa adæquata omnium possibilium deficeret.

8. Vna forma indiuisibilis non potest pluribus subiectis dare diuersas denominationes, quin præsupponat in ipsis aliquam diuersitatem intrinsecam, vt inter alia patet in Actione diuersimodè denominante causam & passum, suppositâ in eis diuersitate intrinsecâ. Cum ergo omnipotentia DEI sit quasi forma indiuisibilis, non potest vnum obiectum denominare extrinsecè Possibile, alterum, Impossibile; vnum, animal rationale, alterum, animal rugibile, quin in ipsis obiectis præsupponat diuersitatem intrinsecam, consistentem in tali vel tali consonantia vel dissonantia prædicatorum essentialium inter se; quæ proinde consonantia vel dissonantia, non erit mera denominatio extrinseca ab omnipotentia DEI.

9. Vera est ista causalis: Ideò DEVS potest producere muscam, quia hæc non implicat, seu quia est possibile, non autem è conuerso. Item vera est hæc altera: Ideò DEVS non potest producere Hircoceruum, quia hic implicat; non autem è conuerso. Et ratio est: quia alioquin nulla dabitur ratio à priori, cur Deus possit facere muscam, & non possit Hircoceruum. Prius igitur est muscam esse possibilem, & hircoceruum impossibilem, quam DEVM posse illam, hunc non posse, producere.

Vltimò. Saltem Possibilitas peccati non est Omnipotentia DEI; aliàs Deus amans necessariò Possibilitatem peccati (sicut necessariò amat omnipotentiam suam) eo ipso necessariò amaret peccatum possibile; quod repugnat summæ eius bonitati. Ergò saltem non omne Ens purè possibile est pura denominatio extrinseca ab Omnipotentia DEI.

§ I. Responderetur. Vt explicetur status quæstionis, certum imprimis est, aliquam Possibilitatem etiam eorum quæ sunt contingentia in existendo, esse aliquid non modo æternum, sed etiam simpliciter & absolute necessarium

um ac indefectibile. Patet hoc, quia si omnis possibilitas Angeli absolute potuit non esse; etiam Angelus absolute potuit non esse possibilis: cum nihil sit possibile, deficiente omni sua possibilitate. Si autem Angelus absolute potuit non esse possibilis: ergo potuit absolute Angelus non esse id quod est aptum existere, seu potuit non esse ens reale: hoc autem non minus est impossibile, quam si quis diceret, quod, homo potuerit non esse rationalis: cum non minus sit essentialis Angelo esse ens reale, quam homini esse rationalem.

Alqua
possibili-
tas contin-
gentium
est eterna
& necessa-
ria.

§ II. Certum rursus mihi est aliquam Possibilitatem rei existentis non distinguere realiter ab eius existentia: quia vnumquodque existens, in seipso intrinsece non repugnat, seu non inuoluit contradictoria predicata, adeoque est quid intrinsece in se possibile. Verum hæc Possibilitas, in ijs quæ contingenter existunt, est contingens, non secus ac existentia ipsorum; nec de hac præsens questio procedit: sed potius procedit de illa Possibilitate rerum non existentium æterna ac simpliciter necessaria, & quaeritur quidnam sit & ut hac cognita, innotescat quid sit Ens pure possibile, quod denominatur à tali possibilitate. In qua difficultate multæ sunt Authorum sententiæ.

Alqua
contin-
gens.

§ III. Prima est Henrici Gandavi: quem è nostris sequitur Albertus: in præd. subst. disp. 1. qu. 1. & Tellez disp. 50. met. sect. 1. existentium, ens merè possibile, v. g. Alterum solem, præter Omnipotentiam Dei productivam ipsius, importare aliquod esse absolutum positivum, actuale nemine cogitante à Deo distinctum, sed ita diminutum, ut ipsius, v. g. Alter sol, solum dicatur esse ab æterno actu actualitate essentiae, non actualitate existentiae.

Secunda sententia Hetuzæ, Capreoli, Fons: apud citatum Tellez, hoc tantum differt à prima, quod istud esse possibile æternum, dicat esse ens pure negativum seu abusivum, vocetque illud carentiam repugnantiae, seu non implicantiam ad existendum.

3tio Scotus cum suis, opinatur ex cognitione Divina de creaturis possibilibus resultare quoddam esse obiectivum, diminutum, æternum, in quo constituit formaliter possibilitatem creaturarum.

4to communiter R.R. docent Possibilitatem creaturæ non existentis, distinguere quidem à Deo nemine cogitante; non tamen esse aliquid actuale absolutum, sed pure potentiale & conditionatum, seu disiunctivum, quod sit verificativum huius propositionis v. g. *Si & quando homo existet, erit animal rationale*; vel huius: *Aut homo non existet, aut existet animal rationale*: adduntque, huiusmodi ens esse in se intrinsece æternum ac necessarium, æternitate & necessitate à parte rei distincta à Deo.

Sententiæ
de possibi-
litate cre-
aturæ æ-
terna.

Ultima
tandem

dicatum cum subiecto, cum nihil sit magis intrinsecum identificatis, quam ipsa identitas, quæ sola identificat prædicatum cum subiecto.

7. Impossibile non est denominatio extrinseca à potentia DEI non potente producere aliquid. Ergo nec possibile, à potentia potente producere aliquid. Consequentiam probat paritas rationis. Antecedens verò probatur: Tum quia alioquin daretur in Deo Impotentia producendi aliquid, quam tamen negat D. Thom: Deo tribui posse, cum virtus eius actiua sit infinita & plenitudo totius posse, cuius aliquem defectum significat Impotentia: Tum quia etiam si omnipotentia DEI non existeret, adhuc chimæra esset impossibilis; nec enim per hoc præcisè redderetur possibilis, quia tunc causa adæquata omnium possibilium deficeret.

8. Vna forma indiuisibilis non potest pluribus subiectis dare diuersas denominationes, quin præsupponat in ipsis aliquam diuersitatem intrinsecam, vt inter alia patet in Actione diuersimodè denominante causam & passum, suppositâ in eis diuersitate intrinsecâ. Cum ergo omnipotentia DEI sit quasi forma indiuisibilis, non potest vnum obiectum denominare extrinsecè Possibile, alterum, Impossibile; vnum, animal rationale, alterum, animal rugibile, quin in ipsis obiectis præsupponat diuersitatem intrinsecam, consistentem in tali vel tali consonantia vel dissonantia prædicatorum essentialium inter se; quæ proinde consonantia vel dissonantia, non erit mera denominatio extrinseca ab omnipotentia DEI.

9. Vera est ista causalis: *Ideo DEVS potest producere muscam, quia hæc non implicat, seu quia est possibile*, non autem è conuerso. Item vera est hæc altera: *Ideo DEVS non potest producere Hircocerum, quia hic implicat*; non autem è conuerso. Et ratio est: quia alioquin nulla dabitur ratio à priori, cur Deus possit facere muscam, & non possit Hircocerum. Prius igitur est muscam esse possibilem, & hircocerum impossibilem, quam DEVM posse illam, hunc non posse, producere.

Vltimò. Saltem Possibilitas peccati non est Omnipotentia DEI; aliàs Deus amans necessariò Possibilitatem peccati (sicut necessariò amat omnipotentiam suam) eo ipso necessariò amaret peccatum possibile; quod repugnat summæ eius bonitati. Ergò saltem non omne Ens purè possibile est pura denominatio extrinseca ab Omnipotentia DEI.

§ I. Responderetur. Vt explicetur status quæstionis, certum imprimis est, aliquam Possibilitatem etiam eorum quæ sunt contingentia in existendo, esse aliquid non modo æternum, sed etiam simpliciter & absolutè necessarium

um ac indefectibile. Pateat hoc, quia si omnis possibilitas Angeli absolute potuit non esse; etiam Angelus absolute potuit non esse possibilis: cum nihil sit possibile, deficiente omni sua possibilitate. Si autem Angelus absolute potuit non esse possibilis: ergo potuit absolute Angelus non esse id quod est aptum existere, seu potuit non esse ens reale: hoc autem non minus est impossibile, quam si quis diceret, quod, homo potuerit non esse rationalis: cum non minus sit essentiali Angelo esse ens reale, quam homini esse rationalem.

Aliqua
possibili-
tas contin-
gentium,
est æterna
& necessa-
ria.

§ II. Certum rursus mihi est aliquam Possibilitatem rei existentis non distinguere realiter ab eius existentia: quia unumquodque existens, in seipso intrinsece non repugnat, seu non inuoluit contradictoria prædicata, adeoque est quid intrinsece in se possibile. Verum hæc Possibilitas, in ijs quæ contingenter existunt, est contingens, non secus ac existentia ipsorum; nec de hac præsens quaestio procedit: sed potius procedit de illa Possibilitate rerum non existentium æterna ac simpliciter necessaria, & quaeritur quidnam sit? ut hac cognita, innotescat quid sit Ens pure possibile, quod denominatur à tali possibilitate. In qua difficultate multæ sunt Authorum sententiæ.

Aliqua
contin-
gens.

§ III. Prima est Henrici Gandavi: quem è nostris sequitur Albertus: in præd. subst. disp. 1. qu. 1. & Tellez disp. 50. met. sect. 1. existentium, ens mere possibile, v. g. Alterum solem, præter Omnipotentiam Dei productivum ipsius, importare aliquod esse absolutum positum, actuale nemine cogitante à Deo distinctum, sed ita diminutum, ut ipsius, v. g. Alter sol, solum dicatur esse ab æterno actu actualitate essentiae, non actualitate existentiae. Secunda sententia Heruzi, Capreoli, Fons: apud citatum Tellez, hoc tantum differt à prima, quod istud esse possibile æternum, dicat esse ens pure negativum seu abusivum, vocetque illud carentiam repugnantiae, seu non implicantiam ad existendum. 3^{io} Scotus cum suis, opinatur ex cognitione Divina de creaturis possibilibus resultare quoddam esse obiectivum, diminutum, æternum, in quo constituit formaliter possibilitatem creaturarum.

4^{to} communiter R.R. docent Possibilitatem creaturæ non existentis, distinguere quidem à Deo nemine cogitante; non tamen esse aliquid actuale absolutum, sed pure potentiale & conditionatum, seu disiunctivum, quod sit verificativum huius propositionis v. g. Si & quando homo existet, erit animal rationale; vel huius: Aut homo non existet, aut existet animal rationale: adduntque, huiusmodi ens esse in se intrinsece æternum ac necessarium, æternitate & necessitate à parte rei distinctum à Deo.

Sententiæ
de possibili-
tate crea-
turæ æ-
terna.

Ultima
tandem

quod asserit Petrus de Comitibus, quamcunq; propositionem, etiam hanc, *Deus est iniustus*, esse veram obiectuè. Nam illa tantum est propositio obiectuè vera, cuius obiectum non solum datur secundum se à parte rei, sed etiam datur tali modo, quali modo repræsentatur per propositionem, cum veritas propositionis sit conformitas cum suo obiecto: hoc autem non convenit ulli propositioni, quæ est in materia impossibili.

Definitio
Entis rationis,

Ad 8. Definitio communis Entis rationis, non ita est accipienda, quasi Ens rationis sit illud obiectum, quod secundum se non possit dari extra intellectum, ut probatum est hætenus: sed ita, ut Ens rationis sit illud obiectum, quod tali modo, quali exprimitur in intellectu fingente, nequeat dari extra intellectum, sed tantum detur in intellectu fingente. Sed hæc satis: restat, ut explicato Ente reali & Ente rationis, videamus quid sit Ens possibile, quid Impossibile, quid Actuale.

Q V Æ S T I O III.

Utrum Ens purè Possibile sit aliquid in se intrinsecè à parte rei distinctum à Deo?

Punctum I.

Rationes dubitandi pro parte affirmativa, & status Questionis.

Videtur Ens purè possibile esse aliquid in se intrinsecè à parte rei distinctum à Deo, 1: quia idem est nunc Petrus existens, qui fuit ante mille annos purè possibilis: sed nunc est aliquid in se intrinsecè distinctum à Deo: Ergo & olim, cum fuit purè possibilis.

2. Ens purè possibile v. g. Antichristus est terminus Omnipotentia Dei, quem illa potest physicè producere: sed omnipotentia Dei non potest physicè producere nihil, nec seipsam, cum sit incausata: Ergo Ens purè possibile est aliquid reale positivum, distinctum à parte rei ab omnipotentia Dei, quæ est ipse Deus; & quidem non est mera denominatio extrinseca ab omnipotentia Dei, sicut etiam terminus potentia visiva, & auditiva, seu visibile & audibile, non est mera denominatio extrinseca à sua potentia.

3. Opposita prædicata verificantur à parte rei de potentia Dei productiva

ductiua Antichristi, deq; ipso Antichristo purè possibile: nam hic est producibilis & ens ab alio, illa improducibilis & ens à se: Ergo Antichristus purè possibilis est aliquid in se intrinsecè distinctum à potentia Diuina productiua Antichristi.

4. Si ens purè possibile, seu quod idem est, si essentia rei creatæ non existentis constitueretur in illo esse possibili & æterno per omnipotentiā Dei tanquam per formam extrinsecam; sequeretur primò omnes propositiones æternæ veritatis, v. g. has *Homo est possibilis*, *Leo est rugibilis*, habere, pro obiecto saltem inadæquato ipsam omnipotentiam Dei. Sequela autem est falsa: tum quia sæpè formando tales propositiones nihil cogitamus de Deo: tum quia sæpè huiusmodi propositiones discrepant tam prædicatò, quàm subiecto, id est toto obiecto, vt cum dico, *Homo est rationalis*, *Leo est rugibilis*. Deinde sequeretur Ens possibile vt sic non posse diuidi in Deum & creaturam purè possibilem, quia in secundo membro, includeretur primum; & sic periret omnis diuisio categoriarum.

5. Nulla forma etiam extrinseca potest tribuere vllam denominationem subiecto, nisi illud supponat in se intrinsecè distinctum à seipsa, vt patet in denominatione extrinseca dextri, visi. Et ratio est, quia quod non præsupponitur esse aliquid in se intrinsecè, non potest recipere esse tale, vel tale, ab vllò etiam extrinseco. Igitur omnipotentia Dei, vt essentijs rerum creatarum, ab æterno tribuat extrinsecè denominationem Possibilis debet præsupponere illas esse in seipsis intrinsecè.

6. Quod per seipsum intrinsecè non repugnat, est in se intrinsecè possibile: Sed Antichristus per seipsum intrinsecè non repugnat: tum quia in suis prædicatis essentialibus (quæ sunt ipse Antichristus) nullam includit contradictionem: tum quia alioquin vera esset ista propositio priori contradictoria, *Antichristus per seipsum intrinsecè repugnat*. Ergo Antichristus est in se intrinsecè possibilis, & sic in se intrinsecè distinctus à Deo. Confirmatur: quia Antichristus essentialiter, ideoq; intrinsecè est animal, viuens, corpus &c. Ergo debet dari aliquid Antichristo intrinsecum, adeoq; distinctum in se intrinsecè à Deo, vi cuius verificentur ista prædicata essentialia de Antichristo; quod non est aliud nisi ipsa possibilitas passiva seu connectio & identitas prædicatorum essentialium Antichristi. Et ratio est, quia hanc propositionem: *Antichristus est animal*, verificat id quod identificat prædicatùm cum subiecto; nihil autem intrinsecum potest identificare præ-

um ac indefectibile. Pater hoc, quia si omnis possibilitas Angeli absolute potuit non esse; etiam Angelus absolute potuit non esse possibilis: cum nihil sit possibile, deficiente omni sua possibilitate. Si autem Angelus absolute potuit non esse possibilis: ergo potuit absolute Angelus non esse id quod est aptum existere, seu potuit non esse ens reale: hoc autem non minus est impossibile, quam si quis diceret, quod, homo potuerit non esse rationalis: cum non minus sit essentialis Angelo esse ens reale, quam homini esse rationalem.

Aliqua
possibili-
tas contin-
gentium,
est æterna
& necessa-
ria.

§ II. Certum rursus mihi est aliquam Possibilitatem rei existentis non distinguere realiter ab eius existentia: quia vnumquodque existens, in seipso intrinsece non repugnat, seu non inuoluit contradictoria prædicata, adeoque est quid intrinsece in se possibile. Verum hæc Possibilitas, in ijs quæ contingenter existunt, est contingens, non secus ac existentia ipsorum; nec de hac præsens questio procedit: sed potius procedit de illa Possibilitate rerum non existentium æterna ac simpliciter necessaria, & quaeritur quidnam sit? ut hac cognita, innotescat quid sit Ens pure possibile, quod denominatur à tali possibilitate. In qua difficultate multæ sunt Auctorum sententiæ.

Aliqua
contin-
gens.

§ III. Prima est Henricus Gandau: quem è nostris sequitur Albertus: in præd. subst. disp. 1. qu. 1. & Tellez disp. 50. met. sect. 1. existentium, ens merè possibile, v. g. Alterum solem, præter Omnipotentiam Dei productiuam ipsius, importare aliquod esse absolutum positium, actuale nemine cogitante à Deo distinctum, sed ita diminutum, ut vi ipsius, v. g. Alter sol, solum dicatur esse ab æterno actu actualitate essentiae, non actualitate existentiae. Secunda sententia Heruzi, Capreoli, Fons: apud citatum Tellez, hoc tantum differt à prima, quod istud esse possibile æternum, dicat esse ens pure negatiuum seu abusiuum, vocetque illud carentiam repugnantiae, seu non implicantiam ad existendum. 3to Scotus cum suis, opinatur ex cognitione Diuina de creaturis possibilibus resultare quoddam esse obiectiuum, diminutum, æternum, in quo constituit formaliter possibilitatem creaturarum. 4to communiter R.R. docent Possibilitatem creaturæ non existentis, distinguere quidem à Deo nemine cogitante; non tamen esse aliquid actuale absolutum, sed pure potentiale & conditionatum, seu disiunctiuum, quod sit verificatiuum huius propositionis v. g. Si & quando homo existet, erit animal rationale; vel huius: Aut homo non existet, aut existet animal rationale: adduntque, huiusmodi ens esse in se intrinsece æternum ac necessarium, æternitate & necessitate à parte rei distincta à Deo.

Sententiæ
de possibili-
tate crea-
turæ æ-
terna.

Ultima
tandem

verò ipsum præterquam quod sit effatum Augustini in lib: de Trin: docentis vniuersaliter, *Omne æternum ac immutabile esse summum*, declaratur tali ratione.

Quod ex suo conceptu nullum habet meritum & capacitatem terminandi vllam prudentem fugam & displicentiam voluntatis, illud nullam includit imperfectionem, adeoq; omnem includit perfectionem, (cùm exclusio vnius contradictorij, sit inclusio alterius, ne inter contradictoria detur medium à parte rei;) consequenter tale ens est ex suo conceptu purum summumq; bonum, vt patet. Atqui Ens quod est in se intrinsecè æternum ac simpliciter necessarium, nullum habet ex suo conceptu meritum & capacitatem terminandi prudentem fugam & displicentiam voluntatis. Ergo nulla ex suo conceptu includit imperfectionem, sed potius omnem perfectionem & sic est purum bonum. Consequentia est legitima. Maior probatur: quia sicut respectu assensus in intellectu, obiectum adæquatum est veritas; respectu autem dissensus, falsitas: ita respectu prudentis prosecutionis in voluntate, obiectum adæquatum est bonitas seu perfectio; respectu verò prudentis fugæ & displicentiæ obiectum adæquatum est defectus seu imperfectio. Sicut ergo quod non potest terminare dissensum, nullam includit falsitatem, ita quod non potest terminare vllam prudentem displicentiam, illud nullam includit imperfectionem, sed potius omnem includit perfectionem.

Probatur iam minor multipliciter. Primò enim Ens in se æternum ac simpliciter necessarium, est prorsus inevitabile; stultum autem est fugere, quod evitari non potest.

Deinde sine ente simpliciter necessario, seu tali, quod repugnat abesse, nullum prorsus malum vitari potest, nullumq; bonum acquiri: nemo autem prudens potest auersari etiam inefficaciter illud obiectum sine quo nullum bonum habere potest, nullumq; malum vitare; siquidem omnis prudens de aliquo obiecto displicentia etiam inefficax, semper ordinatur ad vitandum aliquod malum, aut ad bonum aliquod acquirendum.

Præterea qui sibi displiceret de ente simpliciter necessario, utiq; vellet saltem inefficaciter illud non esse, quod tamen metaphysicè repugnat non esse; & sic vellet saltem inefficaciter Chimeram, quam tamen nemo prudens, etiam inefficaciter velle potest.

Demum loquendo in subiecta materia, qui illam Possibilitatem creaturæ in se intrinsecè æternam distinctam à Deo, vellet saltem speculatiuè & inefficaciter non esse, eo ipso vellet speculatiuè & inefficaciter Deum non esse completè omnipotentem (non posset enim Deus esse completè omnipotens ablata illà possibilitate creaturarum;) & consequenter

Ens in se,
intrinsecè
æternum,
ac simpli-
citer ne-
cessarium
est purum
bonum.

sequenter veller Deum non esse completè beatum : quæ tamen voluntas, etiam inefficax & speculatiua, est omninò irrationalis. Nulli igitur voluntati prudenti potest displicere etiam inefficaciter & speculatiuè, Ens quod est in se intrinsecè æternum ac simpliciter necessarium, ideoq; tale ens est in re purum summumq; bonum.

§ V. Confirmatur hoc idem argumentum. Summa Dei bonitas sufficit sibi se sola, vt existat, vtiq; existat completè omnipotens, libera, beata; ita vt omnia à se realiter distincta contemnere efficaciter, deq; illis disponere liberè possit, atq; eadem sub dominio suo conuneat: quod est principium Theologicum pro vnitæ Dei contra Gentiles. Si autem daretur Possibilitas creaturæ, tanquam aliquid à parte rei distinctum à Deo, in se intrinsecè æternum ac simpliciter necessarium; iam tale ens, non posset Deus efficaciter contemnere, (alioquin hoc ipso deficeret tale ens, quod ponitur esse indefectibile,) nec illud haberet sub dominio suo, sed potius deberet illud amare necessariò, illà necessitate, quæ amat suam omnipotentiam, libertatem ac beatitudinem completam, quarum scilicet perfectionum: Dei, tale ens esset complementum vnice requisitum; ac promde iam non sufficeret sibi se solà summa illa Bonitas Diuina. Hæc autem sequela tamò est inconuenientior, quàm minus perfectionis haberet illud Ens extra Deum habens in se suum esse incontentibile à Deo, quàm perfectissimum aliquid ens extra Deum existens, v. g. supremus Angelus, aut Humanitas à Verbo assumptæ, quod tamen ens Deus contemnere efficaciter potest absolute loquendo, certe illud non amat necessariò, cùm Diuinam voluntatem infinitam, solum Bonum infinitum, in sui amorem necessarium flectere possit.

§ VI. Relinquitur ergo Possibilitatem creaturæ in se intrinsecè æternam ac simpliciter necessariam non esse ens aliquid diminutum, non ens abutivum, non ens purè obiectiuum resultans ex cognitione Dei, non purè negatiuum, non purè conditionatum vel disiunctiuum, non ens purè potentiale seu nominaliter tantum ens. Patet enim, hæc omnia, hisq; similia prædicata, magnam in suo conceptu involuere imperfectionem, cùm tamen ens in se intrinsecè æternum ac necessarium absolute, omnem à se, ex suo conceptu excludat imperfectionem, vt modò ostensum est.

§ VII. Specialiter autem Possibilitas creaturæ non est ens diminutum: Tum quia, *quantum aliquid habet de veritate, tantum habet de entitate & bonitate, vtpote conuertibilis cum veritate, vt dicitur ex D. Thoma disp.*

3. qu. 1. § 2. unde cum Possibilitas creaturæ. v. g. hominem esse animal rationale, sit quid maxime verum & necessarium, oportet etiam ut sit maximum ens, & non aliquid diminutum. Tum quia cur id quod participat de Divina sapientia aut potentia, participat etiam de Divina bonitate, nec est ens diminutum; secus autem id quod participat de Divina necessitate, immutabilitate, æternitate, ut participat Possibilitas creaturæ, etiam per Adversarios? Nempe modus essendi sequitur ipsum esse; quomodo ergo poterit participari esse ab æterno, (qui est modus essendi Divinus,) & non participari ipsum esse Divinum, eiusque bonitas?

Possibilitas creaturæ non est ens diminutum.

§ VIII. Rursus Possibilitas creaturæ non est ens obiectivum resultans ex cognitione Dei: Tum quia universalius non dantur talia entia: Siquidem secluso omni ente resultante ex cognitione, eo ipso præcisè, quod cognitio exprimat v. g. rosam, rosa denominatur formaliter cognita: Tum quia, ens istud Possibilitatis creaturarum obiectivum, erit utique; posterius naturæ vel origine, quàm cognitio Dei, ex qua resultat. Pro illo ergo priori siue originis, siue naturæ, pro quo intelligitur Divina cognitio, vel creatura non erit, præcisè loquendo, possibilis; cum tamen esse possibilem sit primus conceptus creaturæ, nec in ullo signo possit intelligi creatura antequam intelligitur esse possibilis, seu ens, & aliquid aptum existere: vel certe pro illo priori seu originis seu naturæ, creatura erit formaliter possibilis ante suam possibilitatem, quæ est in signo posteriori, siue naturæ siue originis. Hoc autem etiam est inconueniens, ut patet.

Non obiectivum resultans ex cognitione Dei.

§ IX. Eadem ratione probatur Possibilitatem creaturæ non esse ens purè negativum & abusivum. Hoc enim deberet ante se supponere aliquid ens positivum, in quo fundaretur: Possibilitas autem est primum prædicatum rei.

Rursus cum à quibusdam dicitur Possibilitas esse non repugnantia ad existendum; siquidem ipsa Repugnantia est aliquid negativum, (est enim carentia possibilitatis); jam non repugnantia seu possibilitas, erit negatio negationis, & sic reipsa erit aliquid positivum, negativè expressum, ita sicut Immensitas, Infinitas, &c. Tandem ostendetur Disp. seq: non dari negationes distinctas nemine cogitante ab omni ente positivo.

Non purè negativum

§ X. Amplius Possibilitatem creaturæ non esse ens purè conditionatum vel disiunctivum, probatur: Tum quia non datur quidquam à parte rei in se inutrescè, seu conditionatum, seu disiunctivum, sed potius

Non purè
conditio-
natum vel
dijuncti-
vum.

istæ denominationes sunt extrinsecæ, prouenientes à modo tendendi in obiectum conditionato vel diiunctiuo: Possibilitas autem creaturæ, datur à parte rei in se intrinsecè ab æterno.

Tum quia vt benè ostendit P. Espæza qu. 18. de Deo ad 3: omnis propositio conditionata æquiualeat absolutæ, scilicet vel neganti coniunctionem inter conditionem & conditionatum; vel neganti coniunctionem conditionis cum omissione conditionati. Et ita, hæc præpositio: *Si homo existet, erit rationalis*, æquiualeat huic: *Existencia hominũ non coniungitur cum omissione rationalis*: hæc verò altera: *Si homo existet, non erit rugibilis*, æquiualeat huic: *Existencia hominũ non coniungitur cum rugibili*. Debet igitur dari à parte rei aliquod obiectum absolutum, verificativum propositionis conditionatæ de essentijs rerum creaturarum, utpote æquiualentis propositioni absolutæ; quod obiectum utiq; est ipsa Possibilitas creaturæ.

Tum demũ quia: essentijs rerum, antequam existant, hoc esse conditionatum, non conuenit rursus conditionatè, ne fiat processus in infinitum, sed potius conuenit absolute; ideo q; conuenit, ratione alicuius obiecti verificatiui absoluti æterni, quod proculdubio est possibilitas creaturarum.

Nec ens
nominali-
ter tantũ.

§ XI. Demũ Possibilitatem creaturæ dari defacto, actu ab æterno, adeoq; esse ens participialiter, seu existens, & non esse ens purè potentiale seu ens tantũ, vt aiunt, nominaliter, probatur etiam specialiter: Tum quia nunc & ab æterno fuit vera ista propositio: *Antichristus est actu & defacto possibilis*. Ergo (cum quælibet propositio sit vera per conformitatem ad suum obiectum) debet dari nunc & ab æterno actu & defacto aliquod obiectum verificativum propositionis affirmantis actu & defacto nunc esse possibilem Antichristum: hoc autem obiectum, non est aliud nisi possibilitas ipsius.

Tum quia sicut non potest dici aliquid nunc defacto esse actu album per albedinem non existentem; ita non potest dici aliquid esse nunc actu defacto possibile per possibilitatem non existentem.

Et quamuis Antichristo conueniat nunc esse in potentia ad existendum, non conuenit tamen ei esse in potentia ad esse possibile: Immo hoc ipsum, quod sit in potentia ad existendum, non conuenit ei rursus in potentia, ne procedatur in infinitum, sed conuenit actu; ideoq; deueniendum tandem est ad aliquam actualitatem æternam verificatiuam propositionis affirmatiuæ de Antichristo possibili, quæ actualitas est possibilitas ipsius.

§ XII. Atq; ex his patet Possibilitatem adæquatam cuiuscunq; possibilis

possibilis non existens, seu formam adæquatam à qua aliquid denominatur ab æterno possibile, esse in re purum summumq; bonum, esse ens primum & maximum, ac proinde esse ens à se, consequenter in sensu reali esse ipsam omnipotentiam Dei, quatenus ab æterno necessario contentivam in sua virtute actiua, prædicatorum essentialium rei possibili, vel saltem permissivam illius quod dicitur possibile, ac proinde in re esse etiam scientiam simplicis intelligentiæ, & aliquem actum Divinæ voluntatis necessarium circa possibilia: vno verbo in re esse ipsam essentiam Dei, quæ à Nanzian. dicitur *Pelagius totius esse*. Et hæc sola est illa necessitas, æternitas, immutabilitas, a qua essentia creaturarum, extrinsecè denominantur necessariae, æternæ, immutabiles, incorruptibiles, ingenerabiles. Hæc sola est illa actualitas necessaria, implicite & indirectè importata in omnibus propositionibus æternæ veritatis (vt magis explicabitur in responsione ad 4.) estq; illarum obiectum verificativum. Hæc demum sola est status quidditativus rerum, in quos habent invariabilem connexionem suorum prædicatorum quidditativorum seu essentialium.

Et ratio ultra iam dicta est: quia illud est causa formalis adæquata alicuius effectus, quo præcisè posito, & sublatis alijs omnibus, ponitur talis effectus formalis: sed posita præcisè omnipotentia Dei productiva Antichristi, & sublato quovis ente diminuto, aut quibuscunq; vocibus extenuato, quod tamen sit in se intrinsecè, eo ipso Antichristus est possibilis; siquidem esse causam productivam effectus, & effectum esse producibilem à causa, seu possibilem esse, non differunt in re ex parte obiecti quomodocunq; significati, sed tantum ex parte apprehensionum, quarum una id apprehendit in recto, quod altera in obliquo, non secus ac differunt istæ locutiones: *Ego lego librum, Liber legitur à me*. Ergo potentia Dei productiva Antichristi, est forma adæquata denominans Antichristum producibilem seu possibilem.

Neq; dicas Potentiam Dei productivam Antichristi non esse denominationem adæquatè intrinsecam Deo, sed desumi partialiter ab aliquo extrinsecò, tenente se ex parte Antichristi possibili. Contra enim est: Tum quia Bonitas essentialis Dei est ipsi adæquatè intrinsecas: Ergo & esse communicativum ad extra seu productivum creaturæ: cum omne bonum sit sui communicativum, & è conuerso esse communicativum sui ad extra, sit esse contentivum eminenter perfectionum dispersarum per creaturas, quod est esse bonum. Tum quia Deus ita est per seipsum principium liberum productivum creaturarum ad extra, sicut Pater æternus est

D;

per seipsum

Quid sit
liber quid
dicitivus
rerum

Posse pro-
ducere a-
liquid est
denomi-
natio Deo
intrinseca
adæquate.
vide Disp.
4. q. 1. ad
4.

per seipsum principium necessarium productivum Filij ad intra. Cum ergo hæc secunda denominatio sit adæquatè intrinseca Patri; erit etiam pariter intrinseca prima denominatio Deo.

Punctum III.

Explicatur quid sit ipsum Ens possibile seu possibilitas passiva.

§ XIII. Sic explicato Possibili in abstracto, seu possibilitate ac forma denominante Possibile, explicandum est quid sit pure Possibile in concreto, seu possibilitas passiva. Dicendum verò est, nihil aliud esse quam meram denominationem extrinsecam ab omnipotentia Dei productiva vel permissiva contingentis; ita ut pro formali & in obliquo importet hæc denominatio in re ipsam omnipotentiam, quæ est possibilitas in se intrinsecè æterna ac necessaria omnium rerum; in recto verò pro & materiali importet ipsam essentiam seu prædicata essentialia rei contingentis, quæ possunt quidem vocari possibilitas passiva rei; nihil tamen sunt in se intrinsecè, sed tantum sunt tum in nostro intellectu apprehendente consonantiam illorum prædicatorum, tum etiam sunt secundum esse denominativum ab omnipotentia Dei, in qua causaliter continentur, ita ut eatenus dicantur esse, quatenus datur Potentia Divina productiva vel permissiva eorundem.

Quia verò eodem modo res distinguitur, quo est; ideò prædicata essentialia rei non existentis, sicut sunt, ita & distinguuntur ab omnipotentia Dei, non in seipsis, sed in potentia & denominatiue, hoc est, tanquam id quod in denominatione proveniente à Potentia Dei productiva, concipitur in recto, quamvis non sit aliquid in se intrinsecè à parte rei.

Exemplum huius est in denominationibus merè cogniti aut voliti. Sicut enim cognitio quæ datur in se intrinsecè, intellectum denominat intrinsecè cognoscentem, obiectum verò denominat extrinsecè cognitum, quamvis hoc aliquando nihil sit in se intrinsecè, (qualis est utiq; chimera) sed solum sit in intellectu fingente & per denominationem extrinsecam ab ipsa cognitione, quæ illud obiectum denominat cognitum; ita potentia activa Dei, quæ est in se intrinsecè ab æterno, Deum ab æterno denominat intrinsecè productivum creaturæ, ipsam verò creaturam denominat extrinsecè producibilem seu possibilem, quamvis hæc non sit in se intrinsecè ab æterno, sed tantum sit in potentia activa Dei, & per denominationem extrinsecam ab ipsa dicatur esse.

Rursus sicut obie-

Quid sit
Possibile.

Quam cognitionis, quæ non est in se intrinsecè, v. g. chimæra, distinguitur quidem realiter à cognitione, sed tantum denominatiue & intentionaliter, sicut etiam est: ita possibile ab omnipotentia Dei distinguitur quidem realiter, sed denominatiue & possibiliter, sicut etiam est, non autem in se intrinsecè. Quod est norandum, ad soluendas plures obiectiones, quæ plerumq; fiunt ex non attenta consideratione nostræ sententiæ, vt expertus sum non semel.

Punctum IV.

Explicatur proportionaliter, Impossibile & Futurum.

§ XIV. Quæ autem hæcenus dicta sunt de Possibili, proportionaliter dici debent de Impossibili. Nam sicut Possibilitas creaturæ, ita & Impossibilitas Chimæra, est aliquid nemine cogitante, in se intrinsecè, actu ab æterno & simpliciter necessariò. Verificat enim actu ab æterno & quidem necessariò hanc propositionem: *Chimæra est actu ab æterno necessariò impossibilis*. Sicut ergo Possibilitas creaturæ, est Omnipotentia Dei quatenus in sua virtute actiua continens necessariò creaturam: ita Impossibilitas chimæra est eadem Omnipotentia, quatenus in sua virtute actiua, necessariò non continens chimeram, sed potius per seipsam necessariò excludens & impediens chimeram. In concreto autem Impossibile, dicit in re, v. g. hircum & ceruum reales substantes iudicio compositiuo horum terminorum, iuxta dicta qu. præcedenti, quatenus non contentos in virtute actiua Dei, tali modo, quali exprimuntur per iudicium illud essentialiter falsum, sed de hoc plura Disp. 2. qu. 3. vbi explicabuntur Negationes Chimærarum æternæ.

Quid Im-
possibile.

§ XV. Interim proportionaliter discurrendum est etiam de Denominatione Futuri siue absoluti, siue conditionati, ita vt hæc etiam desumatur extrinsecè à Decreto libero Dei absoluto vel à scientia media: & ideo de Futuro absoluto, pronuntiat D. Thom: 1. p. qu. 16. ar. 7. *Illud quod nunc est Futurum, ex eo Futurum fuit antequam esset, quia in causa fuit, vt fieret*. Nempe licet ipsum Futurum non detur nunc in se, actu; ipsa tamen Futuritas rei siue absoluta, siue conditionata est in se intrinsecè actu ab æterno, licet non absolute necessariò, cùm Deus liberè decernat vt aliquid sit futurum absolute, nec necessariò præuideat id quod est futurum conditionatè. Et ratio est, quia ipsa Futuritas absoluta Antichristi, verificat ab æterno: licet non absolute necessariò hanc propositionem: *Antichristum est actu futurum*, & similiter dicendum

Quid Fu-
turum.

ter dicendum de futuritione conditionata actus nostri liberi. Ergo debet dari actus ab æterno, licet non absolute necessario id cum quo identificatur ista futuritio absoluta vel conditionata; hoc autem non est aliud nisi Decretum liberum Dei, cum quo identificatur futuritio absoluta, aut scientia media, cum qua identificatur futuritio conditionata euentuum nostrorum liberorum. Videatur P. Anton. Perez acutè, ut solet, hac de re ex Augustino discurrens Tract. 1. de Dzo disp. 3. c. 3. § 8.

Punctum V.

Illatio de Distinctione Essentia ab Existentia in creatis.

§ XVI. Tandem ex dictis hætenus patet, in quo sensu essentia rei creatæ distinguatur realiter ab eius existentia. Id enim verum est si sermo sit, de essentia rei creatæ sumpta pro statu illo quidditativo rerum, quem diximus esse ipsam essentiam Diuinam; vel certè si essentia creata sumatur cum hac reduplicatione, quatenus continetur in virtute actiua Dei: non est enim dubium essentiam Dei & virtutem actiuam ipsius distingui realiter ab existentia creaturæ. Et in hoc sensu dicitur etiam Essentia creaturæ esse ingenerabilis, incorruptibilis, æterna, quorum nihil conuenit existentia creatæ. Ceterum si essentia creaturæ sumatur pro prædicato, quod creaturam formaliter primò constituit in seipsa intrinsecè & diuersificat ab alijs omnibus; sine dubio essentia creaturæ identificatur realiter cum eius existentia. Nihil enim est aliud existere, quàm esse aliquid tale in seipso intrinsecè, & non solum in intellectu, vel in potentia actiua suæ causæ; quia hoc modo esse, est plus quàm esse purè in causa, quod explicatur per Tò *In seipso intrinsecè* quidquid autem est plus supra purum esse in causa, pertinet ad constituendam actualitatem & existentiam rei; non enim pertinet ad faciendum, quòd res possit præcisè, sed ad faciendum aliquid ultra, atq; nihil ultra posse rei intelligi, nisi eius existentia. Sed iam ad obiectiones contra determinatam veritatem soluendas veniamus.

In quo
sensu di-
stinguatur
realiter es-
sentia cre-
ata ab exi-
stentia.

Punctum VI.

Satisfit argumentis initio Quæstionis propositis.

Ad 1. Sicut eadem rosa, quæ est à parte rei existens, est etiam in intellectu

Intellectu cognoscente ipsam; & tamen in intellectu, est tantum intentionaliter ac denominatiue à cognitione, cum à parte rei existens, sit physice rosa: ita licet idem sit Petrus hodie existens, qui fuit ante mille annos possibilis, tamen nunc est talis in se intrinsecè; ante mille annos fuit talis solum in potentia actiua suæ causæ, & denominatiue ab ipsa. Possunt enim eidem quatenus est in diuersis statibus, diuersimodè conuenire prædicata; alioquin etiam Petro ante creationem mundi, deberent conuenire prædicata actu actualitate existentiz, sicut ei hodie conueniunt. Si autem Petrus ante mille annos non fuit in se intrinsecè talis, sicut est modò; Ergo non fuit etiam in se intrinsecè distinctus realiter à Deo; quia distingui sequitur ad esse.

Ad 2. Ens purè possibile v. g. Antichristus, in recto & specificatiue, non est omnipotentia Dei productiua ipsius (nisi reduplicatiue sumatur, seu quoad formam illam à qua denominatur possibilis, item quoad æternitatem, necessitatem, & similia prædicata, quæ dicit in obliquo.) Non est etiam purum nihil, id est negatio omnis entis: sed potius quamvis sit nihil actuale, nec sit aliquod ens in se intrinsecè; est tamen ens positivum, substantia, viuens, animal, homo, possibiliter, id est in potentia actiua causæ primæ, & denominatiue ab ipsa quatenus potente Antichristum producere, eodemq; modo quo est, distinguitur etiam realiter ab Omnipotentia Dei. Cum ergo Omnipotentia terminetur ad Antichristum possibilem specificatiue & in recto sumptum, non terminatur ad seipsam, nec ad purum nihil, sed ad aliquod ens positivum realiter ab ipsa distinctum, possibiliter tamen & denominatiue à potentia Diuina productiua ipsius; hoc est ad aliquid distinctum realiter secundum id, quod licet non sit in se intrinsecè, concipitur tamen à nobis in recto in denominatione proueniente à potentia Diuina productiua ipsius, tanquam à forma denominante.

Quod ipsum declaratur paritate obiectionis cogniti: sicut enim mons aureus, aut Hircocervus à me cognitus, licet non sit plus aliquid in se intrinsecè quàm cognitio ipsius, est tamen aliquid plus intentionaliter & denominatiue ab ipsa cognitione; & idè cognitio terminata ad montem aureum aut Hircocervum, non terminatur ad seipsam, nec ad purum nihil, sed ad aliquid, quod est intentionaliter & denominatiue ab ipsa distinctum: ita pariter ens purè possibile, quod est terminus Diuinæ potentiz, supra potentiam Diuinam dicit aliquid plus possibiliter & denominatiue ab ipsa distinctum. Neq; dicas etiam obiectum, cum sit causa cognitionis iuxta illud, *Ex obiecto & potentia paritur notitia*, debere esse prius

cognitione, & sic non esse meram denominationem extrinsecam à cognitione. Primò enim saltem respectu Divinæ cognitionis, quæ est incausata, obiectum creatum non est causa. Deinde etiam respectu cognitionis creatæ, non omne obiectum est causa, sed tantum obiectum motivum : & de tali obiecto debet accipi allatum Axioma.

Alia est ratio de visibili respectu potentie visus, & de similibus denominationibus : Tum quia denominatio visibilis, non est prima, sed secunda denominatio, supponens existentiam rei, quæ dicitur visibilis, immo supponens in ipsa re etiam qualitatem intrinsecam, puta colorem, sine quo res non esset proximè visibilis : Tum quia visibile cum sit causa motiva potentie visus, debet præsupponi in se intrinsecè independentem à potentia visiva. At denominatio Possibilis est prima omnium, antecedens existentiam rei, quæ dicitur purè possibilis, nec est causa præsupposita ante potentiam Divinam productivam rerum ; unde non debet esse aliquid in se intrinsecè distinctum à Potentia Dei activa, sicut est distinctum visibile à potentia visiva.

Ad 3. Etiam de obiecto purè cognito, deq; ipsa cognitione, verificantur opposita prædicata : cognitio enim est actus vitalis, inhærens animæ, non autem obiectum ; quod tamen est denominatio merè extrinseca à cognitione. Possunt ergo opposita prædicata convenire formæ denominanti & ipsi denominationi extrinsecæ, quatenus hæc, licet nihil sit in se intrinsecè, præter formam denominantem ; significat tamen aliquid aliud in recto, vel purè à nobis conceptum, vel etiam contentum in potentia activa suæ causæ. Et ratio est, quia ut duobus terminis complexis eadem tribuantur prædicata, non satis est eadem adæquate obiecta, quomodocunq; significari per utrumque terminum complexum ; sed opus est ut idem in recto significetur obiectum per utrumq; terminum ; siquidem in omni prædicatione, attenditur ad identitatem recti inter subiectum & prædicatum ; quod norunt etiam anniculi Philosophi. Et hac de causa, licet hi termini complexi : *Petrus habens vestem* : & : *Vestis habitata à Petro*, eadem prorsus significant obiecta, nempe Petrum, vestem, & habitationem vestis ; tamen de secundo termino dicitur, quòd sit Ens artificiale, quòd negatur de primo ; quia scilicet non idem in recto significatur utrobiq;. De quo dicitur etiam infra Disp. 4. qu. 2. Licet ergo idem sit ex parte obiecti quomodocunq; significati, *Potentia Dei productiva Antichristi*, & *Antichristus producibilis à potentia Dei*, quia tamen non idem realiter rectum, uterq; iste terminus complexus, importat ; idèò opposita prædicata merito tribuuntur utriq;.

Ad 4.

Si varietur
rectum ex
parte sub-
iecti, vari-
antur præ-
dicata.

Ad 4. Concedimus in omnibus propositionibus necessarijs, quæ sunt de essentijs rerum creaturarum, semper affirmari ex parte obiecti implicitè existentiam & essentiam Diuinam, hoc est non sub expresso conceptu Diuinitatis, omnipotentiz &c. sed sub conceptu Possibilitatis creaturarum æternæ, Necessitatis, Immutabilis veritatis, vel sub aliquo simili conceptu realiter conuertibili cum Diuinitate; dicimus tamen affirmari solùm indirectè & in obliquo. Sicut enim in hac propositione: *Petrus sapienter loquitur*, affirmatur indirectè sapientia Petri; ita similiter in hac v. g. propositione: *Homo est necessariò, immutabiliter, ab æterno, animal rationale*, affirmatur indirectè existere Necessitas, Immutabilitas, Æternitas, (quæ reipsa est sola Diuinitas, vt probatum est in corpore) ratione cuius homo sit animal rationale.

Hinc verò patet primò præminetia propositionis scientificæ, supra alias; quia scilicet illa semper implicitè attingit DEUM. Patet rursus ex qualibet propositione scientifica posse probari existentiam Dei, sub conceptu entis necessarij, & immutabilis veritatis.

Patet vlteriùs, non opus esse, vt quoties formamus propositiones in materia necessaria, semper cogitemus de Deo sub conceptu expresso Deitatis, sed satis est cogitare sub aliquo conceptu realiter conuertibili cum Deo.

Patet præterea propositiones scientificas, quæ formantur de diuersis subiectis, differre obiecto terminatiuo, & directè significato; licet omnes conueniant obiecto verificatiuo ipsarum, indirectè significato, quatenus omnes affirmant eandem necessitatem & actualitatem æternam necessentem terminos propositionis. Immo propositionum scientificarum diuersarum, sunt etiam in nobis diuersa motiua formalia; nempe vel termini ipsi apprehensi, si propositio est per se nota; vel principium, ex quo deducitur propositio, si non est per se nota. Patet denum diuisionem Entis vt sic, in DEVM & creaturam possibilem, esse in membra æquaturè distincta, si spectetur rectum, quod significatur in vtroq; membro diuisionis. Non requiritur tamen dari in se intrinsecè distincta inter se recta in vtroq; membro significata: diuisio enim hæc, cum sit opus rationis, contenta est, si vnum diuisionis membrum sit in nostro tantùm intellectu apprehendente, & per denominationem extrinsecam ab altero membro: quod etiam contingere in diuisione Entis vt sic, in ens reale & chimericum, debent fateri Aduersarij: certè enim ens chimericum non est in se intrinsecè a parte rei.

Ad 5. Constat in denominationibus cogniti & voluti, quòd de-

In omni
propositi-
one scien-
tifica affir-
matur DE-
VS.

Non in o-
mni deno-
minatione
datur sub-
iectum in
se intrin-
secè.

nominatione extrinseca possit cadere in subiectum, quod non sit in se intrinsecè, sæpè enim cognoscimus & appetimus ea quæ nec sunt, nec esse possunt in se intrinsecè.

Deinde hoc speciale tribuendum esset Formæ Primæ denominanti, qualis est Omnipotentia DEI, quòd non præsupponat esse in seipso intrinsecè suum subiectum quod denominat, nempe purè Possibile: cum præsertim hoc concretum, de quo agimus non sit physicum, sed Logicum.

Ad 6. Negatur minor propositio, primam eius probationem distinguo: Antichristus, in suis prædicatis essentialibus habentibus suum esse in seipsis, non repugnat, nego quod dicitur: in suis prædicatis essentialibus habentibus suum esse per meram denominationem extrinsecam à causa prima, concedo quod dicitur; & sic etiam assero esse possibilem,

Ad secundam minoris probationem dico, has propositiones: *Antichristus per seipsum intrinsecè non repugnat: Antichristus per seipsum intrinsecè repugnat*, non esse contradictorias, & utramq; esse falsam, perinde ac falsa est utraq; ex his: *Homo accidentaliter est irrationalis: Homo accidentaliter non est irrationalis*. Nam iuxta Summulistas, in contradictorijs modalibus (quales sunt prædictæ omnes propositiones) ut negatiua sit contradictoria, totumq; neget quod affirmat affirmatiua, negatio debet præfigi ipsi modo, & non tantum copulæ: quod tamen in prædictis propositionibus non seruatur, ut patet. Sic ergo in casu nostro formari debent contradictoriæ: *Antichristus per seipsum intrinsecè repugnat: Antichristus non per seipsum intrinsecè repugnat*: & iam secunda erit vera, si tamen sumatur non infinitanter sed neganter, uti sumi debet; hunc enim faciet sensum: *Falsum est quod Antichristus per seipsum intrinsecè repugnet*, quod utiq; verum est.

Ad Confirmationem similiter dico, Antichristum esse essentialiter & intrinsecè animal, viuens &c. hoc est per intrinsecam identitatem sui cum animali, non tamen competentem Antichristo in seipso, sed purè contentam in causa productiua talis identitatis intrinsecæ, quæ proinde fit tantum denominatiue à sua causa. Itaq; ista identitas Antichristi cum animali, hanc propositionem: *Antichristus est animal*, verificat tantum Logicè & denominatiue ab Omnipotentia DEI, ac ratione alterius; ipsa verò Omnipotentia eandem propositionem verificat physicè & ratione sui, tanquam causa nunc actu existens, & necessitas actualis identitatis inter Antichristum & animal sub conditione productionis ipsius. Oportet enim, ut quando extrema identitatis actu in seipsis non dantur, ipsa causa extrinseca inducens necessitatem talis identitatis, verificet propositionem talium extremo-

rum

rum mutuò de se affirmatiuam, vt probatum est in corpore.

Ad 7. Deus quantum est ex se nequit esse amens, miser, & artifex operis dedecentis ipsum, sicut quantum est de se non potest peccare, ægrotare, occidere Spiritum S. &c. Si autem faceret chimeram esset amens, quia poneret id cuius vellet negationem (vtrumq; enim dicit chimera;) esset miser, quia volendo v. g. ponere hircum, non poneret ipsum; sed negationem hirci; esset artifex operis dedecentis, quia efficiendo opus, efficeret destructionem ipsius, ponendo alterum contradictorium. Non potest ergo Deus quantum est ex se facere chimeram, & sic potest à suo non posse producere chimeram, denominare extrinsecè eandem impossibilem.

Nec verò pertinet ad perfectionem Diuinæ potentie, posse facere chimeram sub conditione, si esset possibilis, sicut nec posse producere quā Personam Diuinā, vel posse occidere Spiritum S. sub eādē conditione. Potestas enim conditionata solum datur in aliquo, quando is manet cum suspensione & indifferentia ad conditionem: Deus autem, non est quantum de se indifferens, vt implicet vel non impleat chimera, cum ipsum esse chimeram sit formaliter implicare. Potius ergo non posse facere chimeram, in Deo reipsā est summum posse, oriurq; ex abundantia potentie actiue, non secus, ac non posse mori, non posse destruere tertiam Personā Diuinā &c. solumq; grammaticaliter talis perfectio Diuina vocatur non posse. Nec debet vocari Impotentia, quia hoc nomen impositū est ad significandū defectum virtutis actiue in causa non continente perfectionē alicuius effectūs, quam certē perfectionē nullam dicit chimera; quia si quam importat per vnum terminum, simul eam destruit per alium contradictorium. Immo posse facere chimeram, est impotentia, & defectus potentie; est enim defectus potentie intendendo efficaciter effectum, non posse impedire destructionem effectūs; quod tamen contingeret ei, qui faceret chimeram, vipote constantem ex terminis mutuò sui destructiuis.

Ad illud quod dicitur, deficiente Deo chimeram adhuc fore impossibilem; dico in tali casu, chimeram non fore formaliter & neganter impossibilem, quia deficeret forma impossibilitatis, & exclusivum chimeræ; fore tamen impossibilem præcisue, quatenus in tali casu ficto, potest intellectus concipere id quod est chimera, v. g. Hircum & ceruum vt substantes iudicio compositiuo istorum terminorum, præscindendo an hoc sit possibile. Cæterum hoc argumentum premit etiam Aduersarios in illo casu ficto, in quo tolleretur forma denominans tam possibile, quàm impos-

Deus quantum ex se non potest facere chimeram. vide dispositio 4. quæstio 4. ad 5.

Et hoc est summum posse.

bile, quæ per ipsos est aliquid extra DEVM; quæro enim an tunc chimera esset possibilis vel impossibilis? & quod ipsi dixerint, dici poterit in nostra sententia proportionaliter.

Ad 8. Argumentum procedit de forma simplici secunda & causata, non autem de tali quæ sit simul Causa prima & Idea rerum omnium, qualis est Dei Omnipotentia; hæc enim cum sit in omni genere prima, non supponit diuersitatem in rebus, sed illam primò facit, & denominat possibile vel impossibile, talisq; modo vel tali possibile, quatenus scilicet continet aliquid, vel non continet, aut tali vel tali modo continet in sua virtute actiua.

Ad 9. Inter Omnipotentiam Dei ex vna parte, & inter Possibilitatem creaturæ ac Impossibilitatem chimæræ ex altera parte, fateor nullam dari prioritatem realem & obiectiuam; nam ista omnia sunt idem ex parte obiecti, cum sola diuersitate in apprehendendo. Immo ex natura rei, & respectu intellectûs perfecti, prior est conceptus Omnipotentia, quàm Possibilitatis & Impossibilitatis; per accidens tamen & ex imperfecto modo nostro concipiendi, prius est esse creaturam possibilem, & chimeram impossibilem, quàm dari omnipotentiam Dei productiuam creaturæ & non productiuam chimæræ; quia cum nos prædicata Diuina cognoscamus ex & in creaturis, idè prior est in nobis conceptus, quo apprehendimus consonantiam vel dissonantiam prædicatorum creatorum, quàm conceptus, quo cognoscimus DEVM, quatenus continentem vel non continentem aliquid in sua actiuitate. Quapropter in illis causalibus, quæ opponuntur in hoc argumento: Tò *Quia* non denotat vllam obiectiuam prioritatem, sed tantum prioritatem nostrorum formalium conceptuum de eodem in re obiecto, & quidem denotat prioritatem respectu nostri imperfecti intellectûs, similem illi, qualis denotatur in hac causali: *Idè homo est rationalis, quia est risibilis*. Et sanè cum Omnipotentia Dei sit prima ratio & Idea rerum omnium, frustra requiritur eius ratio obiectiue prior; alias prius esset ideatum, quàm Idea; prior numerus, quàm vnitas; & quod est magis absonum, si prima ratio cur Deus possit facere muscam esset essentia muscæ habens aliquod esse diminutum extra DEVM; sequeretur quòd prima ratio cur Deus possit aliquid facere, non esset intellectus perfectissimus & voluntas optima, sed quædam entia-tula plu-quàm cæca, fatua, mortua, & sic prima rerum omnium ratio esset veluti casus, vel fatalis necessitas, id est aliquid præcedens omnem dispositionem intellectûs & voluntatis, ne dicam Idea Platónica. Concludendum

Quæ ratio
cur Deus
possit ali-
quid face-
re?

dum ergo est verbis Augustini: *Tota ratio facti est potentia facientis*, & in hac potius tanquam in prima rerum omnium causa sistendum, quam in ente aliquo diminuto essentiae creatae, in quo tandem sistere cogantur Aduersarij, non valentes vltiorem etiam ipsi dare rationem, si ex illis pariter quaeratur, cur musca sit possibilis & non Hircoceruus? Adde illud insuper, posse etiam per nos dari priorem ex modo nostro concipiendi rationem, cur Deus possit facere muscam & non Hircoceruum, nempe hanc, quia Deus continet eminenter omnem perfectionem, quam dicit musca, non autem continet perfectionem Hircocerui, cum hic nullam dicat perfectionem, vepote constans terminis, mutuo suas perfectiones destruenubus.

Ad vltimum. Ex dictis tota hac Quaestione constat, quod etiam Possibilitas illa peccati, quae est a parte rei in se intrinsecè æterna ac simpliciter necessaria seu indefectibilis, sit in re ipsa Potentia Dei quatenus permissiua peccati, quoddq; consequenter sit purum bonum, ac proinde necessariò amabilis à Deo. Cæterum quia hæc Possibilitas peccati non solum est distincta realiter à peccato, quod ab ipsa denominatur possibile ab æterno, estq; eidem peccato extrinseca, ut liquet ex dictis: sed etiam (ut acutè obseruat

De possi-
bilitate
peccati.

Perez de volun. Dei disp. 5. c. 1.) est omninò contraria & inimica peccato, siquidem huiusmodi Possibilitas peccati est debitum, & conuenientia, ac ipsa lex æterna ne fiat peccatum; ideò manifestè non sequitur, quod Deus amando huiusmodi possibilitatem, amet necessariò peccatum possibile specificatiuè sumptum. Sic enim etiam dum amatur lex prohibens violationem, non ideò amatur violatio legis, licet lex sit quædam possibilitas violationis (nam ubi nulla lex, ibi nulla est possibilis violatio,) quia scilicet lex est possibilitas violationis inimica ipsi violationi.



DISPUTATIO II.

De Non Ente.

QVONIAM contrariorum eadem est scientia; ut magis elucescat ratio Entis, agendum hoc loco de Non ente seu de Negationibus rerum. Et de his quæruntur 4. Primò, An dentur nemine cogitante? Secundò, An distinguantur à parte rei ab omni Ente positivo? Tertiò, Quid sint Negationes æternæ? Quartò, Quid temporales?

QVÆSTIO I.

Utrum dentur nemine cogitante Negationes & Priuationes rerum—?

Videntur non dari, 1. quia ut verificetur hæc propositio, *Antichristus non existit*, sufficit præcisè, ut Antichristus non existat à parte rei: Ergo non est necesse, ut ad verificandam hanc propositionem, aliquid detur à parte rei. Tum sic: Sed hæc propositio verificatur per Negationem Antichristi. Ergo Negatio Antichristi non datur à parte rei.

2. et est confirmatio præcedentis. Quamvis ad propositionem affirmatiuam verificandam, requiratur, ut obiectum eius detur à parte rei, siquidem per ipsam affirmatur dari à parte rei: tamen ad propositionem negatiuam, hoc non requiritur; propositio enim negatiua v. g. hæc: *Antichristus non existit*, non affirmat quidquam dari à parte rei, sed tantum intentionaliter recedit à suo obiecto, per modum fugæ. Cum igitur Negatio alicuius, sit obiectum verificativum propositionis negatiuæ, non est opus ut detur à parte rei.

3. Si nec Deus, nec quidquam aliud daretur à parte rei; tunc maxime verum esset, *Res non existunt a parte rei*; tunc enim nihil supponitur dari à parte rei: Ergo rem non existere à parte rei, non est dari aliquid exclusivum ipsius.

§ I. Responderur. Ut clarius procedatur in tota hac disputatione, distinguenda est imprimis Negatio in obiectiuam & intentionalem: Hæc, est ipsa propositio negatiua; prior verò, est obiectum ipsius. Et de hac Negatione obiectiua, sermo nobis deinceps erit. Rursus Negatio obiectiua potest

potest sumi actiue & passiue. Actiue sumpta, est id, quod formaliter remouet, & excludit aliquid: Passiue sumpta est id, quod formaliter remouetur, & excluditur.

Priuationo super meram negationem, addit capacitatem subiecti ad habendam formam, quæ negatur. Et quidem hæc capacitas est intrinsecum constitutum Priuationis, & non tanquam extrinsecum connotatum, licet significetur in obliquo. Quia alioquin remota capacitate subiecti præcisè, & remanente negatione v.g. Gratia, remanerent omnia constitutiva intrinseca priuationis gratia, & sic remaneret tota priuatio gratia: Totum enim manet remanentibus præcisè omnibus, & solis suis constitutivis intrinsecis, à quibus non distinguitur vtiq; realiter. Porro sequela est absurda. Quia ob defectum capacitatis subiecti, negatio gratia, quæ in statu eleuationis est gratia priuatio, in statu puræ naturæ non esset priuatio.

Sciendum verò est, istam aptitudinem aliquando esse in subiecto secundum genus suum considerato; quo pacto in talpa dicitur esse priuatio visus; quia scilicet animal potest videre; aliquando esse in subiecto, secundum speciem considerato, non tamen secundum omnes circumstantias loci, temporis &c. vt cum infans dicitur esse priuatus dentibus, quos scilicet potest habere pro alio tempore; aliquando verò esse in subiecto secundum speciem & omnes circumstantias considerato, vt cum homo priuatur gratia per peccatum.

§ II. His positis, dicendum est contra aliquos, dari nemine cogitante Negationes & priuationes rerum. Ratio est. Quia quod habet nemine cogitante aliquam denominationem, habet illam ab aliquo, quod detur nemine cogitante; vt patet tum ex inductione vniuersali: tum à priori; quia effectus formalis non distinguitur à suâ causâ formali, ideòq; huius sequitur conditionem. At nemine cogitante Antichristus modò habet denominationem Non existentis, seu Exclusi, Petrus denominationem Mortui, seu Carentis vitâ, àér noctu denominationem Tenebrosi, seu non illuminati. Ergo hæc subiecta habent istas denominationes ab aliquo, quod detur nemine cogitante, nempe à Non existentia, seu exclusione existentia, à Morte, à Tenebris, quæ sunt negationes.

Quapropter licet nunc ipse Antichristus non detur à parte rei, nec lux noctu in aère: ipsa tamen exclusio Antichristi formalis, ipsaq; priuatio lucis noctu, datur à parte rei, seclusâ omni operatione intellectus nostri.

Nimirum non solum in denominationibus positiuis valet, debere dari à parte rei id, à quo sumitur denominatio, si ipsa denominatio datur à parte rei; sed etiam idem valet in denominationibus

Quid sit
Priuationo

Dari à
parte rei
Negationes
pro-
batur pri-
mo.

nationibus negatiuis. Eatenus enim non potest, v. g. aliquid denominari nemine cogitante Album, nisi detur albedo à parte rei, quia albedo est constitutum intrinsecum in esse albi, atq; nihil potest dari à parte rei, nisi dentur à parte rei omnia eius intrinseca constitutiva, cum quibus adæquatè identificatur, ne dicatur idem sine seipso dari posse à parte rei: Sed etiam priuatio lucis est intrinsecum constitutum æris in ratione tenebrosi: Ergo pariter non potest ær à parte rei esse in ratione tenebrosi, quin dentur à parte rei tenebræ, seu priuatio lucis; aliàs dabitur à parte rei Constitutum negativum, nempe Tenebrosum, quin dentur à parte rei omnia sua constitutiva intrinseca negativa, cum quibus idem est adæquatè ipsum constitutum negativum, id est, quin detur ipsum constitutum negativum, quod apertè implicat. Eadem autem est ratio de quibuscunq; alijs Negationibus constituentibus formaliter subiectum in ratione Exclusi.

§ III. Accedit quòd omnis propositionis veræ debeat dari à parte rei aliquod obiectum verificativum; cum omnis propositio sit vera per conformitatem ad suum obiectum, eatenusq; sit vera, quatenus eius obiectum tali modo datur à parte rei, quali enuntiatur per ipsam. Quod quidem vniuersaliter est accipiendū, tam de propositione affirmatiua, quàm de negatiua: Dicit enim vniuersaliter Philosophus 9. met. tex. 21: *Verum dicir, qui diuisum diuidit*, (en propositionem negatiuam) & *compositum componit, falsum autem qui contra quàm se res habeant*; & vniuersaliter veritas præcisà à propositione affirmatiua & negatiua definitur: *Conformitas ad obiectum*: Tum sic: atq; obiectum verificativum propositionis negatiuæ, est Negatio obiectiua, v. g. verificativum huius propositionis, *Antichristus non existit*, non est aliud, nisi Non existentia Antichristi: Ergo datur à parte rei Negatio obiectiua, & quidem adæquatè distincta ab operatione intellectus nostri; aliàs propositio negatiua, ideò esset vera, quia obiectum eius daretur in nostro intellectu; quâ ratione posset euadere vera quæcunq; propositio chimerica.

§ IV. Accedit rursus, quòd opposito contradictoriè modo se habet Negatio Petri, dum Petrus existit, & dum Petrus non existit. Cum igitur Petro existente, verum sit dicere, *Non datur à parte rei Negatio Petri*, verum utiq; erit dicere Petro non existente, *Datur à parte rei Negatio Petri*: hæc enim secunda propositio est contradictoriè opposita primæ.

§ V. Atq; ex his refellitur etiam sententia Aureoli, Soti, Moncæi, apud Comptonum d. 13. Log. sect. 1. dicentium, Negationes rerum esse ipsas

Probat
secundo.

Probat
seruò.

ipsas res possibiles, quatenus connotant propositionem negatiuam veram. Refellitur inquam, quia etiamsi nemo formet propositionem negatiuam, adhuc Antichristus modò non existit: Aer noctu est tenebrosus: Peccator caret gratià Dei. Nempe hæc propositio, *Aer est tenebrosus seu non illuminatus*, debet habere obiectum verificativum extra se, nec est reflexa, sed directà, quod tamen fieri non posset, si tenebræ constituerentur partialiter per connotationem propositionis negatiuæ.

Negatio non est ens possibile connotans propositionem negatiuam veram

Ad 1. ergo. Concesso Antecedente, negatur consequentia; quia vt Antichristus nunc à parte rei non existat, debet dari à parte rei Non existentia eius, vt pote denominans Antichristum à parte rei non existentem, & verificans propositionem negatiuam de existentia Antichristi, vt dictum est.

Ad 2. Propositio negatiua v. g. hæc, *Antichristus non existit*, ita negat directè suum obiectum existere, vt indirectè affirmet dari Non existentiam sui obiecti, à qua hoc denominetur non existens, sicut hæc propositio, *Petrus est albus*, affirmat indirectè dari albedinem, à qua Petrus dicitur albus. Rursus illa propositio negatiua affirmat indirectè se esse veram, ac proinde requirit dari à parte rei verificativum sui. Immo hinc tale sumitur argumentum pro nostra positione: Negatio intentionalis, seu propositio negatiua, ita destruit intentionaliter suum obiectum, vt non destruat seipsam, sed ponat se intentionaliter. Ergo etiam Negatio obiectiua v. g. Antichristi, ita destruit à parte rei Antichristum, vt non destruat à parte rei, quin ponat seipsam. Sicut enim se habet intentionaliter negatio intentionalis, ad id, quod in mente negat, & ad seipsam: ita se habet à parte rei negatio obiectiua, ad id, quod negat à parte rei, & ad seipsam.

Omnis propositio negatiua aliquid affirmat indirectè

Ad 3. Si nec Deus nec quidquam daretur à parte rei, & verum esset, res non existere à parte rei, (vt supponit argumentum) & hoc ipsum non esset verum, quia nullum daretur verificativum talis propositionis. Immo in tali suppositione ficta, sequeretur quòd nulla res existeret, vt supponitur, & quòd omnes res existerent, quatenus tollerentur omnia exclusiua ærum omnium, quibus ablati, necesse est poni omnes res, cum remotio vnius contradictorii sit positio alterius à parte rei. Sequitur ergo ex illa suppositione vtrumq; & nihil sequitur, & ideo suppositio implicat. Dici etiam posset, quòd in tali suppositione solum sequatur, res non existere præcisiuè, quatenus præscinditur ab existentia ipsarum, non autem sequatur res non exi-

stere in sensu negatiuo; non enim tunc propositio negatiua posset per aliquid verificari. Cæterum huiusmodi argumenta ex suppositione impossibili quibus multum delectantur quidam R.R. sunt valde leuia; nam ex impossibili sequitur quodlibet, & nihil, nisi adhibeatur illa regula, quam dabimus disp. 4. qu. 1.

Q V Æ S T I O II.

Utrum Negationes distinguantur à parte rei ab omni Ente positiuo?

Videtur quòd sic 1: quia *Impossibile est idem esse, & non esse*: Sed Ens positivum, est esse rei; Negatio est, non esse rei: Ergo impossibile est Ens positivum esse Negationem. Confirmatur: quia saltem Negatio omnium entium, seu Non ens ut sic, distinguetur ab omni ente reali, cui contradictoriè opponitur; siquidem termini contradictorij sunt impossibiles, & distincti inter se realiter.

2. Sicut propositio affirmatiua opponitur negatiuæ; ita & obiecta illarum opponuntur inter se, iuxta illud Philosophi cap. de oppositis: *Veritas affirmatio sedet, negationi non sedet opponitur: sic & res, quæ sub utrumq; cadunt, sedere, inquam, & non sedere*; Atqui huius propositionis affirmatiuæ, *Antichristus existit*, obiectum est Ens positivum; huius verò negatiuæ, *Antichristus non existit*, obiectum est Negatio Antichristi obiectiua: Ergo Ens positivum, & Negatio obiectiua sibi opponuntur, nec secum realiter identificantur.

3. Si Negatio esset ens positivum impossibile cum re negata, nulla esset saltem ex parte obiecti differentia inter terminos contrarios ex una parte v. g. hos *Album & Nigrum*, & inter terminos contradictorios ex alia parte v. g. hos *Album & Non album*; quia tam *Nigrum* quàm *Non album* significaret Ens positivum oppositum albo.

Ex quo sequeretur inprimis intra terminos contradictorios dari medium, sicut datur medium inter duos positiuos sibi oppositos. Sequeretur deinde vnius rei plures dari Negationes contradictorias, sicut dantur plures termini positiui contrarij alteri termino positiuo; sic enim odio *DEI*, opponitur & amor *DEI*, & decretum *DEI* nolens odium.

Vnde vltèrius sequeretur ex duobus contradictorijs, posse neutrum verificari, id est, nec dari existentiam v. g. odij *DEI*, nec dari

nec dari Negationem eius; sicut posset non dari odium, nec amor Dai, qui esset Negatio odij. Quæ tamen omnia sunt contra Dialecticos.

4. Sicut docet Philosophus 1. prior. c. ult: ex termino Negatio non potest inferri Infinitans; potest tamen è conuerso: non enim valet: *Chimera non est alba. Ergo est non alba*; licet valeat: *Hoc est non album. Ergo non est album*. Porro hæc doctrina Philosophi falsa esset, si terminus negativus significaret aliquid etiam vagè ens positivum, oppositum rei negatæ; hoc enim & eodem modo significat etiam terminus Infinitans. Ergo terminus negativus non significat aliquid etiam vagè ens positivum.

5. Non datur vnus conceptus rei & Negationis rei. Atqui duorum entium positiuorum impossibile, datur vnus etiam vniuocè conceptus, sicut respectu odij, & amoris, datur ratio generica Actûs vitalis spiritualis. Ergo res, & Negatio rei non sunt duo entia positiua impossibilia.

§ I. Respondetur. Communis sententia, præsertim Antiquorum (qui tamen satis obiter, quod scio, hanc quæstionem tractarunt) est, Negationes priuationesq; rerum à parte rei, suo modo distingui ab omni ente reali positiuo. Sed non conuenit inter ipsos, quidnam sint. Alij enim dicunt eas esse quædam entia abusiua & diminuta. Tellez disp. 23. sect. 6. dicit eas esse entia realia negatiua. Ruuius, quem sequitur Pontius disp. 5. physica dicit eas esse ens reale, non quidem positivum, sed tale quod præcisè funder propositionem negativam v. g. hanc, *Cecitas est carentia visus*: vel vt alij loquuntur tale, cui nullum aliud prædicatum conueniat, nisi hoc, *Excludere suum oppositum*. Suarez & Hurtado nolunt Negationes appellare nomine entis propriè: licet putent eas dari suo modo, à parte rei. Conimbricenses volunt eas esse ens rationis fundamèntaliter, eò quòd præbeant fundamentum, vt eas concipiamus esse aliquid intrinsecum vel formæ, quam negant, vel subiecto, in quo negant. Omnes tamen hi conueniunt in hoc, quòd Negationes non identificent à parte rei ulli enti positiuo.

Aliorum
Sententia
de negati-
onibus

§ II. Ego ab hac sententia recedere cogor propter rationes, quarum aliquas hic de Negationibus in genere, alias in duabus sequentibus, Quæ speciales de Negationibus in particulari proponam. Prima ratio est vniuersalis: Negationibus exclusiuis, siue creaturarum, siue chimerarum, (sola enim Negatio Dai dari nequit) quæ dantur à parte rei, cõueniunt à parte rei, in seipsis intrinsecè, prædicata re ipsa conuertibilia cum ente reali positiuo, nempe esse Vnũ, Verũ, Bonum. Conuenit esse Vnum, quia Negatio obiectiua

Nostra
sententia

exclusiua v. g. Antichristi, nemine cogitante, & pro priori ante omnem nostram cognitionem, est indiuisa in se, & diuisa à Negatione alterius solis: quod est definitiue esse vnum. Conuenit esse Verum: quia eadem Negatio à parte rei habet hoc prædicatum, quod sit cognoscibilis ab intellectu, ita sicut est: quod est definitiue esse verum. Conuenit esse Bonum; quia omnes Negationes, exceptâ solâ Negatione constituyente inaliuam: moralem peccati, (de qua tamen dicitur quæstione 414) sunt prudenter appetibiles, & dantur à parte rei, Deo illas approbante, & volente, qualis est v. g. Negatio odij Dei; quod est definitiue esse Bonum. Nec satisfacit communis responsio; ista prædicata, Negationibus exclusiuis conuenire solùm negatiue, non positiue.

Primò enim, licet Negatio exclusiua Antichristi sit vna, vera, bona, negatiue, in hoc sensu, quatenus excludit formaliter, & negat vnitatem, veritatem, bonitatem Antichristi; tamen quia ita negat Anichristum, vt non neget seipsam à parte rei, seu non neget ipsum *Excludere* (alias esset negatio negationis & sic ens positivum) quin potius ponat seipsam à parte rei indiuisam in se, cognoscibilem vt est, appetibilem à Deo prudenter: oportet vt reipsa sit vna, vera, bona, positiue, quamuis exprimitur termino negatiuo; ita sicut Infinitas, Immaterialitas; quæ tamen, hoc non obstante, sunt vnum, verum, bonum, positiue, quia excludendo formaliter aliquid, non excludunt, sed ponunt à parte rei se, tanquam aliquid indiuisum, cognoscibile, amabile.

Rursus negatio exclusiua Antichristi, negat de se diuisionem negatiuam in se (non enim est diuisa negatiue in se:) negat item de se negationem cognoscibilitatis, non enim est incognoscibilis; negat demùm de seipsa negationem amabilitatis, non est enim non amabilis à Deo pro nunc. Atqui Negatio Negationis est quid positivum, quia, non non esse tale, est esse tale: Ergo Negatio Antichristum excludens, est quid, in sensu reali loquendo, positivum, vnum, cognoscibile, amabile, quamuis negatiue expressum.

§ III. Altera ratio est ab absurdo. Sequitur enim in sententia opposita, dari nunc defacto, actu, simul, infinitam categorematicè multitudinem negatiuam, entium abusiuiorum, à parte rei distinctorum inter se. Si quidem tot nunc, actu, & simul seu categorematicè dabuntur nemine cogitante distincta inter se entia abusiua negationum, exclusiua rerum possibilium, quot sunt possibiles res creatæ, quæ defacto nunc non existunt; vnde cum hæc sint Syncategorematicè infinitæ, negationes illarum quæ nunc simul

omnes

Negatio
exclusiua
est quid à
parte rei
vnum,
verum,
bonum,
positiue.

omnes actu dantur, dabuntur categorematicè infinitè. Porro sequelam esse inconuenientem ex eo patet, quia omnia argumenta, quæcunq; fiunt contra infinitam categorematicè multitudinem entium positiuorum, fieri poterunt (quemadmodum cuiq; rem sincerè examinanti apparebit) contra istam multitudinem entium negatiuorum. Qualia argumenta sunt illa, quòd comparando duo infinita vnum esset maius altero, ideoq; vnum ibi finiretur, vbi excederetur ab alio: quòd continens non esset maius contento, & similia. Et ratio huius est, quia in omnibus istis argumentis, omnes implicantiæ desumuntur ex solo præcisè numero categorematicè infinito, non ex materia positiua vel negatiua, spiritali vel materiali &c. At in nostra sententia, hoc non sequitur; vt enim infra diceretur, infinitæ Negationes exclusiuæ rerum possibilium non existentium, identificantur realiter cum vno ente positiuo, puta cum voluntate Dei nolente existere res, quæ non existunt.

In sententia cppo-
sita sequi-
tur Infini-
tum Cate-
gorematicum in
numero.

§ IV. Non satisfacit verò quidam respondendo; Negationes exclusiuas rerum possibilium, non distingui inter se actu ante nostram designationem, sed tantum in potentia, ita planè sicut partes homogeneæ continuæ.

Contra enim est: quia, quidquid sit de partibus continui homogeneis (quod tamen est falsum;) adhuc de Negationibus rerum possibilium diuersarum, hoc non valet: quia hæ à parte rei respiciunt essentialiter terminos diuersos, vna enim destruit essentialiter Antichristum, alia alterum solem, & sic de alijs: ac proinde nemius cogitante sunt heterogeneæ, non secus ac actiones, quæ essentialiter ponunt terminos diuersos; cum vniuersaliter omnis Relatio diuersificetur à suo termino. Sicut ergo partes Continui heterogeneæ distinguuntur, per omnes, actu, ante omnem designationem intellectus: ita & Negationes rerum diuersarum, quæ sunt infinitæ.

Præterea, obiecta verificatiua diuersarum propositionum, sunt à partè rei diuersa: Sed Negatio obiectiua Antichristi, & Negatio obiectiua alterius solis, sunt obiecta verificatiua diuersarum propositionum negatiuarum: Ergo sunt à parte rei diuersæ. Idem autem dicendum de alijs; sine fine.

§ V. Aliæ rationes afferuntur in sequentibus quæstionibus. Nunc concluditur vniuersaliter, iuxta distinctionem Negationis traditam in quæstione præcedenti, Negationes actiue sumptas, semper à parte rei identificari cum aliquo ente reali positiuo, impossibili cum eo, quod per negationem negatur: Negationes verò passiue sumptas à parte rei, esse ipsas res, quæ negantur, quatenus ab aliquo ente positiuo secum impossibili existens, per deno-

denominationem extrinsecam denominantur exclusæ, seu nihil actuale, vel nihil possibile. Ex: gr: Negatio alterius mundi actuè sumpta, realiter est ipsum Decretum DEI nolens existentiam alterius mundi: eadem verò negatio passivè sumpta, in recto est ipse alter mundus quatenus ab illo decreto DEI, exclusivè & impeditivè alterius mundi, denominatur extrinsecè impeditus, seu nihil actuale: eo proportionaliter modo, quo ab Omnipotentia DEI, denominatur possibilis. Sed de hoc questione sequenti vberius.

Authores
nostræ sen-
tentiz.

§ VI. Hanc sententiam docent acutissimi nostri æui Recentiores P. Antonius Perez Tr: 1. disp: 3. de scientia DEI cap. 4. n. 130. Eminentissimus Sfortia in lib: 5. de Incarn: Cap: 11. P. Esparza q. 24. de DEO & q. 29. de Actibus humanis. P. Sebastianus Izquierdo nunc Hispaniæ Assistens in Pharo Scientiarum disp. 9. de Ente num: 36. P. Sylvester Maurus q. 49. Log. P. Gieraldinus par: 1. q. 9. Philosoph: q. 22. & alij nunc in Italia nostri Professores, quanquam aliqui excipiunt malitiam moralem peccati, de qua inferius. Testatur etiam P. Linceus lib: 4. met. trac. 2. cap. 1. hanc sententiam in Hispania à RR. esse mirificè illustratam.

D. Augu-
stinus

Ex antiquis videri potest Augustinus præsertim lib. de nat. boni cap. 14. vbi cum dixisset pulchritudinem simiæ esse deformitatem, id est carentiam formositatis, mox priuationes rerum non esse distinctas realiter ab omni bonitate, consequenter ab entitate, ita asserit: *Etiam priuationes rerum sic ordinantur in vniuersitate naturæ, vt non indecenter (duplex negatio affirmans) vices suas habeant, nam & DEVS, certa loca non illuminando, tenebras fecit tam decenter, quàm dies; sic & nos continendo vocem, decenter interponimus silentium; quandò magis ille, quarundam rerum priuationes decenter facit, vnde lux, & tenebræ laudant DEVM.* Hæc ipse: quem etiam semel atq; iterum laudat D. Thomas, quòd dixerit: *In bono & malo, fallere regulam Dialecticorum de contrarijs;* eo scilicet sensu, quia malum, quod per ipsum, est priuatio boni debiti, non opponitur cuicunq; bono, seu enti.

S. Thomas

Suffragatur ipse S. Thomas pluribus in locis, præsertim lib: 3. contra Gent: c. 9. vbi dicit: *Differentia altius peccaminosa (id est malitia moralis, quæ per ipsum, est priuatio rectitudinis) importat aliquid, quod secundum se est bonum, malum autem homini inquantum eum priuat ordine rationis, comparatq; ibi malitiam moralem ad suum actum, sicut irrationalitatem ad brutum, à quo utq; non distinguitur realiter irrationalitas.* Idem 1. 2. q. 18. art. 1. ait: *Si aliquid nihil haberet de ensitate, nec bonum esset, nec malum,* vbi, vt vides, eodem modo S. Doctor asserit imbibit

imbibi entitatem in bono, ac in malo, seu in priuatione boni. Et 3. con. Gen. c. 107. dicit: *Impossibile est aliquid esse quod sit priuatum participatione omnis boni, aliàs non esset appetibile, quia esset expertus omnium boni, & esset appetibile, quia cuius est appetibile suum esse.*

Quando verò alicubi negat ens & naturam esse malam, solet apponere illam reduplicationem, *Inquantum ens, Inquantum malum.* vt inter alia videre est 3. con. Gen. c. 7, & 9, per quod denotat, se loqui in sensu formali, non in reali. Nempe, sicut eadem res vt substat vni conceptui, dicitur vera; vt substat alteri, dicitur bona: ita eadem res quatenus cognita vt ponens aliquam perfectionem, dicitur ens positivum; cognita verò vt excludens ac impediens aliam perfectionem, dicitur Negatio & malum.

Debet etiam aduerii, quòd S. Doctor, dum videtur contrarium nobis loqui, sæpè loquatur de Negatione passiuè sumpta. Quæ cum non sit in se intrinsecè, sed tantum dicatur esse per denominationem extrinsecam à suo contrario existente, cumq; fingatur à nobis adinstar entis positivi, quo pacto concipimus tenebras adinstar nigredinis; idè 4. met. lect. 1. Negationi tali, tribuit *esse debilissimum & tantum in ratione, quatenus ratio negotiatur de ipsa, quasi de quodam ente.* Et 2. Periher: lect. 1. dicit Negationem esse ens, non simpliciter, sed secundum quid. Tandem lib. de Ente, & Essentiâ docet: *Negationem non esse rem, quatenus res significat entitatem diuisam in decem prædicamenta sed tantum, quatenus res significat veritatem (puta obiectiuam) propositionis: vbi, vt vides, non negat Negationem esse rem, sed tantum negat esse ens prædicamentale, quod est verissimum; quia non qualecunq; ens positivum ponitur in prædicamento, sed ens vnum, per se completum, finitum, & quidem vt substantia conceptui positivo, iuxta Canones logicos: cum tamen Negatio actiuè sumpta sæpè sit ens incompletum, sæpè infinitum, & semper vt talis, conceptu negatiuo expressum: passiuè verò sumpta est denominatio extrinseca, quæ certè non diuiditur in decem prædicamenta.*

Citari etiam posset pro nostrâ sententiâ antiquissimûs Dionysius, quatenus 4. de Diuinis Nomin: dicit: *Malum (quod etiam per ipsum, est priuatio boni,) non pugnat cum bono nisi virtute boni, vnde cum pugnet non actiuè, sed formaliter, id est, seipso, oportet, vt ipsum sit virtus boni, adeoq; ens positivum.*

Demum citari potest Aristoteles, qui aliquando, nigredinem vocat priuationem albedinis, & frigus priuationem caloris. Et 7. phys: tex. 18. docet *Vitium (quod supra dixerat esse dispositiuum & habitum) esse corruptionem & remotionem virtutis.* Tandem 10. met: tex

S Diony-
sius

Aristote-
les,

met: rex, 16. ait: *Omnis contrarietas, priuatio est: sub liq; inferioris dis-*
similitudinem esse priuationem similitudinis, & vitium, virtutis.

§ VII. Sed quidquid sit de multitudine & antiquitate Autho-
 rum apud quos hanc quæstionem obiter tractatam inuenio, statuitur Capite *Capel-*
lanus de Ferijs, quod communis opinio non est præferenda illi quæ melioribus
 nititur rationibus, ut nostram. niti, patebit amplius, ex dicendis. Nec no-
 vum est, ut occurrentibus progressu temporis nouis, difficultatibus, aut nouæ
 introducatur opiniones, aut antiquæ exactius, tractentur, declarenturq; , ut vi-
 dere est in sententiâ de modalibus distinctione, de sciëntia media, alijsq; huiusmodi.
 sic enim ars, quemadmodum, & natura, sensim progreditur ad perfectiora.

Ad 1. ergo. Repugnat sine dubio, ut idem realiter sit esse, & non
 esse suiipsius: sed non repugnat, quin potius necessarium est, ut idem v. g.
 homo, per seipsum, sit esse sui puta hominis, simulq; à parte rei, sit non esse
 alterius, impossibilis secum, puta non esse lupi, cuius identitatem secum,
 homo seipso destruit, ac excludit à se. Nempe tale. Esse, & Non esse, non
 sunt termini contradictorii; non enim idem esse affirmat vnus terminus,
 quod alter negat, ut patet. Porro dictum est, Negationem actiuam vnus
 entis, non identificari realiter cum illo ente, quod negatur, sed cum aliquo
 alio impossibili. Negatio verò passiuâ identificatur quidem cum re, quæ
 negatur, non tamen ut positâ, sed quatenus exclusâ; quod pariter non im-
 plicat, quia non sunt contradictoria, quin potius sunt conuertibilia secum,
 Non esse passiuum Antichristi, & Esse Antichristi exclusum.

Ad Con-
 firmationem. Negatio omnium, entium realium exclusiua, est chimerica,
 nec datur à parte rei, quia potius datur necessario à parte rei negatio talis ne-
 gationis, scilicet Deus, qui seipso destruit necessario talem negationem, cum
 ad destructionem illius sufficiat vnus ens reale, nempe DEVM, existere. So-
 lum ergo Negatio omnis entis datur in nostro intellectu fingente, & nihil al-
 iud est, quam Ens ut sic, seu collectio omnium entium, ut terminans actum
 intellectus per modum fugæ recedentis ab obiecto. Quapropter talis Nega-
 tio opponitur contradictioni Enti ut sic, non ex parte obiecti, seu termina-
 tiui, seu verificatiui, sed ex parte actus intellectus, ut supra habitum est d: 1.
 q. 2. ad 5. & infra mox dicetur.

Ad 2. Obiecta verificatiua propositionum contradictoriarum, si-
 ne dubio, debent esse opposita; alioquin vtrâq; ex contradictorijs, simul esset
 vera, si vtrâq; per idem obiectum verificaretur. Quia v. r. obiectum verifi-
 cativum.

Commu-
 nis senten-
 tia an sem-
 per præfe-
 renda.}

Negatio
 omnium
 entium
 quid sit?

Negativum propositionis affirmantis existentiam rei, est existentia rei; negantis verò, est Negatio obiectiva exclusiva existentie rei; idè conceditur, existentiam rei, eiusq; exclusivam Negationem distingui realiter inter se tanquam duo entia impossibilia. Cæterum negitur, tum obiecta terminatiua propositionum contradictoriarum, esse opposita, tum ex contradictorijs propositionibus, vnam terminari ad ens positivum, alteram ad Negationem entis; potius enim vtrq; terminatur directè ad idem adæquatè ens positivum, sed diversimodè; vna per modum accessus, altera per modum recessus; vna componendo subiectum cum prædicato, altera diuidendo idem subiectum ab eodem prædicato: sunt enim hi motus intentionales, quoad tendentiam in terminos, similes illis motibus physicis, quorum vnus fertur Cracoviâ Posnaniam, alter Posnaniâ Cracoviâ; vbi termini sunt iidem; tendentiæ oppositæ. Itaq; sic hæc propositio: *Petrus sedet*, terminatur ad solum Petrum, & sessionem; ita etiam, & hæc: *Petrus non sedet*; totaq; oppositio illarum est in modo tendendi, quatenus vna componit intentionaliter sessionem cum Petro, altera diuidit intentionaliter. Cuius rei data est ratio disp. 1. q. 2. S. 5. Hinc verò colliges, Esse & Non esse alicuius possibile, & reale, distingui etiam realiter, ex parte obiecti, non quidem terminatiui, sed ex parte obiecti verificatiui; quia id quod verificat. v. g. Antichristum non esse, est realiter distinctum ab ipso Esse Antichristi. Cæterum Esse & Non esse alicuius chimericum (quale est Non esse Dei & Non esse omnium entium) solum distinguuntur ex parte actus cognoscentis; quia in his idem est obiectum terminatiuum; verificatiuum autem talis Negationis vtpote chimericæ, non datur.

Ad 3. Discrimen inter terminos contrarios & contradictorios, hoc est, quòd in contrarijs, v. g. in his, *Album, Nigrum*, vterq; terminus est determinatum positivum impedimentum alterius termini, sub vno proximo genere Qualitatis, maximè distans ab altero; & quidem vterq; est expressus conceptu affirmatiuo: at in contradictorijs Logicis & formalibus, v. g. in his: *Album Non Album*, vnus terminus, nempe negatiuus, si passivè sumatur, est ipse oppositus terminus affirmatiuus quatenus negatus & exclusus per aliquod vagè impedimentum; si verò activè sumatur est aliquod vagè, & indeterminatè positivum impedimentum affirmatiui termini, sub quocunq; genere entis, & quidem expressum conceptu negatiuo. Hinc inter contradictoria Logica, & formalia, non datur medium à parte rei, non tantum per

Propositionum contradictoriarum idem est obiectum terminativum directum.

Differentia termini contrarij & contradictorij.

participationem (nihil enim participat de suo esse excluso, aut de exclusio sui esse) sed etiam per abnegationem. Quia implicat ut nec res sit, nec aliquid impedimentum positivum ipsius, per quod excludatur; saltem enim existet voluntas Creatoris, excludens illam rem, quæ non existet. At inter contraria datur medium: quia potest accidere, ut aliquid participet de illis, quæ sub eodem genere maximè distant à se; & similiter fieri potest, ut nec res existat, nec illud determinatum impedimentum eius, quod sub eodem genere proximo maximè distat ab illa re. Hinc rursus unius termini, una est Negatio Logica etiam activè sumpta & formalis, scilicet, aliquid vagè impedimentum rei, negativè expressum; & sic implicat ex contradictorijs formalibus ac Logicis, neutrum verificari. Loquor autem de contradictorijs formalibus & Logicis; quia unius rei, potest esse multiplex Negatio activa obiectiva, & physica; ac proinde ex contradictorijs physicis, ac obiectivis, potest neutrum verificari; puta nec dari duratio crastina, nec hesternæ, quæ est Negatio physica & obiectiva durationis crastinæ, dummodò detur aliqua alia Negatio durationis crastinæ, puta duratio hodierna, vel decretum Dei, nolens durationem crastinam.

Unius rei
vna est Ne-
gatio acti-
va forma-
lis & Logi-
ca

Diferimen
termini
negativi
ab infini-
tante.

Ad 4. Terminus Infinitans à Negatio per hoc differt: quia licet uterq; importet aliquid vagè positivum impedimentum rei negatæ; tamen infinitans dicitur per ordinem ad propositionem Infinitantem, quæ scilicet directe semper affirmat suum subiectum esse aliquid à parte rei, licet non definiat, nec determinet, quidnam sit illud subiectum (si terminus Infinitans, est ex parte subiecti, ut cum dicitur, *Non homo est lapis*); vel quodnam determinatè prædicatum conveniat illi subiecto (si terminus Infinitans est ex parte prædicati, ut cum dicitur: *Lapis est non homo*); ob quam indeterminationem, propositio dicitur Infinitans. At terminus purè Negativus, dicitur per ordinem ad propositionem, quæ non affirmat directe, immò nec supponit suum subiectum esse à parte rei, sed tantum à subiecto remouet aliquid prædicatum; licet indirectè affirmet dari exclusivum aliquid illius prædicati à subiecto, ut patet in hac propositione: *Hoc non est lapis*. Cum ergo in propositione Infinitante, plus significetur, quàm in Negativa: in hac enim solum indirectè significatur, dari aliquid exclusivum formæ negatæ de subiecto; in Infinitante autem insuper directe asseritur, esse à parte rei subiectum propositionis; propterea optimè docet Philosophus non valere vi formæ consequentiam à Negatio terminò ad Infinitantem, sic arguendo; *Hoc non est la-*

Cur à ter-
mino Ne-
gatio non
valet ad
Infinitan-
tem?

pis.

pi, Ergo est non lapis: verum enim est Antecedens de chimera, falsum autem consequens; quia falsum est dicere de chimera, quòd sit, & consequenter, quòd sit exclusiuum lapidis, seu quod sit non lapis) quamuis valeat consequentia ab Infinitante ad Negatiuum, sic arguendo: *Hoc est non lapis: Ergo non est lapis.*

Ad 5. Res, & Negatio eius, etiam formaliter sumpta, conueniunt analogicè, in ratione intelligibilis, in ratione principij rerum naturalium &c; non tamen conueniunt in vno conceptu vniuoco. Quia Negatio formaliter sumpta, est aliquid vagè ens, siue creatum, siue increatum, siue substantia, siue accidens, quatenus exclusiuum alterius secum impossibile. Porro ens in tantà latitudine sumptum non esse rationem vniuocè communem, docet communis sententia. Cæterum conceditur rem & Negationem eius materialiter, & specificatiuè sumptam, seu non quatenus est negatio, sed quatenus est tale ens, conuenire vniuocè, puta calorem & frigus in ratione Qualitatis; amorem & odium, in ratione Actus vitalis.

Eos & Negatio eius formalis non conueniunt vniuocè

Q V Æ S T I O III.

Utrum Negationes aternæ formaliter exclusiue alicuius, identificentur realiter cum Dei Essentia vel Decretis?

Videretur quod non r. quia non est Philosophicum toties recurrere ad Deum, in explicandis tot Negationibus. Accedit: tum quia decreta libera Dei, sunt valdè difficilia in Theologia, cum Negatio v. g. alterius solis, sit facilis intellectu: tum quia Negationes ab æterno dari, sciunt etiam rustici, qui tamen nesciunt illas esse Decreta Dei. Non sunt ergo explicandæ Negationes per Diuinam Essentiam eiusq; decreta.

2. Nulla denominatio potest provenire ab illo, quod non continet in se intrinsecè effectum formalem talis denominationis: quâ de causa denominatio calidi non potest provenire à frigore, & sic de alijs. Essentia autem Dei cum sit plenitudo totius esse, non continet in se intrinsecè denominationem nihili, ac proinde non potest esse id à quo formaliter desumitur denominatio nihili, seu non potest esse Negatio alicuius.

3. Causa distinguitur realiter à suo effectu; sed Decretum DEI nolitens alterum solem, est causa æternæ carentiæ alterius solis: Ergo decretum DEI tale distinguitur realiter ab æternâ carentiâ alterius solis.

Confirmatur: Angelus non denominatur formaliter creatus, per Diuinam volitionem volentem creare Angelum, sed per ipsam creationem, resultantem ex tali volitione. Ergo etiam Angelus non creatus, non denominatur formaliter talis per Diuinam nolitionem nolentem creare Angelum, sed per carentiam creationis, resultantem ex illa nolitione.

4. Si Negatio æterna alterius mundi est Decretum DEI, non potest explicari. Quid DEUS velit, quando efficaciter vult alterum non existere mundum? non enim talis volitio vult seipsam, cum obiectum volitionis distingui debeat ab ipsâ: non etiam vult alterum mundum, quia hunc potius odio habet. Confirmatur prima pars Antecedentis: quia Deus potest velle directè existentiam mundi, ita vt habeat obiectum distinctum à sua volitione: Ergo potest etiam velle non existentiam mundi, tanquam obiectum distinctum à sua volitione. Confirmatur etiam secunda pars: quia cum Deus vult directè mundum existere, habet pro obiecto mundi existentiam: Ergo è contra, cum non vult directè mundum existere, non habet pro obiecto existentiam mundi; oppositorum enim actuum opposita sunt obiecta.

5. Positâ re auferetur Negatio eius: ne simul existant duo contradictoria. Decretum autem DEI, quo ab æterno nolebat producere mundum hunc, in quo viuimus, non est ablatum posito isto mundo; quia decreta Dei ex suppositione quod sint, sunt indefectibilia: Ergo Negatio istius mundi, quæ dabatur ab æterno, non erat identificata cum Decreto DEI.

6. Si nunc sol destrueretur à Deo, mutaretur intrinsecè, & quidem per suum non esse; sed non mutaretur intrinsecè per Decretum DEI, quod est soli extrinsecum: Ergo Non esse solis, in tali casu, non esset aliquod Decretum DEI.

§ I. Respondetur. Oñsum est quæstione præcedenti in genere Negationes formaliter exclusiuas identificari realiter cum aliquo ente positivo, impossibili cum re negata; jam videndum est, cuiusmodi positivo vnâ quæq; Negatio identificetur; Ad hoc sciendum, Negationes, quæ dantur à parte rei, esse triplicis generis. In primo genere sunt Negationes non solum æternæ, sed etiam simpliciter necessariæ: & tales sunt omnes, & solæ Negationes chimerarum; hæc enim omnes & solæ negationes nunquam sunt autæ.

aferibiles; alioquin posset poni chimera, quæ utiq; ponitur ablata negatione sui, id est, suo contradictorio. Solæ, inquam, negationes chimerarum; quia cuiuslibet diuisim creature Negatio ita est pro aliqua differentia temporis, ut poterit non esse; nam contradictorium eius, nempe quælibet diuisim creatura, potuit esse: Negatio autem Dei necessariò non datur, ut patet. In secundo genere sunt Negationes rerum contingentium æternæ quidem, sed non simpliciter necessariæ, pro hac, vel illa differentia temporis, immo pro omni, cum poterit contradictorium earum, nempe res contingentes, pro aliqua differentia temporis poni. In tertio genere sunt Negationes contingentes, seu temporales, quæ scilicet non dantur ab æterno, sed incipiunt & desinunt in tempore, ut nox, silentium, cæcitas, malitia peccati &c. De his postremo, distinctionis causâ, agendum est. Quæstione sequenti: nunc de prima, & secundi generis Negationibus tractando.

§ II. Dicendum est imprimis, Negationes æternas & simpliciter necessarias, formaliter exclusiuas chimerarum, à parte rei: esse ipsam Essentiam Dei, quatenus non contentiuam in sua virtute chimerarum, seu quatenus nolentem ipsas necessariò. Ita Authores citati in quæstione præcedenti. Ratio est: quia Essentia Dei hoc modo sumpta, se solâ præcisè, sine vlllo sibi superaddito à parte rei, etiam abusiue, excludit, seu impedit necessariò ab æterno chimeras, estq; per seipsam immediatè, necessitas æterna: ne datur chimera, & verificat hanc propositionem: *Necessariò ab æterno non datur chimera*. Ergo Essentia Dei in sensu reali loquendo est Negatio formaliter exclusiuæ chimerarum. Patet consequentia: Tum quia hoc intelligitur nomine Negationis formaliter exclusiuæ alicuius: Tum quia: vniuersaliter, id est forma denominans, quæ per seipsam immediatè secluso quouis distincto, præstat effectum formalem illius denominationis; vnde, si Essentia Dei se solâ immediatè denominat chimeras ab æterno necessariò exclusas (qui est effectus formalis negationis exclusiuæ chimerarum;) patet Essentiam Dei, esse formam denominantem chimeras esse nihil, seu esse exclusas. Antecedens probatum est di. 1. q. 3. § 4. & 5. ubi vniuersaliter ostenditur, nulum æternum ac simpliciter necessarium, dari extra Deum. Nunc idem in subiecta materia suadet ex eo; quia sufficit se solo Summum bonum, quindetur suo modo vllus purus defectus, qualis esset illa Negatio formaliter exclusiuæ chimere; si suo modo daretur extra Deum. Alioquin enim non sufficeret se solo summum & infinitum in omni genere Bonum, nec posset dicere::

Quid est
Negatio
chimera-
rum?

cere: Nolo vltimum purum defectum suo modo esse extra me, non haberetq; illum sub suo dominio, utpote nullâ vi, nullâq; voluntate Diuinâ aufertibilem: atq; ita ille purus defectus ex vna parte esset quid necessarium, æternum, omninô requisitum ad existentiam & felicitatem Entis primi, in contemptibile à Deo, indisplicibile voluntati optimæ; & tamen ex alia parte, esset purus defectus, ideoq; inclusus intra obiectum adæquatum prudentis contemptus & displicentia; quasi verò priora prædicata, vsq; adeo perfectâ, & quæ cum aliqua perfectione limitata existente, componi non possunt, possint componi cum puro defectu.

Quod autem quidam dicunt, prædicata illa, necessitatis, in contemptibilitatis, conuenire Negationi exclusiue chimerarum omnium, solum per rationem, quatenus illa concipitur à nobis ad instar entis: id stare non potest. Quia verificatur nemine cogitante, quòd illa Negatio destrui & contemni à Deo non potest; aliâ nemine cogitante ponetur chimera contradictoria ipsi: vnde etiam ipse Deus cognoscens istam Negationem, sine fictione, nec ad instar entis, iudicat de illa, quòd sit à parte rei in contemptibilis à se.

Quòd rursus iidem dicunt: Negationem chimerae esse in contemptibilem à Deo, nihil aliud esse, nisi chimeram necessariò contemni; id pariter non satisfacit: quia per hos Authores, ex eo, quòd Deus necessariò contemnat chimeram, resultat Negatio chimerarum necessaria, & æterna, & consequenter in contemptibilis, extra Deum, quâ mediante Deus excludit chimeram: Ergo iuxta illos, non debet esse idem realiter, *Necessariò chimeram contemni à Deo, & Negationem chimerae esse in contemptibilem à Deo*, nisi nobiscum dicere velint ipsam Negationem exclusiuam chimerae, esse ipsum Diuinum contemptum chimerae in contemptibilem à Deo.

§ III. Quæ dixi de Negatione formaliter exclusiua chimerae, dici debent de Negatione formaliter exclusiua existentia alicuius vel aliquarum vagè creaturarum ex possibilibus. Nempe hæc pariter Negatio est simpliciter necessaria, in contemptibilis, & inaufertibilis à Deo; alioquin illâ ablata, existerent omnes actu simul creature possibiles. (quod implicat); falsificatâ enim vni contradictoriâ, verificatur altera; tunc autem falsificaretur hæc propositio: *Aligua creatura non existunt*: Ergo verificaretur hæc contradictoria: *Omnes creature existunt*; Certum enim est apud Dialecticos has propositiones esse contradictorias, & particularem sumi in suppositione disiunctiua, ac explicari per particulam *vel* disiunctiuam.

§. IV. Ob eandem proportionaliter rationem, cum iisdem supra
relatis

Quid Ne-
gatio ali-
quarum
vagè cre-
aturarum?

relatis Authoribus, tenendum est, Negationes æternas, sed non absolute necessarias, formaliter exclusiuas aliquarum determinatè creaturarum ab æterno, identificari à parte rei cum Decreto DEI liberè nolente ab æterno existere has & illas creaturas, pro hac vel illa differentia temporis, vel etiam pro omni, cum potuerit aliter decernere.

Nimirum voluntas omnipotens, nolens efficaciter ab æterno sed liberè aliquid, secluso quouis à parte rei sibi superaddito, etiam abusuuo, aut nescio, quâ voce appellato, sufficit ad hoc, ut per seipsam, à parte rei, immediatè, adeoq; formaliter, & non tantum causaliter seu fundamentaliter, impediatur, & excludatur ab æterno, licet non simpliciter necessariò, id quod efficaciter non vult, & cum quo est incompossibilis, utq; id extrinsecè denominet nihil actuale, & verificet hanc v. g. propositionem, *Alter sol ab æterno non datur licet potuit dari pro aliquo tempore*; quod est esse Negationem æternam, sed non simpliciter necessariam, formaliter exclusiuam alicuius.

Et hoc pacto saluatur, quomodo non detur infinita categorematicè multitudo Negationum excludentium nunc infinitas creaturas possibiles; quia scilicet omnes huiusmodi Negationes identificantur cum vno realiter Decreto DEI. Supponitur hic interea ex 1. p. Decreta libera DEI esse adæquatè intrinseca DEO, ut docet Suarez d. 30. met. S. 9. Martinon in 1m part. d. 14. Vadingus d. 1. de Incarnat. & pleriq; nostri RR.

Ad 1. Immo maximè Philosophicum est pro explicandâ aliquarum Negationum necessitate, æternitate, immutabilitate alijsq; prædicatis conuertibilibus cum DEO, non aliò recurrere nisi ad DEVM.

Nec mirum sit quòd in explicandis Negationibus æternis, quæ potuerunt non esse, confugiamus ad Decretum DEI liberum usq; adeo difficile: quia non minùs difficilis est talium Negationum æternitas, quæ tamen potuerunt non esse, pro hac vel illa differentia temporis, vel etiam pro omni.

Quòd verò rustici cognoscendo Negationes actiuas æternas, nesciant illas identificari cum Decreto DEI, nihil refert; quia contingit etiam ijsdem affirmare B. Virginem esse hominem, & negare esse animal, nec illorum iudicium est regula vniuersalis sciendi. Immo contingit etiam doctis disputando de rerum definitionibus, vnum idemq; ab eodem affirmari & negari sub diuerso conceptu, ut cum disputatur, An vnio sit entitas modalis? An gratia habitualis sit habitus charitalis? &c. Sic ergo accidit in subiectâ materia.

Ad 2. Duplicia sunt denominatiua; alia secundum vocem, quo pacto

Quid Negatio ali-
quarum de-
terminatè
creatura-
rum, quæ
dabatur ab
æterno?

pacto denominatur Albus ab albedine; alia secundum rem, quâ ratione dicitur iustus à gratia sanctificante. Hoc secundo modo chimera ab Essentia DEI denominatur extrinsecè exclusa, seu nihil. quia Essentia DEI, ita est suum esse infinitum, & plenitudo omnis esse possibilis, ut seipsâ opponatur chimerae, sitq; quoad rem exclusivum necessarium, seu non esse activum chimerae. Et hoc est magna perfectio DEI, quod per se immediatè opponatur imperfectioni quam dicit chimera, & quod sit falsificativum omnis necessariae falsitatis inclusæ in chimeris. Eodem proportionaliter modo discurrere de Decreto Divino libero, quod ita est esse suum, ut simul sit per se exclusio, & Non esse activum imperfectionis creatæ non existentis. Quodsi aliquis hoc mirabitur, dico argumentum ab admiratione, non esse in formas; quin potius omnis admiratio est occasio scientiæ acquirendæ.

Ad 3. Decretum DEI nolens alterum mundum, non est causa efficiens, sed formalis adæquata, respectu carentiæ alterius mundi, qualis causa non distinguitur realiter à suo effectu formali. Ratio est: quia nihil debet efficere actus ille DEI, quo DEVS non vult se communicare ad extrâ, qualis actus est illa nolitio DEI. Paritas illa de Angelo creato, denominato à creatione, non procedit: quia Decretum, quo DEVS vult efficaciter creare Angelum, vult efficaciter aliquid ponere extra DEVM aperitq; illum fontem Divinæ communicabilitatis ad extrâ, ex quo sic libere aperto, ob infrustrabilitatem Divinæ volitionis, necesse est emanare rivulum existentia creatæ: at Decretum nolens efficaciter existentiam Petri claudit porius illum fontem, nolendo quidquam esse extra DEVM, & ita seipso impedit existentiam Petri, absq; eo quod aliquid extra DEVM detur vi illius Decreti.

Ad 4. Duplex potest cogitari in Deo Decretum formaliter exclusivum alterius mundi. Primum est tale: *Nolo existentiam alterius mundi*, & hoc ut tale, est directum, nec vult quidquam extrâ se, sed tantum habet pro obiecto existentiam alterius mundi, recedendo ab ipsa per modum fugæ, estq; efficax, non ponendo aliquid extrâ se, sed tantum impediendo.

Alterum Decretum est tale: *Volo non existere alterum mundum*, & hoc Decretum ut tale, est actus reflexus, vultq; seu amat illud prius Decretum nolitivum alterius mundi, quod est ipsum Non existere alterius mundi. Cæterum quia omnis nolitio formalis & directa alicuius, est indirecta, virtualis, & reflexa, volitio sui, (qui enim odit aliquem, vult se odisse:) propterea primum Decretum non distinguitur realiter à secundo; & secundum, dum vult primum,

Quid DE
vult quan-
do vult
non existe-
re alterum
mundum?

primum, vult seipsum. Solum enim respectu actus directi, verum est, quod distinguatur realiter a suo obiecto. De reliquo, sicut propositio directe negans aliquid, affirmat reflexe seipsam ut veram: ita actus voluntatis, nolens directe aliquid, amat seipsum ut bonum.

Ad primam Confirmationem. Negatur consequentia. Quia Deus non aliter potest ponere existentiam mundi nisi volendo se communicare ad extra, ideòq; nisi volendo aliquid extra se existere; at verò non existentiam mundi Deus non potest ponere, volendo se communicare ad extra, sed potius non volendo quidquam extra se præter suam nolitionem mundi, ideòq; hanc solum reflexe velle potest, cum vult non existentiam mundi.

Ad secundam Confirmationem. Iudem negatur consequentia. Ut enim semel atq; iterum superius dictum est, sicut affirmatio & negatio oppositæ: ita nolitio & volitio oppositæ, terminantur ad idem obiectum, cum sola diuersitate modi tendendi. Itaq; dum Deus vult existere mundum, tunc directe amat mundum, & indirecte amat Decretum hoc de existentia mundi, simulq; indirecte recedit à Decreto suo de non existentia mundi: quando verò non vult mundum, directe tunc recedit ab existentia mundi, & indirecte à Decreto de existentia mundi, indirecte autem amat Decretum de non existentia mundi. Vbi ut vides eadem sunt obiecta Diuinæ nolitionis & volitionis mundi, sed modus tendendi oppositus.

Quoniam verò tam volitio potest explicari per nolitionem, quam nolitio per volitionem, sicut etiam affirmatio per negationem, & è conuerso: propterea illud hic obseruandum est, illam esse volitionem formalem & directam, quæ ne frustretur, requirit existentiam sui obiecti, quamvis explicetur per nolitionem; è contra verò, illam esse nolitionem formalem & directam, quæ requirit non existentiam sui obiecti; sicut illa est affirmatio, quæ postulat identitatem subiecti cum prædicato; illa verò est propositio negatiua, quæ postulat distinctionem, quomodocunq; explicentur.

Ad 5. Decretum Dei, quo Deus ab æterno nolebat istum mundum, ita est Negatio exclusiua huius mundi, pro æternitate ante creationem mundi, pro qua mundum odit, ut simul sit determinatio mundi pro hoc tempore post creationem, pro quo mundum amat; (potest enim idem actus esse amor, & odium eiusdem rei pro diuersis durationibus.) Quapropter præsens Decretum est compossibile cum existentia mundi pro hoc tempore post creationem, pro quo mundum non negat, & consequenter posito mundo pro hac differentia temporis, pro qua positus est mundus, non debuit

Quæ sit
volitio &
quæ noli-
tio alicu-
ius rei?

aufferri Decretum Dei nolens hunc mundum; negatio enim debet aufferri, si ponatur res, pro illo tempore, pro quo negatur, non autem si ponatur pro alio tempore, pro quo non negatur per illam negationem; sic enim adhuc non cōexistēt sibi duo contradictoria.

Ad 6. Duplex est mutatio intrinseca: alia, quæ fit per acquisitionem alicuius intrinseci antea non habiti: alia, quæ fit per amissionem alicuius intrinseci antea habiti. Si ergo sol nunc destrueretur, mutaretur intrinsecè, non per acquisitionem alicuius intrinseci, siue positiui, siue abusiui, sed per meram amissionem sui esse, quod illi antea erat intrinsecum. Nam profectò repugnat ut res totaliter destruat, sitq; nihil, & tamen habeat aliquid sibi intrinsecum. Porro talis mutatio intrinseca consistens in hoc, quòd sol amittat suum esse sibi intrinsecum, benè potest haberi ab aliquo extrinseco exclusiuo illius esse, quod erat soli intrinsecum: & hoc exclusiuum est Decretum Dei, nolens existere solem, ut probatum est.

Q V Æ S T I O IV.

*Utrum Negationes Temporales actiue sumptæ, re ipsa
sint aliquod temporale positivum impedimentum
rei negatæ.*

Videtur quòd non. 1. Quia temporales Negationes dicuntur esse intrinsecæ suis subiectis, & tamen sæpè non adest vllum positivum impedimentum temporale, quod sit intrinsecum illi subiecto. Sic enim peccatum habituale, seu privatio gratiæ sanctificantis, est intrinseca peccatori, ut docet Tridentinum; & tamen tunc in peccatore nullum datur intrinsecum positivum impossibile cum gratia. Sic etiam tenebræ, seu privatio lucis, dantur noctu in hoc aère, in quo tamen non datur positivum impedimentum lucis, quod est interpositio terræ inter solem & nos; hæc enim datur alibi, ut patet. Certè noctu experimur in aère tenebras, & tamen nullum tunc experimur positivum impedimentum. Ergo huiusmodi Negationes non consistunt in aliquo positivo impedimento rei negatæ.

2. Temporale positivum impedimentum formæ potest eum ipsa sæpè stare, saltem de potentia absoluta, in eodem subiecto, v. g. summus calor cum summo frigore, forma lupi cum forma agni. At forma & privatio formæ

formæ nec diuinitus possunt secum simul stare in eodem subiecto, aliàs idem simul esset, & non esset. Ergo temporale positivum impedimentum non est priuatio formæ, quam impedit.

3. Si Deus materiam ligni spoliaret omni formâ substantiali, omnibusq; accidentibus, esset tunc priuatio formæ ignis, & tamen nullum adesset positivum impedimentum formæ ignis; hoc enim non potest esse materia secundum se, utpote appetens potius omnes formas; non etiam Decretum Dei, quia alioquin si deinde generaretur forma ignis, tunc principium intrinsecum per modum Terminii à quo talis mutationis esset Decretum Dei, cum tamen hoc potius sit causa efficiens extrinseca mutationis.

4. Mutatio ut mutatio est, differt à conuersione per hoc, quòd mutatio sit transitus subiecti à non esse formæ ad esse formæ, cum conuersio sit transitus ab esse vnius formæ, ad esse alterius formæ, potestq; esse mutatio, quin sit conuersio, ut accidit in illuminatione àëris; & accideret, si materia spoliata diuinitus omni formâ, in sequenti instanti reciperet sustentatiuè formam substantialem. Si autem non esse formæ subsequenter in materia, re ipsa est forma præcedens, quatenus impedit subsequenter, iam mutatio non differret realiter à conuersione, omnisq; mutatio esset conuersio, quod est falsum.

5. Quidquid sit de alijs Priuationibus temporalibus, saltem malitiæ moralis, seu priuatio rectitudinis debetæ in actu peccaminoso, non identificatur cum villo positiuo impedimento; sed est ens abusivum. Tum quia malitia moralis non est prudenter amabilis amore practico, quod est de ratione entis positui. Tum quia malitia moralis non est villo modo similis Deo, cum omne ens sit participatio & similitudo aliqua Diuini esse. Tum quia, cum Deus sit causa per se omnis entis positui, si malitia moralis esset realiter ens positivum, Deus esset causa per se peccati, quod est impium dicere.

§ I. Respondetur. Proportionaliter discurrendo ad ea, quæ diximus quæstione præcedenti de Negationibus necessarijs & æternis, dicendum est, Negationes temporales seu contingentes formaliter exclusiuas in tempore rerum contingentium, identificari à parte rei cum aliquo ente positivo temporali quatenus impediens rem negatam; passiuè autem sumptas huiusmodi negationes, esse ipsas res negatas, quatenus ab aliquo temporali positivo impedimento extrinsecè denominatur exclusæ, seu nihil. Exemplis res patebit. Priuatio formæ ignis in ligno v. g. actuè sumpta. { intellige in ordinario

Quid sit.
Priuatio
formæ?

Cæcitas,

Mors,

Tenebræ,

Error,

Peccatum.

ordinario naturæ cursu) est realiter ipsa forma ligni impediens in omni eventu naturali formam ignis. Cæcitas seu privatio visus actiua, est tale temperamentum accidentium in oculo, impediens visionem. Mors seu privatio vitæ actiue sumpta, sunt tales dispositiones receptæ in animali destructiue ipsius. Tenebræ seu privatio lucis actiue sumpta, est interpositio corporis opaci inter illuminabile, & corpus luminosum; passivè autem sumpta, est ipsa lux, quatenus impedita per talem interpositionem. Error aut obscuritas cognitionis, est ipsa entitas actûs, per seipsam tollens conformitatem cum obiecto, aut claritatem actûs. Malitia moralis, seu privatio actiua rectitudinis, est ipse actus peccaminosus, vitalis, spiritalis, liber, per seipsum oppositus legi æternæ, & impediens conformitatem cum ipsâ. Et sic de reliquis.

§ II. Ratio huius est, quâ utitur P. Esparza q. 29. de act. hum: quia nullus purus defectus distinctus realiter ab omni bonitate, & consequenter ab omni entitate, potest incipere esse à parte rei de nouo: Ergo cum Negationes temporales incipiant esse à parte rei, non sunt puri defectus distincti realiter ab omni entitate. Consequentia patet. Probatur Antecedens. Quia omne quod incipit esse à parte rei, incipit esse, ex vi principij alicuius ex quo resultat, & à quo determinatur, ut incipiat esse, (nihil enim seipsum determinat, ut incipiat esse in tempore, cum id, quod est à se, semper necessario sit, nec possit pro vilo instanti sibi negare suum esse; aliàs esset sibi summè invidum.) Quod autem resultat quomodocunq; ex aliquo principio à quo determinatur ut sit, debet in illo principio aliquantulum præcontineri, illiq; assimilari, licet defectuosè; quomodo enim inde aliquid resultabit, ubi nullo modo continetur? Cum ergo nullus purus defectus, distinctus ab omni bonitate, contineatur in vilo principio, nullq; principio etiam defectuosè assimiletur; (non enim Deo, qui est purum bonum: non etiam vili causæ secundæ quæ itidem est bona, & particeps, quamvis imperfectè, Divinæ bonitatis:) concluditur nullum purum defectum distinctum realiter ab omni entitate & bonitate, incipere esse à parte rei.

Confirmatur. Omne contingens, quod datur à parte rei, datur ex amore innato vel elicito sui principij erga se: omne enim agens, intendens ad bonum, operatur, ita ut omnis effectus causæ sit vel bonum finaliter intentum ab agente, vel saltem medium vile, adeoq; bonum, ad consequendum aliud bonum finale. Cum igitur Tenebræ, Silentium, Peccatum, & similes Negationes contingentes,

habeant

Purus defectus nullam causam potest habere.

habeant causam, & quidem bonam, vt probat S. Thomas 3. contra Gentes c. 10. ; oportet, vt habeant aliquam bonitatem, saltem in ratione medijs; vicius sint amabiles à sua causa.

Nec satis est dicere, Priuationem esse tantum connexam cum aliquo bono. Tum quia Priuatio vt distincta ab omni connexo habet causam, ideoq; vt talis debet esse bona. Tum quia ipsum connecti cum aliquo bono est bonum, est enim medium prudenter eligibile & amabile in ordine ad ponendum illud bonum, cum quo connectitur.

§ III. Verum vt vis huius argumenti magis elucescat, consideremus per inductionem vniuersalem, omnes imperfectiones siue physicas siue etiam morales, quæ dantur à parte rei, & videbimus in omnibus imitari aliquam bonitatem. In intellectu creato v.g. est quidem imperfectio, Potentia errandi, & Potentia cognoscendi obscure: at simul prima potentia habet hanc perfectionem, quod sit Potentia cognoscendi naturaliter secreta cordis & futura, quæ ab intellectu limitato cognosci non possunt, nisi fallibiliter; secunda etiam potentia habet hanc perfectionem, quod sit Potentia naturaliter cognoscendi DEVM, qui ab intellectu finito non potest cognosci nisi obscure. In voluntate creata est imperfectio potentia peccandi: at simul ista potentia est potentia remouendi à se liberè, & laudabiliter peccatum, & acquirendi gloriosè suis meritis felicitatem, quæ est perfectio magni æstimabilis.

Loquendo de actibus potentiarum. Dolor est quidem defectus & negatio delectationis: sed simul est perfectio, quatenus est inductivus fugæ ab obiectis noxijs. Error est defectus & negatio veritatis: sed simul est cognitio vitalis, spiritualis &c. estq; utilis ad occultanda secreta cordis propter bonum vniuersi. Obscuritas cognitionis, est defectus; sed est bona, quatenus est inductiva meritorie præmij, quod crescit crescente inevidentiâ præmij propositi.

Ipsa malitia moralis est maxima imperfectio, & secundum aliquos infinita; at simul est liberum vitale exercitium voluntatis, & ex suppositione quod sit, est utilis ad quosdam effectus physicos, v.g. delectationis, necnon ad ostensionem Diuinæ iustitiæ, & misericordiæ, immo ad existentiam in vniuerso aliquarum virtutum, puta Poenitentiae, Martyrij &c. Eodem modo philosophandum est de alijs omnibus imperfectionibus physicis, quas mistas esse cum aliqua bonitate ita probat Augustinus lib: contra Epist: Fundam: Manich: c. 30. Vitupero tecum pestem, cecitatem turbidam, horribilem vehementiam, corruptibilitatem, immanitatem: lauda tu mecum

Omnis imperfectio est aliqua perfectio.

(in illis)

(in illis) speciem, distinctionem, ordinem &c. Et subdit: Sic intelligerent Manichæi, si tamen sine pertinacia vellent attendere, bona & mala se miscere.

Cur im-
perfectio
dicitur esse
nihil

§ IV, Pater ergo vniuersali inductione, omnem Negationem à parte rei non distinguit ab omni bonitate, saltem delectabilitatis, aut utilitatis ad aliquem finem, seu eligibilitatis saltem ad ostendendam eminentiam Diuinarum perfectionum; eo modo, quo à Musicis & Oratoribus eligitur ipsum silentium, ad distinctionem vocum, & numerum periodorum, & quo pacto Augustinus in Confess: dicit: *Peccatores in vniuerso esse veluti vmbra cum quibus omnia pulchra sunt, cum ipsi turpes sint.*

Quapropter cum defectus absolutè vocantur Negatio & nihil, id fit vel in sensu formali, vel à potiori desumptà denominatione: quia scilicet maius bonum excludunt, quàm ponunt; quo pacto 1. de Gener: tex: 18. & 19. minus sensibile & minus perfectum comparatione magis sensibilis & perfecti dicitur non ens: vel deniq; quia defectus vt tales, oriuntur non ex participatione Diuinæ perfectionis, sed ex limitatione creaturæ procedente ex nihilo & tendente in nihilum.

Creatura
imperfecti-
or excedit
in aliqua
perfectio-
ne creatu-
ram perfe-
ctiorem.

Cæterum non solum omnis imperfectio possibilis est mista cum perfectione: sed quod est mirabile, omnis creatura imperfectior, habet aliquam perfectionem, quæ caret creatura perfectior. Cum enim omnis creatura perfectio mensuretur per accessum ad perfectionem Diuinam; atq; in Deo sit duplex perfectio, prima quod habeat omnem gradum perfectionis, secunda quod ita sit, vt non accipiat vllam perfectionem à causa; hinc est quod creaturæ, quò sunt perfectiores, eò magis imitantur primam Dei perfectionem, quæ est habere omnem perfectionem, sed simul eò magis recedunt à secunda perfectione, quæ est nihil accipere à causa; (siquidem quò creatura habet plures perfectiones, eò plura accipit à causa:) è contra creatura quò est imperfectior, eò magis quidem recedit à prima perfectioni Dei, quæ est habere omnem perfectionem, (& in hoc simpliciter exceditur à creaturâ perfectiori) sed simul eò accedit magis ad secundam Dei perfectionem, quia habet esse minus acceptum à causa, & in hoc excedit creaturam perfectiorem.

Non datur
pura cor-
ruptio.

§ V. Atq; ex his vterius constat non dari puram corruptionem; quia scilicet remotio vnius formæ est positio alterius impossibilis, vel in eodem subiecto, vt accidit in omni conuersione; vel alibi, vt accidit in pura mutatione, vt cum ær, ex illuminato fit noctu tenebrosus; tunc enim

etiam producit viciatio solis apud Antipodas. Et ratio est: quia natura intantum producit defectum, inquantum intendit producere bonum limitatum impossibile cum altero bono.

Constat etiam non dari puram omissionem liberam: quia quælibet ommissio libera actûs, vel actuum, est libera positio actûs impossibilis cum illo vel illis, qui omittuntur, estq; voluntatis, vi pote rationaliter se determinantis, adhesio ad aliquod motuum, ex cuius amore omittit alium, vel alios actûs.

Nec pura ommissio libera.

Ad 1. P. Sylvester Maurus q. 49. Log: docet omnes priuationes esse entitates positivas intrinsecè receptas in subiectis, additq; priuationes exclusivas perfectionis indebitæ esse quasi subsistentias positivas accidentales; v. g. tenebras esse quandam subsistentiam accidentalem positivam, per quam terminatur ær, & sistit in sua perfectione, sine luce sibi indebitâ, eo modo quo natura humana subsistens, per modum quandam substantialem sistit in suo esse.

Iam verò Cardinalis Sfortia lib 5. de Incarnat: c. 11. docet Priuationes esse relationes positivas realiter modaliter intrinsecè superadditas subiectis, per quas subiectum respicit causas, à quibus vltimò determinatur ad eandem formâ.

Verùm ne immeror alijs impugnationibus harum positionum, non sunt multiplicanda ista entia sine necessitate, vt patet ex responsione tum ad hoc, tum ad alia argumenta.

Quomodo Priuationes sint intrinsecæ subiectis?

Dico ergo potius, Priuationes exclusivas perfectionis à subiecto, esse positiva impedimenta illius perfectionis. Quæ quidem impedimenta, aliquando intrinsecè recipiuntur in ipsis subiectis, in quibus tollunt perfectionem, vt accidit in cæcitate, in qua accidentia impediunt visionem, recipiuntur in oculo: aliquando verò sunt extra illud subiectum, in quo tollunt formam, vt accidit in tenebris, peccato habituali &c. siquidem impedimentum lucis in ære, est extrinseca æri interpositio corporis opaci, & similiter impedimentum gratiæ in peccatore, est peccatum actuale præteritum non retractatum, quatenus datur in legibus æternis Dei, vt ait August: , seu in decreto priuandi peccatorem gratiâ, vel quid simile, de quo Theologi. Nihilominus tamen etiam huiusmodi priuationes constitutæ per impedimenta formæ, extrinseca subiectis, sunt intrinsecæ subiectis, non per positionem alicuius intrinseci positivi vel abusiui in subiecto, sed per ablationem alicuius intrinsecæ perfectionis in subiecto, ita vt istud impedimentum secundum suam entitatem positivam sit extrinsecum subiecto, sit verò eidem intrinsecum in ratione efficientis priuatiue subiectum, & ratione boni intrinseci quo priuat subiectum. v. g. Pri-

uatio

uatio lucis est intrinseca aëri, non quia tunc ponitur aliquid etiam abusu suum, intrinsecum aëri, sed quia tollitur, vel impeditur perfectio intrinseca aëri, quam perfectio tollere & impedire potest formaliter & immediate aliquid extrinsecum, quod non est in aëre, puta interpositio illa terræ inter solem & aërem; sicut ego etiam nunc existens hic, per meam nolitionem possum impedire præsentiam mei ultra milliare.

Ad illud quod dicitur, nos noctu experiri tenebras; dico, non experimur ita, quasi tenebræ moueant nos per se, vel per suam speciem ad cognitionem sui; quia nec Aduersarij hoc dicent; aliàs non enti tribuerent causalitatem effectiuam speciei, aut cognitionis; sed intantum dicimur experiri tenebras, inquantum non experiendo lucem, certificamur sine ullo discursu, de veritate huius propositionis: *Non est lux*; habituri aliàs cognitionem experimentalem de luce in seipsa. Et ideo dixit Augustinus: *Tenebræ non videndo videntur, videndo non videntur.*

Ad 2. Aliqua positiua impedimenta sui oppositi, secundum se considerata, sunt priuatio ipsius, solum in ordinario cursu naturæ, quo pacto summum frigus est priuatio caloris, forma lupi est priuatio formæ agni &c. vnde ut huiusmodi sunt priuatio sui oppositi pro omni euentu possibili, summi debent cum Decreto Dei nolente patrare miracula. Nec mirum sit, quòd recurramus ad Deum, quia etiam ab arguente recurritur ad casus miraculosos, qui solius Dei dispositioni subsunt. Immo à plerisque Aduersarijs, etiam in ordine naturali, sæpè recurritur ad Deum, citra nostram admirationem, ut cum agitur de productione viuientium ex putri, de determinatione ad individuationem effectus, de determinatione ad productionem aut corruptionem huius potius, quam alterius omnino similis gradus intensiōis &c.

Ad 3. Ob eandem causam, in casu illo miraculoso, quo materia existeret spoliata omni formâ substantiali, & accidentibus, Priuatio actiua formæ inducendæ in illam materiam, esset Decretum Dei nolens pro illo instanti existere formam in illa materia, sed pro tempore sequenti: vnde si deinde induceretur forma in talem materiam, talis mutationis principium intrinsecum per modum termini à quo, esset obiectiuè Decretum Dei, non tamen sub conceptu Decreti (sub quo conceptu est potius causa efficiens) sed sub conceptu confuso & vniuersali, Exclusioni formæ in materia, quod etiam cum admiratione sumptum non est inconueniens, donec probetur oppositum.

Ad 4. Mutatio quæ talis, differt à conuersione ut conuersio est; quia
hæc est

hæc est transitus subiecti a formâ præcedente quatenus informante materi-
am, ad alteram formam quatenus informatiue receptam in eadem materia:
at mutatio vt mutatio, est transitus subiecti ab aliquo positiuo impedimento
excludente à materiâ formam subsequenter, siue hoc impedimentum sit
forma præcedens recepta in eadem materiâ, siue aliquod ens extra illam ma-
riam, siue aliquid creatum, siue Decretum Dei. Hinc latius patet Mutatio
quam Conuersio, omnisq; conuersio est mutatio, sed non è conuersio. Atq;
ita illuminatio àëris est mutatio, quia per eam transit àër à priuatione lucis
ad lucem; quæ priuatio non est vlla forma præcedens recepta in materia
àëris, (vti debet accidere in Conuersione) sed est extrinsecum impedin-
tum lucis in àère, nempe vbicatio solis apud Antipodas.

Ad 5. Propter has rationes P. Antonius Perez docuit solam pri-
uationem rectitudinis in actu peccaminoso, seu malitiam moralem, esse
ens abusiuum, non quidem tanquam aliquid consequens ad actum pecca-
minosum, vt alij dicunt, (quia sic malitia moralis, vtore necessariò con-
sequens ex suppositione actûs antecedentis causati à Deo, non esset contra
voluntatem Dei, qui non vult impossibilia, causareturq; à Deo causante
illum actum, ex quo necessariò sequitur, sicut causatur à voluntate creata
ob eandem rationem;) sed potius tanquam aliquid præcedens actum ma-
lum per modum actionis determinantis voluntatem creatam ad exercendum
actum malum: docebat autem hanc actionem esse negatiuam: quia non
est prudenter practicè amabilis, sed potius est exclusiua omnium actionum
prudenter amabilium.

Sed contra hanc sententiam facit primò: quia
de ratione malitiæ moralis est vituperabilitas, & consequenter determinatio
libera voluntatis, v. g. ad odium Dei, ideoq; de ratione ipsius est ipsum vi-
uere & moueri ab intrinseco, quod pater esse prædicatum positivum.
Contra secundò: quia gratis assumitur, de ratione entis positiuui esse, vt sit pru-
denter practicè amabile; nam etiam actus positivus odij Dei sequens illam
Priuationem, non est prudenter practicè amabilis; cùm in omni euentu, me-
lius sit poni contradictorium illius actûs, quàm ipsum actum. Sufficit ergo
ad esse ens positivum, bonitas vtilitatis ad aliquem effectû; & hæc non deest
illi determinationi, quæ proinde est etiam practicè (licet imprudenter) ama-
bilis in ordine ad bonû delectabile, ac proinde adhuc debet esse ens positiuû.
Dicendû ergo est cùm citato P. Esparza & C. Sfortia lib: 1. de Act. hum. cap.
17. priuationem rectitudinis debita inesse operanti (quæ est formale peccati)

Mutatio
quod differt
à conuer-
sione?

Malitia
peccati
nondistin-
guitur re-
aliter ab
actu malo:

à parte rei identificari cum vitalitate, spiritualitate libertate &c. actus mali, quæ prædicata dicuntur materiale peccati, utpote communia etiam actui bono. Quare malitia moralis, solum in sensu formali & præcisivo, non est similis Deo, id est, non explicat perfectionem ullam Dei; sicut nec potentia peccandi, aut moriendi; quamvis hæc omnia identice & adæquate sumpta, dicant aliquam bonitatem physicam similem Deo.

Cæterum Deus cōcurrēs inmediate ad omne ens, adeoq; ad materiale peccati, non est causa moralis nec physica malitiæ seu rationis formalis in peccato. Ratio est, quia causare defectū, ut defectus est, non est quomodocūq; cōcurrere ad existentiam ipsius, & ad omnia prædicata identificata realiter cum ipso, sed est concurrere per modum principij deficientis vel à regula morum, (si defectus est moralis); vel per modum principij deficientis à virtute actiua, (si defectus est physicus.) Quod docet non semel D. Thomas; unde etiam dicit 3. contra Gen. c. 4. & 14. *ex defectu cause sequi defectum effectus*: patetq; hoc ipsum inductione, & familiari in hac re exemplo claudicationis, quæ ut talis, hac de causa tribuitur soli tibie fractæ. Cum ergo ad existentiam actus mali omniaq; eius prædicata, sola voluntas creata concurrat tanquam principium deficientis tum à regula morum, nempe à lege Dei, tum à virtute actiua, quatenus non habet cognitionem perfectam, immobilitatem in bono &c.; Deus autem concurrat purè efficienter: hinc est quod non Deus, sed sola voluntas creata est causa moralis & physica actus mali, secundum formale peccati (quod formaliter in defectu consistit) spectatis; Deus verò ad summum dicitur causare idq; per accidens (ut mox dicetur) materiale peccati, utpote consistens formaliter in positivo. Quæ est doctrina Augustini 12. de Ciuit: cap. 7. ubi sic ait: *Nemo querat causam male voluntatis, non est enim efficiens sed deficiens, quia neq; illa est effectio sed defectio.* Et quamvis Deo concurrenti tribuatur tantum materiale peccati, voluntati autem creatæ tribuatur formale; per hanc tamen attributionem formalitatem non significatur vlla distinctio obiectiua materialis à formali in peccato, immò nec diuersitas realis actionum procedentium à duobus principijs: sed tantum significatur diuersa conditio principiorum, ad eorum eundem indiuisibilem effectum, concurrentium per eandem quidem indiuisibilem realiter actionem, quæ tamen actio aliter denominatur, ut procedit ab vno principio, aliter ut ab alio: eo modo, quo ob solam diuersam conditionem principiorum, aliter dicitur concurrere in actum vitalem supernaturalem potentia vitalis, aliter

Cur Deus
non sic cau-
sa per se &
proprie
peccati.

aliter auxilium supernaturale, hæc q; solum diuersitas concurrendi significatur absq; vlla distinctione obiectiua formalitatum in actu, dum dicitur: *Potentia causat actum, ut vitalis est, & non ut supernaturalis: Auxilium autem supernaturale causat eundem actum ut supernaturalis, & non ut vitalis est.* Videatur S. Thom: 1. 2. q. 79. ar. 2. & qu. 3. de causa peccati. ar. 1.

Illud hic addendum etiam est, quod nullum prædicatum actus mali Deus causat per se, sicut per se causat prædicata actus boni moraliter, ut definit Trident: Constat enim per inductionem, quod causa per se effectus est illa, quæ concurrit ad effectum vel determinans contingentiam ipsius ad vnam partem; vel determinata ex se in actu primo, seu inclinata ex se ad illum producendum. Et hac de causa etiam intellectus, causat per se intellectiorem, quia concurrit ad illam, non solum determinatus à specie impressa, sed etiam ex se determinatus in actu primo, quatenus ex sua natura habet inclinationem ad suos actus producendos; idem dic de sole, quamvis indigente aliquo complemento ex parte passi determinantis solem, ut potius liquefaciat quam induret; idem de alijs causis per se. E contra verò ob contrariam rationem nec tibia recta est causa per se claudicationis, nec altera præmissa vniuersalis & necessaria est causa per se conclusionis particularis & contingentis; quia hæ causæ non determinant huiusmodi effectus, & potius ad oppositos ex se propendent. Cum ergo Deus non concurrit ad vllum prædicatum actus mali determinans ipsum, nec determinatus ex se in actu primo ad illud producendum, quin potius concurrit cum inclinatione ad prædicata actus boni oppositi, tam innatam quam elicitam, mouendo etiam nos ad actum bonum, nec ponendo aliquid in homine per se ordinatum ad actum malum; e contra verò cum voluntas creata concurrit ad omnia prædicata actus mali, ut determinans contingentiam ipsorum, ipsumq; Deum, ut sub hoc auxilio concurrit secum ad peccandum: propterea sola voluntas creata, omnium prædicatorum actus peccaminosi, est causa per se.

★★

13

DISP.

De Attributis Entis.

TRIA sunt Attribute Entis, Vnum, Verum, Bonum, sicut etiam Essentia Diuina sunt tres proprietates relatiue, nempe Paternitas, cui Augustinus appropriat Vnitatem, (eò quòd Pater Diuinus sit principium pluralitatis personarum,) Filiatio cui appropriatur Veritas, & Spiratio passiuæ, cui appropriatur Bonitas; & ita in quolibet ente est vestigium imperfectum Trinitatis. De his ergo Attributis entis, vltra dicta d. 1. q. 1 hoc loco agendum est, potissimum de Vno, quòd est maximè in scientijs necessarium, & consequenter de Distinctionibus tanquam de opposito vnitatis. Et quidem primò agemus de Vnitate ac Identitate reali simpliciter, nec non de Distinctione formali ex natura rei, necnon Virtuali, & Præcisionibus, distinctioneq; rationis. 2dò, de vnitate vniuersali. 3tiò de differentia specifica. 4tò de Distinctione Modali. 5tò de Vero & Bono.

QVÆSTIO I.

*Utrum in vna eademq; realiter simpliciter entitate creatâ,
possit dari Distinctio formalis ex natura rei? aut
Distinctio Virtualis in ordine ad aliquam
contradictoria? & præcisio, ac Distinctio
rationis obiectiua?*

Videtur quod sic 1. Quia Animal Petri est prius quàm Rationale eiusdem Petri: est magis indifferens, ac pluribus commune. Item Animal Petri est id per quod Petrus est similis Bruto, Rationale autem est id per quod Petrus est vltimò dissimilis Bruto. Præterea homo per Animalitatem sentit, non intelligit, per Rationalitatem intelligit, non sentit. Sed ista sunt contradictoria prædicata, saltè arguitiue, dicta de Animalis & Rationali Petri, quæ sunt vna eademq; realiter simpliciter entitas creata. Ergo de vna realiter simpliciter entitate creata possunt dici duo contradictoria prædicata.

Vtcrius; At hæc non possunt dici de his, quæ nullo modo

do obiectiue distinguuntur. Ergo in Animali & Rationali Petri ponenda est aliqua Distinctio obiectiua minor reali simpliciter, scilicet vel Formalis ex natura rei, vt volunt Scotistæ, vel Virtualis, vt volunt Thomistæ, & aliqui ex nostris, ratione cuius verificentur ista prædicata contradictoria de Animali & Rationali Petri. Nec enim hoc iam implicabit; quia non dicentur contradictoria de eodem realiter, secundum omnino idem, nec respectu omnino eiusdem, sed respectu distinctarum formaliter ex natura rei, aut virtualiter, formalitatum.

2. Communis sententia fert dari Vniuoca, & Analoga, atq; Ens esse Analogum respectu Dei, & creaturæ, Animal autem esse Vniuocum respectu Hominis & Bruti. At ratio discriminis inter ens & animal, non potest esse alia, nisi hæc, quod animal, ex parte obiecti (siue Formaliter ex natura rei, siue Virtualiter) distinguatur à differentiis suorum inferiorum, puta à rationalitate, & irrationalitate, secus autem ens à differentiis Dei & creaturæ, puta ab Aseitate & Abalietate. (Sic enim fit vt ratio animalis distincta obiectiue à differentiis hominis & bruti, sit omnino formaliter ratio conueniendi & nullatenus differendi homini & bruto, quod est esse rationem vniuocam; ratio verò entis sit formaliter partim ratio conueniendi Deo, & creaturæ, quatenus tam Deus, quàm creatura sunt formaliter ens; partim ratio differendi, quatenus ratio entis obiectiue includitur in Aseitate & Abalietate, quæ Deo & creaturæ, sunt formaliter ratio differendi; qualis ratio partim conueniendi, partim differendi, est ratio Analoga.) Distinguitur ergo Animal à differentiis suorum inferiorum aliquâ distinctione obiectiua, siue virtuali, siue formali ex natura rei, licet sit secus philosophandum de ente vt sic.

3. Specialiter arguitur pro Distinctione formali ex natura rei, Animal & Rationale Petri, non obstante identitate reali rigorosâ, quam habent inter se, quantum ex vi suæ essentiae, sunt actu nemine cogitante diuersæ conceptibilitates, & definibiles; siquidem Animal Petri, quantum ex vi suæ essentiae, actu nemine cogitante petit concipi & definiri per hoc, quod sit principium sentiendi, non autem ratiocinandi; sicut è contra petit definiri Rationale. Et ratio est: Tum quia alioquin vbicunq; esset Animal, adeoq; etiam in boue, esset ubiq; principium ratiocinandi, non enim posset carere alicubi suâ definitione conueniente sibi ex vi suæ essentiae: Tum quia sequeretur illam definitionem Animalis, quæ ipsi conuenit ex vi essentiae, Ani-

mal est principium sentiendi, esse inadæquatam & insufficientem. Quod vtrumq; cum sit inconueniens, sequitur Animal & Rationale Petri, à parte rei actu esse diuersas conceptibilitates. Sed hoc est distingui aliqua formaliter actu à parte rei: Ergo prædictæ formalitates distinguuntur formaliter actu à parte rei, quamuis sint idem realiter rigoroſe.

4. ut arguit quidam. Possibilia sunt aliqua, etiam diuinitus ab invicem inieparabilia, ideòq; secum realiter simpliciter identificata, quorum tamen vnum à parte rei verè non sit actu aliud. Sed ista distinguerentur formaliter à parte rei, & tamen essent idem realiter simpliciter. Ergo falsum est possibilis talis distinctio formalis à parte rei: immo probabile est quòd detur defecto alicubi, licet nos nesciamus ubi detur, & licet non detur inter gradus metaphysicos.

5. Specialiter arguitur pro Distinctione virtuali verificante duo contradictoria de eodem realiter simpliciter obiecto creato, quæ vulgò dicitur Virtualis intrinseca. Vnum idemq; obiectum creatum realiter simpliciter indiuisibile, æquiualeat per seipsum intrinsecè pluribus rebus realiter distinctis, puta idem homo æquiualeat plantis & brutis. Hæc autem æquiualentia est distinctio virtualis intrinseca: sicut enim piper dicitur virtualiter intrinsecè calidum, quia licet non habeat actu in se calorem, habet tamen talem virtutem, quæ æquiualeat calori: ita & obiectum, nullam habens actu distinctionem realem, habens tamen in se intrinsecè virtutem æquiualandi pluribus realiter distinctis, debet dici distinctum virtualiter intrinsecè. Datur ergo Distinctio virtualis intrinseca in creatis.

6. Datur in Diuinis Distinctio virtualis intrinseca (præsertim in mysterio Diuinæ Trinitatis, ut iam communiter docent Theologi) verificans à parte rei de Essentia & Paternitate, illa contradictoria, *Communicari, non communicari*. Ergo similis distinctio potest etiam dari in creatis. Tum quia talis Distinctio sicut non obstat summæ simplicitati Diuinæ, sic non obstat etiam minori simplicitati creatæ: Tum quia creaturæ imitantur Deum, quantum possunt, tanquam suam primam causam.

7. Arguitur pro Præcisionib⁹ obiectiuis. Dum video à longè moueri Petrum, solum tunc cognosco esse animal, & non cognosco esse rationale: Tum quia solum tunc habeo indicium cognoscendæ animalitatis in Petro, nempe motum progressivum; qui si sufficeret ad cognoscendam rationalitatem, semper viso à longè simili motu, etiam bruti (virpote perinde se habente

bente ad meam visionem, dum causatur à bruto, ac se habet, dum causatur ab homine) cognoscerem ex parte obiecti Rationale, quod est falsum:

Tum quia nullam tunc habeo speciem impressam, determinatiuam suā cooperatione intellectus mei ad cognoscendam rationalitatem: Tum quia

possum tunc de illo obiecto negare, quod sit rationale, quod fieri non posset, si cognoscerem illud esse rationale.

Præscindo igitur tunc obiectiue formalitates secum realiter simpliciter identificatas, ut patet ex notione Præcisionis obiectiue.

Confirmatur: quia saltem tunc Animal cognosco clarè, & formaliter; Rationale autem non ita clarè, sed confusè & materialiter: hæc autem non minus sunt contradictoria, quàm cognosci Animal, & non cognosci Rationale; cum tamen ideò negentur Præcisiones obiectiue, ne contradictoria dicantur de eodem realiter obiecto.

8. Sicut duæ imagines, ita & duæ cognitiones (quæ sunt imagines intentionales) non possunt esse diuersæ, nisi repræsentent diuersa exemplaria & obiecta, à quibus proinde dicuntur specificari. Cum ergo diuersa sit cognitio quâ apprehendo Animal Petri, ab illa, quâ apprehendo Rationale eiusdem; oportet etiam obiecta istarum apprehensionum esse aliquo modo diuersa, nec attingi idem omninò obiectum per utramq; ex his cognitionem, quod est præscindere obiectiue. Nec valet recurrere ad diuersa realiter connotata, in ordine ad quæ cognoscatur idem obiectum per diuersas cognitiones. Nam ipsum connotatum huius v. g. apprehensionis, *Animal Petri*, puta *Sersauio*; potest rursus terminare diuersas cognitiones inadæquatas, & præcisiuas, potestq; ibi rursus præscindi ratio actus vitalis, operationis, accidentis: hæc autem præcisio & diuersitas cognitionum non potest rursus refundi in diuersitatem connotatorum, alias daretur processus infinitus in connotatis. Non igitur præcisio & diuersitas cognitionum inadæquatarum prouenit à diuersis eiusdem obiecti connotatis.

Confirmatur: quia ut arguit P. Maurus qu. 32. Log.; sicut quævis alia potentia, ita multò magis intellectus, debet esse benè constitutus circa obiectum sibi proportionatum, quod respectu nostri intellectus est Quidditas rei materialis. Si autem hanc omninò obiectiue simplicem, pluribus, diuersis, & inadæquatis cognitionibus attingeret intellectus noster, iam non esset benè constitutus circa sibi proportionatum obiectum. Immo hoc modo fingeret, attingendo inadæquate id, quod in seipso est adæquate. Non igitur quidditas rei materialis (quidquid sit de re spirituali, quæ non est obiectum proportionatum

9. Communiter dicitur, Speciem v. g. Hominem componi per rationem ex genere & differentiâ, puta ex animali & rationali, tanquam totum quoddam actuale metaphysicum, ex duplici parte, quarum una sit materialis & determinabilis, altera formalis & determinatiua. Cum ergo omnis compositio sit distinctorum in suo genere vno, oportet distingui ratione nostrâ & metaphysicè genus à differentiâ, & quidem ex parte obiecti, & non tantum ex parte conceptuum formalium, quia alioquin sequeretur Speciem, v. g. Hominem componi metaphysicè ex duobus conceptibus formalibus, quod est absurdum.

Vltimò. In omnium sententia, de Animali & Rationali Petri verificantur hæc prædicata contradictoria secundò intentionis, quòd Animal Petri distinguitur ratione nostrâ à Rationali, non autem distinguitur hoc modo Rationale à Rationali. Ergo etiam poterunt de illis verificari hæc alia, *Cognosci & Non cognosci*. Nec valet hic recurrere ad diuersos conceptus formales, quibus substat Animal & Rationale. Quia Tò. *Distingui & Non distingui ratione nostrâ*, non cadit supra conceptus formales Animalis & Rationalis, (hi enim potius distinguuntur realiter inter se,) sed cadit supra ipsum Animal & Rationale obiectiue sumpta, quæ proinde oportet esse aliquomodo obiectiue distincta.

§ I. Respondetur. Ad euidentiam huius Questionis præmittenda est imprimis notio Vnitatis, Multitudinis, Identitatis, Distinctionis.

Vnitas ex s. met: supra ens, superaddit ex modo nostro concipiendi, negationem diuisionis in plura talia, quale est ipsum, cūq; ipsum ens prout est indiuisum in se. Multitudo, sunt ipsæ unitates in recto acceptæ, quantum hæc non est illa.

Identitas est vera affirmabilitas prædicatorum de seipsis. Distinctio è contra est vera negabilitas vnus de altero; ita

tamen vt in Distinctione vnum extremum concipiatur in recto, alterum in obliquo; per quod differt à Multitudine, in qua omnia extrema concipiuntur in recto. Quæ definitiones, vt pote Terminorum vniuersalissimorum & per se notorum, traduntur iuxta regulam explicatam disp. 1. q. 1.

Non malè etiam definitur Identitas à R. R. hoc modo: *Est summa communicatio prædicatorum inter se, per quam vnum tantundem communicatur alteri ac sibi ipsi*. Distinctio verò erit oppositus dissensus prædicatorum inter se.

Hæc ita prænotatis, in hac questione statuendum est imprimis pro fundamento

Quid Unitas?

Multitudo

Identitas

Distinctio

mento totius doctrinæ de Distinctionibus, nulla prædicata contradictoria posse verificari de aliquibus, sine aliqua ipsorum distinctione simpliciter reali, saltem in tertio prædicato.

2dò ex hoc principio rejicienda est Distinctio Formalis ex natura rei Scotistica, necnon Virtualis distinctio in ordine ad verificanda contradictoria de eadem realiter simpliciter entitate excludente realem etiam in tertio distinctionem. 3tò agendum est ex hac occasione obiter aliquid de Distinctione reali in tertio, an detur alicubi, & an sufficiat ad verificanda à parte rei aliqua contradictoria, de extremis inter quæ datur. 4tò ex eodem principio negandæ erunt Præcisiones obiectivæ ibi, ubi non intercedit Distinctio realis in tertio, & declarandæ Præcisiones formales ex parte actûs. Tandem explicanda erit Distinctio rationis, & solvendæ obiectiones contra determinatam doctrinam iam propositæ. Ad vitandam verò confusionem hæc omnia per plura puncta expendemus.

Punctum I.

*Statuitur, nulla posse contradictoria verificari de uno eodemq;
obiecto, nullam admittente Distinctionem
simpliciter realem.*

§ II. Est ergo primum principium lumine naturæ notum; Impossibile est idem esse & non esse, seu quod idem est, non posse duo prædicata contradictoria (hæc enim semper sunt esse & non esse eiusdem formæ) verificari de eodem obiecto. Hoc verò principium sine dubio intelligendum est de esse & non esse, comparatione eiusdem realiter termini; nemo enim dubitat Pygmæum esse magnum respectu muscæ, & non magnam respectu Enceladi. Cæterum hoc principium non esse ita limitandum, ut prædicata contradictoria (semper hic accipio comparatione eiusdem termini) possint verè dici de eodem realiter subiecto, nullam admittente Distinctionem simpliciter realem, dummodò sit distinctum formaliter ex natura rei Scotisticè, aut virtualiter sine Distinctione reali in tertio, sic ostenditur. Omnia prædicata contradictoria, cum semper sint ex suo conceptu *Esse & Non esse* eiusdem formæ; secundum se considerata, necessariò sibi opponuntur oppositione maximâ, distantq; à se, & actu mutuò sibi repugnant, seq; excludunt seipsas à parte rei saltem mediatè. Ergo necessariò in suo conceptu includunt aliquam Distinctionem simpliciter realem, saltem mediatam,

Declaratur hoc principium, & declaratio probatur.

nostri intellectus) est omnino simplex obiectiue.

9. Communiter dicitur, Speciem v. g. Hominem componi per rationem ex genere & differentiâ, puta ex animali & rationali, tanquam totum quoddam actuale metaphysicum, ex duplici parte, quarum una sit materialis & determinabilis, altera formalis & determinatiua. Cum ergo omnis compositio sit distinctorum in suo genere vno, oportet distingui ratione nostrâ & metaphysicè genus à differentiâ, & quidem ex parte obiecti, & non tantum ex parte conceptuum formalium, quia alioquin sequeretur Speciem, v. g. Hominem componi metaphysicè ex duobus conceptibus formalibus, quod est absurdum.

Vltimò. In omnium sententia, de Animali & Rationali Petri verificantur hæc prædicata contradictoria secundointentionalia, quod Animal Petri distinguatur ratione nostrâ à Rationali, non autem distinguatur hoc modo Rationale à Rationali. Ergo etiam poterunt de illis verificari hæc alia, *Cognosci & Non cognosci*. Nec valet hic recurrere ad diuersos conceptus formales, quibus substat Animal & Rationale. Quia Tò. *Distingui & Non distingui ratione nostrâ*, non cadit supra conceptus formales Animalis & Rationalis, (hi enim potius distinguuntur realiter inter se,) sed cadit supra ipsum Animal & Rationale obiectiue sumpta, quæ proinde oportet esse aliquomodo obiectiue distincta.

§ I. Respondetur. Ad euidentiam huius Questionis præmittenda est imprimis notio Vnitatis, Multitudinis, Identitatis, Distinctionis.

Vnitas ex s. met: supra ens, superaddit ex modo nostro concipiendi, negationem diuisionis in plura talia, quale est ipsum, estq; ipsum ens prout est indiuisum in se. Multitudo, sunt ipsæ vnitates in recto acceptæ, quantum hæc non est illa.

Identitas est vera affirmabilitas prædicatorum de seipsis. Distinctio è contra est vera negabilitas vniús de altero; ita

tamen vt in Distinctione vnum extremum concipiatur in recto, alterum in obliquo; per quod differt à Multitudine, in qua omnia extrema concipiuntur in recto. Quæ definitiones, vtote Terminorum vniuersalissimorum & per se notorum, tradantur iuxta regulam explicatam disp. 1. q. 1.

Non malè etiam definitur Identitas à R.R. hoc modo: *Est summa communicatio prædicatorum inter se, per quam vnum tantundem communicatur alteri ac sibi ipsi*. Distinctio verò erit oppositus dissensus prædicatorum inter se.

Hæc ita prænotatis, in hac questione statuendum est imprimis pro fundamento

Quid Vnitatis

Multitudo

Identitas

Distinctio

mento totius doctrinæ de Distinctionibus, nulla prædicata contradictoria posse verificari de aliquibus, sine aliqua ipsorum distinctione simpliciter reali, saltem in tertio prædicato.

2dò ex hoc principio reiicienda est Distinctio Formalis ex natura rei Scotistica, necnon Virtualis distinctio in ordine ad verificanda contradictoria de eadem realiter simpliciter entitate excludente realem etiam in tertio distinctionem. 3tò agendum est ex hac occasione obiter aliquid de Distinctione reali in tertio, an detur alicubi, & an sufficiat ad verificanda à parte rei aliqua contradictoria, de extremis inter quæ datur. 4tò ex eodem principio negandæ erunt Præcisiones obiectivæ ibi, ubi non intercedit Distinctio realis in tertio, & declarandæ Præcisiones formales ex parte actûs. Tandem explicanda erit Distinctio rationis, & solvendæ obiectiones contra determinatam doctrinam iam propositæ. Ad vitandam verò confusionem hæc omnia per plura puncta expendemus.

Punctum I.

*Statuitur, nulla posse contradictoria verificari de uno eodemq;
obiecto, nullam admittente Distinctionem
simpliciter realem.*

§ II. Est ergo primum principium lumine naturæ notum; Impossibile est idem esse & non esse, seu quod idem est, non posse duo prædicata contradictoria (hæc enim semper sunt esse & non esse eiusdem formæ) verificari de eodem obiecto. Hoc verò principium sine dubio intelligendum est de esse & non esse, comparatione eiusdem realiter termini; nemo enim dubitat Pigmæum esse magnum respectu musæ, & non magnum respectu Enceladi. Cæterum hoc principium non esse ita limitandum, ut prædicata contradictoria (semper hic accipio comparatione eiusdem termini) possint verè dici de eodem realiter subiecto, nullam admittente Distinctionem simpliciter realem, dummodò sit distinctum formaliter ex natura rei Scotisticè, aut virtualiter sine Distinctione reali in tertio, sic ostenditur. Omnia prædicata contradictoria, cum semper sint ex suo conceptu *Esse & Non esse* eiusdem formæ; secundum se considerata, necessariò sibi opponuntur oppositione maximâ, distantq; à se, & actu mutuò sibi repugnant, seq; excludunt seipsas à parte rei saltem mediatè. Ergo necessariò in suo conceptu includunt aliquam Distinctionem simpliciter realem, saltem mediatam,

Ka

& non

Declaratur: hoc principium, & declaratio probatur:

& non solum realem formalem Scotisticam, aut virtuales coniunctam cum omnimoda identitate simpliciter reali, tam immediatam quam mediatam: nihil enim sibi ipsi opponitur oppositione maximam, nihilque a seipso distat entitativè, sibi que actu repugnat, ac se excludit nemine cogitante. Consequens igitur est, ut in quocunque obiectum, per enumerationem veram inveniuntur aliqua contradictoria prædicata, necessario secum in illud obiectum invehant aliquam, quam in suo conceptu includunt. Distinctionem simpliciter realem, saltem mediatam, seu in tertio prædicato, & consequenter in illo obiecto destruant Distinctionem formalem ex natura rei; & virtuales supra dictam; ut proinde verum sit, non posse verificari dicto contradictoria de eodem omnino realiter simpliciter subiecto, respectu diversarum non formaliter ex natura rei, aut virtualiter modo dicto, eiusdem subiecti formalitatum, quod erat probandum.

Prima responsio reijcitur primo.

§ III. Nec satisfaciunt quidam respondendo, aliqua prædicata contradictoria non se negare & destruire realiter rigore, sed tantum virtualiter a parte rei; vel formaliter ex natura rei, posseque proinde a parte rei verificari de eadem omnino realiter simpliciter entitate, beneficio solius virtualis aut formalis ex natura rei alienatis.

Contra enim est primo, quia omne univ ersaliter loquendo *Esse*, nulli magis opponitur, quam suo *Non esse*; & ideo inter nullum *Esse*, eiusdemque *Non esse*, dari potest medium. Si ergo aliquod *Non esse* v. g. *Non esse cognoscibile in sensu formali* (ut isti dicunt) non negat realiter simpliciter suum *Esse*, puta *Esse cognoscibile in sensu formali per eandem cognitionem*, sed tantum negat cum illo identitatem sui formalem ex natura rei, aut pure virtuales; verum utique erit, idem aliquando sibi ipsi opponi oppositione maximam, quod sanè est inconueniens.

Secundo impugnatur.

§ IV. Contra secundò, quia si aliquod *Non esse*, v. g. *Non esse hircum*, ita realiter simpliciter negat & destruit suum *Esse*, puta *Esse hircum*, ut ista contradictoria salvari nequeant in eodem realiter simpliciter obiecto, beneficio diversarum formaliter ex natura rei, aut virtualiter formalitatum; cur hoc idem non dicitur de omni univ ersaliter *Non esse* comparato cum suo *Esse*? Nempe non tantum aliqua, sed omnis univ ersaliter ex suo conceptu negatio inclusa in omni *Non esse*, est æquè malignantis naturæ, ac proinde æqualiter semper destruit illud *Esse* cui præponitur.

P. Thom. Młodziański.

Quod enim responderet quidam in M. S. de Deo, rationem discriminis hanc esse, quod in quibusdam contradictoriis, *Non esse* negat rationem absolutam essendi, quæ cum sit

sit indistinctibilis in plures formalitates, eo ipso, (inquit) non inuenientur ibi plures formalitates, respectu quarum verificetur affirmatio & negatio, & ideo talia contradictoria inuitabiliter distinguuntur realiter simpliciter: secus autem accidit in alijs contradictorijs, in quibus *Non esse* negat tale *Esse* restrictum; ubi proinde potest repeniri duplex formalitas, ut supra vnam cadat affirmatio, supra aliam negatio; & ideo in talibus *Esse* & *Non esse*, sine vlla distinctione simpliciter reali, possunt virtualiter, (diceret Sconsta, formaliter ex natura rei) distinguui. Id non satisfaci, quia sicut *Esse* & *Non esse* cognoscibile in sensu formali seu virtuali per eandem cognitionem: ita *Esse* hircum & *Non esse* hircum, *Esse* & *Non esse* patrem sunt *Esse* tale & *Non esse* tale restrictum, possentq; hic in obiecto reperiri duæ virtualiter vel formaliter ex natura rei formalitates; & tamen non licet de vna affirmare *Esse* hircum, *Esse* patrem, de altera verò hoc ipsum negare. Ergo idem dicendum de his contradictorijs, *Esse* cognoscibile, *Non esse* cognoscibile in sensu formali aut virtuali per eandem cognitionem, & similiter de alijs similibus. Deinde cum non minoris sit malignitatis Negatio efficiens *Esse* absolute & efficiens *Esse* tale restrictum; sequitur quod æqualiter destruat *Esse* absolute & *Esse* restrictum, dum illud afficit, & consequenter æqualem inducat distinctionem tam inter *Esse* & *Non esse* secundum rationem absolutam, quam inter *Esse* & *Non esse* tale restrictum, cum hoc solo discrimine, quod negatio efficiens *Esse* restrictum, non solum inducat distinctionem aliquam simpliciter realem inter *esse* & *non esse* restrictum, sed etiam inter alias formalitates, quas inuenit in obiecto, de quo dicitur *esse* & *non esse* restrictum; negatio autem efficiens *Esse* zdum rationem absolutam, solum inducat distinctionem simpliciter realem inter *Esse* & *Non esse* secundum rationem absolutam.

§ V. Contra est tercio. Accipiamus duo contradictoria, quæ procedant secundum rationem essendi restrictam, qualia sunt *Esse capax cognosci in sensu formali*, vel virtuali, & *Non esse capax cognosci in sensu formali*, vel virtuali per eandem cognitionem, quæ contradictoria distinguunt Aduersarij aut formaliter ex natura rei, aut virtualiter absq; vlla distinctione simpliciter reali, primumq; verificari putant de Animali Petri ut est à parte rei, secundum verò de Rationali. In hac suppositione stando, sic argumentor in Carneſtes.

CA Animal Petri actu nemine cogitante est capax cognosci in sensu formali vel virtuali per præcisam cognitionem expressam solius animalis.

MSB Rationale Petri actu nemine cogitante non est capax cognosci in sensu

Tertio reijcitur eadem res-ponſio.

sensu formali, vel virtuali per præcisam cognitionem expressivam soliûs animalis.

TRES

Ergo Animal Petri actu nemine cogitante non est Rationale Petri. consequenter actu nemine cogitante distinguitur à Rationali; qualis enim est negabilitas vnius de alio, talis & distinctio illorum inter se, cum distingui hoc ab illo, nihil aliud sit, quàm hoc non esse illud. Consequentia prædicti syllogismi est legitima, & fundatur in Dici de nullo, quatenus conferendo extrema conclusionis cum medio termino in præmissis, disiungit illa inter se in conclusione, eò quòd vnum illorum in maiori cohzreat cum medio termino, alterum verò non cohzreat cum eodem in minori propositione. Maior est certa: quia cum ab actu ad potentiam valeat argumentum viâ affirmatiuâ; si Animal Petri cognoscitur in sensu formali vel virtuali per cognitionem præcisam expressivam soliûs animalis, vt volunt Aduersarij, etiam erit capax sic cognosci, & quidem erit capax actu nemine cogitante, quia capacitas ad aliquid quæ conuenit rei existenti (vt existit Animal Petri) conuenit ei actu nemine cogitante. Minor etiam sic ostenditur: Rationale Petri actu nemine cogitante non est chimera: sed Rationale esse capax cognosci in sensu formali, vel virtuali per cognitionem illam præcisam expressivam soliûs animalis, est chimera; (implicat enim vt cognitio plus exprimat in sensu formali, vel virtuali, quàm supponitur exprimere; aliàs & esset eadem cognitio, vt supponitur, & non esset eadem, quia esset representatio noui obiecti diuersi, à quo specificatur omnis cognitio: Ergo Rationale Petri actu nemine cogitante non est capax cognosci in sensu formali vel virtuali per cognitionem expressivam soliûs animalis. Vera igitur est tam maior, quàm minor præfati syllogismi, inferentis distinctionem actualem nemine cogitante obiecti, de quo dicuntur duo contradictoria, quamuis procedentia secundum esse & non esse restrictum. Hæc porro, quæ inferitur, distinctio actualis à parte rei, est aliqua actualis simpliciter realis: Tum quia Rationale Petri, sicut actu à parte rei strictè & simpliciter non est chimera; ita pariter actu à parte rei simpliciter non erit capax cognosci in sensu formali vel virtuali per cognitionem expressivam soliûs animalis, (cum hoc sit chimera,) & consequenter actu à parte rei strictè & simpliciter Rationale non erit Animal, quod Animal est ipsum illud capax cognosci in sensu formali, vel virtuali per cognitionem expressivam soliûs Animalis: Tum quia si B distinguitur actu à parte rei ab A iam B addit actu à parte rei aliquid plus

supra A

supra A, ac proinde addit aliquid reale habens propriam essentiam & existentiam distinctam ab essentia & existentia ipsius A, quod est addere aliquid realiter strictè distinctum, nisi velis facere quæstionem de voce. Nempe si est actu, est habere essentiam & existentiam; esse vero à parte rei, est esse reale; ac demùm esse plùs supra aliquid, est esse distinctum ab aliquo: ita esse actu à parte rei plus supra A, est esse aliquid reale habens propriam essentiam & existentiam distinctam ab A.

Hinc etiam non satisfacit doctrina Recentioris nuper citati, quatenus dicentis, Distinctionem virtualem esse realem & actualem actualitate exclusivâ potentialitatis ad verificandâ contradictoria, cum hæc beneficiosa Distinctionis verificentur actu de aliqua entitate; sed non esse actualem à parte rei actualitate inferente pluralitatem nemine cogitante: cuius rei dat exemplum hic Author in grosso actu æquivalente tribus solidis; licet non contineat multitudinem actualem solidorum.

Contra enim est: quia implicat ut *Non esse* sit, seu ut non neget actu à parte rei illud *Esse*, quod negat actu à parte rei, ac proinde necesse est huiusmodi *Non esse* & *Esse* distinguâ actu à parte rei & esse plura. Sed quando de aliquo obiecto verificantur actu à parte rei duo contradictoria, inuenitur ibi *Esse* simulq; *Non esse*, quod neget actu à parte rei illud *Esse*; (siquidem quodlibet quod actu à parte rei verificatur, sicut actu à parte rei est id quod est, ita actu à parte rei negat id quod non est.) Ergo quando verificantur actu à parte rei de aliquo obiecto contradictoria, inuenitur etiam in illo obiecto actu à parte rei aliqua pluralitas. Quia verò nulla contradictoria verificantur actu à parte rei de grosso æquivalente actu pluribus solidis; ideo paritas illa de grosso non procedit.

§ VI. Alij ergo cum Parte Paulo Rosmet Disp. 1. de Deo ar. 5. & 6. dicunt, prædicata quæ aliàs essent contradictoria, si dicantur de distinctis merè virtualiter (diceret Scotista de distinctis formaliter ex natura rei,) desinere esse contradictoria; eo modo quo esse album & non esse album dicta de distinctis realiter simpliciter subiectis, desinunt esse contradictoria. Ex quo concludunt isti Authores, beneficio distinctionis merè virtualis (posset etiam dici, formalis ex natura rei,) non dici duo contradictoria de eodem.

Sed hæc etiam responsio non subsistit: si quis enim diceret Hircum secundum unam formalitatem esse hircum; secundum autem aliam, seu virtualiter seu formaliter ex natura rei distinctam, non esse hircum sed cervum, vix convinceretur de eodem dicere duo prædicata contradictoria. Ergo

apparet

Altera responsio re-
ponitur.

apparet quòd in oppositione prædicatorum contradictoriorum non attenditur ad virtuales vel formales ex natura rei identitatem subiecti. Et ratio est, quia prædicata contradictoria sunt duo termini præcisè, quorum vnus totum idemq; prædicatum negat, quod aliud affirmat, siue de eodem omnino subiecto, siue de distinctis etiam realiter simpliciter subiectis. Immo de his maximè & verissimè dicuntur duo contradictoria prædicata. Quod enim in affirmatione & negatione eiusdem omnino prædicati inueniuntur diuersa subiecta, hoc non tollit contradictionem prædicatorum secundum se, & in abstracto sumptorum, quam nos hactenus in argumento sumebamus, sed solum tollere potest contradictionem propositionum, quæ ultra contradictionem prædicatorum requirit identitatem subiecti, & ideo non debet confundi cum prædicatorum contradictione.

§ VII. Hæc quæ hactenus dicta sunt, confirmari possunt ex eo; quia vniuersalis totius humani discursus regula, & fundamentum omnis legitimæ consequentiæ sunt illa principia: *Quæ sunt eadem vni tertio sunt eadem inter se*, & è contra: *Quæ non sunt eadem &c.* Dicitur de omni: Dicitur de nullo; ex quibus, principia affirmatiua ita explicat Philosophus 2. Top. *Quæ de vno eorum, quæ eadem sunt, dicuntur, & de altero dici debent omnia.* Patet autem hæc fundamenta structuræ syllogisticæ, multum labefactari in sententiis Aduersariorum, apud quos videlicet Animal & Rationale Petri sunt idem actu à parte rei inter se, & tamen non sunt actu à parte rei idem cum hoc tertio prædicato, *Esse prius & superius rationale*; aut cum hoc, *Esse capax cognosci in sensu formali, vel virtuali per ordinem ad sensationes*, siquidem per illos, hoc tertium prædicatum actu à parte rei conuenit Animali, non conuenit autem actu à parte rei Rationali. Quare dum ipsi limitant hæc principia vniuersalia, dicuntq; non semper valere in illis terminis qui distinguuntur formaliter ex natura rei aut merè virtualiter, ideoq; hunc syllogismum non concludere: *Animal Petri est capax cognosci in sensu formali per ordinem ad sensationes: Rationale Petri est Animal: Ergo Rationale est capax cognosci in sensu formali per ordinem ad sensationes*: iam per hoc ipsum dant magnam licentiam proteruis, cuilibet syllogismo negandi consequentiam, admissâ inter terminos syllogismi, vel etiam ad tuendum positum distinctione formali ex natura rei, vel virtuali consistente in mera æquivalentiâ ad plura, & sic etiam negandi consequentiam huic syllogismo: *Animal est viuens, Homo est animal, Ergo homo est viuens.* Et sicut iidem Aduersarij dicunt prædicta principia in quibusdam tantum non in

omnibus

Declaratur
amplius v-
niuersali-
tas præfa-
ti princi-
pii.

omnibus prædicatis valere: ita posset etiam quis dicere eadem principia valere in prædicatis tantum materialibus aut substantialibus, non in spiritualibus vel accidentalibus. At nos vniuersalissimè hæc principia accipimus, non solum in creatis, sed etiam in Diuinis tantumq; dicimus non valere, quando procedunt de terminis distinctis realiter in tertio, seu de identificatis realiter inadæquatè extensiuè, iuxta mox dicenda; quia de terminis realiter inadæquatè identificatis, nec etiam in creatis hæc principia procedunt, vt est in confesso apud omnes. Quæ consideratio adeò mouit Adamum in 1. dist. 1. qu. 12. ar. 3. dub. 2, vt affirmauerit, quòd admittere contradictoria in diuinis inter ea quæ nullo modo realiter distinguuntur, sit *imponere fidei inconueniens, & exponere fidem derisioni infidelium.*

§ VIII. Maneat ergo vniuersaliter, duo contradictoria prædicata non posse conuenire terminis nullo modo realiter simpliciter distinctis. Quod quidem Principium non solum procedit de prædicatis contradictorijs intrinsecis & physicis, qualia sunt v. g. *Vniri Non vniri*; nec tantum de contradictorijs extrinsecis physicis, qualia sunt *Esse dextrum Non esse dextrum*; verum etiam extendi debet ad contradictoria extrinseca secundointentionalia, qualia sunt *Cognosci & Non cognosci*. Contrarium opinantur ij qui tenent Præcisiones obiectiuas: è quibus aliqui pro disparitate inter hæc & illa contradictoria assignant subtilitatem nostri intellectus, potentis in eodem obiecto attingere vnâ formalitatem obiectiuam non attingendo aliam, quod præstare nequit actio agentis naturalis. Comptonus vero disp. 24. Log. sect. 8. hoc etiam affert discrimen, quia ex contradictorijs (inquit) physicis & intrinsecis verificatis de eodem obiecto, sequitur idem esse multiplex à parte rei, quod repugnat: at vero ex secundointentionalibus solum sequitur idem esse multiplex in nostro intellectu, quod nullum est inconueniens.

Extenditur idem Principium ad contradictoria extrinseca & secundointentionalia.

Sed profectò nullum sufficiens discrimen isti afferunt. Nam imprimis tota oppositio prædicatorum contradictoriorum formaliter in hoc consistit præcisè, quòd in illis significetur aliquod esse, simulq; negatio eiusdem esse; ratio autem intrinseci vel extrinseci, physici vel intentionalis, materialiter se habet & per accidens, sicut etiam ratio spiritualis vel materialis, necessarij vel contingentis. Ergo non magis, se tollunt isti termini secundum se considerati, *Produci & Non produci*, quàm isti *Cognosci & Non cognosci*, ideoque non minus in his, quàm in illis contradictorijs, includitur aliqua distinctio realis, introducenda in subiectum de quo verificabuntur talia prædicata:

ne dicatur idem seipsum tollere, sibiq; repugnare.

§ IX. Deinde ex contradictorijs extrinsecis & secundo intentiona-
libus legitime inferuntur intrinseca & physica. Si enim verum est quod
Animal Petri cognoscitur per cognitionem præcisivam relatè ad sensationes,
& per eandem non cognoscitur Rationale. Ergo illa cognitio potest re-
præsentare in sensu formali Animal Petri, & Animal Petri potest per ipsam
repræsentari, (ab actu enim ad potentiam bona est illatio per affirmationem):
è contra vero eadem cognitio non potest repræsentare in sensu formali Ra-
tionale Petri, (quia nequit repræsentare illud quod supponitur non repræsen-
tasse) & consequenter Rationale Petri non potest repræsentari in sensu for-
mali per illam cognitionem. Dicentur ergo duo prædicata contradictoria
intrinseca & physica, tam de illa cognitione præcisiva repræsentante solum
Animal Petri, quàm de Animal & Rationali Petri, si dicentur contradictoria
extrinseca & secundo intentionalia de Animal & Rationali Petri. Nempe
posse & non posse repræsentare aliquid, sunt prædicata intrinseca & physica
cognitionis, & similiter posse & non posse repræsentari in sensu formali sunt
prædicata intrinseca & physica obiecti; siquidem, per Aduersarios, cadunt
supra ipsum Animal & Rationale ut sunt à parte rei, suntq; cum ipsis identi-
ficata realiter, adeoq; ipsis intrinseca.

§ X. Hinc refellitur disparitas illa Comptoni. Cum enim ex
contradictorijs secundo intentionalibus inferantur realia: sicut ex his, ita & ex
illis sequitur idem obiectum, de quo verificantur, esse multiplex, non solum
in intellectu, sed etiam à parte rei. Deinde cum per Aduersarios, ex his con-
tradictorijs *Cognosci Non cognosci*, sequatur obiectum esse multiplex in intel-
lectu non solum extrinsecè & ex parte actus cognoscentis, sed intrinsecè &
ex parte obiecti: cumq; obiectum quod est in intellectu, consideratum obie-
ctivè & intrinsecè, sit omnino illud quod est à parte rei, patet ex illis contra-
dictorijs *Cognosci Non cognosci*, sequi idem obiectum esse multiplex à parte rei,
si sequitur esse in intellectu multiplex ex parte obiecti. Nec plus va-
let alia disparitas desumpta: ex subtilitate nostri intellectus: tum quia subtili-
tas nostri intellectus non potest producere cognitionem implicationem, qua-
lis est cognitio expressiva intrinsecè animalis Petri, & intrinsece non expres-
siva rationalis, ut dictum est, quam tamen cognitionem attribuunt Aduersarii
subtilitati intellectus: tum quia potius spectat ad subtilitatem intellectus,
multa simul cognoscere per eandem cognitionem, ut apparet in intellectu

Angelico

Ex contra-
dictorijs
extrinsecis
& secundo-
intentiona-
libus infe-
runtur in-
trinseca &
physica.

Angelico subtiliori, & in Diuino subtilissimo omnia vnico actu comprehen-
dente: quanto ergo minus pertinet ad subtilitatem intellectus non cognosce-
re simul per eandem cognitionem ea quæ sunt secum idem realiter.

Punctum II.

Fertur iudicium de Distinctione formali ex natura rei, & de virtuali.

§ XI. Ex hoc principio iam stabilito rejicitur imprimis Distinctio
formalis ex natura rei Scotistica. Verificat enim de obiecto nullo modo re-
aliter simpliciter distincto, duo prædicata contradictoria realia & intrinseca,
& quidem actu; dicendo, Animal Petri actu, nemine cogitante, & intrinsecè
esse prius, ac magis commune, quàm rationale; rationale autem actu, nemi-
ne cogitante, & intrinsecè non esse prius, ac magis commune, quàm sit ip-
sum rationale: & similiter animal Petri esse actu à parte rei, & intrinsecè
distinctum formaliter ex natura rei à rationali, non autem rationale ab eodem
rationali.

Implicat
Distinctio
formalis
ex natura
rei.

§ XII. Rejicitur rursus Distinctio virtualis in ordine ad verifican-
da duo contradictoria de eodem realiter simpliciter obiecto, absq; vlla di-
stinctione simpliciter reali ipsius saltem mediata, & in tertio. Hoc enim re-
pugnare probauimus toto puncto superiori: vbi etiam constitit præsertim § 5.
huiusmodi distinctionem virtualem reipsà esse actualem, ex qua actuali infer-
tur Distinctio simpliciter realis.

Et purè
virtualis
in ordine
ad aliqua
contradi-
ctoria.

Deinde ipsa verificatio contradictori-
orum de duobus formalitatibus secum realiter identificatis, est discrepantia
ipsarum realis in tertio prædicato. Si enim de Animali v. g. Petri vt est à
parte rei, verè affirmatur, quòd sit cognoscibile non solum in sensu reali sed
etiam virtuali, per cognitionem expressiuam sui obiecti per ordinem ad sensa-
tiones, idemq; prædicatum si verè negatur de Rationali Petri, vt est etiam à
parte rei; iam Animal & Rationale secum realiter identificata, discrepabunt
realiter in hoc tertio prædicato, *Esse cognoscibile in sensu etiam virtuali per or-
dinem ad sensationes*, quia hoc prædicatum identificabitur realiter cum Ani-
mali, non autem cum Rationali, de quo scilicet negatur verè, vt est à parte
rei.

Et per hoc rejicitur etiam sententia P. Rosmer, quatenus distin-
guentis ipsam virtualem distinctionem in ordine ad verificanda contradicto-
ria intrinseca (quam hic Author agnoscit solum inter quædam Dei Attributa)
à Distinctione reali in tertio, quam ponit idem in mysterio Diuine Trini-

tatis,

tatis, gratis ad Distinctionem; virtualē requirendo identitatem adæquatam extremorum, quod fieri non posse iam modo probatum est.

§ XIII. Cæterum ad vitandas æquivocationes, distinguenda est Distinctio virtualis ut sic in duo membra. Cuius diuisionis ratio est, quia Distinctio virtualis, quæ ponitur in mysterio S. S. S. Trinitatis, est longè diuersa ab ea, quæ ponitur in creatis. Alioquin sequeretur imprimis, omnem naturam creatam, perinde ac Diuinam, esse realiter immultiplicabilem in pluribus suppositis: idè enim Natura Diuina est realiter simplex & immultiplicabilis, quia distinguitur virtualiter intrinsecè à pluralitate personarum; si ergo similis distinctio conueniret etiam naturæ humanæ respectu suorum individuum, hæc pariter esset realiter immultiplicabilis, ac proinde non esset vniuersalis. Rursus sequeretur nullam quantitatem esse maiorem akerâ: idè enim in Diuinis Pater non est sapientior, nec maior Filio, quia non differt à Filio in sapientia, & magnitudine, sed in taleitate quadam, seu in proprietate relativa sapientiæ, & magnitudinis, virtualiter intrinsecè distinctâ à sapientia, & magnitudine: cùm ergo (admissâ simili distinctione in creatis) etiam quantitas montis, & quantitas papaueris, pariter non different in magnitudine secundum se, sed in taleitate magnitudinis, distinctâ virtualiter intrinsecè à magnitudine; utiq; sequeretur quantitatem montis non esse maiorem quantitate papaueris.

§ XIV. Ponenda ergo est duplex Distinctio virtualis. Harum altera vulgò dicitur virtualis intrinseca, ratione cuius vna simplex entitas spectata secundum sua intrinseca, & non relatè ad extrinseca, rebus realiter distinctis æquiualeat in ordine ad verificanda de tali simplici entitate contradictoria. Altera verò dicitur extrinseca, & nihil aliud est quàm vnius simplicis entitatis æquivalentia pluribus rebus distinctis, in ordine ad plures realiter effectus præstandos, ratione cuius æquivalentiæ potest vna simplex realiter entitas, per nostras extrinsecas ipsi cognitiones, nunc ad hunc, nunc ad illum suum sibi extrinsecum effectum referri, & sic distingui extrinsecè ratione nostrâ, potestq; ratione diuersarum realiter, quibus substat cognitionum, recipere opposita contradictoriè prædicata, ut infra explicabitur. Quare hæc secunda Distinctio dicitur Virtualis ratione æquivalentiæ, dicitur verò Extrinseca, quia in ratione distinctionis completur per extrinsecas obiecto nostras cognitiones, quæ idem obiectum referunt ad diuersa extrinseca ipsi connotata.

§ XV. Porro hanc secundam Distinctionem virtualem dari in creatis,

Duplex
distinctio
virtualis.

Quæ sit in-
trinseca, &
quæ extrin-
seca.

creatis, nullum est dubium. Patet enim eandem entitatem Petri æquivalere plantæ, bruto &c. in ordine ad efficiendas per seipsam vegetationes, sensationes &c. quæ efficiuntur à planta, bruto &c. unde præbetur fundamentum nostro intellectui, ut eandem entitatem Petri nunc concipiat per ordinem ad vegetationes, nunc per ordinem ad sensationes, sicq; illam distinguat extrinsecè per rationem. A fortiori autem datur eadem distinctio inter Divinas perfectiones; cum Divinitas æquivaleat distinctis realiter perfectionibus creatis, per quas cognoscuntur à nobis, & consequenter per ordinem ad quas distinguuntur inter se, ratione nostrâ & extrinsecè, Divinæ perfectiones.

vbi dicitur
cur?

Cæterum Distinctio virtualis intrinseca nullibi dari potest, nisi inter Divinas perfectiones absolutas comparatas cum prædicatis relatiuis ad intra, ut docent pleriq; graves R. R. Theologi, quorum etiam aliqui eandem admittunt inter prædicata divina necessaria comparata cum relatiuis ad extra simpliciter non necessarijs, qualia sunt, scientia media, scientia visionis, & Decreta libera. Et ita tenet P. Anton. Perez & P. Esparza. Verùm ibidem simul cum distinctione ista virtuali intrinseca, dari etiam distinctionem realem in tertio prædicato, eandemq; sufficere ad verificanda, de prædicatis Divinis, inter quæ intercedit, contradictoria, docent iidem Authores. Ad eandem Distinctionem in tertio in Trinitate recurrit P. Bernald. de Quiros Tr. 2. de Deo disp. 15. sect. 14. citans ex Antiquioribus Adamum, Gabrielem, Fasolum, supponitq; ibidem illam Card. Sfortia Pallau. lib. 5. de Incarnat. cap. 12. n. 196. ex suo de Deo tractatu. Quod etiam nobis in præsentia obiter est declarandum: cegit enim connexio doctrinæ aliquantulum progredi ultra limites Philosophiæ, ad ostendendam vniuersalitatem metaphysici principij, quod declaramus.

Punctum III.

De Distinctione reali in tertio.

§ XVI. Et quidem hanc Distinctionem realem in tertio prædicato, dari in mysterio Divinæ Trinitatis, certum est omnino. Fide enim sanctum est, dari ibi duas formalitates, v. g. Essentiam & Paternitatem, realiter immediate inter se identificatas, & dari etiam tertiam formalitatem, v. g. Filiationem, identificatam realiter cum Essentia, & distinctam realiter à Paternitate, in qua proinde tertia formalitate, Essentia distinguitur realiter mediè à Paternitate. Item eadem fides docet Filiationem ita esse realiter Essentiam,

vbi dicitur
hæc distinctio

Lj

et non

ut non sit realiter quicquid est Essentia, puta, ut non sit realiter Paternitas, adeoq; Filiatio discrepat realiter ab Essentia in Paternitate. Animo si res bene perpendatur, tota mysterij S.S.S. Trinitatis difficultas, in hac distinctione consistit, ratione cuius sit, ut quæ sunt actu eadem vni tertio, non sint eadem inter se, in quo consistit vnitas in Trinitate.

Extendunt etiam aliqui Theologi eandem distinctionem, ut dixi, ad prædicata Diuina necessaria, comparata cum Diuinis Terminationibus non absolute necessarijs, dicuntq; Deitatem identificari realiter cum volitione libera mundi, distingui verò realiter mediâtè ab eadem volitione, seu in tertio, nempe in opposita nolitione libera mundi, quæ possibiliter & conditionatè identificatur etiam realiter cum Deitate, distinguitur verò realiter ab opposita sibi, secumq; impossibili volitione libera mundi; atq; ita docent iidem Theologi, ratione huius distinctionis verificari duo contradictoria de Essentia, & Volitione mundi, nempe esse liberam, & non esse liberam. Verùm circa hoc sit in foro Theologico iudicium.

§ XVII. Illud tantùm hæc dicimus, huiusmodi distinctionem realem in tertio, sufficere ad verificanda aliqua in genere contradictoria, de ijs formalitatibus secum immediatè identificatis, inter quas intercedit talis distinctio. Ratio est, quia distinctio in tertio, est inadæquata extensiuè suorum extremorum identitas, estq; coniuncta cum reali distinctione prædicati inclusi in vno extremo, à prædicato constitutiuo alterius extremi. Cum enim ratione huius Distinctionis, Essentia Diuina per identitatem includat non solum Paternitatem, sed etiam aliquod prædicatum distinctum realiter à Paternitate, nempe Filiationem; sequitur, quòd Essentia identificetur inadæquatè extensiuè cum Paternitate, simulq; importet Paternitatis à Filiatione distinctionem realem. Porro etiam in creatis, identitas inadæquata extremorum, coniuncta cum reali aliquorum distinctione, verificat prædicata contradictoria de identificatis inadæquatè, ut de se patet. Quare supposità tali Distinctione reali in tertio inter Essentiam & Personalitatem, disponitur suauiter intellectus noster, ut sequens imperium fidei, asserat quædam contradictoria de Essentia & Personalitate, absq; præiudicio formæ syllogisticæ, primorumq; principiorum Metaphysicorum, & absq; eo, quòd in Mysterio Trinitatis nouam inuehat difficultatem distinctam à difficultate ipsius mysterij. Itaq; (ut in exemplo res pateat) quia Essentia, quæ est in Patre, identificatur cum illo inadæquatè extensiuè, ita scilicet ut etiam identificetur cum

Sufficit ad
verifican-
da contra-
dictoria.

cum Filio & Spiritu S. distinctis realiter à Patre, (quod est Essentiam à Patre distingui realiter in tertio;) hinc est, quòd optimè dicitur, *Essentia esse communis tribus personis, esse Trinitas*, non dicitur autem *Pater esse communis tribus personis, esse Trinitas*. Item quia eadem Essentia identificatur inadæquatè extensivè cum Patre, ita ut etiam identificetur cum Filio non generante, in quo distinguitur mediàtè Essentia realiter à Patre; ideo Benè dicitur: *Essentia non generat, Pater generat*, immo etiam, *Deus generat*, quia in tali prædicatione, Tò Deus supponit pso prima Persona, à qua distinguitur in tertio Essentia. Rursus quia eadem Essentia identificatur inadæquatè extensivè cum Filio, ita ut etiam identificetur cum Patre improducto, in quo distinguitur realiter à Filio; ideo dicitur optimè: *Filius producitur, Essentia non producitur*. Ob eandem rationem *Verbum immediatè unitur humanitati, non autem Essentia*, quia scilicet hæc inadæquatè extensivè identificatur Verbo, ita ut ab eo distinguatur realiter mediàtè in duabus Personis, quæ non vniuntur immediatè humanitati. Eadem similiter de causa dicitur, *Persona esse triplex, non autem Essentia*, quia scilicet Essentia à tribus Personis (pro quibus collectivè supponit Persona, cum de illa affirmatur Tò Triplex) distinguitur realiter mediàtè, tum in vnaqualibet Persona, tum in duabus, vtpote identificata tum vni tum duabus Personis. Idem dic de similibus proportionaliter, de quibus Theologi ex professo.

§ XVIII. Contra hoc tamen multa opponit quidam doctus Re-
centior in M. S. de Deo (quæ hoc planè tempore in lucem video prodixisse).
Et imprimis in hunc ferè modum: Natura Divina ut est prior ratione nostrà
& distincta à Paternitate, est improducta; nec enim ideo Deitas produci non
potest, quia non potest produci Paternitas; cum improducibilitatem Deitatis
demonstret Metaphysica, non demonstrans Paternitatem: Ergo Deitas
non à Paternitate dicit rationem improducibilis. Sed ad hoc responderetur,
Naturam Divinam pro illo statu præcisionis à Paternitate, esse improductam
radicaliter, quatenus adhuc est id quod exigit identificari cum Persona im-
producta. Hanc porrò Personam Divinam improductam, sub hoc concep-
tu, certè demonstrat Metaphysica, quia demonstrat dari Naturæ intelle-
ctualis individuum substantiam, quæ sit à se; licet eam non demonstrat sub
conceptu expresso Patris generantis Filium. Opponit adhò: Si Na-
tura Divina ratione identitatis cum Patre est improducibilis: Ergo pariter
ratione identitatis cum Filio est producibilis. Sed disparitas est; quia cum de-
mo-

P. Thom.
Młodzia-
nowski.

Satisfit
obiec-
tionibus.

denominatio *Producibilis* seu *Producti* (idem dic de denominatione , *Producentis* , *Generantis* , *Geniti* , *Spirantis* , *Spirati*) necessariò dicat oppositionem relativam, ideoq; distinctionem realem immediatam *Producti* à *Producente*, à qua oppositione & distinctione ex suo conceptu præscindit denominatio *Improducti*, vt patet: hinc est, quòd *Natura Divina*, cùm sit quid idem immediatè cum *Producente* & *Producto*, capax est vt à *Paternitate* denominetur *Improducta*, non autem vt à *Filiatione* denominetur *Producta*, sicut nec *Producens*, *Generans*, *Spirans*, *Spirata*, denominatur ab eadem *Paternitate* vel ab alijs *Personalitatibus*. Vt enim aliquid in concreto denominetur tale vel tale, requiritur capacitas subiecti, vt patet inductione. Opponit 3^{to}: Si distinctio virtualis reperitur inter ea, quæ in tertio realiter distinguuntur; cur non etiam inter ea, quæ realiter inter se distincta, identificantur realiter in tertio, quales sunt in *Divinis*, *Paternitas* v. g. & *Filiatio*, quæ identificantur realiter in *Natura Divina*? Respondeo, hoc ideo provenire, quia ex communi acceptione, *Distinctio virtualis* intrinseca, est vnus indivisibilis entitatis æquivalentia pluribus realiter distinctis, in ordine ad verificanda contradictoria. Porro illa prædicata quæ tantùm in tertio distinguuntur, puta *Natura* & *Paternitas*, sunt adhuc vna indivisibilis entitas æquivalens pluribus modo dicto; *Paternitas* autem & *Filiatio* quæ identificantur realiter in tertio, nempe in *Natura*, sunt plures relativæ entitates. Opponit 4^{to}: Si per impossibile *Animal hominis* ne quidem in sensu reali ratiocinaretur, sed tantùm *Rationale*, tunc daretur inter istas formalitates distinctio virtualis in ordine ad contradictoria physica, sine vlla distinctione reali in tertio. Respondeo in tali casu ficto, non futuram distinctionem virtualem inter *Animal hominis* & *Rationale*, perinde ac non datur eadem distinctio inter *hircum* & *cervum* in *Hircoceruo*; alioquin enim casus qui ab *Arguente* supponitur esse chimericus, non esset chimericus; si quidem non est chimera de eodem verificari contradictoria physica, vbi supponitur dari distinctio virtualis in ordine ad verificanda talia contradictoria.

§ XIX. Opponit idem 5^{to}: Quærendo ratione cuius tertij *Natura Divina* distinguatur virtualiter intrinsecè à tribus Personis simul sumptis? & rursus ratione cuius tertij *Natura* sit communis & non *Paternitas* præsertim cum hoc tertium deberet esse commune, non secus ac est *improductum* illud tertium, ratione cuius *Natura* est *improducta*. Sed ad hoc quæsitum iam dictum est, *Naturam* à tribus Personis simul sumptis distingu-

qui realiter in tertio prædicato, nempe tum in vna scorsim Persona, tum in duabus. Et similiter dictum est, Naturam esse communem, & non Paternitatem, ratione duarum reliquarum Personarum, cum quibus Natura realiter identificatur, & in quibus realiter distinguitur à Paternitate, quæ duæ reliquæ Personæ simul sumptæ sunt illud tertium prædicatum, ratione cuius Natura est communis; hæc enim ideo est communis, quia identificatur non soli Patri, sed etiam Filio & Spiritui S. Cæterum hoc tertium ratione cuius Natura est communis non debet esse commune, sicut debet esse improductum id ratione cuius Natura est improducta. Nam profecto etiam in creatis Natura humana, est communis ratione Petreitatis, Pauleitatis &c. quæ non sunt quid commune, licet eadem natura humana sit producta ratione alicuius producti. Ratio ergo discriminis sumi debet ex ipsa conditione prædicatorum, quia scilicet *Commune* ex eo dicitur, quia identificatur pluribus etiam non communibus; at verò *Improductum* ex eo dicitur, quia est ens à se, quod necessario identificatur cum Persona improducta. Dum verò ulterius instat hic Author, quærendo ratione cuius tertij Natura identificetur cum Filio & Spiritu S. non autem Paternitas. Respondeo: hæc contradictoria, esse formalissimè ipsam in tertio distinctionem realem Naturæ à Paternitate, ac proinde frustra requiri tertium ratione cuius hæc contradictoria verificentur de Natura & Paternitate; nequit enim dari distinctio realis in tertio, sine tertio.

Opponit etò in nostra sententia sequi, quòd nullum prædicatum conveniat Naturæ Divinæ ratione sui, sed tantum ratione Personarum. Verum hoc à nobis negatur: nam esse omnipotentem, sapientem, Immensam, & similia prædicata quæ tam de Natura dicuntur quàm de omnibus Personis, conveniunt Naturæ formaliter ratione sui, solumq; illa desumuntur ab aliqua Persona vel Personis, quæ contradictoriè dicuntur de Natura & de Persona vel Personis, ut esse improductum, esse commune, non generare, non spirare &c. Alia quæ adhuc opponit idem Author solui possunt ex dictis.

§ XX. Atq; hinc iam constat Distinctionem realem in tertio sufficere ad verificanda contradictoria, de illis, inter quæ intercedit, prædicatis. Difficultas solum est, sed non maior, immo eadem cum difficultate mysteriorum Trinitatis, quomodo stare possit distinctio realis in tertio cum identitate immediata extremorum, inter quæ datur talis distinctio? Et quidem hoc in creatis omnino repugnat, sed non repugnat, ratione infinitatis, in mysterio

sterio Diuinæ Trinitatis. Cuius rei ratio est, quia si fusè proponit P. Espatza q. 38. de Deo: quia si vna formalitas creata v. g. rationalitas non communicaret realiter alteri formalitati v. g. risibilitati tertium aliquod prædicatum, in quo distingueretur realiter à risibilitate; iam pauciora prædicata communicaret rationalitas risibilitati, quàm communicaret sibiipsi. vnde cùm quælibet perfectio creata utpote finita, crescat per additionem alterius, non solum extensiuè, sed etiam intensiuè; sequeretur quòd rationalitas non tantundem se communicaret risibilitati, quantum se communicaret sibiipsi, id est, non communicaret se summè risibilitati, ac proinde hoc ipso non identificaretur realiter risibilitati; cùm de ratione identitatis realis sit summa extremorum ipsius communicatio, vi cuius vnum tantundem se communicet alteri, quantum sibiipsi, ut ita possit affirmari de altero, esseq; alterum extremum. Hoc non valet de formalitate increata, si comparetur cum altera, quæ non sit perfectio simpliciter simplex, seu quæ non sit melior ipsa, quàm non ipsa, quales sunt Diuinæ Personalitates, & Terminationes ad extra. Cum enim Essentia Dei, utpote in omni genere infinita, non crescat intensiuè & æstimatiuè per additionem, nec decreseat per ablationem formalitatis, quæ non sit melior ipsa, quàm non ipsa, v. g. Filiationis; hinc est quod Essentia Dei tantundem se communicat alteri formalitati relatiuæ v. g. Paternitati, quantum se communicat sibiipsi, licet non communicet realiter Paternitati Filiationem, quam communicat sibiipsi; ac proinde potest Essentia Dei identificari realiter immediatè Paternitati, licet à Paternitate distinguatur realiter in tertio nempe in Filiatione. Sed de his satis ex occasione principij metaphysici.

Punctum IV.

De Præcisionibus obiectiuis.

§ XXI. Interim ubi reiecta est Distinctio Virtualis intrinseca; ibidem rejiciuntur etiam Præcisiones obiectiuæ ex eodem principio. Verificant enim de eodem realiter simpliciter obiecto sine vlla distinctione reali ipsius, duo contradictoria non solum extrinseca secundoinentionalia Cognosci & Non cognosci, sed etiam intrinseca & realia scilicet Esse & Non esse cognoscibile per eandem numero cognitionem, ut supra exposuimus est. Atque hæc sententia negans præcisiones obiectiuas, est valdè de communis modò in præcipuis Italiæ, Hispaniæ, Germaniæ vniuersitatibus, saltem quatenus procedit vniuersaliter de prædicatis creatis, immo etiam de pluribus Diuinis.

§ XXII.

Cur repu-
gnet in cre-
atis distin-
ctio realis
in tertio?

Negantur
Præcisio-
nes obie-
ctiuæ.

§ XXII. Respondebat Quidam meus Comproffessor : Non posse quidem de animali & rationali vt sunt à parte rei, verificari duo contradictoria *Cognosci & non cognosci* ; benè tamen posse de illis verificari vt sunt in statu intentionali ; eo modo quo charta dum est in vno loco non potest diuidi & non diuidi, benè tamen, dum est in diuersis locis. Sed contra 1. In illo statu intentionali, in quo adest animal, vel adest simul obiectiue rationale ? vel non adest ? si primum ; Ergo dum cognoscitur animal, simul ex parte obiecti cognoscitur rationale, vt contendo : esse enim in statu intentionali est formaliter cognosci. Si 2dum : Ergo mutatis vocibus redeunt de animali & rationali contradictoria, scilicet, *Adesse & non adesse in eodem statu intentionali*.

Occurritur
Respon-
sioni.

Contra 2. Animal & rationale vt sunt in statu intentionali, supra quæ obiectiue & secundum se considerata, cadit, per te, Ly *Cognosci & Non cognosci*, vel sunt illa eadem omnino, quæ sunt à parte rei, sine vlla acquisita intrinseca distinctione ? vel non sunt eadem ? Non potest dici hoc secundum, vt videbatur asserere hic Author : Tum quia cognitio, vtpote extrinseca, non immutat intrinsecè obiectum, sed præcisè seipsam addendo, facit formaliter cognitum : Tum quia hic ego quæro non de animali & rationali confecto, sed de illo quod est à parte rei in homine. Sed nec primum dici potest : quia iam sicut supra animal & rationale vt sunt à parte rei, per te, non potest cadere *Cognosci & non cognosci* : ita nec poterit cadere supra illa, vt sunt in statu intentionali obiectiue & secundum se considerata. Inquam secundum se considerata : quia ita dicunt præscindentes obiectiue. Nos enim fatemur animal & rationale, vt sunt in statu intentionali, posse cognosci, & non cognosci, in hoc sensu, quòd tota entitas hominis, quatenus substat cognitioni directæ à qua dicitur Animal, possit cognosci reflexè ; & simul non cognosci reflexè eadem tota entitas vt substat alteri cognitioni directæ, à qua dicitur Rationale : sed hic cadit contradictio supra idem realiter inadæquatè, seu supra idem obiectum vt substans duabus cognitionibus directis, in quo nullum est inconueniens. Hoc pacto etiam posset dici, quòd charta replicata, vt substat vni vbicationi, diuiditur ; vt substat alteri, non diuiditur : ita vt contradictio cadat supra eandem chartam non secundum se, sed vt substantem duabus vbicationibus. Per quod occurritur illi instantiæ obiectæ.

Hinc contra 3. sic arguo. Cognosci animal, & non cognosci rationale tantum vt sunt in statu intentionali, est cognosci & non cognosci tantum reflexè ; cognitio enim directæ terminatur ad aliquid, vt est à parte rei. Ergo saltem per

cognitionem directam non potest cognosci animal, quin cognoscatur rationale. Ergo nec per reflexam: quia reflexa totum id obiectum attingit secundò, quod primò attingebat directà.

Contra 4. Ante omnem statum intentionalem conuenit animali & rationali capacitas ne sit chimera; sed supposito, quòd animal Petri, in sensu formali obiectiuo cognoscatur per cognitionem, per quam in sensu formali obiectiuo non cognoscatur rationale; datur in animali capacitas vt cognoscatur in sensu formali per illam cognitionem, ita vt chimera sit, illud non posse cognosci in sensu formali per illam cognitionem, per quam cognoscitur; simulq; non datur ista capacitas in rationali, ita vt chimera sit rationale cognosci in sensu formali per illam cognitionem, per quam supponitur non cognosci: Ergo ante omnem statum intentionalem datur prædicta capacitas in animali, & non datur in rationali, quæ sunt contradictoria.

Aliorum Responsionibus impugnandis, non immoror. iam enim illis occurri, probando fundamentum nostræ sententiæ puncto 1.

Punctum V.

Declarantur Præcisiones Formales ex parte actûs.

§ XXIII. Explicandæ iam sunt Præcisiones Formales, quas admittim⁹, tum inter prædicata Dei necessaria absoluta, tum vniuersaliter inter creatas formalitates. Sicut ergo obiectiua Præcisio in hoc consistit, quòd ex duabus formalitatibus obiectiuis, vna, v. g. Animal hominis, terminet cognitionem, & alia formalitas obiectiua, v. g. Rationale, non terminet eandem cognitionem, unde sit vt quasi diuidantur, & seperantur intentionaliter: ita præcisio formalis ex parte actûs, in hoc consistit, quòd tota entitas rei, cum omnibus suis formalitatibus obiectiuis, cognoscatur per vnâ cognitionem, relatè ad quædam connotata, & non cognoscatur per aliam cognitionem per quam potest cognosci, relatè ad quædam alia connotata sua. V. g. etenim præcinditur ex parte actûs Animal Petri à rationali, quatenus tota entitas Petri, scilicet & Viuēs, & Animal, & Rationale, & Risibile &c. &c. obiectiuè sumpta, cognoscuntur sub illo conceptu, à quo denominatur Animal, hoc est sub conceptu expressiuo sui obiecti per ordinem ad sensationes, & non cognoscuntur sub alio conceptu, à quo denominantur Rationale, hoc est sub conceptu delineatiuo sui obiecti per ordinem ad ratiocinationes. Quia enim tunc adest intellectui ille actus, à quo obiectum denominatur formaliter Animal, & non adest.

Quid Præcisio obiectiua? quid formalis?

adest ille actus, à quo illud obiectum denominatur formaliter *Rationale*; idèò propter separationem istius secundi actus à primo, dicitur Animal præsciendi formaliter ex parte actus à Rationali, quamvis totum idem Obiectum adsit sub priori actu, quod adesset sub secundo actu, si hic daretur.

§ XXIV. Ad cuius maiorem intelligentiam sciendum, de vno eodemq; omninò obiecto posse formari à nobis multiplices ac diuersas cognitiones inadæquatas, hoc est, non expressiuas Obiecti tantum, quantum est exprimibile; vt cum de eodem omninò indiuisibili obiecto, fit opinio, & demonstratio. Quæ diuersitas cognitionum, in cognitionibus abstractiuis, & ænigmatice oritur ex diuersitate obiecti indirecti, & in obliquo cogniti, nempe ex diuersitate mediorum, per quæ, & connotatorum (qualia sunt causa, subiectum, effectus, actio, passio, vbicatio, duratio, &c.) in ordine ad quæ cognoscitur idem obiectum. Atq; ita, cum hic in via cognoscamus *Deum* ænigmatice per creaturas multiplices, & diuersas; similiterq; substantias cognoscamus medianibus accidentibus & operationibus ipsarum, tanquam per media cognoscendi, nec non relatè ad diuersa connotata; hinc est, quoddam multiplicia ac diuersa media, necnon connotata, transfundant extrinsecè suam multipliciter in obiectum directum indiuisibile, illudq; multipliciter, ac diuersimodè faciant intellectui nostro apparere. Exemplum est in oculo vidente perspicilljs diuersorum colorum circa idem obiectum. Sicut enim eadem tota rosa alba, si videatur per conspicienda rubea, apparet rubea; si per viridia, viridis; si per cærulea, apparet cærulea, licet nulla sit diuersitas & multiplicitas in rosa quæ videtur: ita eadè tota entitas Petri, cognita ab intellectu per operationes mouendi se ab intrinseco, per quas etiam cognoscitur planta, apparet confusè vt quid indiscernibile à planta; & rursus eadem entitas tota, cognita per sensationes, per quas etiam cognoscitur brutum, apparet quidem nonnihil clariùs, & vt quid distinctu à plantà, adhuc tamen confusè, & vt quid indiscernibile à bruto; atq; vlteriùs eadem tota entitas Petri, cognita per discursus, apparet adhuc clariùs, vt quid distinctum à bruto, confusum tamen cum Petro, Paulo; donec tandem cognoscatur per ordinem ad accidentia indiuidualia, staturæ, figuræ, coloris, per quæ cognoscitur clarissimè, & vt quid discretum, ab omni eo, quod non est Petrus; cum tamen tota ista diuersitas & multiplicitas apparentiæ, non sit in ipso obiecto quod directè attingitur, sed in medio, & connotatis, per quæ, & relatè ad quæ attingitur, necnon in conceptibus formalibus, quibus attingitur idem omninò

Vnde occurrat multiplicitas cognitionum abstractiuarum de eodem obiecto?

simplex obiectum. Quia verò à nobis voces substituantur conceptibus, significantq; res cognitæ, ideo pro multiplicitate ac diuersitate conceptuum formalium, quibus idem obiectum cognoscitur, diuersa ipsi nomina imponuntur: atq; ita tota entitas Petri, vt cognita primo illo conceptu formali, vocatur Viuens; vt cognita secundo conceptu, vocatur Animal; vt tertio, Rationale; vt quarto, Petrus.

Hoc modo discurre de alijs quibusvis prædicatis essentialibus rei, necnon de prædicatis Dei necessarijs, & absolutis, v. g. de Iustitia, Misericordiâ &c: hæc enim multiplicia nomina significant Deum, cognitum à nobis adinstar multiplicium creaturarum, puta adinstar iustitiæ & misericordiæ creatæ, distinctarum realiter, vel per ordinem ad multiplices realiter effectus creatos, quos causat Deus, puta per ordinem ad effectum puniendi & miserendi.

§ XXV. Si verò loquamur de cognitionibus inadæquatis intuitiuis, dico posse per eas etiam independentes à multiplicitate & diuersitate connotatorum & mediolorum, idem obiectum apparere diuersimodè, saltem negatiuè, hoc est inæqualiter; seu clarius & minùs clarè, vt patet in visionibus beatificis de Deo. Hoc autem prouenit vel ex diuersa & inæquali dispositione potentie cognoscentis; & ideo oculus acutior perfectius videt; vel ex ipsa imperfectione cognitionis intuitiue, non adæquantur intentionaliter cognoscibilitatem obiecti, præsertim si hoc tantum cognoscatur quantum ipsum voluerit cognosci, vt accidit in visionibus beatificis Dei. Declaratur hoc ipsum exemplo causæ physicæ. Sicut enim hæc tota cum omnibus suis formalitatibus obiectiuis considerata, diuersimodè tamen & inæqualiter se delineat physicè in suis effectibus physicis diuersis & multiplicibus, idq; vel ob diuersam dispositionem passî, vel ob diuersam sui applicationem &c. ita etiam obiectum, quod est causâ intentionalis, potest totum idemq; semper concurrens, ob similes rationes, diuersimodè se delineare intentionaliter in suis multis ac diuersis effectibus intentionalibus, nempe in cognitionibus.

§ XXVI. Ex hoc duplici fundamento, quòd scilicet de vno eodemq; obiecto fieri possint multe, & diuersæ cognitiones, & quòd idem obiectum à diuersis cognitionibus fortiaur diuersa nomina, apparet, cur vi præcisionis formalis ex parte actûs, dicatur cognosci formaliter Animal hominis, & non Rationale. Sensus nimirum est cognosci omnes formalitates hominis vt sunt à parte rei, & ex parte obiecti, nullâ exceptâ, sed cognitione illâ minùs clarâ, vi cuius non discernuntur à brutis, nempe relatè ad sensaciones.

Vnde diuersitas
nominum
eiisdem
obiecti?

Vnde prouenit inæqualitas
cognitionum intuitiuarum
eiisdem obiecti?

& à qua cognitione, obiectum illud formaliter denominatur Animal; simul-
que omnes eandem formalitates ex parte obiecti, nullâ exceptâ, non cogno-
sci aliâ cognitione clariori, vi cuius discernantur à brutis, nempe per ordinem
ad discursus; & à qua obiectum illud totum denominetur formaliter Rationale.
Itaq; ista præcisio versatur inter ipsos actus intellectus, non autem inter obiecta
actuum secundum se, nullaq; est formalitas ex parte obiecti in homine, in quam
non cadat *Ly Cognosci*, dum dicitur Animal in homine cognosci; & nulla est
in quam non cadat *Ly Non cognosci* (intellige per aliam cognitionem) dum
dicitur *Ly Non cognosci* de rationali; & sic, quidquid dicitur, vel negatur de
una formalitate, idem dicitur vel negatur de altera obiectivè sumptis.

Declaratur hoc ipsum duplici instantiâ. Prima est: quia potest accidere,
ut quis concipiat definitum; & non concipiat eius definitionem veram, & ta-
men tunc non præscindit obiectivè à definitione, sed eam obscurè concipit
sub conceptu definiti. Ergo idem dicendum de alijs formalitatibus. Al-
tera instantia est in Bono & Vero, sicut enim nihil est in entitate bona,
quod attingatur à voluntate, & non attingatur ab intellectu; aliâs voluntas
ferretur in incognitum: & tamen voluntas attingere dicitur entitatem ut est
bona, non autem ut est vera; intellectus autem attingere ipsam ut est vera,
non ut est bona; ex eo quia aliter illam attingit voluntas, scilicet per amorem,
relatè ad quem dicitur bona, & aliter intellectus, scilicet per assensum, re-
latè ad quem dicitur vera: ita pariter dum cognoscitur obiectum ut Animal
& non ut Rationale, ex eo fit, quia diversus est modus tendendi ille, quo di-
co Animal, ab illo, quo dico Rationale, licet idem sit & totum obiectum dire-
ctum utrobique.

§ XXVII. Hinc ulterius patet, cognitionem dici inadæquatam
non ex parte obiecti, quasi partem obiecti repræsentet; & partem non; sed ex
parte actus, quia totum obiectum non adæquatè repræsentat, seu non perfec-
tè; & ideo cognitiones duæ inadæquatæ de eadem re, differunt solum ex
modo tendendi, vel etiam ex parte obiecti indirecti, si sunt ænigmaticæ.
Quo pacto etiam differt cognitio clara & confusa de eadem re. Est enim
cognitio confusa illa, vi cuius unum non potest discerni ab alio, ex eo, quia
cognoscitur per ordinem ad connotata similia illis, relatè ad quæ cognoscitur
etiam aliud. E contra autem cognitio clara est, vi cuius unum discernitur
ab alio, eo quod cognoscatur per ordinem ad connotata sibi propria & pec-
cularia.

Instantiæ
pro for-
malibus
Præcisio-
nibus.

Quid sit
cognitio
inadæqua-
ta? confu-
sa? clara?

Punctum VI.

Explicatur Distinctio rationis.

Quid di-
stinctio ra-
tionis

§ XXVIII. Tandem patet ex dictis, quid sit Distinctio rationis. Est enim vnius eiusdemq; obiecti, alia & alia apparentia in nostro intellectu, per ordinem ad alia & alia connotata; ita vt hæc Distinctio non sit in ipso obiecto, sed reuera sit distinctio realis conceptuum formalium de eodem obiecto, à quibus conceptibus, qui sunt opus rationis, obiectum omnino in se indistinctum, per denominationem extrinsecam dicitur distinctum ratione nostra. Vocatur autem hæc distinctio formalis, quia per distinctos realiter conceptus eadem res formatur & figuratur in intellectu.

tam ratio-
cinatæ,
quàm ra-
tiocinan-
tis?

§ XXIX. Porro, si eadem res diuersis realiter conceptibus concipitur per ordinem ad diuersa realiter connotata existentia in obiecto extra nostrum intellectum concipientem, tunc erit Distinctio rationis ratiocinata, seu cum fundamento in re; illa enim connotata quæ dantur in ipsa re cognita, sunt fundamentum talis Distinctionis. Et hoc modo distinguuntur Gradus Metaphysici in vno indiuiduo. Si verò eadem res concipitur diuersis conceptibus per ordinem ad diuersa connotata indistincta ab actibus nostri intellectus concipientis, tunc erit Distinctio rationis ratiocinantis, seu sine fundamento in re quæ cognoscitur; quia illa connotata, quæ sunt fundamentum talis Distinctionis, non dantur in obiecto, sed tantum in nostro intellectu. Et hoc modo distinguitur definitio à definito, & Petrus vt est subiectum, à Petro vt est prædicatum, quia scilicet concipitur diuersimodè, nunc relatè ad actum prædicantem, nunc per ordinem ad actum subiicientem. Hinc prior Distinctio sit per actus directos, secunda per reflexos. Atq; ex his manet explicata nostra sententia de Distinctione reali, formali ex natura rei, Virtuali, & Præcisionibus ac distinctione rationis.

Punctum VII.

Solvuntur Argumenta initio Quæstionis proposita.

Contradi-
ctoria non
dicuntur
de duabus
formalita-
tibus se-

Ad 1. Animal & Rationale Petri (idem esto iudicium de similibus formalitatibus) dupliciter spectari possunt. Primo in statu physico seu vt sunt à parte rei; secundo in statu intentionali præcisionis. Si primo modo spectentur, quidquid dicitur, vel negatur de vna formalitate, idem omnino dicitur vel

vel negari debet de alia. Itaq; si Animal, quod est in Petro, spectetur in statu physico; nullo modo, ne quidem subsistendi consequentiā prius est rationali, seu indifferens ad rationale, (cūm nihil à parte rei sit prius seipso,) sed est essentialiter determinatum ad rationale, valetq; consequentia: Datur Animal Petri: Ergo datur Rationale. Idem etiam Animal, vt est à parte rei, non est commune multis, sicut nec Rationale, sed potius vtrumq; est singulare. Item Petrus tam per Animal, quàm per Rationale, vt sunt à parte rei, & sentit & discurret: totus enim homo denominatur causa effectiua & subiectiua tam sensationum, quàm discursuum. Vnde vterius, Petrus tam secundum suum Animal, quàm secundum Rationale, vt spectatur in sensu reali, est imperfectè similis, & imperfectè dissimilis bruto. Imperfectè similis: quia à parte rei, secundum vtramq; formalitatem efficit & recipit sensationes, sicut brutum: imperfectè dissimilis: quia secundum vtramq; formalitatem efficit & recipit à parte rei discursus, secus quàm brutum. Quæ non sunt contradictoria, sicut nec in crepusculo sunt contraria esse imperfectè lucidum & imperfectè tenebrosū; quia non est hic affirmatio & negatio eiusdem gradus similitudinis. Potest nimirum dari maior & minor similitudo cum alio, quamvis non in eodem subiecto substantiali, ratione sui non suscipiente intensiōē; & sic sine cōtradictione potest de eodem subiecto affirmari gradus imperfectior similitudinis, & negari perfectior reperibilis saltem in alio subiecto. Vnde secus est philosophandum quoad hoc punctum de æqualitate, & de similitudine: æqualitas enim cūm non possit esse maior vel minor cum alio; (siquidē esse æquale vt sic est esse tantum, quantum est alterum, quod consistit in indiuisibili secus autem esse similitudinis, est esse adīnsimiliter, quod non consistit in indiuisibili:) ideo sunt contradictoria esse imperfectè æquale, & imperfectè inæquale alteri; secus autem esse imperfectè simile & imperfectè dissimile alteri. Nulla ergo in statu reali conveniunt contradictoria Animalī & Rationali Petri.

Cæterum si hæ formalitates spectentur formaliter & in statu intentionali, dico, in hoc statu vtramq; hanc formalitatem esse idem indiuisibile obiectum subsistens duobus realiter diuersis conceptibus nostris inadæquatis, quorum vnus, nempe referens idem obiectum ad sensationes, & denominans formaliter Animal, est prior, quia notior; est indifferens & magis communis, quia frequentius formabilis, & pluribus obiectis applicabilis, quàm sit alter conceptus referens totum idem obiectum ad discursus, & denominans formaliter Rati-

cum realiter identitificatis vt sunt à parte rei & secundum se, sed tantum quatenus ambæ simul subsistant diuersis realiter cognitionibus.

onale. Vnde non est mirum quòd de animali & rationali sic spectatis dicantur extrinseca còtradictoria, nempe esse prius, & posterius; esse magis, & esse minus commune ac indifferens: dicuntur enim hæc de eodem quidem obiecto, sed substantie diuersis realiter formis intentionalibus, id est cognitionibus, seu de eodem inadæquatè; sicut etiam de eodem Petro vestito albâ & nigrâ veste, possunt dici contradictoria. Tota videlicet ista contradictio, nempe prioritas, & posterioritas; indifferentia & determinatio, non est in ipso obiecto secundum se spectato, sed in actibus intellectus realiter diuersis, à quibus extrinsecè denominatur obiectum nunc prius, nunc posterius, nunc magis, nunc minus determinatum. Eadem de causa etiam dicitur homo in sensu formali per animal sentire tantum, & esse perfectè similis bruto, quatenus tunc animal hominis simul cum rationali, substat cognitioni præcisæ referenti totum hominem per ordinem ad solas sensationes, & non discernenti illum à brutis; per rationale verò dicitur solum discurrere, & esse perfectè dissimilis brutis, quatenus tunc rationale simul cum animali hominis substat cognitioni referenti idem obiectum per ordinem ad discursus, & sic discernenti illud perfectè à brutis. Sed neq; in hoc est contradictio de eodem respectu eiusdem, sed respectu diuersarum realiter cognitionum. Cæterum quòd respectu diuersarum formaliter ex natura rei, vel virtualiter extrinsece formalitatum, nequeant dici contradictoria de eodem realiter obiecto, ostensum est pun. 1.

Ad 2. Discrimen inter rationem analogam v. g. entis, & inter rationem vniuocam v. g. animalis, hoc est, quòd ratio entis non tantum formaliter ex parte obiecti, sed etiam formaliter ex parte actus, includitur in differentiis suorum inferiorum, quamvis hæc supra conceptum entis dicant plus aliquid ex parte actus, hoc est conceptum clariorem; secus autem includitur in suis differentiis ratio animalis. Nempe conceptus formalis entis vt sic, refert suum obiectum v. g. per ordinem ad oppositionem cum nihilo, vel per ordinem ad motionem potentie intentionalis præcisè; conceptus vero formalis v. g. Abalietatis, quæ est differentia diuisiua entis, refert suum obiectum, & per ordinem ad oppositionem cum nihilo, seu realitè ad motionem potentie intentionalis, & insuper per ordinem ad causam, à qua est, siquidem per hunc conceptum apprehenditur Abalietas vt tale ens; vnde conceptus formalis Abalietatis est aliquà ex parte similis conceptui entis, ac proinde in Abalietate includitur formaliter etiam ex parte actus ratio entis. Cum ergo

ergo Creatura differat à Deo formaliter ex parte actûs per Absoluetatem, differt etiam formaliter ex parte actûs & non tantum ex parte obiecti, per ipsam rationem entis in statu contractionis spectatam; licet in statu abstractionis conueniat formaliter ex parte actûs creatura cum Deo per rationem entis, quatenus sub ratione entis visit. Deus & creatura confusè cognoscuntur. Est igitur ratio entis Analoga respectu Dei & creaturæ, & similiter respectu aliorum suorum inferiorum, quia est ratio formaliter ex parte actûs conueniendi & simul disconueniendi suis inferioribus, pro statibus diuersis; quod est de essentia rationis analogæ. Non sic autem ratio v. g. Animalis: conceptus enim animalis vt sic refert suum obiectum per ordinem ad sensationes præcisè; conceptus autem rationalitatis, quæ est differentia diuisiua animalis, refert suum obiectum per ordinem ad discursus præcisè; ideoq; prior conceptus non includitur in posteriori; vnde homo differet à bruto formaliter ex parte actûs per rationalitatem, non differt formaliter ex parte actûs per rationem animalis in statu contractionis spectatam; solumq; formaliter ex parte actûs conuenit per Animalitatem in statu abstractionis spectatam, quatenus sub conceptu Animalis vt sic confunditur cum brutis, iuxta dicenda questione sequenti. Est ergo ratio Animalis vniuoca, quia est tantum ratio conueniendi formaliter ex parte actûs, quod est de essentia rationis vniuocæ.

Differentia
rationis
Analogæ
ab vniuoca.

Ad 3. Argumentum hoc imprimis probat nullam dari formalitatem indiuisibilem in alias formalitates ex natura rei distinctas. Sit enim talis formalitas v. g. *Rationalitas*; iam in hac formalitate possum inuenire duo prædicata, primum hoc genericum, quod sit *Formalitas ex natura rei simplex*; secundum quasi differentiale, quod sit *Humana*; primum prædicatum erit illi commune cum Rugibilitate, Hinnibilitate &c: adeoq; ex sua natura, seu ex vi suæ essentiae, à parte rei primum prædicatum non postulabit definiri per secundum prædicatum, ita sicut animal per rationale. Ergo illa differentia formaliter ex natura rei simplex, non erit simplex, quia habebit duo prædicata formaliter ex natura rei distincta. Deinde idem argumentum est à non supponente, & miscet terminos sibi repugnantes, dicendo: *Animal Petri à parte rei formaliter sumptum, ex natura rei, secundum se, & ex vi suæ essentiae &c. consideratum*, cum tamen hi termini sint implicite cōcreta secundointentionalia, desumpta ab actu intellectûs nostri, præscindente, reduplicante, &c: perinde ac Esse subiectum, prædicatum, sunt concreta explicitè secundointentionalia desumpta ab actu subijciente, prædicante. Dicimus ergo Animal,

Na

quod

Quomodo
duo grad⁹
Metaphy-
fici petunt
ex natura
rei diuer-
simodè de-
finiri?

quod est in Petro, à parte rei spectatum, esse principium non tantum sensati-
onum, sed etiam discursuum, perinde ac Rationale, prout est à parte rei; ac
proinde utrumq; hoc prædicatum, prout est à parte rei spectatum, petit defi-
niri, tam in ordine ad sensationes, quam in ordine ad discursus; vel diuisim,
si inadæquatè definitur, vel copulatiuè, si adæquatè definitur. Quando tamen
utraq; ista formalitas obiectiua, seu totus homo, sumitur in statu intentionali,
vt substat cõceptui inadæquato confundenti obiectum cum brutis, à quo con-
ceptu denominatur *Animal secundum se* seu *ex vi essentie sue*; tunc petit definiri
per hoc tantum quod sit principium sentiendi. Et rursus cum substat utraq;
ista formalitas obiectiua indiuisibiliter, seu totus homo, alteri conceptui dis-
cernenti obiectum à brutis, à quo denominatur *Rationale formaliter seu secun-
dum se*; tunc petit definiri per hoc tantum, quod sit principium ratiocinandi.
Sed hæc definitionum formalium diuersa exigentia cadit supra idem obiectum,
vt substans duobus conceptib⁹ formalibus præcisiuis, in quo nullum est incon-
ueniens vt supra dictum. Porro prædictæ definitiones formales sunt inadæ-
quatæ respectu sui definiti in hoc sensu, quod neutra exprimat suum definitum
relatè ad omnia connotata, ad quæ est exprimibile, prout est à parte rei; sunt
tamen adæquatæ in hoc sensu, quod consistunt genere, & differentiâ, iuxta re-
gulas Dialecticæ. Neq; hinc sequitur quod vbicumq; esset Animal, esset à
parte rei principium discurrendi; nam in bruto animal à parte rei est aliud
& valdè diuersum, vt pote essentialiter connexum, cum irrationalitate, quam
sit illud quod est in homine.

Ad 4. Ex separabilitate reali extremorum infertur Distinctio rea-
lis ipsorum, sed non ex inseparabilitate, indistinctio realis, vt inter alia pa-
ret in Personis Diuinis realiter distinctis, & tamen à se inseparabilibus. Poti-
us ergo ex verâ negabilitate vnus de altero prout sunt à parte rei, infertur Dis-
tinctio realis. Sicut enim distingui in genere, nihil aliud est, quam hoc non
esse hoc; ita distingui realiter, est hoc à parte rei actu non esse hoc. Quibus
ergo talis negabilitas conceditur, licet inseparabilibus à se, concedenda etiam
illis est Distinctio realis, & non tantum formalis ex natura rei. Quod addi-
tur Distinctionem formalem ex natura rei dari defacto, sed nesciri à nobis, v-
bi fit; mirum profectò est. Ad quem enim alium spectat, nisi ad Philoso-
phum decernere, vbi, & qualis, in rebus naturalibus intercedat Distinctio?
Deinde si Gradus Metaphysici in eodem indiuiduo, possunt explicari sine
Distinctione formali ex natura rei, non video vllam necessitatem multiplican-
di hoc genus Distinctionis.

Ad 5.

Distinctio-
nis realis
quod sit
signum?

Ad 5. Sine vlla Distinctione reali in tertio, non datur æquivalentia vnus indiuisibilis entitatis, in ordine ad verificanda duo contradictoria, quæ æquivalentia vocatur Distinctio virtualis intrinseca. Nullum enim ens reale æquualet chimeræ; verificari autem duo contradictoria de eodem realiter, sine vlla distinctione reali, est chimera. Solum ergò in tali obiecto indiuisibili, potest dari æquivalentia ad plures realiter effectus præstandos, qui præstantur à diuersis causis; quæ æquivalentia dicitur Distinctio Virtualis extrinseca, vt dictum est. Instantia illa de pipere virtualiter intrinsecè calidum, cum sit formaliter frigidum, est frigida; quia per *Tò Virtualiter intrinsecè calidum*, intelligitur vis intrinseca piperi producendi calorem; at verò nomine Distinctionis Virtualis intrinsecæ, non intelligitur potentia intrinseca rei, producendi distinctos realiter effectus, sed verificandi per seipsam contradictoria, quod fieri non potest, vt probatum est, sine aliqua Distinctione reali.

Ad 6. Patet ex dictis repugnare talem Distinctionem in creatis, qualis reperitur in Mysterio Diuinæ Trinitatis. Prouenit autem hoc non ex simplicitate creaturæ, sed ex defectu Infinitatis, quæ reperitur in solo Deo. Creaturæ ergo sunt imitationes Dei, secundum perfectiones eius absolutas, necessariasq; , non autem secundum conceptum Trinitatis, quæ est supra caput humanum, & quæ inuerso ordine continetur in creaturis, eò quòd in ipsa duæ personæ realiter distinctæ, sint idem quid cum vno tertio, scilicet cū Essentia, id est, eò quòd ibi distinguatur Natura à Personis in tertio. Quapropter semper rari plurimum displicuerunt hi Authores, qui ex hoc Mysterio argumentantur ad creata, tanquam à pari; hoc enim est, res faciles ad instar difficillimi Mysterij explicare, & velle possibilitatem Trinitatis esse lumine rationis demonstrabilem. Quare talibus pro disparitate hæc ipsa ratio deberet sufficere, ne quid par Mysterio Trinitatis inueniatur in creatis. Quanquam alia etiam ratio discriminis data est pun: 3. § 20.

Ad 7. Dum à longè video moueri motu progressiuo obiectum, quod re ipsa est homo, non solum tunc cognosco ex parte obiecti animam, sed etiam rationale; cognosco enim tunc id quod est principium physicam causam stalem motum, quod principium proculdubio est tota entitas Petri. Et quidem eadem claritate & confusione cognitionis imperfectè claræ, & imperfectè confusæ, tunc cognosco tam animal, quàm rationale: vtramq; enim indiuisibiliter formalitatem, adeòq; totam entitatem hominis, cognosco tunc confusè confusione confundente illam cum animalibus; & simul v-

iramq; formalitatem, ac totam entitatem hominis, cognosco tunc clarè claritate discernente illam à non animalibus v. g. à plantis, elementis &c. Potest enim eadem cognitio esse imperfectè clara, & imperfectè obscura, adinstar crepusculi imperfectè lucidi, & imperfectè tenebrosi. Cæterum tamen, quia tunc tam animal quàm rationale cognosco sub conceptu animalis, hoc est relatè ad sensationes, à quo conceptu obiectum denominatur formaliter Animal, & non cognosco sub conceptu rationalis, hoc est relatè ad rationationes, à quo conceptu obiectum dicitur formaliter Rationale; propterea præscindo ex parte actûs Animal à Rationali, potestq; dici, quod tunc cognoscam formaliter animal, & non cognoscam formaliter rationale, non formalitate tenente se ex parte obiecti, sed formalitate tenente se ex parte actûs. Sed ista non sunt contradictoria; quia per hoc solum significatur, adesse mihi tunc illum conceptum formalem, seu formam secundointentionalem, à qua totus homo denominatur Animal, & non adesse tunc alium conceptum formalem, seu formam secundointentionalem, à qua totum idemq; obiectum denominaretur Rationale. Secus autem sunt duo contradictoria cognosci Animal formaliter, & non cognosci Rationale formaliter, formalitate tenente se ex parte obiecti; quia sensus est, vnam formalitatem obiectiuam cognosci, & alteram, quæ est idem realiter cum prima, non cognosci, per eandem cognitionem. Itaq; in casu obiectionis, motus ille progressivus est mihi sufficiens indicium cognoscendi rationale sub conceptu animalis, seu sub conceptu non distinguente obiectum ab vilo animali: quia videlicet ille motus supponitur causari physicè à rationali, atq; omnis effectus, ducit in cognitionem suæ causæ, siue magis siue minùs claræ. Vnde ob eandem rationem, si ibi videretur alius motus progressivus similis, non ab homine causatus, sed à boue, duceret me in cognitionem non rationalitatis, sed bouinitatis, sub simili tamen conceptu animalis non distinguente bouinitatem ab vilo animali. Similiter dicendum est adesse mihi tunc speciem impressam, ad cognoscendum rationale, sed sub conceptu proprio animalis, confundente rationale cum animalibus. Atq; hinc etiam est, quòd possim illud obiectum negare esse rationale, quia scilicet illud cognosco non obscurè, vt vi illius actûs nunquam illud possim discernere à brutis. Quà de causâ etiam potest vera definitio negari de definito sine præcisione obiectiva. Et per hæc patet etiam responsio ad confirmationem.

Ad 8. De eodem exemplari indivisibili possunt multiplicari ima-

gines

gines inadæquatæ, & imperfectè repræsentantes suum exemplar, vt quod deest perfectionis in repræsentando vni, suppleatur per aliam: & ideo etiam dantur plures creaturæ diuersimodè repræsentantes DEVM. Idem ergò dicendum de cognitionibus inadæquatis, quales sunt præcisivæ, quæ proinde diuersificantur, vel ex diuerso modo tendendi in idem obiectum, si sint intuitivæ; vel ex diuersitate connotatorum, quæ attingunt indirectè & in obliquo, si sunt ænigmatice. Porro in ipsis connotatis, v. g. in sensationibus, (quæ sunt connotatum istius conceptus *Animal*,) possunt rursus fieri præcisiones formales, per ordinem ad alia rursus connotata. Si enim concipiatur sensatio per ordinem ad causam, quam vltimò determinat; concipietur sub conceptu præcisivo Actionis: si relatè ad subiectum, cui inhæret; concipietur sub conceptu Accidentis: si per ordinem ad aliquam vicationem & durationem, vel motionem potentæ intentionalis; concipietur sub conceptu præcisivo entis. Non tamen procedetur in infinitum in connotatis; quia præcisio formalitatum vniuersalissimarum, ad quas semper deveniendum est, puta Accidentis, Substantiæ, Entis, in qualibet entitate fit per ordinem ad eadem connotata. Sæpè etiam connotata concipiuntur per ordinem ad se mutuò, puta Subiectum relatè ad Accidens, & Accidens relatè ad Subiectum; sicut solet etiam explicari Pater relatè ad Filium, & Filius relatè ad Patrem: in quo non est circulus vitiosus; quia tunc explicatur vnum per aliud, quod præsupponitur aliunde aliquàlter notum, puta Subiectum explicatur relatè ad Accidens, per experientiam notum, & non ex ipsa definitione Subiecti; & ideo non explicatur ignotum per ignotum.

Ad Confirmationem. Obiectum proportionatum nostri intellectus est quidditas rei materialis, non tamen immediatè in se, sed per plura accidentia & operationes, certè non comprehensivè, cognoscibilis. Unde necesse est de ipsa, alias & alias fieri cognitiones inadæquatas, tum ob multipliciter accidentium, per quæ cognoscitur, tum vt defectus singularum cognitionum in repræsentando, suppleatur per multipliciter ipsarum. Hinc verò non sequitur malè esse constitutum à natura intellectum nostrum, quòd obiectum inadæquatè cognoscat; quia maior perfectio in cognoscendo, illi non debebatur ex natura rei, ob dependentiam eius à sensibus, percipientibus sola accidentia: sicut ob similem rationem, non est malè constituta voluntas nostra, ex eo quòd possit peccare, aut visus ex eo, quòd ei videnti vitris polygonis appareat multiplex obiectum, quod in se est vnicum. Rursus, quod visus

Intellectus
præscin-
dens non
est malè
constitu-
tus nec
lingens.

vnum idemq; obiectum appareat in intellectu multiplex ex parte actûs, cognoscaturq; inadæquatè, quod in se est adæquatè; adhuc tamen non fingit intellectus; quia hoc nihil aliud est, quàm pluribus inadæquatis cognitionibus idem obiectum cognoscere, (in quo non est fictio, sed distinctio rationis & præcisio;) non autem est tribuere obiecto intentionaliter aliquod prædicatum repugnans, aut tollere ipsi conueniens, quod esset fingere. Et ideo verissimè dicitur: *Abstrahentium non est mendacium*

Quid sit
compositio
Meta-
physica?

Ad 9. Species componitur ex genere & differentiâ non obiectiue, sed formaliter ex parte actûs. Ex. g. Homo quatenus est species (id est non quatenus datur à parte rei, species enim non datur à parte rei; sed quatenus substat illi cognitioni claræ, à qua denominatur extrinsecè species,) componitur formaliter, vel æquiuvalenter, ex duplici conceptu inadæquato, altero generico referente obiectum per ordinem ad sensationes, altero differentiali referente totum idem obiectum per ordinem ad discursus. Hoc autem in re ipsa nihil est aliud, quàm ipsam illam cognitionem specificam, (quam denotat illa reduplicatio, *Homo quatenus species,*) modo prædicto componi, & esse totum quoddam actuale; à quâ cognitione sic compositâ, per denominationem extrinsecam, ipsum obiectum, nempe *Homo*, denominatur esse quid compositum ratione nostrâ, seu metaphysicè. Quare Animal & Rationale dicuntur partes metaphycæ hominis, partialitate actuum inadæquatè representantium idem totum obiectum, non verò partialitate obiecti: Homo verò dicitur Totum metaphysicum etiam totalitate actûs adæquatè representantis quidditatem obiecti

Quid partes
meta-
physicæ?

Ad vltimum. Quia Animal & Rationale ita est vnum idemq; obiectum, vt significet duos conceptus formales realiter diuersos, quos non significat Rationale & Rationale; ideo Animal & Rationale distinguuntur ratione nostrâ, non autem Rationale & Rationale; & sic adhuc hæc contradictoria *Distingui & Non distingui ratione nostrâ*, verificatur de Animal & Rationali ex vna parte, & ex alia de Rationali & Rationali, id est de eodem obiecto, ratione diuersarum realiter cognitionum, quas vtrobiq; significat. Quamvis enim *Tò Distingui ratione nostrâ & Non distingui* cadat in recto supra ipsum obiectum quod est vtrobiq; omninò idem; indirectè tamen cadit etiam supra conceptus formales realiter diuersos, quos in obliquo dicit idem obiectum, quatenus de illo dicuntur ista contradictoria. Sicut enim Esse Patrem licet directè cadat supra substantiam generantem, & indirectè supra filium; tamen sub-

stantia

stantia generans, dicitur Pater, cum habet filium, eademq; non dicitur Pater, dum caret filio: ita idem obiectum substantans cognitionibus diuersis, dicitur distingui ratione nostrâ, non dicitur verò ita distingui, quatenus non substantat diuersis cognitionibus. Quare Distinctio rationis, vt benè notauit Aureolus, importat Distinctionem realem conceptuum, à quâ obiectum in se indistinctum dicitur extrinsecè distingui ratione nostrâ. Et hæc de Vnitate & Distinctionibus. Agendum iam est de Vnitate Vniuersali, quæ continetur sub genere Vnitatis vt sic.

Q V Æ S T I O II.

Vtrum Vniuersale formaliter fiat ab intellectu per cognitionem confusam plurium adinstar Vnius.

Videtur 1. dari Vniuersale formaliter à parte rei, extra intellectum, vt censent Scotistæ; Quia nemine cogitante datur natura v. g. humana vna formaliter in multis, nempe in Petro, Paulo &c. Est enim à parte rei indiuisa in Petro & Paulo secundum sua prædicata formalia, & specifica; alioquin Petrus & Paulus à parte rei essent à se diuisi secundum prædicata formalia & specifica, & sic differrent formaliter specie à parte rei, quod dici non potest. Cum igitur Vniuersale sit vnum in multis, patet dari à parte rei Vniuersale formaliter.

2. Obiecta scientiarum realium puta Physicæ, Mathematicæ &c dantur à parte rei: Sed obiecta harum scientiarum sunt Vniuersalia formaliter: nempe Corpus vt sic, Quantitas in communi &c. Ergo Vniuersalia formaliter talia dantur à parte rei.

3. Ex eo quia in intellectu fit vnitas constituens Vniuersale, dicitur Vniuersale dari in intellectu. Ergò etiam ex eo, quia datur à parte rei multitudo pariter constituens Vniuersale, dabitur Vniuersale à parte rei.

4. Videtur potiùs Vniuersale formaliter, fieri per conceptum qui præscindit ex parte obiecti naturam à suis differentijs, vt tenent Thomistæ. Sic enim ablatis differentijs, tollitur formaliter naturæ multitudo, quæ formaliter prouenit à differentijs, & consequenter inducitur in naturam vnitas formalis: ex alia verò parte retinetur eiusdem naturæ sic spoliatae suis differentijs, indifferentia, seu aptitudo ad essendum in multis, quæ duo sunt de conceptu Vniuersalis formaliter. Ergò hoc modo natura creata euadit Vniuersalis formaliter.

5. Videtur Vniuersale non constitui formaliter per conceptum confusum plurium adinstar vnius. Quia talis actus cum sit intrinsecè & entitatiuè singularis, solùmq; sit Vniuersalis repræsentatiuè, quatenus multa repræsentat adinstar vnius, solùm videtur constituere Vniuersale in repræsentando, non autem Vniuersale metaphysicum in essendo, aut Logicum in prædicando, de quo tamen duplici Vniuersali agitur hoc loco.

6. Si conceptus confusus plurium adinstar vnius, multa denominat in intellectu sufficienter vnum Vnitatem Vniuersali, multò magis id præstabit à parte rei similitudo plurium. Nam ex vna parte tam vnitas proueniens ab illo conceptu, quam vnitas proueniens ex similitudine, est vnitas tantùm secundum quid; neutra enim tollit multitudinem, solùmq; prior facit, ne plura appareant vt plura, sed adinstar vnius; secunda autem facit, ne plura sint cognoscibilia vt plura, sed vt sint cognoscibilia adinstar vnius. Ex alia parte vnitas multorum desumpta à conceptu, est vnitas accidentalis & extrinseca; vnitas verò multorum desumpta à similitudine, est essentialis & intrinseca ipsis. Ergo hæc secunda potius constituit Vniuersale formaliter.

7. et est Confirmatio prioris argumenti. Plures effectus ab vnitatem extrinsecam causæ, à qua efficiuntur, non denominantur vni vnitatem Vniuersali; nec plura media ab vnitatem extrinsecam finis, quem respiciunt; nec plura accidentia ab vnitatem extrinsecam subiecti, cui insunt; immo plura obiecta non denominantur vnum vnitatem Vniuersali, ab vnitatem extrinsecam speciei impressæ parentis cognitionem confusam ipsorum. Ergo nec denominantur similiter vnum ab vnitatem extrinsecam ipsius cognitionis confusæ non discernentis illa inter se.

8. Vniuersale formaliter est prædicabile de multis seorsim; ad hoc enim quòd aliquid sit vnum in multis, sequitur quòd possit affirmari de ipsis. Si autem Vniuersale formale nihil aliud esset, nisi collectio multorum indiuiduorum confusè cognita; Vniuersale non esset prædicabile de multis seorsim, non solùm secundum illam formam, per quam constitueretur in ratione Vniuersalis, nempe secundum cognitionem confusam; (hæc enim, vt patet, non prædicatur de inferioribus Naturæ v. g. humanæ Vniuersalis, puta de Petro & Paulo:) verùm etiam neq; secundum id quod dicit pro materiali, nempe secundum illam collectionem multorum indiuiduorum; hæc enim etiam nequit prædicari de quolibet seorsim indiuiduo, dicendo v. g. *Petrus est collectio hominum confusè cognita, Paulus est collectio hominum.* Si autem dicatur hanc collectionem prædicari de singulis inadaquatè sumptam, hoc

hoc est, secundum illud indiuiduum inclusum in multitudine prius confusè cognita, quod indiuiduum identificatur cum subiecto propositionis: Si inquam hoc dicatur contra est: Tum quia hæc propositio, *Petrus est homo*, esset identica, quia sensus eius esset, *Petrus est hic homo*, nec esset prædicatio superioris de inferiori, sed singularis de singulari: Tum quia hæc ratione Mare esset Vniuersale respectu vnius guttæ; quia de gutta prædicatur inadæquatè, & secundum partem sui: Tum quia hoc pacto, non illud erit in affirmatione, quod in apprehensione fuit; nam in hac fuit Vniuersale secundum totam collectionem; Tum demum quia hæc ratione Vniuersale in actuali prædicatione de inferiori, amitteret suam Vniuersalitatem, quod dici nequit: Vnumquodq; enim remanet, dum actu exercet id, quod potest exercere, puta remanet risibile, dum actu ridet, nec actus secundus tollit actum primum, sed perficit: Sed Vniuersale est aptum prædicari de inferiori; Ergo remanet dum actu prædicatur.

§ I. Respondetur. Vniuersale quodcumq; est vnum dicens ordinem ad multa in suo genere. Sic vniuersale in causando v. g. sol, est vna causa potens producere multos effectus; Vniuersale in repræsentando, est vna imago repræsentans multa exemplaria: Vniuersale in significando, est vnum signum v. g. hæc vox *Canis*, significans multa obiecta: Vniuersale complexum est vna propositio, ex qua multæ conclusiones deduci possunt. Quapropter Vniuersale in essendo seu metaphysicum rectè definitur ex r. poster. c. 10 & 7. mer. tex. 45. *Vnum est aptum inesse multis*. Ex eo enim, quia est Vniuersale, debuit esse vnum cum ordine ad multa; ex eo, quod sit Vniuersale in essendo, debuit respicere multa tanquam ipsum esse illorum. Quia verò prædicari sequitur ad inesse, ideò ad hoc Vniuersale in essendo, sequitur Vniuersale in prædicando, seu Logicum, eò quod Logica dirigat prædicationes, definiturq; proportionaliter r. Perihet. c. 5. *Id quod aptum est prædicari de multis*. Hinc ad Vniuersale in essendo requiruntur hæc: Primò vt insit salutem potentiam multis, per identitatem cum ipsis, ad quam scilicet sequitur affirmabilitas: quia de causa nec anima existens in pluribus partibus per vnionem, nec Corpus Christi existens in pluribus locis per replicationem, aut Deus per Immenfitatem, sunt Vniuersale in essendo respectu illorum multorum, quibus insunt modo dicto. Secundò requiritur, vt insit multis non solum collectiue, sed etiam distributiue sumptis, & ideò Exercitus non est Vniuersale respectu plurium militum. Tertiò vt non significetur inesse multis,

Multiplex
est Vniuersale.

Quid sit
Vniuersale
in essendo
& prædicando?

Quæ requiruntur ad
illud?

solum secundum sui partem aliquam, sicut Oceanus pluribus inest guttis. Quarto ut insit cum reali diuisione & multiplicatione sui, sicut non est in tribus Personis Diuina Natura, quæ proinde est singularis.

§ II. Verum quia vnitas & multitudo tollunt se inuicem, difficultas est conciliandi ista duo in essentia Vniuersalis metaphysici; quæ tanta visa est Melchiori Cano lib. 6. de locis Theolog: c. 7. ut fateatur se, post multas temporis & laboris impensas, Vniuersale non percepisse. Ut igitur hæc conciliaret Quidam, posuerunt Naturas creatas Vniuersales distinctas à parte rei à singularibus, sicq; distinctis naturis tribuunt vnitatem, singularibus vero ipsis multitudinem. Et quidem Plato communiter dicitur posuisse naturas Vniuersales à parte rei extra singularia, immateriales, ingenerabiles, incorruptibiles, quas volebat esse obiecta scientiarum, & id cuius participatione singularia sunt id quod sunt. Fonseca verò, posuit eas ante singularia in statu illo possibilis, in quo nemine cogitante ante Decretum Dei de mundo creando, putabat eas esse indifferentes ad existendum in singularibus. Demum Scotistæ, inter quos numerantur Trompeta, Lichettus, Tattarerus, ponunt quidem naturas Vniuersales in singularibus, sed distinctas actu, formaliter, nemine cogitante à singularibus; atq; naturis quatenus ita distinctis, tribuunt vnitatem identitatis realis simpliciter cum singularibus; ipsis verò singularibus, multitudinem.

Hæ tamen positiones sustineri non possunt. Natura enim Vniuersalis v. g. humana, quia est affirmabilis de multis singularibus, debet esse idem realiter cum singularibus, consequenter nequit esse à parte rei, extra vel ante singularia actualia, vel possibilis, prout ipsa est actu, vel possibiliter: nihil enim à parte rei est extra, vel ante seipsum. Et rursus quia eadem Natura est idem realiter cum singularibus; sicut ipsa singularia non habent à parte rei vnitatem Vniuersalem, ut fatentur isti Authores, ita nec illam habebit à parte rei Natura humana; ne de eodem realiter obiecto dicantur duo contradictoria realia & intrinseca, quod repugnare ostensum est Qu: precedenti.

§ III. Longè probabilius dicunt Quidam alij Scotistæ cum Pontiod. 3. L. 9. 2. quos sequitur quidam nunc in Collegio Romano Philosophiæ professor in M. S. Hi cum optimè viderent non posse requiri ad constituendum formaliter Vniuersale, Vnitatem naturæ simpliciter dictam, quæ tollat à parte rei omnem diuisionem & multitudinem Naturæ, ut volebant Authores modo reiecti; sed sufficere vnitatem secundum quid, & cum ad-

ditio

Uniuersale
formaliter
non datur
extra vel
ante singu-
laria, aut
ab ipsis à
parte rei
distinctum

dito; non improbabiler intulerunt, hanc vnitatem esse conuenientiam, & similitudinem plurium indiuiduorum, vi cuius solum tollitur diuissio Naturæ v. g. humanæ in plura dissimilia, quæ itidem tollitur ab ipsis singularibus; docentq; hanc vnitatem posse dici formalem, quatenus desumitur à formâ, in qua sibi plura assimilantur. Quia verò talis vnitas naturæ datur à parte rei, & datur etiam à parte rei multitudo singularium, in quibus est actu v. g. natura humana, potestq; esse in ijs, idèd tenent dari à parte rei Vniuersale formaliter, indistinctum à singularibus. Hæc sententia est satis probabilis; facit tamen contra illam: quia cùm Vniuersale formale ordinetur ad scientias, tanquam obiectum ipsarum, per illud multa singularia constituuntur formaliter Vniuersale, per quod redduntur vnum proximè vile ad cognitionem scientificam. Hoc autem non habetur per Vnitatem similitudinis plurium, quæ datur à parte rei. Cùm enim hæc similitudo nihil aliud sit formaliter & expressè, quàm ipsæ vnitates numericæ indiuiduorum similium, scientiæ autem non attingant expressè differentias indiuiduales vt potè infinitas, & omninò æquales in perfectione: non possunt plura quatenus similia conducere proximè ad scientias, nisi per cognitionem abstractiuam naturæ à differentijs, cognoscantur ad instar vnius, in quo vno cognoscantur simul omnia quæ conueniunt illis pluribus, quæq; de ipsis inferri possunt scientificè.

§ IV. Per talem ergo potius abstractionem intellectus, multa sunt Vnum vnitatem Vniuersalis formaliter talis; per vnitatem verò similitudinis sunt vnum vnitatem Vniuersalis fundamentaliter & remotè, quatenus similitudo plurium est fundamentum dictæ abstractionis. Atq; ita euitatur contradictio dum Vniuersale dicitur esse vnum & multa; tribuuntur enim ei hæc prædicata opposita in diuersis statibus, diciturq; esse vnum in statu intentionali, esse verò multa in statu reali. Et idèd dixit Philosophus 3. de Anima; *Vniuersale aut nihil est, aut posterius animæ* id est cognitione.

§ V. Est adhuc controversia, per qualem præcisionem intellectus fiat Vniuersale formaliter. Sed pater ex quæstione præcedenti, non posse fieri per Præcisionem obiectiuam, per quam v. g. Natura humana cognoscatur ex parte obiecti sine Petreitate, Pauleitate, alijsq; differentijs cum illa realiter identificatis, vt docet cum Thomistis Comptonus disp. 30. Log. S. 4. & seq: Et quamvis non repugnaret talis Præcisio, nihil tamen conduceret ad faciendam Naturam Vniuersalem, prædicabilem de multis. Natura enim humana obiectiuè præcisâ, cùm sit realiter natura omnium hominum.

Non datur etiam à parte rei indistinctum à singularibus.

Vniuersale formaliter tale fit per præcisionem.

Non tamè per obiectiuam.

minum non est tota extensiuè prædicabilis de Petro, tota de Paulo, aliàs Petrus esset Natura omnium hominum abstracta. Si autem dicatur prædicari inadæquatè & secundùm vnā partem de Petro, secundùm aliam de Paulo; iam illa natura obiectiuè abstracta constat pluribus partibus, quarum vna sit eadem cum Petro, alia cum Paulo, & sic Vniuersale erit aggregatum ex pluribus realiter inter se distinctis, & vna cognitione cognitis, quod nolunt admittēte isti Authores.

§ VI. Dicendum ergò est cum Hurtado, Quiedo, & communi hoc sæculo sententiā receptā inter nostros, apud Arriagam d. 5. Log. S. 4. sub. 4. Vniuersale in essendo formaliter sumptum fieri per præcisionem formalem ex parte actūs, id est per actum intellectūs cognoscentem plura indiuidua similia quidem, sed non quatenus similia, (hoc enim ipso cognosceret plura vt plura,) nec per actum cognoscentem similia vt vnum ex parte obiecti, quia sic fingeret: sed potius per actum cognoscentem similia confusè admittat vnus; ita vt ex vi talis actūs non discernat vllatenus intellectus plura inter se, nec certificetur de pluralitate illorum. Hinc enim fit, vt à tali actu, illa multa, sicut denominantur extrinsecè esse cognita, ita denominentur extrinsecè esse vnum quid in intellectu. Itaq; Vniuersale in essendo est denominatio extrinseca, pro materiali & in recto dicens multa indiuidua similia; pro formali verò & in obliquo dicens cognitionem confusam modò explicatam, quæ est ipsa formalis vnitas Vniuersalis. Ratio assertionis est: quia ex vna parte hoc modo natura v. g. hominis est Vnum & multa, seu vnum in multis. Est multa intrinsecè, ex parte obiecti, & realiter. Est vnum intentionaliter, extrinsecè, & ex parte actūs confusi, vi cuius cum non discernantur, Petrus, Paulus, &c. secundùm quod sibi repugnant, & diuiduntur in ratione hominis; idèò extrinsecè aufertur ab illis pluralitas in ratione hominis, ac proinde vi talis actūs confusi fit extrinsecè vnitas, seu indiuisio naturæ humanæ in Petrum & Paulum: sicut è contra vi actūs clarè exprimentis Petrum & Paulum fit diuisio per rationem eiusdem Naturæ in Petrum & Paulum. Ex altera verò parte, multa vt denominata sic vnum, proximè conducunt ad scientias, vt nuper dicebatur, quod est de ratione Vniuersalis formaliter talis. Hoc videtur docere Philosophus 1. post. c. 1. vbi docet, nos quando formamus propositionem Vniuersalem, vno modo ignorare illud prædicatum Vniuersale inesse singularibus non inductis, alio modo scire. vbi non dicit nos nullatenus scire, quod est præscindere à singularibus obiectiuè

Sed per
formalem
ex parte
actūs.

obiectiuè, sed aliquomodo nescire, quod est præscindere ex modo tendendi à singularibus, seu nescire clarè.

§ VII. Ex dictis resoluitur vterius illa quæstio: An per cognitionem Disiunctiuam de termino communi v. g. hanc, *Aliquis homo*; vel copulatiuam v. g. hanc *Omnis homo*, fiat Vniuersale in essendo? Respondetur enim, non fieri perfectum Vniuersale scientificum per huiusmodi actus, quia ex vi talium actuum singularia ita imperfectè confunduntur, vt etiam exprimantur plura vt plura, & certificetur intellectus de pluralitate sui obiecti, si quidem nihil disiungitur à seipso, nec secum copulatur. Et quamuis à scientijs maximè vsurpentur illæ propositiones *Omnis homo est animal*, *Nullus homo est lapis*; hæ tamen eatenus sunt viles in scientijs, quatenus præsupponunt conceptum confusum essentiae hominis includentis animal, & excludentis lapidem.

Non fit per cognitionem disiunctiuam & copulatiuam.

§ VIII. Idem dicendum de cognitione Comparatiua, cognoscente reflexè conuenientiam naturæ abstractæ cum singularibus, hæc enim etiam ex modo tendendi exprimit pluralitatem, vt patet. Probabilis tamen est sententia per talem cognitionem constitui formaliter Vniuersale Logicum, seu proximè & completè prædicabile, saltem regulariter loquendo. Cum enim intellectus imitetur naturam sensum procedentem ab imperfecto ad perfectum; primò facit apprehensiones absolutas prædicati & subiecti, v. g. Petri, & hominis vt sic, deinde facit apprehensionem comparatiuam vtriusq; extremi, vt pote quæ magis accedit ad affirmationem; tum deinde ab hac comparatione mouetur, vt coniungat intentionaliter prædicatum cum subiecto, vel diuidat, per propositionem. Quare Vniuersale Logicum plus dicit realiter, quàm Vniuersale metaphysicum; scilicet dicit istam comparationem.

Per cognitionem comparatiuam fit Vniuersale Logicum.

§ IX. Tandem ex dictis inferitur quod solus intellectus humanus, qui vt dicit S. Thomas 2. contra Gent: *Est horizon inter potentias cognoscitivas, spirituales, & materiales*, faciat Vniuersale scientificum & perfectum. Superior enim intellectus Angelicus, & multò magis Diuinus, ob suam perfectionem in cognoscendo, cognoscit Essentiam rei, & simul in ipsa varietatem accidentium, & multipliciter indiuiduorum. Inferior autem potentia cognoscitiua materialis, nempe sensus, licet aliquantulum confusè obiectum cognoscat; tamen ob suam dependentiam à materiâ, & à conditionibus materiæ, non præscindit ab accidentibus indiuiduantibus, loci, temporis &c: quod tamen requiritur ad faciendum Vniuersale scientificum perfectum.

Vniuersale fit à solo intellectu humano.

Atq;

Atq; ex his manet explicata essentia Vniuersalis formaliter, eiusq; materia, forma, & causa efficiens.

Ad 1. Natura humana à parte rei in Petro, & in Paulo, est vna tantum vnitate similitudinis, quæ non est vnitas formalis sufficiens ad constituendum Vniuersale formaliter, sed tantum fundamentaliter vt dictum est. Cæterum non est vna formaliter seu indiuisa à parte rei in ipsis, vnitate & indiuisione identitatis, aut aliâ quavis maiori quam sit similitudo: & ideo Petrus, & Paulus à parte rei, secundum omnia prædicata formalia & essentialia, sunt à se diuisi realiter; ita vt alia realiter sint omnia prædicata essentialia Petri, alia Pauli; immo repugnat prædicatum aliquod essentialie Petri, posse esse à parte rei in Paulo, hoc ipso enim non esset essentialie Petro. Vnde nequidem datur à parte rei vnitas negatiua, seu non repugnantia nature, quæ est in Petro, ad existendum in Paulo, vt vult Caietanus. Hinc tamen non sequitur Petrum & Paulum differre specie à parte rei: quia non differunt in illo prædicato essentiali, præscindendo ab omnibus hæccitibus, quod requiritur ad differentiam specificam; vt dicitur quæstione sequenti. Neq; hinc rursus inferas: Ergo Petrus & Paulus sunt idem specie formali à parte rei, & non tantum fundamentaliter, siquidem non differunt specie formali à parte rei, & non tantum fundamentaliter. Negatur enim illatum in suo supposito: Quia ipsa species formalis est opus rationis, nec datur à parte rei, vni supponitur ab arguente dari; cuius argumentum est planè tale: Petrus & Paulus non differunt rationalitate equinâ: Ergo conueniunt in rationalitate equinâ.

Ad 2. Vniuersalia secundum esse suum obiectivum & intrinsecum, quod dicunt in recto, sunt obiectum scientiarum realium; verum secundum hoc esse sunt ipsa plura singularia similia, quæ dantur à parte rei, de his enim procedunt demonstrationes scientiarum: at secundum esse formale, & extrinsecum actûs confusi, quem dicunt in obliquo, non sunt obiectum scientiarum, sed potius sunt id, quo aliquid constituitur in ratione obiecti scientifici: vnde secundum id non debent dari à parte rei.

Ad 3. Ad constitutionem Vniuersalis, multitudo requiritur vt materia, vnitas vt forma; sicut ergo, cum forma est accidens, licet materia sit substantia, totum est accidentale, & sicut cum forma est artificialis, licet materia sit naturalis, totum est artificiale: ita licet multitudo sit quid reale, quia tamen vnitas Vniuersalis, est quid intentionale, fitq; ab intellectu ideo Vniuersale fit ab intellectu, quia ab intellectu fit forma constitutiva ipsius.

Nam

Natura in singularibus secundum omnia prædicata sua essentialia, est à parte rei diuisa.

Non datur à parte rei vnitas negatiua nature in multis.

Vniuersale formale quomodo est obiectum scientiarum?

Nam facere formam, est facere totum, puta facere solam formam arcæ, est facere arcam.

Ad 4. Argumentum est à non supponente, & admissâ etiam suppositione non concludit, vt patet ex dictis in Corpore.

Ad 5. Vniuersale in repræsentando, quod est ipsa cognitio confusa plurimum adinftar vnius, est forma extrinseca constituens Vniuersale in essendo, & in prædicando saltem remotè. A tali enim cognitione, natura quæ est realiter & intrinsecè identificata cum multis, ideòq; reipsâ multiplicata in singularibus, extrinsecè denominatur esse vna in multis, quod est esse vniuersale in essendo. Rursus quia talis cognitio disponit intellectum ad prædicandum suum Vniuersale de pluribus similibus, (licet vltèriùs regulariter prærequiratur comparatio prædicati cum subiecto;) ideò constituit etiam formaliter Vniuersale in prædicando remotè. Quapropter Vniuersale in repræsentando, distinguitur ab vniuersali in essendo & in prædicando, sicut forma à toto.

Ad 6. Ostensum est in Corpore, in quoniam superat vnitas conceptus confusi vnitatem similitudinis, in ordine ad constituendum formaliter Vniuersale.

Ad 7. Vnitas extrinseca causæ, finis, materiæ, subiecti, immo etiam speciei impressæ inducentis cognitionem confusam multorum, remotè facit, vt multa sint obiectû scientificum, ac proinde & Vniuersale formaliter; quatenus scilicet dicta vnitas præbet fundamentum intellectui, aut ipsum disponit, vt multa concepiat adinftar vnius. At vnitas extrinseca conceptus confusi proximè & immediatè facit, vt multa sint obiectum scientificum, & consequenter formaliter facit Vniuersale.

Ad 8. Conceditur Vniuersale non prædicari de inferiori secundum totam collectionem significatam in conceptu confuso, per se prærequirit ad talem prædicationem, sed secundum illam partem collectionis, quæ realiter identificatur cum subiecto prædicationis. Quare Vniuersale in actuali prædicatione de suo inferiori, amittit Vniuersalitatem ex parte obiecti, & quoad rem significatam: adhuc tamen illam retinet ex modo significandi; quia in hac v. g. propositione, *Petrus est homo*, licet ex parte prædicati significetur obiectum, quod re ipsâ est singulare, adhuc tamen significatur simili conceptu, quo significabatur antea tota collectio hominum, sub hoc conceptu confuso, *Homo vt sic*; siquidem vtrobiq; significatur obiectum re-

Vniuersale in repræsentando distinguitur ab Vniuersali in essendo vt forma à toto.

Vniuersale in actuali prædicatione de inferiori, amittit suam Vniuersalitatem quomodo?

late ad eadem connotata, nempe ad sensauones, & discursus, non discernendo in ipso plures hæccitates. Hinc ista propositio, *Petrus est homo*, non est identica: non enim idem eodem modo conceptum prædicatur de seipso; sed est propositio formalis, immo est prædicatio naturæ ex modo significandi Vniuersalis, de suo inferiori. Neq; hoc modo prædicatur Mare de gutta, quia terminus *Mare*, non est indifferens ad significandum eodem modo collectionem guttarum, & guttam, sicut terminus *Homo* est indifferens, ut significet partem & totum. Hoc enim proprium est conceptus confusi, qualis est hic, *Homo ut sit*, ut ex vi illius, sicut nequit discerni compars à compars: ita neq; pars à toto, quod à parte differt per aliam partem: cum è cōtra in termino collectiuo v. g. in hoc, *Exercitus*, & similiter in hoc *Mare*, exprimat multitudinem partium.

Quomodo
prædicatur
de suo inferiori?

Hinc vltimus ista propositio, *Petrus est & hic & ille homo*: nec disiunctiua, ita ut sensus sit, *Petrus est vel hic, vel ille homo*; sed est ex parte prædicati determinata quoad rem significatam, & simul confusa quoad modum significandi. Prædicatur verò in ipsa idem inadæquatè quoad rem significatam, quod erat in præuia apprehensione faciente Vniuersale, & eodem modo, id est, indiscernibiliter simili, significatum. Neq; verò semper verum est, quod dicitur; Vnumquodq; remanere totaliter tale, dum actu exercet id quod potest exercere; viuens enim quod potest mori, non remanet viuens, dum actu moritur; & continuum palmare potens diuidi in duos semipalmos, non remanet palmare, dum actu diuiditur. Et ratio est: quia dantur in rebus potentie ad destructionem, vel diminutionem ipsius rei, quæ proinde res non potest remanere, non destructa, vel non diminuta, dum actu destruitur vel diminuitur. Talis autem est potentia Vniuersalis ad prædicandum de inferiori; quæ cum sit potentia ad diuidendum intentionaliter Vniuersale, ideo hoc debet diminui, per actualem prædicationem de suo inferiori.

Q V Æ S T I O III.

*Utrum Differentia specifica sit dissimilitudo in prædicato
essentiali, præscindente ab omni hæccitate,
& respectu ad hæccitatem—?*

Videtur

Videtur quod non 1. Quia prædicatum essentialē, dummodo sit commune pluribus solo numero differentibus, quamvis non præscindat à respectu ad hæcceitatem aliquam, (quale prædicatum est v. g. Vnio dicens respectum essentialē ad solum Petrum,) est prædicatum specificum. Non enim est prædicatum genericum, cum non sit commune pluribus specie differentibus. Non etiam est prædicatum Proprii vel Accidentis, cum sit essentialē. Nec demum est individuale, cum sit commune pluribus. Vnde, relinquitur tale prædicatum esse vel speciem, vel differentiam specificam. Ergo quæ differunt in tali prædicato, differunt specie. Mala igitur est explicatio Differentiæ specificæ proposita.

2. et est confirmatio prioris. Sicut dicit Philosophus: *Species sunt sicut numeri*: Ergo sicut numeri differunt per additionem, vel subtractionem quancunq; minimam, ita & species differunt per additionem cuiuscunq; prædicati essentialis, quamvis inuoluentis formaliter in sua dissimilitudine respectum ad hæcceitatem alicuius connotati.

3. Circulus ferreus, & circulus aureus non differunt specie, ut docet Philosophus: item furtum vestis & furtum equi, ut docent Cassiæ; & tamen ista sunt dissimilia in prædicatis essentialibus, independentē ab omni hæcceitate: Ergo &c:

4. Calor intensus ut 8, non differt specie à calore ut 2; & tamen sunt ambo dissimiles, præscindendo ab omni hæcceitate, & connotatione hæcceitatis. Idem dic de quantitate bipalmari comparatā cum quantitate palmari. Idem de cognitione expressiua duorum hominum, comparatā cum cognitione expressiua vnius hominis. Ergo non benè explicatur Differentia specifica, modo dicto.

§ I. Respondetur. Hæc quæstio ab Antiquioribus non satis fuit examinata. Dicebant enim communiter, illa differre specie, quæ differunt in prædicato essentiali communi pluribus indiuiduis, iuxta vulgarem definitionem Speciei, traditam à Porphyrio. Verum hoc non potest dici sine vlla limitatione. Nam vnio, quæ datur inter corpus & animam Petri, non differt specie ab vnione, quæ datur inter corpus & animam Pauli, (aliàs Petrus & Paulus includendo in suo conceptu vniones specie diuersas, non possent non differre specie: imò ipsas animas haberent specie diuersas, utpote quæ essent principia vnionum specie diuersarum:) & tamen vnio Petri ab vnione Pauli differt in prædicato suo essentiali, nempe in hoc, *Esse assignatam essen-*

Reijciun-
tur variz
explicatio-
nes differ-
entiz spe-
cificz.

rialiter corpori & animæ Petri, quod prædicatum est commune multis Vnioni-
bus possibilibus inter corpus & animam eiusdem Petri. Idem dic de Vbica-
tione Petri in hoc loco; Duratione in hoc tempore; Productione huius ef-
fectûs, si comparentur cum alia Vbicatione Pauli in eodem loco, cum alia
Duratione in eodem tempore, cum alia Productione eiusdem effectûs. Im-
mo ipsa natura Petri habet hoc prædicatum essentiale, quod sit *Humanitas non*
identificabitur Paulo, quod ipsi est commune cum natura Ioannis &c. &c. per
quod prædicatum differt à natura Pauli; & tamen natura Petri non differt
specie à natura Pauli.

§ II. Propterea Thomistæ communiter docere solent illam esse
Differentiam specificam, quæ se tenet ex parte formæ; numericam verò quæ
se tenet ex parte materiæ, ideòq; aiunt, primam vocari formalem, secundam
verò materiam: atq; ita Hominem & Leonem differre specie, quia differ-
runt per formas, scilicet per animas; Polonum verò & Æthiopem differre
solo numero, quia differunt in accidentibus, consequentibus extensionem
materiæ.

Sed contra 1. Parua aqua & magna differunt solo numero;
& tamen non apparet, cur hæc diuersitas proueniat potius ex parte materiæ,
quàm ex parte formæ; siquidem ista sicut differunt penes plus & minus ma-
teriæ, ita etiam penes plus & minus formæ; nec est ratio cur ibi detur plus
& minus formæ propter informandû plus & minus materiæ, quàm è conuer-
so detur minus & plus materiæ ad sustentandum plus & minus formæ: tam
enim forma ad materiam, quàm materia ad formam ordinatur. Contra 2.
Duæ visiones vnus albedinis differunt solo numero; & tamen non ex parte
materiæ, si in eodem subiecto recipiantur: è contra visio quâ homo vi-
det album, & visio qua homo videt nigrum, differunt specie non minus,
quàm ipsum album & nigrum; & tamen non differunt ex parte formæ: am-
bæ enim procedunt ab anima rationali.

Quando ergo dicitur, *Materia*
esse principium indiuiduationis, hoc prouerbiû ita est intelligendum, quòd
indiuiduatio, non secundum se, sed vt discernibilis à nobis, naturaliter pro-
ueniat à materia in substantijs corporalibus, quatenus scilicet materia ratione
suz quantitatis extensa, dum in diuersis locis exponitur diuersis circumstantijs
& causis extrinsecis, accipit ab illis diuersa accidentia, ratione quorum discer-
nimus indiuidua sub vna specie corporali. Quanquam posset dici, quòd ea-
dem indiuiduatio etiam in substantijs spiritualibus proueniat mediâtè vel im-
mediâtè à materia per designationem substantiarum spiritualium ad diuersa
corpora,

Differen-
tia Nume-
rica quo-
modo su-
matur à
materia?

corpora, siue regenda, siue informanda. Cæterum vnumquodq; ens sicut per seipsum totum, est vnum seu indiuisum in se, & diuisum à quolibet alio: ita etiam per seipsum totum, est indiuiduum.

§ III. D. Bonauentura in 2. existimat illa differre specie, quæ differunt in prædicato præcipuo & nobilissimo, concluditq; Angelos non differre specie, quia non differunt in ratione Intellectiui, quod est in ipsis præcipuum. Quam explicationem sequitur etiam Car. Sfortia lib. 7. de Pœnit. c. 7. n. 81. Verum licet in vnoquoq; Differentia specifica sit prædicatum præcipuum in hoc sensu, quod velut forma metaphysica complet & determinat genus, tanquam materiam: non tamen debet esse ita præcipuum, vt semper plus perfectionis secundum se importet, quam genus. Certè enim esse sensitivum, quod est prædicatum genericum, est perfectius in brutis, quam esse rugibile, hinnibile, &c. quæ sunt prædicata differentialia specifica; ita sicut secundum S. Bonauenturam esse Intellectivum est perfectius, quam esse tale intellectivum.

Deinde sint duæ cognitiones, quarum vna indiuisibiliter feratur in DEVM & leonem, altera in DEVM & muscam; hæ cognitiones differunt specie, sicut differunt obiecta ipsarum partialia leo, & musca; & tamen ambæ conuenient in expressione DEI; quod est in ipsis prædicatum nobilissimum.

Tandem longè facilius est cognoscere, duo aliqua differre specie, quam cognoscere prædicatum nobilissimum in quo differunt; ad hoc enim requiritur cognitio comparatiua omnium prædicatorum vtriusq; extremi; vnde explicare differentiam specificam per differentiam in prædicato nobilissimo, est explicare magis notum per minus notum.

§ IV. Hinc etiam reijcitur explicatio Huradi Disp. 2. de Anima, S. 6. & 7. dicentis illa differre specie quæ sunt inæqualia in perfectione entitatiua.

Licet enim conuertibilis sit inæqualitas in perfectione cum Differentia specifica, vt mox dicetur; tamen inter quædam euidens est Differentia specifica v. g. inter colorem rubeum & viridem, de quibus tamen potest dubitari, an sint inæqualia in perfectione, ob defectum notitiæ comparatiuæ vtriusq; extremi quoad omnia prædicata. Malè autem explicatur id quod est euidens, per id quod est dubium.

§ V. Recentiores ergo communiter, Arriaga disp. 1. Animæ S. 7. Ouiedo ibidem Controu. 1. punc. 8. secuti Cardinalem de Lugo, docent illa differre specie, quæ differunt in prædicatis essentialibus iudicio prudentium notabiliter dissimilibus. Verum isti etiam non satis philosophicè rem

Differre
notabili-
ter an sit
differre
specie?

explicant. Cum enim vt sapienter ait Car: Sfortia lib. 7. de Pæniti: c. 34. Magistri scientiarum sint illi prudentes qui debent iudicare, quando, & quanta sit dissimilitudo, vt attingat ad Differentiam specificam; ipsi per suum iudicium debent id declarare, vt ita suos discipulos efficiant prudentes in ordine ad iudicandum de Differentijs specificis rerum. Deinde si in dirimenda controuersia de Differentia specifica alicuius rei standum est iudicio prudentium; quoties in disputationibus philosophicis appellandum erit ad concilium generale prudentum, aut eorum apophlegmata? Qui si adhuc secum non conueniunt, vt sæpè accidit, quis vincet disputantium? Præterea isti prudentes, quando iudicant figuram rotundam differre notabiliter ab ovali; vel habent fundamentum huius iudicii? vel non habent? si non habent; quomodo prudenter iudicant? si habent, hoc fundamentum potius est assignandum pro explicanda differentia specifica. Addo, quòd ista doctrina saltem in numeris fallit, in quibus non tantum notabilis, sed minima etiam in vnitate indiuisibili dissimilitudo, inducit Differentiam specificam.

§ VI. Dicendum potius est Differre specie propriè, & philosophicè, est duo esse dissimilia in aliquo prædicato essentiali, præscindendo ab omnibus hæceitatibus, non solum illorum quæ differunt, sed etiam causarum, circumstantiarum loci, temporis &c. ad quæ dicunt respectum illa quæ differunt. E contrà verò illa differunt solo numero, quæ in sua dissimilitudine includunt aliquam hæceitatem saltem sui connotati. Ex: grat: visio quâ Bucccephalus videt albedinem A, differt specie à visione quâ Petrus videt eandem albedinem; quia si præscindamus vtramq; visionem ab hæceitatibus ipsarum, necnon ab hæceitatibus videntium, & obiectorum visorum, adhuc remanebit in vtrâq; visione prædicatum essentiali dissimile, nempe in vna dependentia ab homine, in altera dependentia ab equo. At visio quâ Petrus videt albedinem A, & visio qua Paulus videt albedinem B. non differunt specie, quia ablatis hæceitatibus tam ex parte videntium, quàm albedinum, & visonum, remanebunt prædicata vtriusq; visionis omnino similia & indiscernibilia. Ratio huius doctrinæ est. Quia cum de qualibet specie possit dari per se definitio, & ex definitione demonstratio, & ex demonstratione scientia, primum actualis, deinde ex repetita actuali, habitualis; sequitur quòd quælibet species sit illa speciositas seu pulchritudo vniuersæ, quæ per se est contemplabilis ab intellectu humano in scientijs, & consequenter illa differunt specie, quæ differunt in prædicato essentiali, per se considerabili à sci-

entijs

entijs. Porro huiusmodi prædicatum est illud solum *Esse*, quod præscindit ab hic, & nunc, & omnibus prorsus hæceitatibus etiam connotatorum. Cuius rei ratio est: Tum quia hæceitates sub vnaquâq; specie sunt infinitæ, & consequenter impertransibiles ab intellectu finito: Tum quia sunt æquales in perfectione, ac proinde in consideratione scientifica contemptibiles: Tum quia sunt humano intellectui impenetrabiles & occultæ: vnde fit vt intellectus humanus in scientijs omnem dissimilitudinem prouenientem ex solis hæceitatibus, pro nihilo reputet, perinde ac si non esset; quâ de causâ etiam differentia individualis vocatur materialis, id est contemptibilis à scientijs; cum è contra differentia specifica, vocetur formalis, id est substans formali præcisioni intellectus. Patet igitur illa differre specie, quæ sunt dissimilia independentè ab illa hæceitate, & respectu ad hæceitatem aliquam.

§ VII. Restat adhuc inquirere: An talis dissimilitudo specifica possit haberi formaliter per prædicatum purè negativum. v. g. An sub genere Animalis possint dari duæ species, quarum vna differat ab alia per hoc, quòd præter animalitatem includat rationalitatem, cum altera sit purum animal, non includens rationalitatem.

Ad hoc quæsitum, cum Card. Sfortia lib. 3. de Fide cap: 9. respondetur negatiuè, iuxta ea, quæ innuit disp. præcedenti q. 4. § 4. Ratio est. Quia quælibet species quâ talis, & quatenus distincta ab alia specie, est appetibilis à suâ causâ, à quâ produciitur; ipsa quin etiam appetit naturaliter suum esse, per quod vltimò est, & similiter omnis species, quâ talis, est participatio Diuini esse, licet defectuosa, ostendens bonitatem, & sapientiam Causæ primæ. Ergo species quælibet secundum suam differentiam specificam, per quam constituitur in ratione talis speciei, distinctæ à quâvis alia specie, dicit aliquam bonitatem & perfectionem, ac proinde dicit aliquod esse; cum omne appetibile, præsertim appetitu innato, (qui non dirigitur errore,) & omnis participatio Diuini esse, sit formaliter perfectio.

Hinc (vt nonnihil percurram illa exempla, quæ obijci solent) etiam minor numerus habet aliquam perfectionem, quamvis mistam cum imperfectione, per quam differt à numero maiori, scilicet habet hoc, quòd magis accedat ad simplicitatem Diuinam: idemq; dicendum de vicatione minori comparatâ cum maiori. Similiter cognitio auri tantum, à cognitione auri simul & cæli differt per hanc perfectionem mistam imperfectioni, quòd non dependeat à speciebus repræsentatiuis cæli, & sic magis accedat ad Diuinam Alentiam.

Nec verum est, quòd aliqui dicunt, ab Angelis superioribus

Species non possunt differre in prædicato purè negatiuo.

superiori posse cognosci, amari, & effici, quidquid potest ab Angelo inferiori, & insuper aliquid plus. Hinc enim sequeretur non esse locum mutue communicationi bonorum propriorum inter Angelum inferiorem & superiorem: ac proinde nec esse locum connaturali societati, quæ non potest esse, ubi non potest esse permutatio bonorum ut docetur 5. Ethic.

§ VIII. Queritur adhuc: An prædictam dissimilitudinem specificam sequatur ex natura rei inæqualitas perfectionis? Negant Arriaga, Oviedo, Comptonus, in lib. de Anima, Aversa q. 11. Log. sect. 51 Pontius d. 6. Log. q. 3. & communiter R.R.

Sed oppositum probabilius docet citatus supra Hurtadus, cum Suario d. 29. m. f. 3. Vasquez tomo 2. in 1. part. Antonius Perez in 1. partem semel atq; iterum. S. verò Thomas 3. contra Gen: c. 97. dicit *hoc esse evidens speculanti naturæ verum*. Et quidem ita dicto esse, pater in gradibus omnibus entium à nobis manifestius discernibilibus, qui semper inæqualiter eleuantur supra nihilum, & inæqualiter accedunt ad summum boni perfectionem. Atq; ita supra nihilum sensim ascendunt,

primò gradus accidentium, deinde corporum inanimatorum, tum plantarum, deinde brutorum, demùm substantiarum intellectualium. Rursus in his gradibus pater, quòd suprema species inferioris gradus, parùm distet ab infima specie superioris gradus. Et ita homo, ex ordine substantiarum intellectualium infima species, parùm differt à bruto illo, quod est suprema species ex ordine animalium irrationalium; sic etiam Zoophyta ex ordine animalium sunt proxima plantis; sic materia prima, quæ est infima in ordine corporis, parùm distat à quantitate quæ est in gradu accidentis &c. &c. Idem autem dici debet de speciebus singulis contentis in quolibet gradu, comparatis inter se; licet inæqualitas aliquarum in perfectione, non sit ita à nobis discernibilis, eò quòd non habeant tantam distantiam inter se. Ex illis enim, quæ sunt nobis magis nota, iudicium ferendum de minùs notis.

Ratio à priori est: quia cùm omnis perfectio essentialiter sit recessus à nihilo, & accessus ad Deum per aliquam similitudinem ipsius, cùmq; duæ species diversimodè recedant à nihilo & accedant ad Deum; non possunt duæ species diversæ recedere diversimodè à nihilo, & diversimodè accedere ad Deum, quin inæqualiter recedant à nihilo, & inæqualiter accedant ad Deum, id est, quin inæqualiter sint perfectæ. Cuius ratio ulterior est: Tum quia implicat duo per lineam rectam recedere à termino *A quo*, & accedere diversimodè ad terminum *Ad quem*, (per qualem lineam utpote brevissimam, natura uti

operatur

Quæ differe-
ntiæ spe-
cie sunt,
inæqualia
in perfe-
ctione.

Quid sit
perfectio

operatur, ita accedit ad DEVM,) cum æquali accessu utriusq; ad terminum *Ad quem*: Tum quia non possunt dari diuersæ similitudines seu imagines vnius indiuisibilis exemplaris, (quale exemplar expressum per duas species, est Divina bonitas,) quin illæ similitudines & imagines inæqualiter exprimant suum exemplar, ideòq; magis ac minus perfectè.

§ IX. Quæri demùm possit: An differentia vltima specifica possit componi ex duobus generibus non subordinatis? Respondetur affirmatiuè, ut videtur docere Philosophus 2. poster. c. 14. Et ita actus voluntatis ieiunandi, potest vltimò constitui per dependentiam à moriuo obedientiæ. Intellectus etiam secundùm vltimam differentiam suam, componitur ex cognoscitiuo, per quod differt à voluntate, & ex spiritali, per quod differt ab imaginatiua. Idem dicendum de habitu Practicospeculatiuo. Potissimum autem id apparet in quibusdam entibus creatis, secundùm vltimam suam differentiam: mistis ex absoluto & relativo transcendentali; cò quòd talia entia ex natura sua, sint primariò instituta & propter se, & propter aliud; quo pacto componitur differentia vltima creaturæ, ex relatione ad DEVM; accidentis, ex relatione ad substantiam; materiæ, ex relatione ad formam; actûs, ex relatione ad obiectum, ut maximè videre est in cognitione cœli reflectente se supra se, quæ utiq; partialiter est ad se, & partialiter ad aliud. Neq; in hoc est vlla repugnantia, quam multo conatu ostendere laborat Smiglecus noster Disp. 10. Logi q. 8. docens operosè, nullas Relationes Transcendentales posse esse primòessentiales rebus absolutis. Sed non effaciter. Cum enim non omninò absolutum, & non omninò relativum non sint contraria: ideò componi ex istis, non est componi ex contrarijs, sicut nec analoga secundùm suam differentiam componuntur ex contrarijs, cum componuntur ex ratione nec omninò eadem, nec omninò diuersa; quod etiam omnes dicunt de crepusculo compositò ex imperfectè lucido, & imperfectè tenebroso. Rursus cum huiusmodi entia non sint completè absoluta, nec completè, seu purè relativa; dum componuntur ex relativo & absoluto, componuntur quidem ex duobus generibus non subordinatis, sed partialibus, ac vltimam totalem differentiam constituentibus; non autem componuntur ex generibus adæquatis, quòd solùm negat Philosophus. Quòd verò passim dicitur: *Absolutum esse primòrelativum*, intelligi debet, vel de absoluto, quia absolutum est ex sua ratione generita, sub qua includit etiam Relativum, qui est summe absolutus; non autem de tali in particulari absoluto: vel

Potest vltima differentia componi ex duobus generibus non subordinatis.

Aliquæ Relationes transcendentales sunt primòessentiales rebus absolutis.

Q

intelligi

intelligi debet de relationo prædicamentali. Unde Augustinus videtur hoc axioma contra Arrianos, quia agit de relationibus diuinis participantibus aliquid de relatione prædicamentali, ideoq; ibi adhibet exempla relationum prædicamentaliū, Patris, Domini. Et per hæc manet explicata differentia specifica.

Ad 1. Vnio physica quæ est in Petro, (idem dic de similibus,) nec est prædicatum indiuiduale, quia potest prædicari de multis vnionibus possibili-
bilibus inter corpus & animam Petri; nec specificum, quia non prædicatur de omnibus indiuiduis indiscernibilibus in consideratione scientifica, puta de vnione Pauli, Andreæ, &c: sed est prædicatum medium inter specificum & indiuiduale. Quia verò tale prædicatum non conducit per se ad vltimum scientiarum, eo quòd non præscindat ab omni hæcceitate; ideo Logica respiciens ad scientias, tanquam ipsarum instrumentum, tali prædicato non assignauit locum in diuisione prædicabilium.

Ad 2. Philosophus qui dicit, *Species esse sicut numeros*, dicit etiam, *Plus & minus non variant speciem*. Hoc ergò solum valet in priori effato, quòd sicut per vnitatem numeri, ita per quodvis indiuisibile prædicatum, dummodo sit considerabile per se à scientijs, varienter species.

Ad 3. Quæ differunt specie simpliciter, & in consideratione Philosophica, attendente præcisè in rebus ad prædicatum per se considerabile in scientijs, hocq; vocante speciositatem; possunt nihilominus non differre specie secundum quid, & in consideratione alicuius particularis scientiæ, vni-
cè attendentis ad aliquem finem suum particularem, illudq; solum prædicatum vocantis speciositatem, quod proximè conducit ad talem finem particularem. Et ita circulus ferreus, & aureus, in consideratione mathematica attendente ad solam figuram, non differunt specie. Et similiter duo surta graui-
a diuersarum rerum non differunt specie in consideratione morali, solum attendente ad læsionem iuris alieni. Differunt tamen huiusmodi specie simpliciter & philosophicè, de qua differentia hic agitur.

Ad 4. Negatur Antecedens quoad secundam partem. In obiectis enim exemplis tota dissimilitudo vnius ab alio consistit, quòd vnum importet conjunctionem physicam vel metaphysicam cum plurius hæcceitatibus, aut respectum ad plures hæcceitates. V. g. intantum calor vt 8, est dissimilis calori vt 2, (suppono gradus intensiōis esse homogeneos,) quia calor vt 8 supra duos gradus caloris, includit 6 alios, solis hæcceitibus differ-
entia

rentes: similiter cognitio de duobus hominibus, à cognitione de vno homine, per hoc solum differt, quia prior dicit ordinem ad duas hæcceitates, secunda ad vnã. Et sic adhuc huiusmodi in sua differentia numerica non præscindunt ab omni hæcceitate.

Q V Æ S T I O I V.

Utrum detur Distinctio realis Modalis?

Videtur quod non 1. quia Ens vt sic adæquatè diuiditur in reale, & rationis, nec datur inter hæc medium: Ergo & Distinctio vt sic, quæ sequitur rationem entis, tanquam proprietatem, adæquatè diuiditur in Distinctionem realem, & rationis, nec datur Distinctio media, qualis esset ista modalis.

2. Non dantur Modi: Ergò nec Distinctio modalis, quæ intercedit inter rem & modum rei. Probatur Antecedens: quia cum *Vnumquodque sit propter suam operationem*, ut dicitur 1. cæli; non potest dari aliquid non operativum; modus autem non est principium vllius operationis; alioquin esset indifferens ad operandum, indigeretq; ulteriori determinatione, & sic non esset vltima determinatio rei indifferentis, quæ tamen est definitio modi.

3. Si darentur entitates modales Vnionis, Actionis &c. distinctæ à parte rei, ab extremis, sequeretur, quòd materia non immediatè vniretur formæ, adeoq; semper per accidens vniretur; similiterq; nullum daretur Agens immediatè productivum effectûs; semper enim medieret modalitas ibi Vnionis, hic Actionis. Sequela autem est absurda, & contra Philosophum.

4. Modi inuenti sunt ad tollendam indifferentiam Extremorum v-
nibilium, vt vniantur; Agentis vt agat; Corporis, vt sit in hoc loco &c. Ad
hoc autē non sunt necessarij; quia causa v. g. saltem necessaria, positis omni-
bus requisitis ad causandum suum effectum, non est amplius indifferens vt
causet vel non causet ipsum, & per hoc distinguitur a causā liberā. Et quam-
vis possit etiam causa necessaria de potentia absoluta impediri a productione
sui effectus, v. g. ignis a productione caloris; tamen supposito Decreto Dei
volente vt producat suum effectum hic & nunc, (quod Decretum est inter
requisita ad causandum ex parte actus primi,) eo ipso causa producit inin-
pedibiliter

pedibiliter, & quidem hunc determinatè effectum; Ergo indifferentia causæ ad causandum, saltem necessariæ, sufficienter tollitur per omnia requisita ex parte actûs primi, inter quæ est Decretum Dei, sine vlla modalitate tenente se ex parte actûs secundi. Eadem autem est proportionaliter ratio de alijs rebus indifferentibus creatis.

5. Admissis modis, restringitur Dominium Dei & Omnipotentia. Si enim Actio v. g. illuminatio est modus essentialiter affixus huic soli illuminanti simul cum Deo, tanquam cum causa prima, necnon huic luci, quæ producitur, & v. est passio, etiam huic actûi, in quo lux producitur; non poterit Deus per hanc illuminationem solus sine sole illuminare, nec poterit per hanc illuminationem, aliam numero lucem producere, vel in alio subiecto. Hæc autem repugnant dominio & potentia Dei. cui omnis creatura debet esse subiecta, ut illa vi possit ad producendum quidquid voluerit, & ubi voluerit, siue per se solum, siue cum causa secunda; præsertim cum Deus vs utpote virtutis infinitæ, totum id possit facere se solo, quod potest cum causa secunda. Repugnant igitur entitates modales tanquam perfectio dominio Dei, & omnipotentia eius repugnantes.

6. Relatio Prædicamentalis v. g. Paternitas, non est modaliter distincta à fundamento & termino: Ergo nec Vnio à materia & forma, nec Actio ab agente & effectu &c. Sicut enim eadem substantia secundum se indifferens, ut denominetur Pater, posito aliquo connotato extrinseco, puta termino, nempe filio, denominatur Pater sine modalitate, quæ sit Paternitas; ita materia & forma secundum se indifferentes ut uniantur actu, posito aliquo extrinseco connotato, ultimo determinante ad esse uniri, possunt dici vnita, sine modalitate, quæ sit vnio, & sic de alijs.

§ h. Respondetur. Modus latissimè sumptus ex Augustino est *Quem mensura præfigit*, significatq; limitationem ac determinationem propriam entis finiti, prædicabilem etiam de accidentibus absolutis, v. g. de albedine, calore &c. quæ quatenus limitant ac determinant substantiam, dicuntur modi ipsius inlationis significatione. Iam tamen usus in scholis obtinuit, ut nomen modi attribueretur cuidam entitatiq; substantiali, siue accidentali, habenti quidem propriam ac peculiarem suam essentiam ac existentiam, sed essentialiter respectivam, & affixam alteri enti, à quo separari nequeat etiam diuinitas ad permanentiam. Solet verò sic definiti: *Estultima determinatio physica, actualis, rei indifferentis*. Ex eo, quòd sit *physica determinatio*, debet esse

entitas

Quid sit
modus?

entitas, prout ens opponitur nihilo, & chimeræ. Et cū à parte rei possit abesse & adesse rei, quam physice determinat, debet habere propriam essentiam ac existentiam, non identificatam realiter rei indifferenti, aliàs non posset aduenire nemine cogitante rei indifferenti, nec hâc remanente perire: nihil enim à parte rei aduenit sibi ipsi, aut perit seipso manente. Ex eo vero quòd sit *Vltima determinatio*, debet per suam essentiam immediatè determinare ad id, ad quod determinat, non verò per aliam superadditam sibi, in eodem genere determinationis determinationem; aliàs non esset vltima determinatio, & procederetur in infinitum in determinationibus. Tandem ex eo quòd sit *actualis determinatio*, (intellige ex suppositione quod existat,) debet modus essentialiter esse alligatus his numero rebus indifferentibus, quarum est modus; ita ut neq; de potentia absoluta possit existere illis, vel illarum aliquâ re non existentibus, licet ipsæ res indifferentes hæ numero possint existere, non existente hoc numero modo: alioquin modus esset determinatio tantum in potentia rei indifferentis.

§ II. Sic explicata Entitas modalis fundat Distinctionem modalem, quæ intercedit inter rem indifferentem & modum ipsius.

Hæc autem Distinctio non est minor in ratione Distinctionis quàm sit realis absoluta, quin est plerumq; maior, sicut magis distant in perfectione res & modus eius, vtpote solum in ratione entis convenientes, quàm distent duæ res absolute, v. g. PETRVS & PAVLVS, convenientes in proximo genere, inter quos tamen datur Distinctio realis absoluta. Dicitur tamen Distinctio modalis esse minor, quàm realis absoluta, ob negationem mutue separabilitatis extremorū ad permanentiam, quæ mutua separabilitas coniungitur cum Distinctione reali absoluta, non autem cum modali.

Eadem verò separabilitas non mutua ad permanentiam extremorum, cū sit nobis notior, statuitur communiter signum Distinctionis modalis, dummodò non oriatur titulo inadæquatæ identitatis inter extrema, (qualis separatio non mutua est inter partem & totum;) aut titulo immanentis vel æternitatis vnius extremi, (quâ de causâ creatura est inseparabilis non mutuo à Deo;) sed oriatur titulo determinationis actualis rei indifferentis.

Hinc communiter docetur unam modalitatem ab alâ, v. g. Ubicationem meam ab Actione mea, non modaliter, sed realiter simpliciter distingui; sunt enim mutuo ad permanentiam à seipsis separabiles: cū possim exercere alibi hanc actionem, quam hic exerceo; & possum esse hic non exercendo hanc actionem.

Distinctio modalis vbi datur, & an sit minor reali absoluta?

Quod signum ipsi?

Modus à Modo quo modo distinguitur

Q;

§ III. His

Probatur
in Vnione
dati enti-
tas moda-
lis intrin-
seca in de-
nominati-
one vniti.

§ III. His ita constitutis, dati Modos sic explicatos, ac Distinctionem modalem, docent iam omnes communiter Societatis nostræ in Hispania, Italia, Germania Vniuersitates, duce Suario d. 13. & 16. met: Probatur verò hoc imprimis efficaciter in Vnione essentiali materiæ & formæ, & proportionaliter in Vnione continuatiua partium continui, hoc modo. Impossibile est in creatis, vt id, quod est à parte rei indifferens ad aliquid, identificetur realiter cum vltima essentiali determinatione actuali ad idem. Patet enim indifferentiam, & vltimam actualem determinationem ad idem, esse contradictoria realia saltem argutiuè, ac proinde non posse conuenire eidem realiter, saltem sine reali in tertio distinctione, quæ in creatis locum non habet, vt supra habitum est. Quidquid sit an in Diuinis, beneficio distinctionis realis in tertio, possit eadem Essentia Dei esse indifferens ad aliquid volendum determinatè extra se, & simul per seipsam realiter esse vltima determinatio ad idem volendum, eò quòd ab hac vltima determinatione distinguatur realiter in tertio, id est in opposita determinatione possibili. Constat autem materiam & formam non solùm secundùm se spectatas, sed etiam secundùm omnes dispositiones & condiciones intimæ præsentis, còexistentis &c, esse indifferentes vltimò, vt se sibi intrinsecè communicent actu, in ordine ad constituendum totum essentiali physicum. Nam saltem de potentia Dei absoluta potest impediri talis actualis communicatio. Quæ enim in hoc implicantia? Et contra verò Vnio actualis essentialis physica, est vltima actualis determinatio ad hoc, vt materia & forma se sibi intrinsecè actu communicent inimpedibiliter, ad constituendum compositum physicum; est enim ipsa formalis communicatio actualis intrinseca extremorum. Ergò constat non posse à parte rei identificari vnionem actualem essentiali physicam cum materiâ & formâ, etiam sumptis cum omnibus dispositionibus, & requisitis, sed potius distingui à materiâ & formâ sic sumptis, tanquam vltimam actualem determinationem rerum indifferentium, ac proinde inseparabilem ad permanentiam ab ipsis, separabilibus ab vnione actuali, id est distingui realiter modaliter, iuxta notionem Distinctionis Modalis præmissam.

§ IV. Huic argumento, tum in hac, tum in alijs materijs similibus, solent respondere Nominales: Materiam & formam non esse indifferentes ad denominationem vniti physice, si sumantur quatenus exercent rationem actûs & potentis, seu quatenus sumuntur non inesse sibi, & in se, sed in esse alteri, seu quatenus vnum recipit actu, alterum informat, sicq; alios
& alios

& alios modos loquendi multiplicant. Sed contra. Quia *To Exercere rationem actus & potentia*, *To Recipere actu formam & informare materiam*, & similia, significant re ipsa determinationem ultimam actualem ad esse uniti; siquidem posito significato harum vocum, eo ipso materia formaliter unitur actu formae, & forma matriæ; Ergo cum dicitur materiam & formam non esse indifferentes à parte rei ad esse uniti, quatenus exercent rationem actus & potentia &c: re ipsa dicitur non esse indifferentes, quatenus habent ultimam determinationem actualem ad esse uniti; perinde ac si quis contendenti Substantiam esse indifferentem ad esse albi, ideoq; albedinem distingui realiter à substantia; responderet, non esse indifferentem, quatenus est segregatus visus, ac proinde albedinem à substantia non distingui realiter. Hoc autem est petitio principij. Redi enim argumentum contra hoc ipsum, quod datur pro solutione.

Deinde istæ novæ voces, quæ à Nominalibus adduntur matriæ & formæ dispositus & sufficienter applicatis, vel significant obiectum ratione nostrâ? vel obiectum à parte rei, à materia & formâ sic sumptis, distinctum? Si primum. Ergo cum materia & formæ etiam cum dispositionibus & requisitis, sint indifferentes à parte rei ad obiectum harum vocum, erunt utiq; à parte rei indifferentes ad id, quod est ab ipsis ratione nostrâ distinctum, id est, ad seipsas, realiter loquendo. Si secundum; habeo intentum; hoc enim est ultima determinatio actualis ad esse unitum.

§. V. Propterea Quidam in hac provincia Polona R. R. secuti P. Laurentium Piskalski, admittunt in Unione matriæ cum forma; & proportionaliter in Unione Hypostatica Verbi cum natura humana, Entitatem modalem determinativam ad esse uniti, non tamen tanquam aliquid intrinsecum in denominatione Uniti, sed tanquam accidentale extrinsecum connotatum & conditionem sine qua non, vel dispositionem præviā. Verum hoc ex dicendis infra de intrinseco constitutivo sic impugnatur. Positis omnibus simul sumptis constitutivis intrinsecis uniti, etiam si cætera desint, ponitur eo ipso necessario unitum, quod adequatè identificatur omnibus & solis intrinsecis suis constitutivis; alioquin idem si e seipso poneretur, quod univ ersaliter repugnat. At positis materiâ, formâ, & omnibus alijs simul sumptis, præter entitatem modalem determinativam ultimò ad esse uniti, non ponitur hoc ipso necessario unitum. Ergo materia, forma, & omnia alia simul sumpta, præter entitatem modalem determinativam ultimò ad esse uniti, non sunt omnia intrinseca simul sumpta constitutiva uniti, sed potius inter hæc, ponenda:

ponenda est etiam ista entitas modalis. Maior meo iudicio est evidenter probata. Minor est istorum Authorum, cum quibus agimus. Consequentia est in Canestres.

Deinde sic argumentor. Per te Vnitum nihil aliud est intrinsecè, nisi materia & forma secundum se: dum ergo dicis præquiri entitatem modalem determinativam materiæ & formæ ad hoc, ut sit vnitum; sensus erit præquiri entitatem modalem determinativam ad hoc, ut sit materia & forma secundum se, quod est falsum. Vel saltem sensus erit, præquiri illam modalitatem, ut materia & forma existant in circumstantia eiusdè modalitatis: Vnde siquidem ista modalitas non præquiretur ad materiam & formam secundum se præcisè, sed ad aliquid plùs, quod plùs est ipsa entitas modalis; præquiretur utiq; ad seipsam partialiter, eritq; connotatum extrinsecum suipsius, quod est absurdum. Dicendum ergo potius est: istam entitatem modalem, esse rationem formalem nulli, ac proinde in composito substantiali esse substantialem: nullum enim accidens potest constituere intrinsecè vnum per se.

§ VI. De Actione eodem proportionaliter modo discurrendum est respectu Agentis & Effectus, nisi quod hæc modalitas sit accidentalis, utriusque extremo superaddita, (quando necessaria est ad tollendam indifferentiam,) utpote cum sit extra essentiam utriusq; extremi. Nèpè potest in multis, saltem de potentia absoluta acciderè, ut existat hoc numero Agens, v. g. hic Sol, & hic numero Effectus v. g. Lux, cum debita applicatione ac dispositionibus passivis, & alijs requisitis ex parte actûs primi; & tamen hic effectus non eo ipso formaliter producat ab hoc agente, immo producat ab alio, puta à Deo solo, vel ab alia Causa secunda ad hoc elevata; nec producat tali modo, sed alio, puta non educatur de potentia subiecti, sed creatur: Ergo ad tollendam hanc indifferentiam Agentis & Effectus, plerumq; opus est modalitate accidentali, essentialiter alligata utriq; extremis, & determinativa ultimò huius agentis, ut producat, ac huius effectus, ut producat, seu dependeat ab hoc agente, utq; tali modo dependeat: & quidem opus est, non tanquam connotato extrinsecò, sed tanquam ratione formali, à qua sumatur formaliter denominatio Producentis & Producti, sicut de modalitate determinativa ultimò ad Vnitum, dicebamus.

Probabile tamen est, quod actus vitales intelligendi, volendi &c. per seipsos essentialiter dependent ab hoc numero agente, illiq; videntur, ita ut ab alio dependere, aut alteri uniri, nec divineri possint, ac pònde sint actio & vno sui, fruib; &c.

minus

Datur etiam in Actione.

minus actionis & vnionis, vt in lib: de Anima probatum est.

§ VII. Eadem omnino est ratio de Vbicatione rei create permanente, ob similem indifferentiam Locati ad Locum extrinsecum. Potest enim dari Petrus, & hic Locus extrinsecus; & tamen non dari à parte rei Præsentia Petri in hoc loco, seu non dari à parte rei Petrus & hic locus simul, potestq; Petrus non esse approximatus & coniunctus huic loco, seu non connotare à parte rei hunc locum, seu non indistare ab hoc loco, & si qui adhuc sunt alij modi loquendi, ad quos recurratur pro solutione: è contra verò nec diuinius potest dari Præsentia actualis Petri in hoc loco, seu correspondentia, seu connotatio huius loci, seu simultas Petri & huius loci extrinseci, seu indistantia, seu approximatio &c, sine Petro & hoc loco extrinseco; ne procedatur in infinitum in determinatiuis. Ergo Præsentia Petri actualis in hoc loco, seu correspondentia, seu simultas, seu connotatio huius loci, &c, &c. dicit aliquid superadditum à parte rei Petro & huic loco extrinseco, tanquam vltimam determinationem rei indifferentis: alioquin Petrus & hic locus essent indifferentes à parte rei ad aliquid secum identificatum, simulq; identificarentur cum opposito sibi prædicato, nempe cum vltimo determinatiuo ad id, ad quod essent indifferentes, sine vlla distinctione reali ipsorum à tali determinatiuo; quod vtrumq; implicat.

Neq; dicas Vbicationem esse quid superadditum à parte rei Petro, & Loco, sed purè negatiuum, quod vocari solet Indistantia ab hoc loco, seu Non esse alibi, seu Non intercipi corpus vllum inter Petrum & hunc locum. Nam præterquam, quòd huiusmodi entia purè negatiua reieciimus disp. 2. ; contra est. Quia negatio distantie, negatio essendi alibi, negatio intercepti corporis inter Petrum & hunc locum, vtiq; non negat aliquid negatiuum, aliàs esset negatio negationis; sed potius negat aliquid positivum. Ergo ista Distantia, istud Esse alibi, istud Intercipi corpus inter Petrum & hunc locum, sunt termini positivi, qui negantur per supra dictas negationes. Atqui isti termini significant Præsentiam aliquam in loco; Distare enim est esse præsentem in loco remoto, Esse alibi, est habere præsentiam in alio loco, Interceptio corporis inter Petrum & hunc locum est præsentia corporis in loco intermedio. Ergo Præsentia localis est aliquid positivum.

Neq; rursus dicas: Præsentiam in hoc loco, includere aliquid plus, solùm tanquam extrinsecum connotatum, quàm Petrum & hunc locum. Contra enim: Ergo ablato illo extrinseco per possibile vel impossibile, & manente solo Petro, & hoc loco extrinseco, manebunt

omnia intrinseca constitutiva Præsentia localis, seu similitatis Petri in hoc loco &c. Ergo manebit ipsa præsentia, seu illa similitas, utpote ad quare identificata cum solis omnibus intrinsecis suis constitutivis remanentibus; quod tamen est falsum. Contra 2. Quia hinc sequeretur, quod illud extrinsecum, prærequeretur vel ad Petrum & ad hunc locum præcise, vel partialiter ad se ipsum ut in simili nuper dicebatur.

Hinc etiam illud quod quidam dicunt: Posito motu locali tanquam conditione extrinseca prævia, Petrum esse formaliter in hoc loco per se ipsum permanentem; similiter non satisfacit, iuxta modum dicta. Et adhuc contra est: quia transacto motu, potest in primo instanti Petrus, de potentia absoluta, non esse in loco, qui est terminus: Ad quem illius motus, sed poni alibi, etiam sine motu. Si verò dicatur requiri propterea Decretum, quo Deus nolit hoc pati miraculum. Quæro quid non vult tale Decretum? nisi dicatur, nolle tunc Deum, dare Petro præsentiam in alio loco; de qua præsentia, ecce iterum redit tota questio, quid sit? Addo tamen motum localem esse Ubicationem fluentem, sed permanentem dico esse terminum huius motus.

Item in
Duratione

§. VIII. Idem planè dicendum de Duratione rei creatæ permanentis. Nam etiam potest dari à parte rei secundum se entitas Petri, & potest etiam dari à parte rei secundum se hoc tempus extrinsecum hodiernum; & tamen Petrus à parte rei non eo ipso formaliter durare actu hodie, seu non còexistere tempori hodierno, seu non esse in circumstantia temporis hodierni, seu non connotare tempus hodiernum de præsentia, seu non esse de præsentia simul utraq; hæc entitas &c. &c. Ergo istæ voces superadditæ rei creatæ secundum se, & Tempori extrinseco secundum se, significant aliquid obiectum à parte rei distinctum ab his extremis, quod indifferentiam ipsorum ultimo formaliter determinet ad còexistendum sibi ipsis, quomodocunq; appelleretur; & quidem significant aliquid positivum, ac intrinsecum in denominatione Durantis; sicut de Ubicatione dicebatur.

Et in termino
Continui ac naturæ
substantialis.

§. IX. Tandem eodem modo philosophandum de Terminis Continui indivisibilibus, immo etiam probabiliter de Terminis substantiali naturæ creatæ substantialis; quæ universaliter vocatur Subsistentia, in Subsistentia verò completis vocatur Supposititas, & in rationalibus, etiam Personalitas. Si tamen Subsistentia non est potius res, quàm modus. Certè non est aliquid purè negativum, naturæ à parte rei superadditum: Tum quia Subsistentia significat aliquam perfectionem naturæ, ideoq; aliquid positivum:

Tum

Tum quia alioquin Homo v. g. in esse Personæ, esset aliquid per accidens, sicut aer est ens per accidens in ratione tenebrosi. Quod idem dicendum de Terminis continui, utpote sensibilibus in continuo. Porro Distinctio realis modalis horum terminorum à sua re terminata, colligitur etiam ex separabilitate extremorum reali non mutua, quæ separabilitas ratione naturali innotescit de Terminis continui; per fidem verò ex mysterio Incarnationis de Terminis substantiali naturæ creatæ, quo caret humanitas assumpta à Verbo: vnde proportionaliter argumentamur ad terminos substantiales aliarum naturarum creatarum.

§ X. Ultra hæc genera modorum, alia non agnoscimus, sed ad aliquod ex his omnes modalitates putamus reducendas esse. V. g. figuram ad terminos quantitatis; situm ad eosdem terminos, vel ad vocationem; motum ad actionem eductivam.

Quid sit figura? situs? motus?

Passio etiam est modalitas identificata cum actione eductiva, determinans indissolubiler & Causam ut producat formam, & Subiectum, ut eandem formam sustentet: sicut amor Dei, & hominem denominat amantem, & Deum amatum. Et ratio est; quia actio eductiva per hoc differt à creativa, quòd prior per seipsam sit dependetia effectus à subiecto. Quare Actio eductiva per seipsam recipitur ut quò in passio, & huius multiplicitem sequitur: causam autem efficientem extrinsecè denominat producentem in actu secundo.

Passio?

Vnio tamen distinguitur realiter à Passione: Tum quia hæc semper est accidens; Vnio sæpe est substantialis: Tum quia, ut mox dicam, Actio est successiva; Vnio permanens; aliàs singulis instantibus totum compositum variaretur essentialiter variatà vnione. Probabile verò est quod docet Cardinalis de Lugo, & Arriaga, Durationem rei creatæ permanentis, identificari cum actione eius cõservativa, quando hæc distinguitur à re permanente. Cum enim creatura singulis momentis accipiat à Deo suam existentiam, tanquam donum novum, non novitate doni, quod semper est idem in permanentibus; probabile est quòd accipiat novum novitate donationis eiusdem existentie post primum instans ipsius, quando hæc actio distinguitur ab existentia rei. Oportet ergo talè cõservativam creaturæ permanentis actionem, quæ formaliter est datio existentie creatæ post primum instans ipsius, esse pro singulis instantibus novam, seu aliam & aliam, ac inde essentialiter successivam, & affixam tempori. Ergò non multiplicando etiam, poterit commodè cum tali actione identificari Duratio rei creatæ permanentis essentialiter successiva. Atq; ex his patet dativitates modales, & vbi nam dentur.

Vnio distinguitur à Passione

nontamen Duratio ab actione cõservativa rei,

R₂

Ad 1. Sicut

Ad 1. Sicut Ens reale primò diuiditur in reale & rationis, deinde ens reale subdiuiditur in absolutum & modale, actuale, & possibile; ita pariter & Distinctio. Vnde potius argumentum retorquetur, Quo pacto autem Distinctio modalis sit media inter realem absolutam, & inter distinctionem rationis, dictum est in corpore.

Ad 2. Posset imprimis dici Modos in abstracto non esse operarios, sed tantum in concreto, puta non Vnionem, Actionem &c, sed Vnitum, Agens; atq; illud axioma, *Vnumquodq; est propter suam operationem*, verificari de absolutis entibus, quæ sunt propter se, non autem de modalibus; quæ sunt propter aliud, cui affiguntur, ita sunt propter operationem alterius; & ideo adhuc non sunt frustra. Deinde etiam Modus in abstracto, v. g. vnio, producit suam vlicationem; potest enim vltima determinatio in vno genere, esse indifferens ad aliquid in alio genere. Tandem non repugnat principium operationis per seipsum essentialiter determinatum ad illam operationem, sicut Pater æternus est determinatus ad generationem Filii. Nulla igitur ex parte probatur inrentum in hoc argumento.

Ad 3. Materia vinitur immediatè formæ, immedatione excludente mediationem partis componentis, vt contra Antiquos docet Philosophus 8. met: c. vltimo; non autem immedatione compositionis. Sic etiam causa aliquando dicitur producere immediatè effectum, immedatione causæ, non Causalitatis habentis se vt Quo. Vnio ergò inter materiam & formam non mediat vt pars, quia non est extremum componens, sed est ipsa compositio extremorum. Est tamen vnio intrinsecum constitutivum compositi; quia hoc latius pater, quàm pars. Nam in toto Hypostatico Persona Verbi, habet se vt constitutivum intrinsecum, non tamen vt pars; quia hæc significat incompletionem & imperfectionem, à qua præscindit constitutivum intrinsecum ex suo conceptu.

Ad 4. Causa necessaria positis omnibus requisitis, ita necessariò connaturaliter producit suum effectum determinatum in specie, (per quod differt à causa libera;) vt tamen possit impediri à Deo miraculosè à productione; & rursus ita, vt sit indifferens ad hunc numero effectum producendum ex infinitis possibilibus sub eadem specie, quos non discernit vtpote omninò similes & æquales in perfectione. Ergò productio effectus in specie, & multò magis productio huius numero effectus, distinguitur realiter à causâ etiam necessaria, sumptâ cum omnibus requisitis ex parte actûs primi, saltem præscindendo

scindendo à Decreto Dei; siquidem nihil est indifferens etiam de potentia absoluta ad seipsum.

Iam vero posito Decreto Dei, volente ut hæc Causa hinc & nunc producat hunc numero effectum; tollitur indifferentia causæ solūm efficienter, & mediātē, quatenus voluntas hæc Divina infustrabilis efficit necessariō productionem huius numero effectūs, procedentem ab hac causā; per quam productionem tollitur formaliter & immediātē indifferentia causæ. Sic etiam posita voluntate Dei, ut paries sit albus, paries sit necessariō albus; per talem voluntatem efficienter, formaliter autem per albedinem, quæ sequitur necessariō ad talem voluntatem. Ratio huius est: quia cū Deus dicit: *Volo ut sol producat lucem*; vult aliquid aliud directē, quā cū dicit: *Volo existere solem & lucem cum omnibus requisitis ex parte actūs primi*: nam secunda voluntas est sepeparabilis à prima, licet eodem modo tendat in obiectum: Decreta autem Dei separabilia adinuicē cum habent eundem modum tendendi, debent habere diuersa obiecta. Ergo prima voluntas vult plus directē, quā solē & lucem cum requisitis ex parte actūs primi: hoc autem plus est productio lucis à sole. Idem dic de Diuino Decreto nolente in tali casu patrare miracula; hoc enim Decretum non vult impedire dependentiam lucis à sole, differtq; ab illo Decreto, quo Deus mollet impedire existentiam solis & lucis cum omnibus requisitis; idēq; prius Decretum non vult impedire aliquid plus, quā secundum, quod plus est ipsa dependentia lucis à sole.

Ad 5. Non est contra dominium Dei & Omnipotentiam, non posse uti creaturā ad vsus dominij chimæricos, v. g. nigredine ad faciendum formaliter album. Talis vero vsus esset, si Deus vltima determinatione actus alij huius numero agentis, & huius effectūs, ac passi, vteretur ad determinandum aliud agens, alium effectum, & aliud passum: hoc ipso enim & esset vltima determinatio, & non esset. Quare solūm æquualenter Deus hoc potest facere, quatenus loco istius v. g. illuminationis per quam sol producit hanc lucē in hoc aëre, potest ponere aliam similem illuminationē, per quam solus Deus producat aliam lucem in alio simili subiecto. Rursus potest quidem facere Deus id solus, quod potest cum causā secunda; sed non potest solus id præstare formaliter per ipsam cōoperationem causæ secundæ, qualis est productio lucis, quæ fit à sole cum Deo. Potest tamen Deus solus etiam id facere radicaliter, quatenus per seipsum potest producere virtutem illumi-

Quomodo
Decretum
Dei tollat
indifferen-
tiam cau-
sarum se-
cundariarū

Deus quā-
do & quo-
modo po-
test facere
solus quod
potest cum
causa se-
cunda

natuam.

R.

Ad 6. Negat

Relatio
Prædica-
mentalís
non est
modus.

Ad 6. Negat Antecedens Card: Sfortia q. 11. de Incarnat: & P.
Sylu: Maurus q. 54. Log. Sed melius concessio Antecedente, negatur con-
sequentia. Probatio eius falsum supponit, quod terminus in Relatione Præ-
dicamentali sit connotatum extrinsecum, cum potius sit intrinsecum con-
stitutivum; sicut & ultimum determinativum adesse uniti, est intrinsecum
constitutivum Uniti. Hoc tamen, quia est ultimum determinativum actuale
rei indifferentis, est modalitas; secus autem terminus Relationis Prædica-
mentalís, qui non est ultimum actuale determinativum sui fundamenti.
Sed hoc melius declarabitur disp. sequenti quæstione 2. Nunc ad explicanda
duo reliqua Entis attributa redeamus.

Q V Æ S T I O V.

*Verum convenienter explicentur reliqua duo Entis
Attributa Verum & Bonum.?*

Videtur 1. non convenienter explicari Verum per ordinem ad co-
gnitionem veram, seu conformem obiecto: quia veritas cogniti-
onis pendet à veritate obiecti; idcirco enim aliqua cognitio est vera,
quia eius obiectum est verum. Ergo prius est rem esse veram, quam con-
notare cognitionem veram; ideoq; male explicatur res vera per talem con-
notationem. Immo quia ipsa cognitio vera explicatur rursus per ordinem
ad obiectum verum; committitur circulus vitiosus in tali explicatione.

2. Sic videtur Augustinus 2. soliloq: *Verum est id quod est, non autem
id quod videtur.* Et ratio est, quia etiam si nullus esset intellectus possibilis,
cui videatur lapis esse, aut lapis esse lapis; adhuc lapis esset verus lapis. Er-
go verum dicitur tale, independenter ab intellectu iudicante de rebus. Po-
tius ergo definiendum est cum Aureolo Verum, est id quod non est ens apparens
seu falsum, puta aurum est id, quod non est aurichalcum.

3. Videtur etiam non convenienter explicari Bonum per ordinem
ad appetitum. Legitima enim est ista causalis: *Idcirco voluntas potest amare
hoc obiectum, quia est bonum*; hæc autem alia: *Idcirco voluntas potest amare hoc ob-
iectum, quia est amabile*, est nugatoria. Ergo Bonum non constituitur formaliter
& definitivè per hoc, quod sit amabile, sed potius per hoc quod sit *id cui nihil
desit ad sui complementum*, ut inter alios docet Comptonus.

§ I. Respondetur

§ I. Respondetur. Post explicationem Vnius, eiq; oppositæ Distinctionis, supersunt explicanda duo reliqua Attributa Entis, Verum & Bonum. Et quavis constet ex dictis Disp. 1. q. 1. convenientem esse definitionem Veri, quod sit, *Id quod est cognoscibile sicut est* : & similiter Boni, quod sit, *Id quod est appetibile*. (quam utraq; definitionem tradit D. Thom. tum alibi, tum 1. p. q. 16. art. 1. & 4. & secundam definitionem tradit etiam Philosophus in principio Ethicorum :) nihilominus tamen ut melius adhuc explicetur ratio Veri & Boni, quæ propria est huius loci, utq; Principia de Verō & Bono tradantur; instituenda est hic comparatio Veri cum Bono; ultra illam, quæ præmissa est supra loco citato, simulq; explicanda sunt breuiter opposita Verō, & Bono, nempe Falsum & Malum. Quia verò omnis comparatio habetur per convenientiam & differentiam extremorum, quæ comparantur; videndum est, in quo Verum & Bonum conueniant inter se, & in quo differant.

§ II. Conueniunt ergo primò comparando illa cum ente, cuius sunt Attributa, quæ tam Verum quàm Bonum conuertitur cum ente. Nam quidquid est, est cognoscibile sicut est, & similiter est appetibile appetitu vel innato, vel elicitò; vel à suis causis. (à quibus utq; ex amore produciuntur;) vel à suis effectibus, & proprietatibus, exigentibus suam radicem, suamq; causam; vel saltem à seipso, cum quodlibet pugnet pro suo esse, resistatq; ut potest suis contrariis, quod est signum amoris erga se. Quodlibet igitur ens est Verum & Bonum.

Quod verò è conuerso quodlibet Verum & Bonum sit ens, patet: quia Verum & Bonum ut talia, sunt vel ipsa prima Veritas & Bonitas DEI, vel participatio ipsius: dicit enim D. Thom. 1. con. Gen. c. 80. & p. 1. q. 14. ar. 9. ad 2. Cum DEVS sit ipsum esse, tantum unumquodq; est, in quantum participat de DEI similitudine, sicut unumquodq; tantum est calidum, in quantum participat calorem: & 1. con. Gen. c. 84: Secundum hoc aliquid repugnat rationi entis, in quantum in eo non potest seruari similitudo primi esse. Cum igitur in Verō & Bono, seruetur similitudo primi esse, oportet Verum & Bonum esse ens. Et quamvis dicat Dion. 5. de Diuin. nom. Bonum extendi etiam ad non existentia, quod idem de Verō dici potest: quia tamen iuxta dicta superius Disp. 2. ipsum Non esse, dicitur tale per denominationē extrinsecam ab aliquo ente impossibili cum re negata, quod est Verum & Bonum; idē non est mirum, quod in sensu reali Bonum & Verum extendantur etiam ad non existentia, non tamen in sensu formali.

Verum &
Bonum
conuer-
tuntur
cum Ente.

Ex hac verò
conuersio

Tantum
res habet
de verita-
te & boni-
tate, quan-
tum de
esse.

conuertibilitate Entis cum Verō & Bono, sequitur etiam illud principium D. Thomæ 1. con. Gen. c. 71: *Vnumquodq; quantum habet de esse, tantum habet de cognoscibilitate.* Sequitur & illud quod ex Philosopho tradit 1. p. q. 2. art. 3. *Quæ sunt maxime vera sunt maxime entia.* Sequitur tandem illud, quod idem S. Doctor docet tum alibi, tum 1. con. Gen. c. 43. quod *tantum aliquid perfectius & melius sit quantum minus habet permixtum potentie*: cum enim in potentia misceatur esse subiecti quod est in potentia, cum non esse formæ, ad quam est potentia; sequitur, quod potentia sit radix esse imperfecti: vnde vterius infert S. Doctor, DEVM esse summè perfectum & infinire bonum, quia in eo non datur vlla potentia.

Quomodo
verum re-
spiciat in-
tellectum,
& Bonum
appetitū?

§ III. Rursus comparando Verum & Bonum cum potentijs quarum sunt obiecta, conueniunt in hoc, quod verumq; cum sit quid Vniuersalissimum, definitur per ordinem ad potentiam vniuersalem, & quidem vniuersaliter sumptam, nempe Verum, per ordinem ad intellectum vt sic; Bonum, per ordinem ad appetitum vt sic; præscindendo ab appetitu creato vel increato, elicto vel innato.

Et hinc est, quod nec Veritas nec Bonitas vnius rei multiplicetur etiam ratione nostrâ, ad multiplicatam intellectum, aut appetitum; quia scilicet Veritas respicit plures intellectus, sub vna ratione cōmuni intellectus vt sic; & similiter Bonitas, plures appetitus: non secus ac materia prima plures formas. Vnde vterius deficiente vno intellectu, vel appetitu ex pluribus possibilibus, quos respicit Verum & Bonum, non deficeret adhuc formaliter (non loquor in sensu reali) Veritas aut Bonitas rei; quia adhuc posset cognosci relatè ad aliquem intellectum aut appetitum possibilem residuum.

Hinc etiam quia Verum & Bonum dicuntur per ordinem ad potentias vniuersales, ideoq; reflexiuas sui mutuo supra seipsas; meritò dixit. D. Thom: 1. p. q. 16. ar. 4. ad 1. *In ordine appetituum, Bonum se habere vt vniuersale, Verum vt particulare; in ordine autem intelligibilium è conuerso.*

Debet autem hic aduerti, quod sicut æternum Dei productiuum vel permissiuum ipsius, secus autem possibile quod existit in se, sicut dictum est disp. 1. q. 3: ita pariter Verum & Bonum æternum, quod non existit in se, est mera denominatio extrinseca à Diuino intellectu & voluntate; licet Verum & Bonum existens in se, sit denominatio intrinseca. Eadem enim horum omnium est ratio. Et hoc videtur docere S. Thom. de Verō, dum qu. illa 16. ar. 7. supponens id quod docuerat art. 1. res denomi-

minari

Verum &
Bonum an
sidenomi-
natio ex-
trinseca ab
intellectu
& volun-
tate?

minari veras ab intellectu, dicit: *Sed quia solum diuinus intellectus est æternus, in ipso solo veritas æternitatem habet*, nempe per denominationem extrinsecam ab ipsa. Idem autem proportionaliter dicendum de Bono æterno ob paritatem rationis.

§ IV. Præterea conueniunt inter se Verum & Bonum per ordinem ad actus suarum potentiarum quos causant. Sicut enim datur Bonum propter se, seu finis, & Bonum propter aliud, seu medium; & ex amore boni propter se progreditur voluntas ad electionem Boni propter aliud: ita datur Verum per se notum, & Verum notum per aliud; & ex notitia Veri per se, progreditur intellectus ad illationem Veri noti per aliud. Et ideo dicit S. Thom. 1. con. Gen. c. 80 & alibi: *Finis hoc modo se habet in operatiuū, sicut principium primum in speculatiuū.*

§ V. Amplius conueniunt inter se eadem Attributa si comparentur cum suis oppositis. Nam ut ait S. Th. 1 p. q. 17. art. 4. ad 2. *Sicut omne malum fundatur in aliquo bono: ita omne falsum in aliquo vero.* Immo sicut aliquod Ens includitur in Non ente; (ideo enim aliquid non datur, quia datur aliquid impediens existentiam ipsius, iuxta dicta superius d. 2. q. 3. & 4.) & sicut aliqua vnitas includitur in pluralitate: ita aliquod Verum includitur in Falso, & aliquod Bonum in Malo. Nam ut ait Aug. lib. 2. soliloq. & ex eo D. Thom. *Falsus Hæstor, est verus Tragadus*, & falsum aurum, est verum arachalcum, & similiter venenum, quod est malum homini, est bonum arachneo, & sic de alijs. Quare merito dixit citatus D. Th. in illo art. 4. *Falsum aliquid ponit*, quod videtur esse Verum; & nos supra diximus disp. 1. q. 2. *Falsum esse aliquod ens reale modo indebito cognitum.* De bono etiam dicit idem S. Doctor 3. con. Gen. & alibi ex Aug. *In bono & malo fallere regulam Dialecticorum de contrarijs*; quia scilicet Bonum & Malum diuerso respectu eidem conueniunt. Similiter 3. con. Gen. c. 12. probat, quod *Malum non consumat totaliter bonum*, & cap. 15 quod *non detur summum Malum separatim ab omni bono.* Addo quod sicut ipsi Falso conuenit verè quod sit Falsum; ita ipsi Malo benè conuenit esse Malum; si enim malum non esset malum, esset chimera, quod est quasi deterius esse, quàm esse malum.

§ VI. Tandem ut alia omittam, conueniunt Verum & Bonum in ipso modo differendi inter se, quatenus nec Verum à Bono, nec Bonum à Vero differt ratione formali Quæ, sed tantum ratione formali Sub qua. Nempe si esset aliqua formalitas in obiecto ut bono, quæ non esset in obiecto

Ita se habet finis in eligibilibus, sicut principium in demonstrabilibus

Falsum cum Vero & Malum cum Bono miscntur.

Bonum & Verum.
non differunt ratione formalis Quæ.

verō; iam illa formalitas posset esse volita, & non præcognita: omne enim bonum est volibile, & omne id quod non est verum est incognoscibile. Differunt ergo Verum & Bonum solum ratione formali sub qua, quatenus sub diuerso modo tendendi attingitur à sua potentia id quod dicitur Verum, & id quod dicitur Bonum, vt talia sunt. Et in his conueniunt Verum & Bonum.

Verum.
respicit omnem intellectū; Bonum non omne appetitū.

§ VII. Differunt iam inter se comparando illa cum Ente, quia Verum, est prior ratione nostrā proprietates entis, quā Bonum, iuxta dicta Disp. 1. q. 1. § 5. quæ hic recognosci debent.

§ VIII. Differunt deinde relatē ad suas potentias, quarum sunt obiecta: quia Verum debet esse conformabile omni distributivē intellectui, non autem Bonum ab omni appetitu est appetibile; vt patet in veneno aranæ, quod est appetibile ab araneo, & non ab homine.

§ IX. Præterea differunt multipliciter comparatione factā ad actus quos causant in suis potentijs. Nam vt docet non sēntē S. Thom: Bonum causat actum amoris, quo amans exit extra se, & trahitur à bono amato: Verum autem causat actum, quo intelligens trahit ad se obiectum cognitum, sibiq; vnit intentionaliter. Deinde actui attingenti Verum, non potest conuenire diuersus gradus veritatis, quā conueniat ipsi obiecto in se: at actui attingenti bonum, potest conuenire diuersus gradus bonitatis, quā conueniat obiecto in se. Et ratio est quia veritas cognitionis consistit in indiuisibili; non autem bonitas amoris, circa idem obiectum. Præterea

Diuerfos actus causat Verum & Bonum.

sicut docet D. Thom. qu: de volunt: art. 1. ad 3. *Omne quod appetit aliquid, appetit illud inquantum habet aliquam similitudinem cum ipso supple vt est in se,* (de tali enim ibi similitudine loquitur, qualis etiam inuenitur inter inanimata:) at in cognoscēte non requiritur similitudo cum obiecto vt est in se, sed tantum vt est in intellectu per speciem suam. Et ideo Deus cognoscit etiam mala, quæ ipsi vt talia non assimilantur, non verò amat. Ad hæc, Bonum est diffusivum sui, quia mouet agentē ad agendum vt ait S. Thom: 1. con. Gen. c. 27; hoc autem non conuenit Verō.

Deniq; Bonum potest causare aliquem actum in homine, vi cuius homo sit simpliciter bonus; non autem hoc præstare potest Verum. Ratio est: quia rectitudo hominis non consistit nisi in rectitudine voluntatis; hæc enim sola imperat omnibus reliquis potentijs in homine; vnde si fuerit mala, poterit aburi bono reliquarum potentialium, & sic homo erit simpliciter malus; si autem fuerit bona, poterit

terit uti bono omnium potentiarum, & sic homo erit simpliciter bonus. Porro talis reſtitudo voluntatis conſiſtit in amore Boni ordinato & cauſato à Bono; ſiquidem per amorem voluntas dominatur omnibus affectibus, quorum omnium amor eſt ſons; & ideo dicit Aug. in Lib. de Ciu. quòd breuiſſima definitio virtutis ſit, *ordo amoris*. Et hæc etiam eſt doctrina D. Th. 1. p. q. 6. ar. 4. ad 3.

§ X. Differunt poſtremò Verum & Bonum, ſi comparentur cum ſuis oppoſitis. Nam Bonum Mala opponitur priuatiuè, Verum Falſo contrariè. Et hoc docet D. Thom. quoad imam partē ſæpe in locis mox citandis, in quibus docet Malum in priuatione boni conſiſtere. Quoad 2dam verò partem docet ex profeſſo 1. p. q. 17. a. 4. Sed iam de his oppoſitis Veri & Boni aliquid dicendum breuiter.

§ XI. Et quidem iam dictum eſt ſupra diſp. 1. q. 2. Falſum formaliter ſumptum eſſe denominationem extrinſecam à cognitione indebito modo tendente in obiectum, nec dari in rebus ut ſunt à parte rei. Falſum enim huiuſmodi dicitur eſſe aliquid, quatenùs vel non habet id à parte rei, quod illi tribuitur ab intellectu, vel habet id quod de ipſo negatur; quæ attributio vel negatio eſt opus intellectùs, ut patet. Cæterum Falſum occaſionaliter ſumptum, ſeu ut loquitur D. Th. qu. illa 17. ar. 1. per modum cauſæ, datur à parte rei; quia nihil aliud eſt quàm id quod de ſe natum eſt inducere cognitionem diſformem obiecto, reſpectu plurium aut ſapientum. Hoc autem conuenit rebus à parte rei, ex eo quòd vna res habeat in exterioribus accidentibus magnam ſimilitudinem cum alijs rebus, quibus eſt ſecundùm eſſentiam diſſimilis: hinc enim fit ut intellectus noſter cognoscens eſſentias rerum per accidentia, decipiatur in cognoscendo. Dixi *reſpectu plurium aut ſapientum*, nec enim aliquid dicitur eſſe falſum, quia ſolet inducere cognitionem falſam reſpectu paucorum, aut inſipientum.

Falſum an
decur in
rebus?

§ VII. Reſtat explicatio Mali, quod conſiſtere formaliter in priuatione boni debiti docet cõmunis ſenſus PP. & Theologorũ apud Eſparza q. 29. de Aſt. hum: docetq; id ſæpè Auguſtinus, ſæpè etiam D. Thom. ut patet legenti totam qu. de malo. & lib. 3. con. Gen. à cap. 4. ad 15. Et ratio eſt, quia nulla res habens omne bonum, quod poteſt & debet habere, malè habet, ut patet inductione. Ergo (per conuerſionem ſimplicem, quæ conuertitur vniuerſalis negatiua) nulla res malè habet, habens omne bonum quod poteſt & debet habere. Quæcunq; ergo res malè habet, debet

Malum
formaliter
conſiſtit in
priuatione
boni debiti
identiſi-
cata alteri
alicui bono,

no,

carere aliquo bono, quod potest & debet habere, adeoque in privatione talis boni, omnis malitia consistit. Atque ita actus peccaminosus v. g. est malus, quia caret rectitudine, quam potest & debet habere, non quidem ipse actus, sed subiectum, cui inest ipsa privatio rectitudinis simul cum actu malo. Et quamvis aliqua dicantur mala per superabundantiam alicuius boni, & ita malum est homini habere longum nasum; tamen hæc superabundantia vnius boni, v. g. maiestatis, in tantum est mala, in quantum priuat alio bono maiori, v. g. proportionem partium, perfectione operationis &c. Porro hanc privationem boni debiti, in qua consistit formaliter Malum, esse indistinctam realiter ab aliquo ente positivo & bono, multis probatum est Disp. 2. qu. 4. Illud solum hic addendum, fieri posse, ut duo mala priuent eadem bonitate consistente in indivisibili, & tamen unum malum sit deterius altero; quia scilicet licet utrumque malum priuet subiectum totaliter totalitate formæ exclusæ; non tamen utrumque totaliter, totalitate vis impedientis formam exclusam, sed unum magis aut etiam modo specie diverso impediatur formam à subiecto, reddatque difficiliorem eiusdem formæ recuperationem, iuxta conditionem entitatis, cum qua privatio talis formæ in re identificatur. Et ita deterius est Avaritia quam Prodigalitas, quia illa magis remouet a subiecto Liberalitatem, magisque difficilem reddit eiusdem recuperationem. Et per hæc habetur explicata ratio Veri & Boni.

Ad 1. Sicut sanitas hominis non causatur à sanitate medicinæ, sed à virtute medicinæ, quæ à sanitate hominis quam causare potest, dicitur sana: ita in sensu formali loquendo, veritas cognitionis non pendet à veritate obiecti, sed ab esse rei, quod denominatur Verum ex eo, quia potest inducere veritatem cognitionis: nec ideo propositio hæc, *Petrus sedet*, est vera, quia verum est Petrum sedere, sed quia Petrus sedet. Nullus ergo committitur circulus in explicatione Veri, nec Verum formaliter sumptum supponitur ante connotationem cognitionis veræ.

Ad 2. D. Augustinus solum negat Verum esse id quod est tale quale esse videtur per qualemcumque cognitionem, præsciudendo à Vera & Falsa; quod etiam nos non asserimus. Dum autem dicitur: impossibile omni intellectu adhuc lapidem fore, formaliter loquendo, verum lapidem; id probandum esset, & non simpliciter asserendum; quod cum non probeatur ab arguente, dicimus in tali casu chimerico, lapidem non fore formaliter verum lapidem, sed tantum fore lapidem, fore unum &c. Jam definio

illa Aureoli duplicem sensum habere potest. Vel enim in illa, Tò *Apparens* sumitur vt est in se à parte rei, & sine ordine ad intellectum, ita vt sensus sit definitionis, Verum v. g. aurum, est id quod non est apparens, id est, quod non est aurichalcum; & in hoc sensu definitio non est Veri sed Vnui; pertinet enim ad rationem Vnui, vt hoc non sit aliud quodecunq;. Vel in prædicta definitione, Tò *Apparens* sumitur per ordinem ad intellectum, ita vt sensus sit, Verum est id quod non est ens indebito modo cognitum; & sic, quemadmodum *Apparens* sumitur per ordinem ad intellectum: ita & oppositum ipsi Verum sumi debet.

Ad 3. Quando dicitur: *Ideo voluntas potest amare aliquid quia est bonum*, Bonum sumitur radicaliter non formaliter, id est pro radice appetitibilitatis, quamvis nos hanc radicem nesciamus melius explicare, quam per appetibilitatem formalem, quod etiam in multis alijs similiter contingit.

Iam illa definitio: *Id cui nihil deest ad sui complementum*, est potius definitio Perfecti absolute sumpti,

quod non est consequens proprietas Entis de qua hic

agitur, sed est formaliter ipsum Ens: nam Per-

fectum hoc modo sumptum, est id quod habet

totum suum esse, quod est esse formaliter

ens; vnde etiam defectus talis per-

fectionis, dicuntur de-

fectus entis.



DISPUTATIO IV.

De Causis Entium.

Definitio
Causæ.

CAVSA in communi rectè sic definitur: *Est principium dans esse alteri quod nec identicè est à se.* Quæ Definitio conuenit 4. generibus Causarum necessariò dantibus esse alteri, saltè in adæquatè distinctione à se, vel efficiendo illud, vel componendo, vel mouendo efficientem ad positionem eius, quod nec identicè est à se. Non conuenit autem puris terminis v. g. priuationi, & Verbo Diuino quatenus terminanti naturam assumptam, quia hæc quæ talia, non dant esse alteri, sicut nec puræ conditiones, quæ solum applicant dantem esse alteri, vel remouent impedimenta. Non conuenit etiam puro principio, puta Patri æterno respectu Filij nec vtriq; respectu Spiritus S. quia tam Verbum Diuinum, quàm Spiritus S. sunt identicè à se.

Diuisio.

Diuiditur autem Causa imò, in Intrinsecam & Extrinsecam: Intrinseca est, Materialis & Formalis: Extrinseca, Efficiens & Finalis. Quamquam materialis respectu formæ quam sustentat, est extrinseca, vt dicitur infra.

Rursus Causa potest considerari in actu primo, & in actu secundo. Agemus ergo primò de Causa in communi, spectatà in actu primo, considerando eius connexionem cum effectu. adò de Causa intrinseca, ostendendo discrimen Constitutiuum intrinseci, à connotato extrinseco, quod solet esse vel causa extrinseca, vel conditio, vel terminus. 3tò considerabimus Causas in actu secundo, explicando breuiter causalitates singularum. 4tò agemus specialiter de Causalitate Efficientis.

QVÆSTIO I.

Utrum omnis Causa in actu primo connectatur essentialiter cum quolibet in particulari suo effectu possibili?

Videtur non connecti vt existimat Scotus, & nostri Vasquez, Arrubal in 1. p. ac Ouiedo Contr. 10. met. pun. 4. 1. Quia si musca ex possibili redderetur impossibilis, non propterea deficeret Omnipotentia Dei secundum se, quæ est Causa Prima in actu primo muscæ: Ergò Causa Prima in actu primo (& idem dicendum de causis secundis) non con-

nectitur

nectitur essentialiter cum musica possibili. Patet consequentia: quia deficiente vno ex connexis essentialiter, & alterum necesse est deficere. Antecedens probatur: quia alioquin sequeretur, quòd Deus dependeret quoad suum esse à possibilitate muscæ, illaq; indigeret ad suam existentiam. Aut saltem sequeretur quòd non esset maior veritas & necessitas existentie Dei, quàm possibilitatis muscæ; vtrumq; autem est absurdum.

2. Adequatus terminus Omnipotentie Dei est Quidquid non implicat: sed in casu quo musica esset impossibilis, adhuc Deus posset producere Quidquid non implicat; Solum enim ex vi talis suppositionis non posset producere muscam, quæ supponitur implicare: Ergo in tali casu Deus haberet adequatum terminum sue Omnipotentie correspondentem, essetq; omnipotens. Confirmatur. Quia in tali casu perinde musica esset impossibilis, ac est modo impossibilis hircocervus: Sed ex eo, quòd modo hircocervus sit impossibilis, non deficit Omnipotentia: Ergo nec illie deficeret.

3. Quando Petrus ex existente fit non existens, non perit in Deo quoad suam entitatem scientia visionis, respiciens Petrum existentem. Ergo etiam quando musica ex possibili fit impossibilis, non perit in Deo quoad suam entitatem Omnipotentia, respiciens muscam possibilem. Tam enim intrinsecum est Deo cum respectu ad extra scire creaturam existentem, quàm posse illam possibilem producere.

4. Posse producere muscam non est denominatio adæquatè intrinseca Deo, sed partialiter extrinseca desumpta à possibilitate extrinseca muscæ. Ergò per ablatione solà istius possibilitatis, sine vlla variatione intrinseca prædicatorum Dei, posset Deus amittere denominationem Potentis producere muscam, eo modo quo per ablationem solam filij, Petrus sine vlla mutatione intrinseca amittit denominationem Patris, quæ est partim intrinseca, partim extrinseca Petro. Probatur Antecedens: quia si hoc admittatur, honorificentius explicabitur conceptus Omnipotentie; ita enim tribuetur Deo posse producere creaturam, vt hác ablatà Deus non deficiat; quod sine dubio pertinet ad maiorem perfectionem Omnipotentie, quàm oppositum.

5. Dici potest, quòd muscà reddità impossibili, adhuc illam Deus posset producere, quantum est ex se, in sensu diuise repugnantie, seu si musca exueret impossibilitatem; sicut etiam nunc Deus potest quantum est ex se producere Hircocervum sub conditione, si esset possibilis. Et ratio est: quia
Deus

Deus potest facere omne illud, quod est possibile; ac proinde potest facere etiam impossibile, casu quo esset possibile: Ergo deficiente possibilitate musæ, non deficeret in Dei Omnipotentia vllum prædicatum. Confirmatur: quia sic perfectius explicabitur Divina Omnipotentia: Tum quia extendet se, tam ad possible absolute, quam ad impossible conditionate producenda: Tum quia hoc modo Deus poterit facere creaturam in duplici euentu, scilicet & nunc defacto, & in casu repugnantiz ipsius, quod est perfectius quam posse facere in vno tantum euentu.

6. Saltem dicendum, quòd causa respiciat essentialiter effectum possibilem in communi, non autem quemlibet in particulari: v. g. quòd ignis respiciat calorem vt sic, non autem hunc, & illum determinate calorem, & consequenter quòd ablato hoc determinate calore quoad possibilitatem, adhuc remaneret potentia productiua caloris in igne; siquidem adhuc ratio caloris saluaretur in alijs caloribus possibilibus. Ratio assumpti est: quia si cur potentia specificatur ab obiecto, ita causa à suo effectu: Ergo sicut vna potentia debet habere vnum obiectum, ita & vna causa vnum effectum: Ergo vtraq; pariter debet respicere suum terminum in communi, non in particulari.

§ I. Responderetur. In hac Quæstione ad inuestigandam essentialem connexionem causæ cum effectu possibili, solet formari hypothesis chimærica hæc: *Si effectus possibilis redderetur impossibilis*, vt consideretur an per locum intrinsecum ex tali hypothesis inferatur impossibilitas causæ. Et quidem in nostris principijs, qui putamus possibilitatem effectus esse ipsam virtutem actiuam causæ, à qua effectus extrinsecè denominatur possibilis, cum ipse nihil sit in se intrinsecè; clarum est, sublatà possibilitate effectus, tolli causam ipsius. Sed in alijs etiam principijs decernendum est.

§ II. Sciendum ergò dupliciter posse fieri illationem ex suppositione chimærica. Primò ex vi soliùs prædicati hypothesis: & ita ex eo quòd homo sit Leo, sequitur solùm quòd sit rugibilis. Secundò ex vi totius hypothesis: & ita ex datà modo hypothesis, sequitur vtraq; pars contradictionis, quòd scilicet homo & esset rugibilis, quia esset Leo, & non esset rugibilis, quia esset homo. Hoc posito, si in præsentì faciendà esset illatio ex tota hypothesis, hoc est ex esse musæ, & ex esse impossibilis, sine dubio inferrentur de Deo duo contradictoria, scilicet, quòd posset tale obiectum facere quia esset musæ, & non posset, quia esset chimæra; quodq; eidem coëxisteret, & non coëxisteret

Ex Suppo-
sitione im-
possibili
quid sequi-
tur?

cōdēxisteret; & multa alia quæ ex hac hypothēsi deducit Pater Antonius Perez tract. 2. de scientia Dei d. 5. c. 2. hoc medio probans connexionem essentialē causæ cum effectu possibili, quo medio nos etiā aliquando vti sumus. Sed re melius consideratā non videtur mihi in præsentī, tali modo faciendā illatio: debet enim supponi in casu præsentī ficto, quod musca non recineret amplius suum esse possibile, sed quod acquireret novum esse impossibile, debetq; inquiri, an ex ipso esse impossibili acquisito præcisē, sequatur deficere Omnipotentiam Dei.

§ III. Adhuc tamen dicendum est affirmatiuē cum sententia magis communi Theologorum & Philosophorum, etiā argumentando tantum ex vi prædicati hypothēsis. Ratio est: Quia huius hypothēsis, si *musca redderetur impossibile*, prædicatum non est *impossibile* quomodocunq; (vt supponit citatus Perez,) sed est, *Esse redditum de nouo impossibile*, seu amissio possibilitatis, & acquisitio impossibilitatis. Ex hoc autem solo prædicato sequitur per locum intrinsecum pariter amissio in Deo potentie productiue muscæ, quæ antea erat, & acquisitio impotentie antea non habitæ, producendi eandem muscam. Cum enim, vt ostenditur in responsione ad 5m, repugnet Deo potentia producendi Impossibile etiā in sensu diuino, & sub conditione si esset possibile; & rursus cum posse producere aliquid, & non posse producere, sint prædicata adæquatē intrinseca Deo, vt ostenditur in responsione ad 4m; concluditur, ex illo solo prædicato illius fictæ hypothēsis, sequi in Deo variationem intrinsecam prædicatorum Omnipotentie Diuinæ, ac proinde ipsius interitum Dei.

§ IV. Connectitur ergo essentialiter Causa Prima in actu primo, cum quolibet determinatē suo effectu possibili, & similiter causa secunda efficiens cum suo, materia cum formis possibilibus, potentia cum suis obiectis &c. Immo è conuerso etiā effectus connectitur essentialiter cum qualibet in particulari causa sua possibili, à qua potest pendere. Pariter enim si ex pluribus causis huius effectus possibilibus, vel vna redderetur impossibilis, eo ipso in tali effectu periret hoc prædicatum ipsi intrinsecum, & essentialē, *Posse pendere ab illa causa*, & consequenter destrueretur essentialis effectus, quæ consistit in indiuisibili.

§ V. Ex hac occasione resoluendum est illud quæsitum vtile ad multas disputationes de possibili: An Deus possit facere quidquid non ostenditur implicare. Recentiores iam passim hoc affirmant, & ex hoc principio

Ex impossibilitate creaturæ, quomodo inferatur impossibilitas Causæ primæ?

Connectitur essentialiter, causa cum effectu & è conuerso.

pluraq; principia recepta ab Antiquis Philosophis & Theologis cum D. Thoma, circa connexionem & oppositionem prædicatorum essentialium, expeditè negant; dicendo possibilem esse substantiam immaterialem non intellectiuam, & rursus intellectiuam non volitivam, & è conuerso; item substantiam intellectiuam, quæ sit sibi species impressa omnium possibilium naturalium obiectorum; item possibilem esse materiam spiritualem; possibile esse corpus completum simplex, & similia quàm plurima quibus aliqui diuinando potius, quam philosophando, multum & frequenter immorantur,

Ego existimo cum Bernaldo de Quiros Tract. 3. de visione d. 25. f. 5. istud effatum: Omnipotentia non esse denegandum, nisi id quod conuincitur manifestè repugnare; verum esse in hoc sensu, quòd repugnantia debeat esse manifesta, non ex modo nostro cognoscendi, sed ex parte rei cognita, quatenus tale obiectum debet includere duo contradictoria, quæ est manifesta repugnantia, licet an includat, sæpè à nobis non cognoscatur manifestè. Ratio est: quia cum illa quæ nunquam existerunt, non cognoscamus intuitiue, & multò minùs comprehensiue, cumq; nec penetremus distinctè omnia prædicata essentialia huiusmodi obiectorum, nec virtutem activam causæ primæ, in qua continentur, vel non continentur talia obiecta; hinc sæpè accedit, vt non possimus euidenter cognoscere consonantiam vel dissonantiam inter prædicata essentialia talium obiectorum, sed tantum possumus cognoscere, vel æquè probabiliter (iudicando aut ex rebus affinibus quæ existunt, aut ex perfectione Dei) consonantiam aut dissonantiam; vel probabilius dissonantiam, quàm consonantiam; vel è conuerso. Certè nulla ratio conuincit tantam esse perfectionem intellectus nostri (quæ tamen non est præsumenda,) vt sit determinatè ad cognoscendā semper euidenter implicatiam in illis, quæ re ipsā implicant. Quapropter possunt dari opiniones oppositæ probabiles etiam de implicantia alicuius obiecti, ex quibus si vna erit probabilior, utiq; erit præferenda; si verò vtrq; fuerit in eodem gradu probabilitatis spectando rationem, neutra erit alteri præferenda, vel præferenda illa, quæ maiori autoritate fulcitur. Cæterum illud argumentum negativum: Hoc non implicat, Ergò Deum id potest facere, si ipsi nihil ampliùs addatur sæpè potest valere æqualiter pro opposita sententia. Sicut enim v. g. tu dicis, Non implicat creatura indestruibilis à Deo; ita ego dicam, non implicat omnem creaturam possibilem esse destruibilem à Deo. Quis ergo nostrum non vincet? Sed respondeamus ad argumenta opposita.

An valeat
illud argu-
mentum...
Non appa-
ret euiden-
ter impli-
cantia: Er-
go id DEUS
potest fac-
ere.

Qualis
connexio
DEI cum
possibili-
tate crea-
turæ.

Ad 1. Cum creatura possibilis sit mera denominatio extrinseca ab Omnipotentia DEI, quæ est adæquata possibilitas creaturæ vt ostensum est d. 1. q. 3; connexio essentialis Omnipotentis cum possibilitate creaturæ, & ab hac dependentia, non est realis & physica vnius rei ab alia, sed rationis & metaphysica vnius conceptus ab alio conceptu, terminato ad idem realiter obiectum; quo pacto etiam dicitur connecti rationale cum risibili. Vnde cum dicitur, Deus ad suum esse indiget possibilitate creaturæ, re ipsâ dicitur, Deus ad suum esse indiget Omnipotentia, seu suo esse, & seipso. Hinc etiam licet non sit maior veritas existentis DEI, quàm possibilitatis muscæ, (veritas enim consistit in indiuisibili,) est tamen maior ratione nostrâ necessitas & certitudo, eo modo, quo præmissæ dicuntur certiores & magis necessariæ ratione nostrâ, quàm conclusio. Nempe Omnipotentia DEI per se loquendo est præmissa vnde infertur possibilitas creaturæ, vt etiam dictum est loco citato in responsione ad 4m. Qui autem dicunt Possibilitatem creaturæ esse aliquid in se intrinsecè distinctum à Deo, viderint quomodo hoc argumentum soluant.

Ad 2. In casu illo ficto, non tantæ est amplitudinis Tò *Quidquid non implicat*, quàm sit defecto: supponitur enim ex sphaera illorum quæ non implicant, euolasse possibilitas muscæ; ac proinde non daretur tunc in Deo tanta potentia actiua, sed minor, & contracta ad pauciora obiecta; quod implicat ob infinitatem & immutabilitatem potentis DEI. Quia verò ob eandem rationem perinde implicat potentiam DEI actiuam esse maiorem, quàm sit, ac esse minorem: ideo si etiam Hircocervus ex impossibili fieret possibilis, implicaret pariter Omnipotentia DEI. In tali enim casu cresceret sphaera Omnipotentis DEI, & consequenter ipsa Omnipotentia cresceret, quod repugnat infinito. Ad confirmationem negatur ita in hoc casu ficto muscæ esse impossibilem, ac nunc est impossibilis Hircocervus; quia hic non euasit de nouo impossibilis, ac proinde nunquam fuit ad illum producendum potentia actiua in Deo, quæ debeat perire: secus autem dicendum de muscæ impossibili.

Si Hircocervus fieret possibilis, implicaret Deus.

Ad 3. Negatur consequentia: quia Diuinitas, cum qua identificatur Scientia visionis, quoad entitatem, ob suam libertatem indifferentis, distinctiue respicit existentiam & non existentiam creaturæ; ideoq; etiam si nunquam detur existentia creaturæ, adhuc remanet in Deo scientia visionis quoad entitatem. At verò eadem Diuinitas, cum qua etiam quoad entitatem

entitatem suam identificatur Omnipotentia, ob eminentialem necessariam continentiam omnium perfectionum possibilium creaturarum, quamlibet possibilem creaturam respicit determinatè, ideoq; tollitur, qualibet possibili creaturà ablata.

Ad 4. Ostensum est disp. 1. q. 3. § 12. Posse producere creaturam, esse denominationem adequatè intrinsecam Deo, ita sicut esse bonum, quod est esse communicativum ad extrà. Nunc idem sic ostenditur. Posse producere aliquid nihil aliud est, nisi causam habere entitatem tantæ perfectionis, ut sit contentiva formaliter, vel eminenter perfectionis reperiæ in effectu: Sed hæc denominatio convenit Causæ in actu primo spectatæ per essentiam ipsius præcisè sine vlllo superaddito. Ergò convenit adequatè intrinsecè. Et verò saltem Divinæ potentie infinitæ in agendo hoc tribui debet, quòd nullo à se distincto indigeat ad hoc, ut aliquid possit proximè efficere. Videmus enim, quòd quò est perfectius Agens eo paucioribus principijs & requisitis indiget ad operandum. Ergo agens infinitæ virtutis nullo extra se indiget comprincipio & requisito ad operandum. Quare explicare Divinam potentiam actuam per aliquod partialiter constitutivum ipsius in esse potentis producere, quod sit extra Deum, non est explicare honorificè Omnipotentiam Dei, quin potiùs chimericè.

Ad 5. Ostensum similiter est in eadem illa disp. 1. q. 3. ad 7. Deum non posse quantum est ex se etiam conditionatè producere impossibile, si esset possibile, sicut nec potest mori, ærotare &c, si hoc esset possibile. Et ratio ultrà ibi dicta est: quia cùm omne conditionatum sit posterius purificatione conditionis, sequeretur Omnipotentiam Dei esse posteriorem possibilitate sui termini extrinsecà Deo, à qua penderet ut à conditione: cùm tamen Omnipotentia Dei sit ex suo conceptu Ens primum; nec Deus ad hoc, ut aliquid possit facere, debet expectare purificationem conditionis extrinsecæ sibi. Quare etiam si Hircocervus evaderet possibilis, adhuc illum Deus non posset facere; quia terminus adequatus Omnipotentie est possibile, absolute tale, non autem possibile in suppositione chimerica. Nec contrarium extollit Omnipotentiam Dei: Tum quia, quâ ratione potest Deus facere chimeram, si esset possibilis, eâdem ratione Asinus posset producere Angelum, immo etiam ipsum Deum, si Angelus & Deus esset visio Asini; & tamen hoc non extollit potentiam visivam Asini: Tum quia non extollit Dei potentiam si dicatur posse mori, aut posse occidere Spiritum S. si hoc esset

Potentia
producti-
va est adæ-
quatè in-
trinsecà
Causæ.

Deus quan-
tum est ex
se, nequit
producere
impossibi-
le, etiam
sub condi-
tione si ef-
fet possi-
bile.

esset possibile; Tum denum à priori, quia posse facere aliquid in duplici euentu, vno reali & possibili, altero chimerico & somniato, nec vnquam reducibili ad actum secundum, non est melius, quàm posse facere in vno euentu vero & reali.

Ad 6. Causa formaliter & ex modo nostro concipiendi respicit effectum in communi; realiter autem & ex parte obiecti respicit quemlibet in particulari: quatenus scilicet dum cognoscitur à nobis conceptu proprio & differentiali, cognoscitur relatè ad omnes suos effectus sub vna cognitione confusa representatos adinstar vnius, à qua vnitatem effectus, causa specificatur, sicut etiam potentia specificatur à simili vnitatem sua obiecti.

Q V Æ S T I O II.

Utrum conuenienter assignetur discrimen Constitutiuum intrinseci à Connotato extrinseco?

Videretur non conuenienter assignari hoc discrimen, quòd Constitutivum intrinsecum alicuius denominationis sit id, quo solo ablato, manentibus verò omnibus alijs per possibile vel impossibile, non manet denominatio. 1. Quia ablata causâ non manet denominatio actionis, & similiter ablato Deo non manet denominatio creaturæ; & tamen tam causâ actionis, quàm Deus creaturæ, est connotatum extrinsecum, vt patet.

2. vt arguit Card. Sfortia Pallaucinus lib. 6. Assert. Theolog: qui est de Sacri. c. 2: Si in Diuinis per impossibile sola prima Persona remaneret, non remaneret in esse Patris, in qua tamen ratione non constituitur intrinsecè per secundam Personam. Deinde quidquid sit de hoc, saltem non potest esse promptum statuere, quid sequatur per locum intrinsecum in hoc vel illo casu impossibili. Ergò discrimen præfatum Constitutiuum intrinseci ab extrinseco Connotato, non est adæquatum, aut saltem est obscurum.

3. Ex hac Regula cognoscendi Constitutivum intrinsecum sequeretur, terminum Relationis Prædicamentalis esse partem intrinsecam illius. Contra hoc autem multa opponi possunt. Nam imprimis Relatio Prædicamentalis, quæ est Ordo ad Terminum, non esset ordo ad aliud; siquidem

ipsa identificaretur partialiter cum Termino. Deinde esset aggregatum ex pluribus entibus, puta paternitas ex substantia generante, & genitâ; ac proinde esset ens per accidens, quod excluditur à Prædicamento. Præterea, si Paternitas esset complexum ex substantia generante, & ex substantia genitâ, Filiatio etiam esset complexum ex substantia genita, & ex substantia generante; ac proinde Paternitas & Filiatio, essent realiter idem secum. Hoc autem posito sequeretur ulterius de eodem posse dici, *Esse formaliter Patrem*, de quo dicitur *Esse formaliter Filium*: atq; ita Alexandrum filium Philippi, posse dici Patrem Alexandri: eo modo quo dicitur de eodem Rationale, de quo dicitur Risibile. Et ratio est. Quia ubi abstracta non distinguuntur realiter, nec concreta distinguuntur; aliàs idem realiter abstractum esset in distinctis realiter concretis; quod fieri nequit. Si ergò non distinguuntur realiter Paternitas & Filiatio, nec distinguetur realiter Pater à Filio; ac proinde poterunt de se mutuo verè dici. Rursus si Paternitas & Filiatio sunt idem, ruit illud argumentum Theologicum: Quæ opponuntur relatiuè, distinguuntur realiter: Paternitas & Filiatio opponuntur relatiuè: Ergo distinguuntur realiter. Fallit igitur hæc Regula cognoscendi Constitutivum intrinsecum.

§ I. Respondetur. Certum est apud omnes, præter Constitutivum intrinseca rei, dari etiam Connotata extrinseca, necessariò requisita ad existentiam rei. Quis enim dubitat, præter materiam & formam hominis, quæ sunt intrinsecæ partes hominis, Deum requiri necessariò ad existentiam hominis, ut aliquid extrinsecum? Et similiter Obiectum requiri ad visionem, Personam Ministri ad Sacramentum &c. Quapropter, *Id sine quo res esse non potest*, non est definitio Constitutivi intrinseci, sed est genus ad Constitutivum intrinsecum, & ad Connotatum extrinsecum necessarium rei; ac proinde querenda est alia definitio vtriusq;.

§ II. Certum mihi rursus est, posse aliquid esse causam efficientem, & similiter conditionem, aut Terminum alicuius denominationis, simulq; Constitutivum intrinsecum eiusdem denominationis. Patet hoc multis tum ex Theologia tum ex Philosophia exéplis. Nam tota S. S. S. TRINITAS, adeoq; & Verbum, producit effectiuè Compositum Hypostaticum; & tamen Verbum constituit intrinsecè tale compositum. Item CHRISTVS D. & verba consecrationis concurrunt efficienter ad Sacramentum Eucharistiæ; quod tamen probabilissimè consuevit intrinsecè. Item Attributio sæpè imperat, &

Reijciuntur aliorum
Explicationes.

hic

sic quodammodo efficit confessionem vt est Sacramentum deletivum peccati; & tamen attritio est pars intrinseca huius Sacramenti. In physicis etiam homo producit in se denominationem videntis, quam simul intrinsecè constituit; & Anima rationalis est causa effectiua partis viuientis per nutritionem aggeneratæ, simulq; est eiusdem constitutivum intrinsecum. Sufficit nimirum vt Causa Efficiens distinguatur realiter adæquatè à suo effectu, qui est terminus formalis actionis, licet solùm inadæquatè distinguatur à suo effectu, qui est terminus totalis constitutus per terminum formalem actionis. Cuius ratio est: quia cum sæpè causa, vnā tantum partem compositi efficiens, dicatur efficere compositum, sicut homo generans solam vñonem hominis, dicitur generare hominem, & artifex faciens solam formam arcæ, dicitur facere arcam: hinc est quod fieri possit, vt in aliqua denominatione vna pars efficiens suam compartem tanquam terminum formalem suæ actionis, à quo realiter adæquatè distinguitur, simul dicatur efficere totam denominationem tanquam terminum totalem actionis, à quo solùm realiter inadæquatè distinguitur, sitq; ipsius constitutivum intrinsecum. Non rectè ergo etiam explicatur Constitutivum intrinsecum per hoc, quòd non sit causa efficiens, nec Condicio, nec Terminus alicuius denominationis.

§ III. Igitur Quidam dicunt: illud esse Constitutivum intrinsecum alicuius totius, siue quidditatiui, siue denominatiui, & accidentalis, vno verbo alicuius denominationis (loquimur enim nunc in tanta amplitudine) quod meretur concipi in recto, illud verò extrinsecum, quod meretur concipi in obliquo.

Verùm hæc Regula desumpta ex recto & obliquo non videtur esse recta. communiter enim dicitur in concretis accidentalibus v. g. Albi, Cogniti, Ducis, Consulis, & similibus, formam meritò concipi in obliquo; & tamen esse partem intrinsecam denominationis. Similiter in Toto substantiali subsistente v. g. in Homine, Deo, &c, aliqui dicunt in recto concipi Personam, Naturam verò in obliquo; alij è conuerso: omnes tamen supponunt, tam Personam, quàm Naturam esse quid intrinsecum toti subsistenti.

§ IV. Card: Sfortia Pallavicinus loco superius indicato, limitat hanc explicauonem, dicitq; partem intrinsecam alicuius nominis non desumendam esse ab apprehensione; quia hæc quidquid attingit, intrinsecè attingit, sed à propositione; illudq; esse partem alicuius nominis, quod à propositione affirmatiue tale nomen, vel significatur vt rectum, vel vt obliquum

Causa efficiens alicuius denominationis, potest esse simul eiusdem constitutivum

Obliquum potest esse situiere intrinsecè denominationem

verifi-

verificativum ipsius propositionis. Quia verò optimè vidit, explicandum esse ulterius, quodnam sit istud obliquum verificativum; cum multa sint obliqua, quæ si non essent, non verificaretur propositio, & tamen non sunt pars intrinseca nominis affirmati per illam propositionem, qualis est v. g. Deus respectu visionis beatificæ; idèò respondet, Regulam huius desumendam esse à posteriori ab actibus voluntatis. Cum enim (inquit) Obiecta possint dividi per amorem, quæ non possunt dividi per affirmationem, (quâ ratione possum adorare Patrem, & non Filium, secùs aurem affirmare) cumq; possit ex illis, quæ eodem modo affirmantur, vnum acceptari propter aliud, & hoc aliud propter se; ideo asserit illud esse partem intrinsecam alicuius denominationis, in quod necessariò tendit voluntas simili modo, quo tendit in ipsam denominationem. Contra hanc tamen explicationem est; quia per hunc Auctorem, Intentio Ministri peccaminosa, est pars intrinseca Sacramenti, & similiter peccata respectu Sacramenti Pœnitentiæ; & tamen non simili modo amatur Sacramentum & peccatum. Ratio est: quia in aliquo toto, præsertim morali, potest esse pars intrinseca aliquid imperfectum & malum, quod sit pura determinatio habens se vt Quò, alterius compartis causantis aliquem bonum effectum, aut habens se vt aliquid destruendum per suam compartem; in quo casu, denominatio ratione vnius compartis poterit amari per se & honestè, licet alia pars non possit amari hoc modo.

§ V. Card: de Lugo disp. 2. de Sacri: docet illud esse Intrinsecum alicuius compositi, quo ablato, & manentibus omnibus alijs, non manet tale compositum; vnde infert ibi Intentionem Ministri esse partem intrinsecam Sacramenti. Contra quam explicationem Intrinseci, cum multas instantias acriter opposuisset Dicastillo Tomo 1. de Sacri: disp. 1. dubit 19. tandem illam admittit; docet tamen ex illa non sequi Intentionem esse partem intrinsecam Sacramenti, eò quòd ablata intentione, non maneat materia & forma Sacramenti, in esse morali, in quo dicit respectum ad intentionem. Sed in hoc videtur peti principium. Si enim ob defectum solius intentionis non manet materia & forma in esse morali, id est in esse Sacramenti: Ergò in tali esse, materia & forma constituuntur intrinsecè per intentionem Ministri, iuxta admissam ab hoc Auctore explicationem Intrinseci constitutivi.

§ VI. Dicendum ergò hanc definitionem Intrinseci esse optimam, si claritatis gratiâ hoc modo proponatur, *Constitutivum intrinsecum alicuius denominationis est id, quo solo ablato, & manentibus per possibile, vel impossibile alijs*
omnibus

omnibus requisitis ad esse rei, eo ipso formaliter & immediate tollitur denominatio; & quo posito cum alijs eiusdem quoad hoc generis, sublati verò etiam reliqui per possibile vel impossibile, eo ipso formaliter & immediate ponitur denominatio. Nempe etiam ablato connotato extrinseco necessario requisito, aufertur res, & illo posito, quandoque ponitur, sed mediatè, & arguitur, non formaliter & immediate. E. g. corpus, anima rationalis, & vnio, sunt intrinseca constitutiva hominis: quia istis solis præcisè positis, tamen si per impossibile nihil aliud daretur, etiam voluntas Dei de existentia hominis, eo ipso formaliter & immediate poneretur, seu intelligeretur poni homo; & sublato vno ex istis, v. g. animâ rationali, quamvis omnia alia manerent, etiam voluntas creatoris, eo ipso formaliter & immediate auferretur seu intelligeretur auferri Homo. E contra autem, voluntas creatoris de existentia hominis est extrinsecum connotatum necessario requisitum, quia posita tali voluntate, arguitur solum & mediatè ponitur homo, eademque ablata, similiter arguitur auferri homo; eatenus scilicet, quatenus talis voluntas posita, necessario corpus animam, & unionem hominis inducit, & ablata, aliquid ex his destruit, vel impedit, vel etiam omnia ista.

§ VII. Ratio huius doctrinæ est: quia cum omne totum qualecunque sit idèificetur adæquate realiter cum solis præcisè omnibus suis intrinsecis constitutivis simul sumptis; implicat poni sola omnia intrinseca constitutiva simul sumpta alicuius totius, etiam si cætera omnia per possibile vel impossibile desint, quin eo ipso formaliter & immediate ponatur totum; ne dicatur idem poni à parte rei immediate sine seipso: similiterque implicat auferri aliquod intrinsecum constitutivum, id est, non manere omnia intrinseca constitutiva totius, & tamè formaliter manere seu non auferri immediate totum; ne dicatur manere aliquid, quando non manet ipsum. Quæ igitur ita se habebunt, ut illis solis omnibus simul sumptis positis, formaliter & immediate ponitur totum, & quorum vel vno ablato, formaliter & immediate tollitur totum, quidquid sit de cæteris omnibus, ea necesse est esse omnia & sola intrinseca constitutiva totius. Neque dicas, de entibus connotativis hoc non valere principium, quod scilicet positis solis præcisè omnibus intrinsecis constitutivis simul sumptis, eo ipso immediate ponatur totum. Contra enim est, quia etiam ens connotativum non distinguitur realiter ab omnibus & solis suis intrinsecis constitutivis simul sumptis. Ergo his præcisè per possibile vel impossibile positis, eo ipso ponitur formaliter & immediate ens connotativum; aliàs po-

Nostræ
sententiæ ex-
plicatio.

neretur ens connotativum sine seipso; & sic illud principium primum, *impossibile est idem simul esse & non esse*, non in omnibus entibus verificaretur, sed tantum in absolutis; quod est manifeste absurdum. Neq; dicas rursus, quandoq; non manere totum ob defectum solius præcisè connotati extrinseci, remanentibus omnibus suis intrinsecis constitutivis simul sumptis, quia scilicet hæc tunc non manent in esse partium. Contra enim est primo; quia ablato solo extrinseco connotato totius, ea quæ remanent constitutiva intrinseca totius collectivè sumpta, manent in ratione adæquatè identificati cum toto, distributivè autem sumpta remanent in ratione inadæquatè identificati cum toto; nec enim aliquid in ratione adæquatè vel inadæquatè identificati cum aliquo, constituitur per aliquid extrinsecum, sed per suam entitatem præcisè, alioquin identitas non esset essentialis identificatis. Ergo ablato solo extrinseco, ea quæ manent omnia constitutiva intrinseca alicuius totius, manent in esse partium, de quarum scilicet conceptu est, ut collectivè sumpta identificetur adæquatè cum suo toto, inadæquatè verò identificentur cum toto, si distributivè sumantur. Contra 2dò; quia redit tota difficultas; nam deficiente solo extrinseco connotato totius, illa constitutiva totius quæ remanent, vel in esse partium constituuntur per illud quod deficit, tanquam per aliquid quod sit intrinsecum in tali denominatione; & sic hoc ipsum quod deficit erit intrinsecum pariter in denominatione Totius: vel constituuntur in esse partium per illud quod deficit, tanquam per extrinsecum in tali denominatione; & iam iterum quæro quomodo tunc remanentia constitutiva totius, non maneant in esse partium, siquidem manent tunc omnia collectivè illa quibus constituuntur intrinsecè in esse partium, seu cum quibus constitutiva in esse partium identificantur adæquatè? Confirmatur totus hic discursus. Quia omne extrinsecum requisitum ad esse alicuius totius, (quale solet esse Causa efficiens, Finis, Condicio, Terminus, & similia ut talia sunt) requiritur utiq; ad esse totius, non ratione sui præcisè, sed ratione alterius à se adæquatè distincti, quatenus videlicet seu producit aliquid, seu determinat ad producendum, aut ad existendum aliquid, quod est extra entitatem ipsius requisiti. Ergò hoc remanente, ratione cuius requisitum extrinsecum requiritur, etiam si ipsum requisitum extrinsecum per possibile vel impossibile non maneat, non propterea tollitur formaliter & immediatè totum; quin potius manet, si non desint alia quæ supponuntur etiam esse constitutiva intrinseca eiusdem totius. Et contra verò constitutiva intrinseca requiruntur

quiruntur ad esse totius non ratione alterius ab ipsis distincti, sed ratione sui, ratenùs scilicet, quatenùs per solam coniunctionem sui, perq; meram exhibitionem suarum entitatum, dant esse toti. Ergò remanentibus solis entitatibus ipsorum omnibus, quidquid sit de reliquo, coipso immediatè necesse est remanere totum; & tolli, illis omnibus non remanentibus.

§ VIII. Ex hac verò explicatione, multa deducuntur per totam Theologiam & Philosophiam. Ex. gr. quod sit constitutivum intrinsecum Intencio respectu Sacramenti, Persona operans respectu Meriti, scientia media vel consensus noster conditionatè futurus respectu Efficaciæ auxiliij, Modalitas respectu denominationum Vniti, Agentis, Producti, Passi, Vbicati, Durantis, Priuatio formæ subsequenti respectu Mutationis, Capacitas subiecti respectu Priuationis, & plurima alia. Præsertim verò deducitur Relationem prædicamentalem constitui intrinsecè non solum fundamento, sed etiam termino completè sumptis, quatenus postulantibus conceptum vnus extremi in recto, alterius in obliquo; secundum quam diuersam conceptibilitatem multiplicantur Relationes fundatæ in iisdem extremis. Et hanc sententiam esse cõmuniorẽ testatur Rosiner disp. 7. de Deo ar. 3. mihi p. 507. eandemq; tenet C. De Lugo, Ripalda. Hurtad. Arriaga, Ouiedo, Coninch de Trin. disp. 4. dub. 4. sec. 3. ac meus Magister P. Giattinus qu. 7. Log. ar. 4. Ratio omnium istorum est eadem. Sic enim breuiter de Relatione v. g. prædicamentali argumentor in Camestres.

CA Manente solo adequato intrinseco constitutiuo Paternitatũ, manet à parte rei Paternitas :

ME Sed manente solâ entitate Patrũ, non manet à parte rei Paternitas :

TES Ergo sola entitas Patrũ non est adequatum constitutivum intrinsecum Paternitatis,

& sic etiam entitas Filij est parziale constitutivum intrinsecum Paternitatis. Consequentiam esse in forma patebit consideranti. Maior est euidens, quia cùm nihil possit à parte rei manere sine seipso; cùmq; solum adequatum constitutivum intrinsecum Paternitatis sit ipsa Paternitas; manifestè implicat manere à parte rei solum adequatum constitutivum intrinsecum Paternitatis, & non manere Paternitatem. Minor etiam est certa, quia non existente Filio, Petrus existens non habet relationem Paternitatis. Et quidem (vt occurram responsioni quorundam) non habet istam Relationem non tan-

Applicatur generalem principium ad particularia & specialiter ad Relationem prædicamentalem.

tum quoad denominationem, sed etiam quoad entitatem totalem; alioquin si tunc daretur totalis entitas Paternitatis in Petro, daretur etiam & denominatio Paternitatis; cum Petrus sit subiectum capax talis denominationis, & denominatio ut sic nihil aliud sit, quàm entitas formæ in subiecto capaci. Dicere verò non manere in tali casu Paternitatem terminatiue & secundum id quod dicit in obliquo, est petere principium; de hoc enim est quæstio, an Relatio Paternitatis dicat intrinsecè id, quod dicit terminatiue & in obliquo. Idem sic aliter in eadem forma probari potest. *Per te, Entitas Filij est conditio extrinseca requisita ad hoc ut existat tota Relatio Paternitatis: sed per te etiam, Entitas Filij non est conditio extrinseca requisita ad hoc ut existat sola Entitas Patris: Ergo sola entitas Patris non est tota Relatio Paternitatis.* Consequentia est in Camentres: Maior & Minor est Aduersariorum. Hinc etiam impugnatur sententia, quam docebat me⁹ quidam Collega, Vir multæ eruditionis & solidi ingenij, asserens Relationem prædicamentalem adæquatè identificari cum sola ratione fundandi & terminandi. Contra enim est, quia in Relatione prædicamentali aliquando extrema relata non distinguuntur realiter à ratione fundandi, & terminandi, ita tamen ut hæ ipsæ rationes realiter inter se distinguantur, ut accidit in Similitudine duarum albedinum: & tunc patet quod Relatio prædicamentalis non distinguatur à fundamento & termino. Aliquando vero extrema relata distinguuntur realiter à ratione fundandi & terminandi, realiter inter se distinctis, ut accidit in Similitudine duorum parietum alborum; & tunc manente solâ ratione fundandi & terminandi, hoc est manente solâ duplici albedine utriusq; parietis, & non manentibus parietibus, non manet similitudo duorum parietum, sed tantum albedinum similitudo, distincta à parte rei, quia separabilis, à similitudine parietum: quam etiam proinde Similitudinem parietum, oportet, iuxta dicta, importare intrinsecè ipsos parietes, qui sunt extrema relata talis similitudinis. Aliquando demum extrema relata distinguuntur realiter à ratione fundandi, indistincti à ratione terminandi, ut accidit in Relatione Paternitatis, alijsq; fundatis in Actione & Passione: & tunc remanente per possibile vel impossibile solâ ratione fundandi & terminandi, nempe Actione & Passione, non maneret relatio prædicamentalis, sed transcendentalis Actionis. Relinquitur ergo in Relatione prædicamentali includi intrinsecè, tam extrema relata, quàm rationem fundandi & terminandi. De Relatione Transcendentali dispar est ratio: Tum quia in hac Relatione Terminus requiritur extrinsecè ad existentiam

Attentiam solius fundamenti, puta Creator ad existentiam Creaturæ, in relatione Abalietatis: Tum quia si per impossibile Fundamentum huius Relationis daretur sine suo Terminò, puta entitas hominis sine Deo, adhuc saluaretur formaliter tota Relatio Abalietatis in sola entitate hominis, utpote limitatâ. Quapropter ob contrarias rationes, Relatio Transcendentalis constituitur intrinsecè per solum fundamentum, ut fert communis sententia.

§ IX. Interim, quoniam ex Constitutivis intrinsecis aliqua veniunt in recto, aliqua in obliquo in denominatione; tradenda est hæc doctrina vniuersalis de Recto & Obliquo, quam materiam acutè tractant Card. Sfortia & P. Giattinus locis indicatis. Et imprimis certum est apud omnes, denominationes Recti & Obliqui non esse reales, sed desumptas extrinsecè à modo significandi. Potest enim vna eademq; res nunc esse rectum nunc obliquum, cum sola diuersitate conceptuum, & vocum, quæ conceptibus substituuntur.

Doctrina
vniuersa-
lis de re-
cto & obli-
quo.

Potriò illud dicitur concipi in recto, quod na apprehenditur, ut ex vi talis modi concipiendi possit intellectus ipsum immediatè prædicare de aliquo, vel aliquid de ipso; secus autem de obliquo dici debet, ut rectè explicat P. Hisparza q. 8. de Sacra: Ratio huius potest esse, quia iuxta Regulas Dialecticas in omni propositione affirmatiua significatur identitas recti importari ex per te subiecti, cum recto importato ex parte prædicati, quidquid sit de obliquo, quæ solum debent considerari ut coniuncta cum recto; & ideo hæc propositio, *Album est dulce*, vera est, quia idem est rectum quod significatur per Album, & quod significatur per Dulce, nempe Habens albedinem, licet Albedo & Dulcedo, quæ significantur in obliquo, sint realiter distinctæ. Quod igitur ita concipitur, ut ex vi conceptus possit immediatè affirmari de aliquo, vel aliquid de ipso, concipitur ut rectum. Hinc licet Rectum & Obliquum non dentur, & sæpe non distinguantur à parte rei; quia tamen propositio procedit de rebus ut apprehensis; multum interest ad veritatem propositionis, quid per terminos ipsius significetur in recto quid in obliquo, ut est notum ipsis Dialecticis Studiosis. Itaq; quamvis hi termini complexi, *Ego qui lego librum, Liber qui à me legitur*, ambo significant eandem res omninò; tamen ob solam mutationem recti in obliquum, non quidquid verè affirmatur de vno termino, affirmatur & de altero. Ego enim qui lego librum sum rationalis, non autem liber qui legitur à me; & similiter Cunctio terminata ad peccatum est supernaturalis, peccatum autem terminans contritionem non est supernaturale; & sic de similibus terminis complexis, differenti-

tibus solum ex modo significandi, non autem ex parte rerum significatarum.

concre-
tis quid
venit in
recto?

§ X. Hoc posito, investiganda est regula, quid in aliquo termino complexo significetur in recto, quid in obliquo? Cerrum est apud omnes, in rebus fundamentum significari in recto, terminum in obliquo; quia fundamentum est id quod refertur ad aliud, nempe ad terminum. Rursus

communiter docetur in concretis adiectivis, qualia sunt Album, Lucidum &c. in recto significari subiectum, in obliquo formam; idem est iudicium de nominibus grammaticaliter substantivis quæ important formam accidentalem, qualia sunt, Dux, Rex, Consul, Philosophus &c.

De Concretis philosophicè substantivis, qualia sunt Homo, Leo, Lapis, magnum est dissidium. P. Valquez. l. p. d. 155, quem sequuntur Arriaga & Oviedo in Logicis, putant in concretis substantialibus in recto significari Naturam, in obliquo Subsistentiam. Sed contra. Si homo est natura humana terminata per subsistentiam: Ergo cum dicitur *Verbum Divinum est homo*, sensus erit, *Verbum est natura humana terminata per subsistentiam*, quod est Eutychianum. Deinde sequeretur si Verbum assumpsisset duas humanitates fore duos homines, & consequenter duo entia, & non vnum propriè ens, quod communiter negatur cum D. Thoma 3. p. q. 3. a. 7. ad 2.

Ideo P. Suarez in explicatione huius loci, citans Gabrielem, & Marsilium, cui etiam subscribit Car: de Lugo de Incarn: putat in concretis substantialibus in recto significari Subsistentiam, in obliquo Naturam. Contra tamen statim occurrit; quia si Deus est Persona habens Deitatem: Ergo cum sint tres personæ habentes Deitatem erunt tres Dij. Quod verò dicit Card. de Lugo particulas *Vnus, Idem, Hic*, & similes dictas de concreto substantiali determinare naturam non suppositum, ideoq; cum sit vna natura Divina, vnum eundemq; esse Deum, quamvis sint tres Personæ. Id verò difficile est; quia cum per ipsum Tò *Vnus, Idem, Hic* directè prædicetur non de natura, sed de persona, quomodo non determinabit personam sed naturam?

Aliter ergo P. Connick d. 7. de Trinit: dub. 2. sect. 2. docet, in concreto substantiali significari in recto tam Naturam, quam Subsistentiam unita, seu complexum ex utraq; Sed contra quia hac ratione dum dicitur, *Deus est homo*, sensus esset, *Natura Divina, & subsistentia est natura humana & subsistentia Divina*, & sic prædicatum propositionis non erit adæquatè identificatum cum subiecto. Item cum dicitur, *VERBUM caro factum est*, sensus esset, *Complexum ex Verbo & humanitate, factum est complexum ex humanitate & Verbo*; quod tamen falsum est; id enim factum est

caro,

Aliorum
placita-

caro; quod fuit antequam fieret caro; complexum autem ex Verbo & humanitate non fuit antequam fieret caro.

§ XI. Mihi placet sententia, quam indicat Card. Sfortia lib. 5. de Incarn. c. 12. Supposita ergo doctrina Philosophi docentis 9. Ethic: *id esse aliquid, quod est præcipuum in ipso*, quod etiam principium usurpat D. Th: 1. p. q. 75. ar. 4. ad 1. & 1. 2. q. 29. ar. 3. censeo concreta accidentalia in recto esse ipsum subiectum habens formam; cum in talibus concretis subiectum sit præcipuum utpote substantia. E contra, quia in concretis substantialibus purè creatis, præcipuum est Natura, non autem Subsistentia, quæ est proprietas consequens naturam & fortè etiam modalitas: censeo hæc concreta in recto esse ipsam Naturam terminatam per subsistentiam creatam. Hinc concreta accidentalia, multipliciter vel unitatem subiecti sequuntur; substantialia verò purè creata, Naturæ.

Propria
sententia.

Aliter tamen puto dicendum de concreto substantiali ex natura creata & subsistentià increta, quale est *Ly Hemo* dictum de Christo Domino; in hoc enim, cum subsistentia sit quid præcipuum; ideo significatur in recto, & fundat illam mirabilem communicationem idiomatum. Hinc Christus est unum viuens, non duo viuentia, licet ibi sit duplex natura viuens, ratione vnus Personæ viuentis. Hinc etiam iuxta S. Thomam, si Verbum assumpsisset duas humanitates, esset vnus homo; si autem tres Personæ assumerent vnā humanitatem, complexum huiusmodi, ut bene docet Perez Tract. 3. de Deo, disp. vltimā, dicerentur adhuc Vnus homo unitate collectionis recti.

Iam de hoc termino Deus dicendum, quod cum in illo æquè principalis sit Natura & Subsistentia, ideo hic terminus supponit nunc pro sola Natura, ut cum dicitur, *DEVS est vnus*: nunc pro sola Persona, ut cum dicitur, *DEVS generat*, *DEVS est homo*: nunc pro vtroq; ut cum dicitur, *DEVS est Omnipotens*. Regula autem discernendi hoc, est veritas mysterij Trinitatis & Incarnationis, necnon vsus Ecclesiæ ac Patrum. De quo plura Theologia.

Ad 1. Ablatā causā tollitur Actio mediata & arguitur, non formaliter, intantum scilicet, inquantum tollitur aliquid præter entitatem causæ, quod intrinsecè constituebat denominationem Actionis, nempe illa modalitas. Idem dic de comparatione Dei cum creatura. Et ideo tam Causa, quam Deus non sunt intrinseca constitutiva Actionis & Creaturæ.

Ad 2. P. Arriaga tum in disp. de Relatione, tum in materia de Trinitate, admittit in Patre æterno duas Relationes Paternitatis ad Filium: vnāq;

ynam Transcendentalem identificatam soli Patri, alteram Prædicamentalem identificatam etiam partialiter Filio. Communis sententia est, quam sequimur, Paternitatem Divinam esse relationem transcendentalem, aut saltem participare de relatione transcendentali, & identificari adæquatè Patri. Cum enim Pater æternus per seipsum sit essentialiter determinatus ut generet Filium, ipse est generatio activa Filij; ac prout eum Paternitas eius sit actio, est relatio Transcendentalis; quod non accidit in creatis, ubi Pater non est actio generativa Filij. Quare cum Pater æternus in esse Patris non constituitur intrinsecè per Filium; idè per impossibile ablato Filio, solum arguitur tolleretur, non autem formaliter & immediatè, in esse Patris. Ratio est: quia remanente per impossibile solâ entitate Patris æterni, remaneret formaliter adhuc substantia generans cum determinatione ultima ad generandum, necnon cum determinatione ad còexistendum Filio, indistincta ab ipso Filio, quæ est æternitas communis utriq;. Ergo remaneret formaliter Paternitas, quæ nihil aliud est, quàm substantia generans cum ultima determinatione ad generandum. & cum determinatione ad còexistendum Filio, si hæc præsertim determinatio ad còexistendum non sit distincta realiter à Filio. In alijs casibus quid formaliter sequeretur ablato vno extremo necessàriò requisito ad existentiam alterius, non est ita arduum iudicare, inspectâ essentia utriusq; extremi.

Ad 3. in quo opponuntur aliquæ rationes contra hoc quod diximus Relationem Prædicamentalem constitui intrinsecè termino, respondeo ad singulas. Ad 1am dico, Relationem Prædicamentalem esse ordinem ad aliud adæquatè distinctum à fundamento ordinis, & solum inadæquatè distinctum ab ipso ordine. Ad 2am dico, Paternitatem v. g. in consideratione physica esse ens per accidens, non autem in consideratione Logica; quia sub hoc termino Paternitas in concreto, ita exprimentur plura physice non unita, ut unum significetur in recto, aliud in obliquo; unde fieri possit Paternitas in concreto, prædicari de vno per se, puta de Philippo Macedone; quod sufficit ut aliquid spectet, ad prædicamentum, ut pater in ijs; quæ etiam ponuntur in prædicamento Habitus. Ad 3am rationem dico, Paternitatem & Filiationem in creatis, si considerentur secundùm ea quæ significant quomocunq;, non distingui realiter; distingui autem, si considerentur secundùm id quod dicunt in recto; nam Paternitas in recto est y. g. Philippus qui genuit Alexandum; contra Filio est Alexander genitus

genitus à Philippo. Ob hunc verò diuersum modum significandi, iuxta dicta in Corpore, non de quocunq; dicitur formaliter esse Patrem Alexandri, de eodem dici potest esse formaliter Filium Philippi, & è conuerso, licet de quo dicitur Rationale, de eodem dici potest Risibile, & è conuerso; eò quòd hi posteriores termini idem significant in recto, non autem isti, *Pater & Filius*.

Neq; verum est præterea ex identitate formæ denominantis inferri identitatem concreti; nam ab eadem forma *Cognitionis* proueniunt duo diuersa concreta *Cognoscens & Cogniti*, & sic de similibus. Ad illud argumentum Theologicum dico, illud esse optimum, quatenus procedit de Paternitate & Filiaione Diuina. Hæ enim ut dictum est in responsione ad 2. sunt quasi Relationes Transcendentales, cum una sit generatio actiua, altera generatio passiuæ, ac proinde identificatæ solis fundamentis relationis, puta Paternitas soli Patri, Filiaio soli Filio; vnde cum inter Patrem & Filium, datur oppositio Producentis & Producti, & sic distinctio; necesse est Paternitatem & Filiaionem Diuinam distinguere realiter adæquatè. Vniuersaliter ergò maior argumenti illius vera est. Minor etiam vera est in Diuinis; at in creatis solum est vera quatenus procedit de Paternitate & Filiaione secundum suum rectum consideratis, non autem secundum complexum ex recto & obliquo.

Sicut enim per multos ex Aduersarijs non est verum in creatis inter generationem actiuam & passiuam dari oppositionem producentis & producti, & consequenter distinctionem, sicut datur inter generationem actiuam & passiuam in Diuinis: ita nos possumus dicere, inter Paternitatem & Filiaionem in creatis non dari distinctionem realem, sicut datur in Diuinis.

Q V Æ S T I O III.

*Utrum Causalitas Causarum Intrinsecarum sit
Unio? extrinsecarum verò Actio?*

Videtur 1. Causalitatem causarum intrinsecarum non esse vnionem; quia causalitas causæ materialis in compositum est Materializatio; formæ verò est Informatio. Si autem eadem vtriusq; esset Causalitas in compositum, consistens in vnione; posset dici in sensu reali, quòd è contra causalitas formæ in compositum sit Materializatio, materię autem Informatio; quod tamen nemo dixerit.

X

2. Videtur

2. Videtur etiam causalitas omnium causarum extrinsecarum non consistere in Actione; quia pro diversitate causarum debent poni diversæ Causalitates. Patet autem diversas esse causas extrinsecas, Efficientem, Subiectivam respectu formæ, Finalem, & Idealem: Ergo cuilibet ex his assignanda est diversa Causalitas.

3. Causalitas nec Divinitus potest manere sine sua causa, cum sit ultima determinatio. Causæ ad causandum, eidem essentialiter affixæ, ut supra habuimus est. Sed eadem Actio causæ efficientis v. g. ædificatio potest esse sine hac finali causâ, quæ hic & nunc intenditur ab ædificatore, puta sine intentione lacri; & similiter sine tali exemplari, quod inspiciens artifex operatur. Ergo Actio non est causalitas causæ Finalis & Idealis, quæ sunt causæ extrinsecæ.

§. I. Respondetur. Sicut supra dictum est, causæ aliæ sunt intrinsecæ aliæ extrinsecæ. Intrinsecæ dicuntur per ordinem ad compositum, quod causant, suas entitates dando ipsi in partem. Quare huiusmodi Causæ distribuuntur sumptæ (quo pacto sunt solùm causæ,) à suo effectu intrinseco, distinguuntur realiter inadæquatè. Si autem sumantur collectivè & vnitè, sunt ipsum compositum, nec sic sumptæ sunt causa intrinseca compositi. Hinc effectus intrinsecus nullam habet causam intrinsecam totalem, cum hæc in terminis repugnet, siquidem de conceptu causæ intrinsecæ est, esse partem componentem. Tales causæ intrinsecæ sunt duæ, Materialis, & Formalis. Differunt verò per hoc quod formalis sit pars intrinseca compositi, perfectiva suæ compartis, vel tribuendo suæ comparti in esse totius spectatæ nobiliora prædicata, quàm accipiat ab ipsâ, si forma sit substantialis & simpliciter perfectiva; vel quatenus primariò ex natura sua ordinatur ad perficiendam suam compartem, si forma sit accidens & secundum quid perfectiva. At materia seu subiectum est pars intrinseca compositi perfectibilis à sua comparte, vel simpliciter, vel secundum quid, modo dicto.

§. II. Ex his causis intrinsecis, Materialis, si compareretur cum ipsâ forma substantiali materiali, (excipitur anima rationalis quæ non causatur à materia,) & cum formis accidentalibus, necnon cum ipsâ vñione, est causa extrinseca. Huiusmodi enim formis & vñioni, causa materialis dat esse in genere proprio, sustentando ipsas, tanquam aliquid à se adæquatè distinguendum; vñote cum ad illarum esse & conservari ex natura rei requiratur. Ceterum causa Formalis ut talis, nullum habet effectum extrinsecum. Imprimis enim

Quid sine
Causæ in-
trinsecæ?

Quid sit
forma?
Quid ma-
terialis?

Causa ma-
terialis &
formalis
an sint cau-
sæ extrin-
secæ?

enim forma nullam causat materiam, quam utpote priorem naturā supponit causatam; Vnionem verò licet Forma causet partialiter, sustentando illam cum materia, quod est probabile; causat tamen in genere causæ materialis, non ut causa formalis.

§ III. Ultra causam materialem respectu formæ, dantur alie causæ extrinsecæ. Primò efficiens, quæ 2. phys: dicitur *Vnde principium primum* (comparatione scilicet aliarum diuersi generis causarum) *mutationis & quietis*, sumendo latius mutationem, prout extendit se etiam ad creationem. Secundò causa Finalis: *cuius gratia aliquid fit*. Tertio causæ Idealis, quæ ex Augustino 12. de Ciuit: definitur: *Forma in mente existens, ad cuius imitationem aliquid fit per se ex intentione agentis determinantis sibi finem*.

Quid sit
Causa Effi-
ciens? quid
Finis? quid
Exemplar?

§ IV. Hoc posito, Causalitas causarum inmiscarum nempe tam Materie quam Formæ in compositum, est Vnio. Quia hac posita iuxta dicta d. 3. q. 4. vltimò determinatur materia & forma ad actu causandum in proprio genere, & consequenter ab ea denominantur formaliter actu causantes, quæ est notio Causalitatis. Nempe ab vnione vltimò determinatur materia quidem ut se det actu cõposito in partem, per modum subiecti seu partis perfectibilis: forma verò ut se det per modum actûs, seu partis perfecti-
uæ.

Loquendo autem de causis extrinsecis, constat similiter ex loco modo indicato, Actionem esse vltimum determinativum Agentis, ut actu agat, ipsumq; formaliter denominare Agens in actu secundo, ac proinde esse causalitatem ipsius.

Causalita-
tes singu-
larum Cau-
sarum ex-
plicantur.

Rursum quia ibidem dictum est Actionem non distingui realiter à Passione, seu sustentatione, & educatione formæ, à qua causa materialis vltimò determinatur ad sustentandam formam, denominaturq; actu sustentans; patet similiter Actionem esse in re causalitatem causæ materialis respectu formæ, quæ causatur.

Eadem verò Actio quatenus per ipsam cõexistentem cognitioni Finis, ponitur amor Finis, & tota series mediorum, est etiam causalitas Finis; siquidem posita tali Actione ut cõistente cognitioni Finis, eo ipso vltimò determinatur Finis, ut actu moueat ad amorem sui & positionem mediorum; id est, ut actu finalizet. Moueat inquam, motione illa metaphoricâ quidem in ratione motionis, (quatenus talis motio non computatur à Philosopho inter species motûs,) sed verâ in ratione Causalitatis; sicut pratum ridet metaphoricè in ratione risûs, sed verè in ratione floriditatis.

Tandem ob eandem rationem, eadem Actio, v. g. quæ fit domus, est causalitas Idem, quatenus coniungitur cum cognitione exempla-

ris, & intentione faciendi opus conformiter ad Ideam: hoc modo enim sumpta Actio, denominat Ideam in suo genere causantem in actu secundo. Per hæc autem manent breuiter explicatæ singulæ Causæ in suo genere earumq; Causalitates; quod erat in hac Quæstione intentum.

Ad 1. Eadem forma diuersimodè denominat subiecta; iuxta diuersam ipsorum conditionem, puta eadem cognitio mea, me denominat cognoscentem, lapidem cognitum; eadem contritio Deum denominat amantem, peccatum odio habitum, Patrum Dei amantem &c. Cuius rei ratio est: quia in effectu formali præter ipsam formam includitur intrinsecè etiam capacitas subiecti. In hunc ergo modum Vnio comparata cum materia, denominat illam materializantem; comparata cum forma, denominat illam informantem. Informare enim est vniri per modum actus perfectiui; materializare autem est vniri per modum potentie perfectibilis.

Ad 2. Sicut causa prima & secunda tamen si sint diuersi ordinis, & similiter potentia naturalis & habitus supernaturalis; nihilominus causant per eandem indiuisibiliter Actionem; ita diuersi generis causæ, possunt causare suos effectus, per eandem indiuisibiliter causalitatem, à qua accipiant diuersas denominationes Causantis in actu secundo, puta Efficientis, Finalizantis, iuxta diuersam conditionem huiusmodi Causarum, vt nuper dicebatur.

Ad 3. Iam dictum est Causalitatem Finis non esse Actionem efficientis secundum se præcisè consideratam, sed vt còexistentem cognitioni finis; & similiter Causalitatem Ideæ esse Actionem efficientis, vt còexistentem cognitioni Ideæ, necnon intentioni conformandi se eidem. Patet autem sic sumptam Actionem non posse separari à Fine, & ab Ideâ.

Q V Æ S T I O IV.

Utrum possit de potentia absoluta duplex Actio simul terminari ad eundem numero effectum, siue utraq; sit totalis siue altera partialis?

V

Idetur quòd sic, vt eum Suarez censent Hurtad: Ouid: Compt: Arriaga, & alij quos refert & sequitur Tellez d. 63. l. 6. 1. Quia possunt diuinitus simul poni duæ formæ substantiales in eadem materia saltem per informationem; & similiter duæ quantitates per penetrationem in eodem

Unaforma
dat diuer-
sas deno-
mination-
es diuer-
sis subie-
ctis.

eodem loco; duæ item Vibrationes possunt in eodem corpore existere per replicationem eius in duobus locis. Ergo etiam duæ Actiones possunt Diuinitus simul terminari ad eundem effectum.

2. Plurēs Præbyteri in Missa suæ ordinationis simul proferentes vnâ cum Episcopo ordinante verba consecrationis supra debitam materiam, defacto singuli tanquam causæ totales in actu secundo, ideoq; per plures adæquatas Actiones, conficiunt Corpus Christi. Totales inquam in actu secundo, quia si vnus ex illis deesset, maneret idem omninò effectus, ex vi actionis aliorum remanentium. Quod idem dici solet de pluribus ministris simul validè baptizantibus eundem infantem, illiq; conferentibus gratiâ baptismalem. Potest igitur supernaturaliter dari simul multiplex totalis productio eiusdem effectus.

3. Non repugnat vt creatura existens in priori naturæ ex vi Actionis totalis, quâ pender à Deo conseruante, in posteriori naturæ seipsam producat instrumentahter quoad secundum esse, per secundâ Actionem pendente indiuisibiler tum ab ipsâ creatura, tum à Deo, vt cum Suar: docent Arriū & Tellex citatus scđ: 2. aliq; plures. Immo Christus Dominus existens in celo, vt docent quidam Theologi, cum Suario, hoc modo se reproducit sub speciebus Eucharisticis; vnde de ipso dicitur in Canone Missæ, *Per quem hæc Domine semper bona creas.* Non repugnat ergo in eodem instanti pendente effectum per duplicem Actionem totalem vel altervtram partialem.

4. Possunt dari simul plures Fines adæquati in actu secundo, respectu eiusdem effectus, vt cum quis deambulat, & propter sanitatem tanquam propter motivum totale in actu secundo, & propter amicum. Ergo etiam possunt dari simul plures causæ efficientes pariter extrinsecæ totales in actu secundo respectu eiusdem effectus, & consequenter plures Actiones totales, per quas scilicet causæ plures constituuntur formaliter totales in actu secundo.

§ I. Respondetur. Explicatis breuiter causalitatibus omnium causarum, Causalitati Efficientis vpote communi pluribus causis non nihil adhuc immorandum est, præsertim examinando possibilitatem duplicis Actionis totalis; ex huius enim determinatione, multa pendent de causis extrinsecis, quæ statim deducuntur.

§ II. Dicendum verò est repugnare metaphysicè duplicem Actionem terminatam simul ad eundem numero effectum, siue vtrâq; sit totalis,

ablatā, nec vllō succedente eiusdem rationis, nihil aufertur præter ipsam; idem est de Vbicatione ac de omnibus alijs entitatibus quæ sunt extra controuersiam præsentem, non ponentibus aliquid præter seipsas. Nempe in causis adæquatis valet illud effectum; Si affirmatio est causa affirmationis, etiam negatio seu ablatio debet esse causa negationis seu ablationis. Atqui ablatā vnā Actione ex his de quibus loquimur, & non succedente denouo aliquo æquivalente in locum ablatæ Actionis, nihil auferretur præter ipsam illam Actionem; posset enim vtraq; remanere causa, & remaneret defacto totus, ac totaliter effectus, ex vi secundæ Actionis remanentis, utpote totalis. Ergo per vnā Actionem ex illis duabus nihil poneretur præter ipsam. Nec satisfacit, si dicas: Ablatā secundā Actione, & remanente vnā totali, auferri effectum quoad secundum esse, seu quoad esse bis productum, seu quoad habere esse dependens à secundā causā. Contra enim est, quia hoc modo auferri effectum, nihil est reipsā auferrī, nisi solam secundam Actionem. Probatur hoc manifeste; quia quando aufertur aliquod binarium, & manet prima pars binarij, manifestum est nihil tunc reipsā auferri, nisi secundam solam partem binarij: nihil enim est in binario realiter loquendo, nisi pars prima & secunda; vnde si prima manet, & tamen aufertur binarium, necesse est vt sola secunda pars non remaneat. Atqui effectus quoad secundum esse, seu quoad esse bis productum, seu quoad esse dependens à secundā causā, est binarium constitutum ex entitate effectus & ex secundā Actione præcisē. Si ergo remanet tota entitas effectus ex vi primæ Actionis totalis, & tamen non manet effectus quoad secundum esse, seu quoad esse bis productū, seu quoad esse dependens à secundā causā; oportet vt nihil reipsā auferatur, nisi secundā Actio sola, quod tamen fieri non posse offensum est.

S IV. Ex hoc principio deducitur 1. repugnare pariter duplicem causalitatem passiuam simultaneam subiectorum: in eandem formam, quantum vnā, vel vtrq; sit totalis. Passio enim & Actio eductiua sunt idem realiter, vt suprà habitum est. Posset tamen diuinitus vnā forma vniri purē informatiue simul duplici materiæ totali; cuius rei dabitur discrimen in responsione ad 1.

Repugnat duplex causa passiuæ eiusdem forme.

S V. Deducitur 2. non posse etiam diuinitus idem seipsum producere, etiam quoad secundum esse. Quia hoc ipso daretur duplex Actio totalis, vel altera, in eodem instanti temporis terminata ad eundem effectum; vna nimirum totalis, qua Petrus y.g. reproducens seipsum, in prioris naturæ

Item reproductio sui.

penderet

ductiua præsentiæ Christi pendens indissolubiter ab omnibus consecrantibus; atq; vno ex illis deficiente, non possit poni Corpus Christi, nisi per aliam Actionem pendentem essentialiter à paucioribus consecrantibus.

Si tamen admittatur Antecedens cum alijs Theologis, dici potest, quòd illi singuli consecrantes sint causæ totales in actu secundo mediatae, & denominatiue tales, respectu Sacramentalis præsentiæ Christi, quatenus nimirum quilibet illorum producit immediatè suum peculiarem effectum physicum, v. g. Speciem in vidente; quorum plurius effectuum intuitu, Deus determinatur ad præsentiæ Christi Sacramentalem producendam per vnica Actionem. Non est autem absurdum dari simul tales Causas totales in actu secundo; quia adhuc cuiuslibet illarum Actio ponit immediatè aliquid præter seipsam.

Ad 3. Iam ostensa est implicantia eius quod assumitur. Certe ergo Dominus creat se, vel quasi creat in Sacramento, non quoad suam entitatem præcisè, sed quoad esse Sacramentale, id est quoad modalem præsentiæ suam & Vnionem accidentalem sui cum speciebus Eucharisticis; quam producit. Vnde Conuersio Eucharistica est quidem substantialis, vt conuersio est: quia sub hoc conceptu considerata versatur inter vtrumq; terminum substantialem, puta inter substantiam panis & inter substantiam Corporis Christi; quatenus tamen est Actio productiua, est accidentalis. Nilominus tamen eadem productio præsentiæ & Vnionis Christi cum speciebus est conuersiua Substantiæ panis & vini in Corpus & Sanguinem Christi: quia sufficit ad veram conuersionem, vt terminus *A quo* desinat esse vnium quid cum aliquo tertio communi, ex vi coniunctionis termini *Ad quem* cum eodem tertio; quod præstat Actio hæc de qua loquimur, vi cuius scilicet substantia panis & vini definit esse vnita cum Accidentibus, propter vnionem Christi cum iisdem.


Conuersio
Eucharistica
qualis?

Ad 4. Repugnat etiam duplex Finis totalis in actu secundo respectu eiusdem actus interni voluntatis v. g. respectu eiusdem intentionis, vt docent multi, quos refert & sequitur Tellez d. 29. l. 6. non autem respectu actionis externæ v. g. respectu deambulationis. Ratio: quia in meis principijs, actus intellectus & voluntatis seipso immediatè essentialiter respicit motiuium suum; ac proinde motiuium mutato, mutatur, deficitq; si motiuium deficiat. Actus ergo vnus internus voluntatis qui fit ob plura motiua, quolibet deficiente, debet deficere; & consequenter plura motiua non possunt esse

Duplex
Finis totalis
in actu
secundo
respectu
actus interni
non
datur.

adæquata in actu secundo respectu talis actûs interni: est enim de ratione causæ adæquatæ in actu secundo, ut illa deficiente, non deficiat effectus, maneat alia causa similiter adæquata in actu secundo. Hoc non valet de Actione exteriori, quæ per seipsam non pendet à motivo, propter quod fit, sed mediante actu interno voluntatis, à quo imperatur; ac proinde deficiente vno ex pluribus motivo, non propterea debet deficere actio exterior. Potest ergo eadem Actio externa v. g. deambulatio simul pendere à duobus finibus, mediantibus duabus intentionibus ita, ut quolibet seorsim sine & intentione eius deficiente, non deficiat Actio externa; quod est causari finaliter eandem actionem externam à duplici fine totali in actu secundo.

Verum hinc non licet à pari arguere ad duplicem causam efficientem totalem in actu secundo. Ratio discriminis est: quia cum Finis causet intentionaliter, seu ut existens in intellectu, inducatq; media cognita ut vilia ad talem finem; sufficit, ut ex duabus intentionibus, quibus mediantibus duplex finis totalis in actu secundo, causat actionem externam, quælibet intentio imperando ponat aliquid præter seipsam, distinctum solum intentionaliter seu in nostro intellectu, ab eo quod ponit altera intentio; ita ut vna imperando ponat v. g. ambulationem quatenus cognoscitur vili ad sanitatem, altera eandem ambulationem, quatenus cognoscitur vili ad complacentiam dandam amico. At causa efficiens causat ut est à parte rei; unde ex duabus Actionibus quibus causat duplex finis totalis in actu secundo, quælibet debet ponere aliquid præter seipsam, distinctum à parte rei ab eo quod ponit altera Actio; quod tamen non accideret, si daretur simul duplex Actio totalis eiusdem effectûs, ut probatum est.



DISPUTATIO V. 171

De Diuisione Entis vt sic.

ENS vt sic diuiditur imò in Ens Increatum & Creatum, 2dò in Supernaturale & Naturale, 3iò in Substantiam & Accidens, 4to in Immateriale & Materiale. Duas priores diuisiones explicandas relinquimus Theologis, ad quos spectat explicare conceptum essentialem Dei & Entis supernaturalis. De duobus posterioribus Diuisionibus Entis, nobis hoc loco agendum.

QVÆSTIO I.

Utrum conuenienter assignetur discrimen inter Substantiam & Accidens?

Videretur discrimen Substantiæ ab Accidente non consistere in hoc, quòd Substantia sit id quod habet totam suam perfectionem intrinsecam non ordinatam essentialiter ad perficiendum intrinsecè aliquid à se adequatè distinctum, secus autem Accidens.

1. Quia forma Substantialis v. g. anima equi habet totam suam perfectionem essentialiter ordinatam ad perficiendam intrinsecè materiam, quæ est adequatè distincta à forma substantiali: Ergo &c.

2. Si dicatur formam Substantialem ordinari essentialiter non ad materiam secundum se, sed ad compositum, à quo forma inadæquatè tantum distinguitur; eodem iure dici poterit calorem v. g. manus, essentialiter ordinari non ad manum secundum se, sed ad calidum, à quo calor inadæquatè distinguitur; & sic calor erit Substantia.

3. Ens positivum non benè explicatur per differentiam negativam; sed prædicta explicatio Substantiæ traditur per differentiam negativam, vt patet: Ergò non est bona.

4. Omnes substantiæ inferiores homine, ordinantur ex natura rei ad hominem, tanquam ad finem vltimum vtilitatis intrinsecè perficiendum, puta ad excitandam in illo delectationem, cognitionem, anteriorem conditio- nis &c. Ergò allata definitio Substantiæ, multis substantijs non conuenit.

5. Nec etiam opposita definitio conuenit Accidenti. Nam Error, Actus peccaminosus, & similia Accidentia nociua, non ordinantur essentialiter ad perficiendum intrinsece aliquid ab ipsis contradiunctum, sed potius ad vitandum aut corrumpendum. Ergo definitio proposita tam Substantiæ, quam Accidentis non conuenienter traditur.

Aliorum
Explicati-
o substan-
tiæ & ac-
cidentis
impugna-
tur.

§ I. Responderetur. Comuni illi & vulgari desumptæ ex Aristotele definitioni Substantiæ & Accidentis, quod illa sit *Ens per se*; hoc verò, *Ens in alio*, difficultatem facit forma Substantialis, quæ reuera est *Ens in alio*, & quidem per veram dependentiam à subiecto, ac sustentationem, si est materialis, non minùs quam dependeat Accidentis à subiecto: vnde per istas definitiones non videtur assignari discrimen inter omnem Substantiam & Accidentis.

Quod enim aliqui dicunt, formam substantialem materialem esse in alio tanquam in subiecto sustentationis: Accidentis verò esse in alio tanquam in subiecto Inhabitationis; videntur respondere per id quod est in questione. Cum enim subiectum Inhabitationis supra dependentiam formæ à materia (quam etiam formaliter dicit subiectum sustentationis,) nihil plus formaliter dicat, nisi respectum ad formam accidentalem: hoc ipsum inquiritur, quo differat ista forma, ad quam respectum dicit subiectum Inhabitationis, à forma ad quam respectum dicit subiectum sustentationis; siquidem utraq; forma dependet à subiecto. In eodem circulo versantur ij qui dicunt: Accidentis esse in alio cum quo non facit vnum per se, secus autem formam substantialem. Hoc enim ipsum queritur, cur hæc potius quam illa forma faciat vnum per se cum suo subiecto, siquidem utraq; inest subiecto per veram dependentiam ab ipso.

§ II. Quidam ergo secuti etymologiam vocis dicunt, Substantiam esse id quod *primò subsistat accidentibus*. Sed præterquam quod hæc definitio non comperat Deo, nullius accidentis capax; displicet ex eo, quod in illo ponatur expressè Accidentis, quod æquè ignoratur in hac questione, ac ipsa Substantia.

§ III. P. Hurtadus disp. 10. met. Sect. 4. docet, Substantiam esse id quod *constituit quidditativè rem simpliciter dictam*, seu quo durante duret res simpliciter dicta, & quo pereunte, quamvis cetera adsint, perit res simpliciter dicta.

Verum hoc ipsum non minùs obscurum est, quid sit res simpliciter dicta? Nec enim vniuersaliter verum est, quod dicit hic Auctor, rem simpliciter dictam esse illam, per quam absolute respondemus ad quæ-

stio.

tionem quid est hoc? Nam tales quæstiones possunt ex variis etiam de Accidentibus, & de entibus per accidens, potestque ad talem quæstionem responderi, est albedo, est vestis, est liber &c, quæ tamen sunt accidentia, aut entia per accidens. Deinde sicut ubi alio accidente v. g. albedine, non auferitur res simpliciter dicta v. g. Equus; ita ablatis in nutritione partibus substantialibus, non auferatur idem Equus.

§ IV. Affinis eidem explicationi est illa quorundam R. R. qui secuti P. Antonium Perez Tr. 2. d. 2. de scien: Dar c. 3 num. 3, dicunt Substantiam esse id, quod in prima connaturali conceptione concipitur in recto, secus autem Accidentia. Licet enim (inquiunt) possit etiam Accidentis v. g. ambulatio concipi in recto per cognitionem consequentem; supponitur tamen fuisse representata prius in recto Substantia ambulans. Si enim quæretur, Quid sit ambulatio? responderetur esse id per quod Substantia sit ambulans, adeoque supponitur antea nota esse substantiam ambulans, cum per ipsam responderetur quærendi quid sit ambulatio?

Contra tamen est: quia ut dictum est d. 4. q. 2. § XI. in concreto substantiali aliquando primò & connaturaliter concipitur in obliquo subsistentia aliquando natura, & tamen ista non sunt accidentia, & similiter filius in denominatione Patris, concipitur in obliquo, licet sit Substantia. Deinde vel datur fundamentum in re concepta, ut concipiat primò connaturaliter in recto? vel non? Si datur, hoc potius fundamentum assignandum est prædifferentia substantiæ. Si non datur? Ergo conceptus arbitrius, est regula discernendi Substantiam ab Accidente.

§ V. Alter adhuc definit Substantiam P. Arias disp. 4. mers sect. 1. dicens illam esse id quod constituit primam radicem eorum quæ sunt in compositis, unde cetera omnia aduentionia huic radici, dicit esse Accidentia. Sed contra: quia hac ratione Subsistentia esset Accidentis, utpote adueniens naturæ, quæ est primum principium moris & quietis, primaque radix omnium quæ insunt connaturaliter compositis, adeoque ipsius subsistentiæ. Deinde materiam ligni quatenus affecta intenso calore & siccitate alijsque dispositionibus ad formam ignis, non magis est radix primæ determinatè exigitiæ formæ ignis, quam ipsa forma ignis determinatè exigat sua accidentia; & tamen materia quatenus disposita ultimò ad formam ignis, est ens per accidens, nec forma ignis exigita est accidentis.

§ VI. Tandem ut alias omittam explicationes, Card. Sforza Palauie lib. 1. de Incar. c. 10. n. 155, distinctiue definit Substantiam, dicendo

esse id quod vel est fundamentum cui alia inniuntur, (ut est materia prima ;) vel est id quod dominatur in toto supposito, & cuius bono cetera seruiunt, (ut est forma substantialis.) Ut verò hæc definitio extendatur etiam ad illa, quæ vocantur purè substantialia, qualis est unio compositi substantialis, & substantia. addit ulterius, *vel est id per quod una substantia communicat suum esse alteri substantiæ: vel est id per quod substantia sistit in se.* Hæc tamen definitio (quidquid sit an benè definiat inferiora Substantiæ.) ex eo non probatur, quia datur per enumerationem omnium inferiorum rationis communis definiendæ; perinde ac si quis definiret animal ut sic, esse id, quod vel est rationale, vel rugibile, vel hinnibile &c.

Notra explicatio.

§ VII. Potius ergo tenenda est definitio Substantiæ & Accidentis, ad initium quæstionis proposita, quam etiam tenet P. Ouiedo. Probatur. quia cum omnis Substantia hic definienda, præter Totum Substantiale (quod sine dubio non ordinatur ad aliud intrinsicè perficiendum,) sit materia, forma, Unio compositi substantialis, & substantia; cumq; hæc omnia ordinentur essentialiter ad constituendum totum, quod sit ex ipsis, quodq; ab ipsis seorsum sumptis non distinguatur realiter adæquatè; patet omni necessario Substantiæ convenire, quod sit id quod habet suam perfectionem, non ordinatam essentialiter ad aliquid à se adæquatè distinctum, intrinsicè perficiendum.

Quæ etiam de causa Substantia dicitur Ens per se, hoc est propter se, (siue partialiter siue totaliter) intentum à natura. E contra vero omne Accidentis, cum sit Entis ens, est essentialiter in bonum alterius, cui famulatur, & ut ait D. Thomas 3. p. q. 11. a. 5. ad 3. non habet esse & bonitatem, (intellige propter se,) sed dicitur ens & bonum, secundum quod eius subiectum est ens & bonum; & quidem est in bonum alterius, cui inhaeret; ac proinde benè definitur esse id, quod totam suam perfectionem habet essentialiter ordinatam ad perficiendum intrinsicè aliquid à se adæquatè distinctum; & in hoc sensu dicitur esse ens in alio.

Confirmatur etiam hæc explicatio. Quia regula discernendi Substantias & Accidentis, quæ sunt extra nos, desumenda est ex notitia illa, utpote primæ & experimentalis, quam habemus de nostra Substantia & Accidentibus, quæ sunt in nobis. Quilibet autem cognoscendo seipsum reflexè & suis accidentibus v. g. visionem, calorem &c. certificatur quod non sit ipse ex natura rei ordinatus in bonum visionis, caloris &c: sed potius quod hæc ordinentur in bonum hominis cui intrinsicè inhaerent. Et hinc est quod visio, intellectus, ipse homo

Grav

Gratia sanctificans & lumen gloriæ suam bonitatem mensurant ex bono suæ substantiæ, quam quò magis perficiunt, eò magis dicuntur esse bona. E contra verò substantia non eatenus est bona vel melior quia bona vel meliora efficit aut recipit accidentia, sed quatenus hæc efficiendo aut recipiendo reddit se bonam vel meliorem.

§ VIII. Ex his constat imprimis quid sit subiectum Inhesionis & quid Sustentationis, cum illud per ordinem ad formam accidentalem, hoc ad substantialem explicetur. Constat rursus cur etiam Gratia Sanctificans, quamvis sit in nobis radix operationum nobilissimarum, non sit tamen substantia.

Constat item cur in vno composito Natura multiplicat perfectiones accidentales, quantum commodè potest; secus autem substantiales. Quia scilicet substantiam amat gratiæ sui, bonum autem est substantiæ, ut sua prædicata possideat per maximam, quantum fieri potest unionem, ut sic magis assimiletur Deo. Ergo hanc unionem vult Natura. At accidentium potius multitudinem intendit, quia hoc ipsum est bonum substantiæ, in cuius bonum vult accidentia: sicut Domino bonum est habere plures nummos, plures famulos, & artifices plura instrumenta, ut vno deficiente, alterum remaneat.

§ IX. Constat præterea cur vnum accidens supernaturale v. g. Visio beatifica possit connaturaliter exigi ab alio accidente v. g. à lumine gloriæ, non autem ab illa substantia creata. Quia scilicet dum vnum accidens supernaturale emanat connaturaliter ab alio accidente supernaturali, ac proinde inde debito vlli substantiæ creatæ, & ordinatò essentialiter ad perficiendam aliquam substantiam creatam; adhuc stat quod utriusq; talis accidentis supernaturalis prius radix (quæ non debet esse quid ordinatum essentialiter ad perficiendum aliud à se) non sit aliquid creatum, sed sit Liberalitas Dei; quod tamen non staret si ex substantia creata connaturaliter emanaret aliquod accidens supernaturale, ut patet. Deinde hoc prædicatum excellens esse emanatum alicuius supernaturalis, dum coniungitur cum Accidente valde obfuscatum per hoc aliud prædicatum Accidentis esse ordinatum essentialiter ad perficiendum intrinsecè aliud à se: è contra verò minus crederetur, si coniungeretur eum hoc prædicato substantiæ esse gratiæ sui. Quà de causa possunt multæ perfectiones identificari cum Accidente, non autem cum substantia, ut patet inducenti.

§ X. Hinc etiam implicat substantia supernaturalis, quæ non sit Modus, immo probabiliter quæ non sit unio hypostatica. Cum enim talis

Inferitur
quid sit
subiectum
Inhesionis.

Cur in composito
multiplicentur accidentia.

Cur ex substantia
creata nequit connaturaliter emanare accidens supernaturale?

Vnio assimilatur Accidenti in hoc, quod quicquid est in ipsa perfectionis, non in ipsam refundatur, sed in extrema quæ ipsa necit; immo cum ipsa, non tam sit perfectio quam communicatio intrinseca perfectionis existentis in extremis, sicut Actio non est virtus agendi sed extrinseca communicatio ipsius; ideo non ita crescit Vnionis substantialis perfectio per hoc quod sit supernaturalis, & connexa cum donis supernaturalibus, sicut cresceret per hoc perfectio Substantiarum distinctæ ab Vnione. Specialiter autem requiratur substantia creata supernaturalis, si hæc connaturaliter dimanet ex Natura substantiali; cum ex hac nihil supernaturale dimanare connaturaliter possit. Sed de his Theologi.

Ad 1. Forma substantialis ordinatur essentialiter ad perficiendam intrinsecè materiam, non in esse materie, sed in esse compositi, quod inadæquatè distinguitur à forma substantiali.

Ad 2. Cum ipsum Totum Accidentale v. g. Calidum, non sit propter se, sed intendatur à natura propter bonum subiecti præsuppositi secundum se, v. g. in bonum hominis: hinc est, quod etiam Accidentis v. g. calor ordinatus ad constituendum totum accidentale, eo ipso sit ex natura rei propter bonum eiusdem subiecti, puta hominis secundum se, adæquatè distinctus à calore. At Totum Substantiale v. g. Equus non intenditur à natura propter subiectum præsuppositum secundum se, nempe propter materiam primam, sed propter se: unde fit, quod etiam forma substantialis equi, ordinata ad constituendum Totum Substantiale, partialiter intendatur propter se, non autem propter aliquod adæquatè distinctum ab ipsa.

Ad 3. Patet ex definitione Vnius, Dei, Materie primæ, etiam entia positiua à nobis explicari negatiue. Immo conueniens est, ut sicut Ens à se explicatur per negationem dependens ab alio: ita Ens per se explicetur per negationem ordinationis ad aliud intrinsecè perficiendum; ut ita proportionaliter explicetur Ens à se, & Ens ab alio; sicut Ens per se, & Ens in alio.

Ad 4. Quidam existimant substantias inferiores homine, extrinsecè tantum ex libero Decreto Creatoris, ordinari in bonum hominis. Si verò ex natura rei ordinantur (quod est valde probabile,) certè non ordinantur ad perficiendum intrinsecè seipsis hominem, seu in genere causæ formalis, uti ordinatur Accidentis ad perficiendam substantiam, sed mediare & causaliter, quatenus inducunt accidentia, quæ seipsis perficiunt intrinsecè hominem; quod non obest conceptui substantiæ.

Ad 5. Sicut dictum est disp. 2. q. 4. nullus purus defectus datur in rerum natura. Quare etiam error, actus peccaminosus, & similia accidentia quæ simpliciter & absolute deteriorant hominem; adhuc secundum quid physicè illum intrinsecè perficiunt, quatenus reddunt illum vitaliter operantem; licet absolute non dicantur hominem perficere, quatenus illum privant maiori bono debito, puta rectitudine intelligendi aut volendi.

Q V Æ S T I O II.

*Utrum Differentia Entis Immaterialis à Materiali
consistat in separabilitate ex natura rei à subie-
cto quanto?*

Videtur quod non. 1. Quia actus quo Anima Christi D. affirmat se esse inseparabilem à corpore, seu subiecto quanto, est spiritualis; & tamen est essentialiter inseparabilis ab eodem corpore quod est subiectum quantum. Si enim posset separari à corpore quanto ille actus, posset etiam separari & Anima Christi, quæ est subiectum adæquatum talis actus; ac proinde actus ille posset esse falsus, quod repugnat actui supernaturali.

2. Intellectio & volitio animæ rationalis, quæ exercentur in corpore, sunt operationes immateriales; & tamen ex natura rei postulant coniungi subiecto quanto; postulant enim exerceri dependentes à phantasmatibus materialibus receptis in corpore quanto. Sunt ergo aliqui actus immateriales inseparabiles ex natura rei à subiecto quanto.

3. Possibilis est actioeductiva accidentis spiritualis ex subiecto materiali, v. g.eductio Gratiae ex lapide: sed talis actio esset dependens essentialiter, immo ipsa Dependens à subiecto quanto, & tamen esset spiritualis: sicut enim non potest produci effectus supernaturalis per actionem naturalem; ita nec spiritualis per actionem materialem: Ergo saltem potest dari ens spirituale inseparabile ex natura rei à subiecto quanto.

4. Non repugnat vniō saltem partialis, sustentata in sola anima rationali ideoq; spiritalis, sumulq; terminata ad corpus, seu subiectum quantum, ideoq; affixa essentialiter subiecto quanto, seu corpori, tanquam modus ipsius. Ergo ideat quod prius.

5. Si Deus crearet formam materialem v. g. animam equi; illa actio creatiua esset materialis, sicut & terminus ipsius, nempe anima equi; & tamen in nullo subiecto quanto postulare esset; cum de conceptu creationis sit esse productionem rei ex nihilo subiecti. Ergo neq; de ratione Entis materialis est esse ex natura rei inseparabile à subiecto quanto.

§. I. Responderetur. Quatuor meliores reperiuntur modi explicandi conceptum differentialem Entis immaterialis. Primus est per imperceptibilitatem ab vilo sensu, seu per insensibilitatem. 1^{us} cum P. Arriaga d. 1. Animast. Sect. 4. sub. 6. per penetrabilitatem. 3^{ius} cum Vasquez in 1. p. & Hurtad. d. 2. Animast. Sect. 3. per indiuisibilitatem. 4^{us} cum P. Anronio. Perex Tract. 2. de scientia Dei d. 1. c. 6. per separabilitatem ex natura rei à subiecto quanto.

§. II. Primus modus ex eo non placet, quia etiam substantiæ materiales secundum se sunt imperceptibiles vilo sensu, solumq; percipiuntur medianus accidentibus, quæ exigunt; quo pacto etiam sentitur anima rationalis spiritalis, mediante motu progressiuo, quem exigat. Item quedam accidentia materialia v. g. species intentionales sensus, solum sunt sensibiles actiue, quatenus ex natura rei causant sensationem; quo pacto etiam est sensibilis anima rationalis.

Contra secundum etiam modum explicandi facit, quia Impenetrabilitas, soli quantitati comparatæ cum alia quantitate conuenit, decetero tum materia cum forma; tum accidentia materialia in eodem subiecto defacto inuicem penetrantur.

Tertius modus rejicitur ex eo, quia punctum est materiale, & tamen indiuisibile in partes extensionis. In sententia item Thomistarum probabili Animæ perfectorum brutorum materiales sunt indiuisibiles extensiuæ. Tandem probabilis est multorum Theologorum sententia, Vbicauonem spiritualem Angelicam esse formaliter diuisibilem, & extensam, vtpote constitutuam formaliter Angeli existentis in loco diuisibili ac extenso.

§. III. Quartus ergo modus explicandi ens Immateriale & Materiale preferendus est reliquis. Et verò paret inductione, separabilitatem ex natura rei à subiecto quanto, imprimis esse prædicatum nobis nouum; & de-
inde

inde conuenire defecto necessario omnibus inferioribus Entis immaterialis, puta Deo, Angelis, Animæ rationali, quæ sunt substantiæ immateriales; item Gratiæ, Characteri, Virtutibus intellectualibus & moralibus, Speciebus intelligibilibus, Actibus intellectus & voluntatis, Ubicationi, Durationi rei spiritualis, quæ sunt accidentia immaterialia, concomitantia substantiam immaterialem, ac proinde vnâ cum illa à subiecto quanto ex natura rei separabilia. Pater rursus inductione oppositum prædicatum inseparabilitatis conuenire defecto omnibus materialibus, tam absolutis, quàm modalibus. Conueniat ergo allata explicatio omni & soli suo definito.

Nostra ex-
plication

Quod verò conueniat essentialiter, probatur: quia ab eo quod est primum in aliquo genere & ordine, essentialiter cetera denominantur talia, per connexionem ex natura rei cum illo. Sic Subsistentia & Vnio dicuntur substantialia propter connexionem cum natura substantiali, quæ est quid primum in genere entis substantialis. Item gratia, habitus, & actus aliqui dicuntur supernaturales propter connexionem, seu cum visione beatifica, seu cum vnione hypostatica, quæ est primum quid in ordine supernaturali; alij verò habitus & actus dicuntur naturales, propter connexionem cum substantia creata non modalis, quæ est primum quid in ordine naturali. Similiter potentia, spiritus &c. dicuntur vitales, propter connexionem cum vita. Et in ordine morali omnia dicuntur moralia propter connexionem cum actu voluntatis imputabili operanti, qui est primum quid in ordine morali. Cum ergo etiam in ordine entium materialium primum sit materia prima, tanquam fundamentum reliquorum, ex natura rei exigens quantitatem; consequens est vt essentialiter omnia & sola dicantur illa entia materialia, quæ connectuntur ex natura rei cum materia tanquam cum suo subiecto quanto (talisenim connexio potissimum indicat imperfectionem propriam entis materialis) siue constituendo materiam in ratione subiecti quanti, uti se habent materia & quantitas; siue postulando materiam inexistere pro semper vt subiecto quanto, sicut forma quælibet materialis, Vnio item, Actio &c. siue coalescendo ex materia quantitate affecta, vt compositum quodlibet materiale.

§ IV. Ex hac notione entis immaterialis Anton. Perez trac: 1. d. 3. de scien: Dat c. 1. & tr: 2. dis: 1. c. 6. latè deducit omne immateriale essentialiter esse intellectuum. Sed commodius distinguetur cum Qui ros trac: 4. de Scien: Dat disp: 34. Immateriale in Immatereale per excessum, quodd scilicet sit supramateriale, seu supra omnia entia materialia, & ip

Immateriale per defectum; sicut etiam Ens improportionatum viribus Angelis, aliud est per excessum tale, qualis est visio beatifica, aliud per defectum tale, qualis est calefactio. Quod enim possibile sit ens immateriale per defectum, ex eo liquet, quia cum Deus posita quacumque creaturam possit facere imperfectiorem; potest etiam facere ens imperfectius omni ente materiali, ipsaque materia, non connexum cum materia, quidquid contradicat citatus Perez, materiam primam vocans ibi Caudam mundi etiam de possibili.

Hoc posito, Immateriale secundi generis seu per defectum, non est intellectivum; est enim imperfectius omni ente materiali, quod tamen non assurgit ad perfectionem intellectui. Et quamvis tale ens excludat materiam & ordinem ad materiam: ex hoc tamen præcisè non videtur sequi per se quod debeat esse vivens, & multò minus intellectivum, quod utique supponit gradum viventis. Ceterum Immateriale per excessum ex suo conceptu est intellectivum. Nempe tale ens ex suo conceptu præcisè dicit aliquam perfectionem maiorem, quam sit illa quæ invenitur in ordine materialium entium, ratione cuius perfectionis elevatur, cæteris paribus, supra omnia entia materialia. At ista perfectio non est alia, nisi esse intellectivum vel formaliter in se, vel in sua radice: quia omnia alia prædicata, puta esse sensitivum, esse indivisibile, esse incorruptibile, inveniuntur in ordine entium materialium; ipsa verò exclusio materię, & connexionis cum materia præcisè, potest inveniri etiam infra omnia entia materialia, ut dictum est. Ergo ens immateriale per excessum, est essentialiter intellectivum, vel formaliter & in se, si est natura & substantia; vel saltem in radice, si est accidens, aut unio substantialis, aut substantia.

Hinc esse supramateriale repertum in substantia, non potest per vllum prædicatum rei materialis compensari, sicut & esse intellectivum, utpote ex suo conceptu liberum & dominativum, capaxque beatitudinis, compensari nequit, per qualecunque non intellectivum. Secus autem dicendum de Supra materialitate reperta in accidente, quæ consistit in solo ordine ad substantiam formaliter intellectivam: & sic Vbicatio Angeli compensatur per sensitivitatem bruti. Sed de hoc puncto satis: non libenter enim immoramur diuinationibus istis de rerum possibilitatibus, nobis non satis innocescentibus; quo genere disputationis, plurimum delectantur plerique RR. latè excurrere soliti per spatium immensum possibilitatis, non sine periculo capiendi sæpe speciosam aliquam, & illustrem chimeram, dum veritatem investigant illo principio solenni: *Non*

An omne
Immateri-
ale sit in-
tellecti-
vum,

apparet implicantiæ: quali verò nostra non apparentia sit certa regula discernendi rem possibilem ab impossibili.

Ad 1. Actus ille animæ Christi Domini, est inseparabilis à subiecto quanto, non ut à suo subiecto, sed tanquam ab obiecto, & termino extrinseco, idq; ob solam connexionem intentionalem cum ipso. Hoc autem minimè obest spiritualitati actus intellectus, quia cum sit actus potentie universalissimæ, potentis verè percipere quodlibet ens etiam materiale ut sibi præsens, potest intentionaliter coniungi inseparabiliter cum præsentis obiecti materialis: sicut idem actus potest coniungi intentionaliter cum obiecto substantiali, vel negativo, cum ipse sit accedens, & ens positivum.

Ad 2. Sicut anima rationalis unà cum speciebus intelligibilibus impressis & habitibus potest separari à corpore; ita pariter & actus intelligendi, & volendi, qui recipiuntur adæquatè in anima rationali, & immediate efficiuntur ab eadem cum concursu specierum & habituum. Dependunt enim actus intellectus solùm in fieri à phantasmatibus materialibus, idq; mediatè, quatenus dependenter à phantasmatis acquiruntur species intelligibiles, intellectionem efficientes, quæ tamen conservari possunt sine phantasmatis.

Ad 3. Sieductio gratiæ sanctificantis ex lapide non est chimerica; & admittendum erit in tali casu Gratiam produci per actionem materiale; & adhibenda erit instantia actionis accidentalis, per quam producitur effectus substantialis. Secus autem discurrendum de actione naturali, per quam non potest produci effectus supernaturalis. Ratio est: quia quando est actio naturalis, seu non supra vires activas agentis naturalis, etiam effectus, quem trahit essentialiter talis actio non est supra vires agentis naturalis, sed debitus virtuti actui ipsius, adeoque est naturalis: cui enim debetur antecedens, debetur & consequens essentialiter connexus cum antecedente. Nihil autem simile videtur sequi, si per actionem materiale producat effectus spiritualis; dummodo hoc aliunde non repugnet, à quo interim præcindimus.

4. Unio sustentata adæquatè in sola anima rationali, & terminata ad corpus, negatur possibilis à Comprono, Arriaga, Ouiedo, tanquam includens in se spiritualitatem & negationem spiritualitatis. Si vero cum Hurtad. admittatur possibilis, dicendum esset talem unionem esse spirituales, solùmque esse inseparabilem à corpore, ut à termino, non autem ut à subiecto suo; atq; hoc non officere spiritualitati, sicut non officit spiritualitati actus,

con-

Paginā.	Verſu.	Errata.	Corrigenda.
5.	8.	1. p. p. 5. a. 1.	a. 2.
10.	11.	poſt humo	poſthumo
24.	6.	præſertim d. 1.	præſertim Tr: 2. d. 1.
1bid.	7.	& diſp. 2. de volun.	& Tr: 3. d. 1.
30.	12.	pro & materiali	& pro materiali
1bid.	1.	obiectum cognitionis quæ.	obiectum cognitionis quod
31.	25.	intrinſecè cognitum.	extrinſecè cognitum
1bid.	27.	qui 16. ar. 7.	Adde, ar. 7. ad 3.
32.	7.	Diſp: 3. c. 8.	c. 4.
1bid.	26.	quod res poſſit prætiſe	quod res poſſit eſſe
41.	14.	viſus	viſus
67.	7.	non è conuerſio	non è conuerſo
70.	12.	net non	ne non
92.	25.	ſeperantur	ſeparantur
135.	15.	quæ tam verum	quia tam verum
138.	29.	1. con. Gen. c. 27.	c. 37.
139.	6.	1. p. q. 6. a. 4.	1. p. q. 5. a. 4.
148.	16.	ad operandum	ad operandum
161.	4.	de eodem dici	de eodem dici
168.	24.	ac proinde cau.	ac proinde dum
1bid.	25.	ſimul dum	ſimul cau.





